

SA 148

ME 52

C. 25

C. 3

Enl - 148

---

No - 52











i19752751

# EX AELIANI

HISTORIA PER PETRUM  
GYLLIVM LATINI FACTI,

itemq; ex Porphyrio, Heliodoro, Oppiano, tum eos-  
dem Gyllio luculentis accessionibus aucti  
libri X V I. De vi & natura  
animalium.

Eiusdem Gyllij Liber unus, De Gallicis & Lati-  
nis nominibus piscium.

VIRTUTE DVCE,



COMITE FORTVNA.



LVGDVNI APVD SEB.  
GRYPHIVM,

M. D. XXXIII.

Cum Privilegio, quod in calce libri reperies.

*Del collegio de s. Hieronimo*



# GALLIARVM

REGI FRANCISCO, NON

MODO NOMINE PRIMO FRAN-

corum regum, sed humanitate, cæterisque re-

gijs uirtutibus longè omnium gens

tium memoriæ nostræ prin-

cipi, Petrus Gyllius

S,



**V**M ex sermone omnium præclarè intelligerem, magnanime Rex, te & præstanti animi ingenio, & singulari omnium magnarū rerum scientia tantopere excellere, ut non mediocres modò, sed & uaria, & multiplici ingeniarum artium doctrina instructi, tuum iudicium grauissimum subire uereantur: primo quidem me subpudebat bestiolarum exilitate tam eruditum principem audere appellare. Pòst autem cum omnem fere animalium historiam penitus perspicerem, uel à regibus studiose animaduersam, uel ab ijs qui hanc ipsam conscripsissent, ijsdem religiose dicatam, & consecratam esse: (Nam ut omittam alios nobilissimos reges, non optimos solum, & diligentissimos pecuarios habitos, uerum etiam curiosos in exquirendis animalium naturis fuisse: Iuba, Hieron, Attalus, Philometer, Archelaus reges de ui natura& animalium

A z diligen

diligenter perſcripſerūt) Tum fanè totam beſtiarum tractationē regiæ religioni habendam arbitrabar. Ac nimirum metuebam me profanam facturum eſſe, niſi hanc hiftoriæ confectionem quantumlibet noſtro peradoleſcenti ſtilo inconditâ, tuo quaſi numini conſecrarem: Verum quidem cum tanquam de integro iterum & ſæpius te non ex imperij amplitudine, id quod pleriq; faciunt, ſed ex animi tui uiribus expendere; & diligentius conſiderarem acrem, & præſentem, & acutam, & limatam uel uerborum maiestate, uel ſententiarum, ingenij tui perſpicaciam, qua poteſ omnium otioſorū, qui ſinguli omnem ætatem ſeparatim in aliquam artem conſumpſerunt, ſcientiam facile uincere. Tum certe (etſi enim planè tuum nomen mihi ſemper ſanctum fuit) non in hanc tantam, quam modò dixi, regiã religionem ueniſſem, huiuſce noſtræ indiſtriæ ut tenuitatem ſub acumen ingenij tui limatiſſimum ſubijcere auſus eſſem, niſi partim Georgius Armeignacus, quem Rutenorum ſacris præfecit ſui, dum omnem mentem in cogitatione obſeruantie, qua ſumma te colit, uehemētius deſigit, quàm ullam meæ mediocritatis memoriã recordari potuerit, ad hoc facinus tacito quodã rogatu, quæ eſt hominis ſingularis modeſtia, me impulſiſſet: Cum tamen uel iure, uel autoritate potuiſſet: ſiue quòd ad eius liberalitatem ſtudia noſtra adniterentur, ſiue quia eiufdem horratu in aſperitatibus ſaxetorum Rutenenſium, nèue animi languore, nèue laboris inertia omnino lapidei effice



efficeremur, hoc quantū est cunq; operis conati esse-  
mus. Partim etiam nisi alio nullo neq; labore, neque  
periculo illius præclari facti fidem tibi facere possem,  
cuius te admonere iam pridem cupio, quàm si quod  
tibi, si minus eruditū specimen ederem, attamen non  
abhorrens ab eo conatu, quem (quoniam hic est ani-  
mi atq; ingenij tui, quoniam etiam in isto honor tuus  
amplissimus agitur) abs te solo exhaustū existimo.  
Te profecto è regia dignitate non præstātius quicquā  
efficere posse, quàm si quibusdam neq; indoctis, neq;  
segnibus id dederis negotij, cū ut totius naturalis his-  
torix nouam periclitationē, tum uel maxime bestias  
rum Gallix aquatiliū, terrenarum, uolatiliū, nos-  
mina, mores, & figuras scriptis persequātur: neq; am-  
plius tam ualde peregrina animalia ex nouo orbe des-  
portata admiremur, ut nostrorū uim contemnamus.  
Enimvero quot egregij pisces in littoribus tuis errāt,  
non in uulgo solum ignoti, sed ne scriptorū quidem  
ulla notatione animaduersi: Quot item aues, quorū  
nomina in summa omnium ignoratione uersantur,  
in conspectu nostro lapsus exercent: Quot etiam ter-  
restres bestix, quarum spissē atq; uix domesticarum  
nomina tenemus: Neq; idcirco ab ista laudis gloria  
retardari debes, maxime Rex, quòd Aristoteles, &  
Plinius, & post eos alij pleriq; Græci homines, quos-  
rum omnia ferè quæ extant, non à nobis modò con-  
uersa, uerum nostro etiam & iudicio, & ordine distin-  
cta, iam nunc tibi repræsentamus, forsità tibi optime

prædicabuntur omnem animalium naturam scriptis comprehendisse, à quibus sic longe uehementissime dissentio, ut ab eis præclare inchoatam multam animalium uim, non planè perfectam, audeam dicere. Cur enim tot, tantisq; religiosissimis autoribus de uis & natura animalium extinctis, non amplum locum hominibus minime inertibus ad nouam commendationem relictum esse arbitremur? Cum sexcentis apium scriptoribus nondum perditis, Aristarchum Solensem constet duodequadraginta annos nihil aliud egisse, quàm earum mores tum obseruasse, tum scriptis mandasse. Equidem si uel ingenium, uel fortuna uoluntati par esset, non in unius solum apis explicanda uis ætatem contererem, neque solius Galliarum regionibus, sed solis quoque terrarum ultimis animalium studium circumscriberem. Ac si inter religionis hostes tutò uersari liceret, iam omnes Græcas gentes peragraissem, ut coràm, tanquam in rem præsentem ueniens, pisces recognoscerem: quorum nomina ab ipsidem Græcis, siue piscatoriam, siue nauiculariam, siue pyratiam facientibus Venetijs, Ianuæ, & Massiliæ curiosè percunctatus essem. Atque immanem Africam, si fidum commercium ullum cum tam perfida Barbaria esse posset, pedibus & mari obissem. At enim ut hæc magna & difficilia priuatus quispiam me longe præstantior audeat conari, certe conata postest efficere solus Rex excellens, cuiusmodi es, cuiusmodi Alexander fuit: qui cum animalium studeret

naturas

naturas cognoscere, aliquot uenatorum, aucupum, piscatorum milia, itemque omnium qui uiuaria, armenta, aluearia, piscinas, auaria haberent, in omnibus Asiae Graeciaeque regionibus Aristoteli ad hanc de animalibus commentationem obedire iussit. Tu magnanime Rex, cum largitate, beneficentia, animi magnitudine, doctrinarum studio nulli priscorum regum inferior: dignitate uero, & robore animi contra fortunae tela etiam superior, ad omnia summa natus sis: Quemadmodum Gallos non tantummodo Barbaria, quod leuius fuisset, infuscatos: sed longo sane intervallo inscitiae tenebris, ut omnino deplorati uiderentur, excæcatos ad mansuetiores literas restituisisti: Sic etiam debes seras bestias ad mansuetudinem, & quasi ad humanitatem quandam, hoc est, ad hominum cognitionem traducere. Cum non solo nomine, quod tibi, posteritatique tuae felix & sempiternum sit, sed re & ueritate primus sis e regibus Galliae, qui omnium artium humanarum liberales disciplinas dignas principibus, dignas regibus, toto pectore amplexus sis: uel quod ipsas amares, uel ut alios ad easdem incitares, easque omnibus nobilibus ab ingenuitate sua detestantibus abiectas obscuras e tenebris in lucem extulisti, & in honorem quendam adduxisti. Quas caeteri reges in tam ualde infimam humilitatem depresserant, ut nunquam humo se excitassent, nisi ualentem dexteram tuam porrexisses. Primus ex inscitia grauiter laborantem nobilitatem, & peruersè

abudentem otio, in recta atque honesta literarum studia non edictis, sed tuo exemplo reuocasti. Primus, & solus es ille uerus Hercules Gallicus, ad eloquentiae effigiem à Gallis olim fictus, & praesignificatus, qui cum solo nutu possis, sermonis tamen humanitate, & dicendi uim uariis homines ducere, & plenissime omnibus respondere, contra morem Barbarorum regum, qui solo imperioso silentio intelligi uolunt: quo nihil à regia dignitate alienius uidetur. Quid magis regium, quam sermonis uis? sine qua reges nunquam latis instructi haberi debent. Enim uero ut longa seruiendi consuetudine suos regere queant, sine hac certe ad externos frigent, & ridiculi uidentur. Haec enim quos nullum neque ferrum, neque aurum liberare potest, expedite exsoluit: ut si fortuna (quae in bellis maxima gerit imperia, & suo iure uictorias sibi attribuit: & quaecumque in pugnis accidunt prospera, ea omnia ducit sua) euenisset, ut uel Alexander, uel Pompeius, uel Caesar, uel alij plerique reges, quibus maior fuit laudis gloria, quam possessiones suae, te hac bene dicendi prudentia, caeterisque regijs uirtutibus non minus, quam regnandi amplitudine praestantem cepissent, non tantum extulissent iacentem, sed pristinam etiam dignitatem auxissent. Tumque ex horum illustrium uirorum uel iudicio, uel reuerentia, aduersus istam tuam uim, non indotatam, neque inimitatam caeteris omnibus magnis uirtutibus, frustum esses amplissimum consecutus tui summi & per  
riculi

riculi & humanitatis: simul & periclitatus effes dicen-  
di peritiam, omnium rerum reginam, non regibus so-  
lum potentissimis imperare, sed etiam acerbas uictor-  
ias uincere posse. Ac tum quidem honesti uis, cuius  
hæc ætas sensum nullum percipit, radiato sole cla-  
rius ad aspectum omnium uel cæcorum non minus  
fulsisset, quàm in tantis inscitiae tenebris Galliae ad o-  
mnem perpetuitatē lætissimus illuces, orbarū quasi  
tutor literarū, quarum te perstudiosum esse, quantas  
Galliae commoditates afferat, nihil est necesse decla-  
rare: cū omnes ex ista imperij tui mansuetudine quo-  
tidie iucundissime sentiamus, tum maxime insidiato-  
res tui insigni ad moderationis tuæ gloriam periclita-  
tione sua perceperunt. Horum enim insidijs sæpe at-  
tentatus, contrā quàm natura fieri soleat, te istis pecni-  
ciem uitæ tuæ moliētibus manifestò, & manu depre-  
hensis, æquiores quàm tibi metipsi præbuisisti. Ad  
quam tantam sensus moderationē, etsi præstanti sin-  
gulariꝫ naturæ bonitate excellis, cœquibus gradibus  
descendere potuisses: nisi optimis à pueritia discipli-  
nis uiam ad humanitatem muniuisses? Ecquo modo,  
etiam si magnitudine excelsi animi sis incredibili, con-  
tra fortunæ acerbitatē tantopere obduruisses, ut nō  
modo animum tuum periculi magnitudo non frege-  
rit, sed & confirmauerit, & renouauerit, nisi literarum  
moderatione fatale malum cōsolatus esses, nisi sapien-  
tum præceptione, exemplorum uetustate pectus non  
minus quàm ualentissimam manum ad excipiendam

B        tempe

tempestatē armasses? Non igitur neq; fortunæ neq; hominum fidei, quæ nulla fuit, sed proprio tuo animi robori ad omnium magnarū rerum cognitionē informato acceptum referre debemus, quòd te incolu mem habeamus, quòd non rursus exuta humanitate de spe literarū conatūq; depulsi, in pristinam barbariem reuoluti simus. Neq; enim, nisi te saluo, spes ulla ostendebatur sapientiæ, nedum sanitatis: neq; quorundam quasi feritatem ad literarum mansuetudinē traduci posse, neq; unquam afflatus ullus, nisi planè uel diuinus, uel tuus nobilitatem non iam labentem, & inclinantem, sed perpetua seculorum infinitate in summam omnium literarum ignorationē demersam erexisset. Quæ antequā rex esses, non aliud quicquam scientius imitari sciebat, quàm regum uel uestitum, uel literarum inscientiã, præ qua omnem rectam artium doctrinam ab insignibus suis aspernabatur: fractos & minutos mores curiosè sectabatur, antiquos præclarè contemnebat. Sed fuit tum quod huic forsitan ignosci posset, cum non quicquam esset tam ualde nobile, tam planè regiū, quàm nihil sapere. Nunc autem (ut natura comparatum est, quicumq; mores in principibus elucent, eosdem in populo eminere) tuo exemplo adducti elaborant, non solum bene ut equis, & armis, sed optime ut literis utantur, & tuam uiuendi formam imitantes, eruditis colloctionibus musarum, fastidia condiant, aulaq; molestias temperent: Cuius languorem olim sexcēta ludorum genera misnuere

nuere non poterant, nunc leues libelli leuant, & faepe tollunt. Atq; etiam magistratus tam sacri, quàm profani, commentitijs cōmentarijs reiectis, ex oscitatione & dormitatione nugatoriorū uoluminū experrecti, tanquā ex glandibus ad bonam frugem se recipiunt, ut nusquam unquam frequentius gymnasiū & literarum studiosis, & eruditis, quàm aulam tuam uiderim. Quod quidē tuum præclarū facinus non omnibus modo triumphis longe antepono, sed etiam cum heroum donis (ex quibus tamen à sapientissimis Græciæ, & Romanis Dij constituti sunt) exæquo, atque adeo antefero. Quòd sanè eorum dona suis tantum largitoribus ascensum in ecclum compararunt: Tua autem non modò ad memoriæ æternitatē, & tuum nomen cōsecrabit, & uirtutē tuam Christiana diuinitate afficient, uerum etiam quotquot istis tuis donis utentur, diuini efficiuntur. Illorum item fragilia & caduca munera animos hominū effecerunt, atq; in omnia scelera impulerunt, calamitates mortalibus auxerunt, clades magnas attulerūt: Tua contrā immortalia beneficia à uitijs animos uinditant, & corroborant, eorumq; corruptelā sanant, scititatē depellunt, libidinem arcent, humanam fragilitatē ab errore sustinent. Non ergo ad dei numen propius accedere, non diuinius de nomine ac dignitate Galliæ mereri possis, quàm literarum tuitione. Hac enim iudiciorū ruinæ instaurabuntur: perculsi, atq; prostrati omnium statuū mores erigentur, Nobiles exempla suorum studiorū

ex similitudine tuorum capientes, in suam plebem eo magis mitigabuntur (quòd nulla gens sit tam immanis atq; barbara, quin literarū māluetudine mansuescat) atq; ad laudis gloriam ardentius inflammabuntur: fidelius pro te labores excipient: ac si sit necesse, uitam ponent. Ac ut omittā alias infinitas utilitates, quas ex ista tua in literas benignitate percipiemus, per te definemus barbari & esse & haberi: ut si Cicero ab inferis excitatus, ad naturalem Gallorum facilitatem, simplicem, & sincerā perspiceret literarū humanitatem accessisse, non amplius tam asperè hos immanes appellaret: neq; id quod aliquando fecit, infimū ciuem Romanū amplissimo cuiq; Gallie anteferret. Sed nimirum te ob perfectam benè dicendi commendationem, & summā in liberali motu dignitatem, non tantum Pompeio, quem immortaliter laudauit, uerū Cæsari, quem omnis memorie clarissimū lumen dixit, & egregia indole uirtutis ac continētie Octauio, quem partum aureum nominauit, rectissime compararet: simul & exclamaret, O tempora, ò mores hominum, qui te perfidia omnium scelestorum usi decipere conati sunt, tuos Catilinas æternis notis inurere: te uerissimis ac iustissimis laudibus in cœlum efferret: daret tibi fasces: appellaret te imperatorem: decerneret in suo regno (hoc est, in foro) statuam: & siquid aliud esset, quod dari posset, adderet. Ac tandem peroraret, Gallos omnes noctes diesq; de salute tua & debere cogitare, & casus humanos, & incertos euentus

tus ua



tus ualitudinis, & naturæ communis fragilitatem ex-  
timefcere. Idemq; gra uiter doleret salutem Galliae, in  
tua unius mortalis anima positam eſſe. Sed quid mor-  
tui hominis lamentabili oratione utor , cum ſimiles  
non ſolius Galliae, ſed omnium cruditorum, qui ubi-  
que ſunt, uoces exaudierim. At quis non exaudiuit  
luctum omnium , ſiue tuorum , ſiue alienorum , qui  
cum muſis ullum habent commercium ? cum ſiue ho-  
minum iniquitate , ſiue ſato quodam acerbioſem ca-  
ſum ſubiſſes, quam ſumma iſta tua uirtus merebatur.  
Quis tum, cui ſit aliquis ſenſus literarum fuit, quin pe-  
riculum commune omnium ſtudiorum agi arbitra-  
retur ? Quis ex his non pro tua ſalute uota fecit? non  
poſt tuam reuerſionem Muſis litauit ? non tacitus  
optauit omnia tibi proſperius euentura eſſe ? non  
omnium dirarum obnuntiationem imprecatuſ fuit  
eis, qui tibi iſtam offenſionem ſtruxiſſent ? Quis por-  
rò tam agreſtis ac durus, tamq; uirtuti infeſtus , qui-  
buſcunq; ille fuerit in terris, modò tuam uirtutem co-  
gnitam habeat , non iſtam longe pluris æſtimauit,  
quam eorum omnium qui tibi eadem afferre conati  
eſſent ? Quis autem tum non iudicauit te honeſtius  
decubiſſe, & maiori cum dignitate cecidiſſe , quàm  
hoſtes uſos ſiue ſimulatione religionis, ſiue proditio-  
ne amicitiarum, ſiue omnium perfida machinatione  
ſeu ſtantes, ſeu potius iacentes , uirtutis inſignia ſine  
uirtute reportariſſe ? Sed inuitus in iſto ſato meus lites-  
rarum ſermo uerſatur, ut & ſingularem de te bonoſ

rum existimationem, & amicissimum eruditorum in te studium cognoscas, ut tecum reputes quas hominum admirationes excitabis, quæ nominis tui testimonia æterna à summis ingenijs cōsequêris, si quem te non modo armatum, uerum etiam in afflictâ fortuna, senserunt musas adiuuissè, iam eundem te potentissimis & maximis nationibus florentem, uideânt non desistere eas benigne & studiosè colere, sed dignitatem ipsarum indices amplificare. Quæ tum tui nominis celebratio? quæ laudis posteritas? cum non in sola Parisiorum gymnasia, quod tamen ipsum & maximum est, & cum omni æternitate adæquandū, sed in omneis principes urbes, in omneis magistratus, in omnem nobilitatem, in ipsam deniq; plebem intelligent te literarum humanitatem sparsissè, ac disseminassè, istaq; tanta literarum usurpatione omnia excissè, quæ infinitis seculis non iacebant, quod alicuius spei, sed funditus extinguebantur, quod desperationis erat, superiorum inscitia regum, quos, quanuis maximi animi ac uirtutis uiros, uix sciremus natos esse, non modò regnassè, nisi forte exesa tabellionum scripta, uel rudes corporum statuæ nos admonuissent. Tui uero animi effigiem nulla obscurabit posteritas, sed quò magis inueterascet, eo politius antiquo excellentium scriptorum artificio exprimetur, ac illustrabitur. Quare summe Rex (ut pro omnibus, quorum industria in scientia & cognitione consistit, loquar) & per omnium bonorum de te præclarum iudicium,

diciū, & per poſteritatem, quam immortalē ex literarum defenſione habiturus eſ, oro, obteſtorq; te, neu defatigeris in tuendis literarū ſtudijs: neu omitas perficere ſepe abs te deliberata, uerum bellis interpellata: ſed efficias, ut quemadmodum cætera quæ conſtituis, exequi ſoles, ſic diſciplinarum negotium abs te iam prope affectum, uere & regie conſicias. At enim me tibi longe pluribus communem ſtudioſorum cauſam commendare cupientem, obtreſtatores interpellant, quos iam ſero admodum cogito, huius meæ hiſtoriæ non fidem modo apud te eleuare (quod faciat quiſpiam me facile pati poſſe, honeſte uero quo modo): Verum etiam funditus tollere quod acerbiffime ferrem, conaturos eſſe. Quorum hominum iniquitatem ualde timerem, ſi eodem quo pleriq; res ges ingenio affectus eſſes, qui cum de hiſtoria quiſpiam agitur, ad alios (quod ipſum miſerabile uidetur) magna ſecuritate reijciunt: Ac ſi quid admittunt, id ipſum quaſi ſortitione facta, non iudicio probant. At enim cum ſis hiſtoriæ peritiſſimus, & prudens ingeniorum exiſtimator, facile patior apud ipſum te exoriri huiuſmodi obtreſtatores, præſertim cum ex Atheno planè ſciam non deſuiſſe qui dixerint: A quo nam Proteo & Nereo, qui ex profundo emerſiſſent, Ariſtoteles didicerit quid piſces agant: Eiuſmodi enim ſcribit, ut imperitis miracula uideri queāt. Veruntamen iſto tuo iudicio præditus Alexander, nō has obtreſtationes tantum improbauit, ſed inuſis

tata liberalitate illius historiam profecutus fuit. Neq̄  
 item tale quicquam ausi sunt reprehendere Eubolis  
 des, & Cephisodorus, quanquam contra Stagyritem  
 uolumina conscripserunt. Neque uel nobilissimi phi  
 losophi ab Aristotelis instituto dissentientes, huius hi  
 storiam solertia animalium non solum spoliarunt, sed  
 ipsi quoque separatim certos libros de propria quas  
 dam bestiarum ratione, & quasi sermone, diligens  
 ter perscripserunt. Bene Vale.

DE BESTIARVM PRAESTANTIA,  
 caput generale, instar praefationis huic  
 operi praepositum.



**R**HILON Iudæus non rationis modò  
 bestias, uerum cuiusdam etiam siue ser  
 monis, siue locutionis Porphyrius tra  
 dit participes esse: quam si minus in  
 telligimus, non mirum uideri debet,  
 neq̄ enim Indorum Græci, neque uel Britannorum,  
 uel Germanorum Galli assequuntur: sed nimirum  
 ut horum sonus nobis, sic his noster gruum clangori  
 similis esse uideatur: etsi eis suus literatus, & nobis  
 quoq̄ noster uideatur. Simul & quemadmodum be  
 stiarum sonum auribus, non intelligentia capimus,  
 sic Britanni colloquentes anserum clangorem funde  
 re, atque strepitu tantum aut longiori aut breuiori no  
 bis uti uidentur: ipsis uero sua collocutio intelligitur.  
 Sed & bestiae similiter suam intelligunt: contra nos  
 earum

earum tantummodo significationis expertem audis-  
tione, non intelligentia comprehendimus. Quoniam  
quidem ad ipsarum uoces peritus nemo quid signifi-  
cent, nos docuerit; tamen huiusmodi rerum fidem  
antiquis habemus. Earum intelligentes dicuntur fuisse  
cum alij plerique, tum Melampus Tiresias, Apollonius:  
ac nonnullę quidem nationes quorundam animalium  
uoces percipiunt. Etenim uarius & multiplex earum  
sonus diuersam significationem ostendit. Alium sanę  
sonum edunt cum sunt in metu, alium cum ad cibum  
inuitant, aliam mittunt uocem, cum ad pugnam pro-  
uocant. Canini enim latratus uarietate uenator intel-  
ligit; nimirum hunc modum leporem uestigare, modum in-  
uenire, modum ab eo aberrare. Et bubulcus ex bouum  
mugitu noscit, uel cum is esurit, & sitit, uel cum uitu-  
lum querit. Et rugiens leo, minas significat: & lupo  
ululans, perniciem illaturum se declarat; neque balantes  
oues quibus egeant pastorem latent. Nę multis, tanta  
in ijs uarietas est; ut uel hominibus ipsis qui totam æta-  
tem in hanc rem consumpserunt, difficile sit earum infi-  
nitatem obseruare. Cum enim Augures in coruis &  
cornicibus aliquot uocum differentias notassent, reli-  
quas humano ingenio incomprehensibiles omiserunt.  
Iam porro psittaci, corui, picę humanum sermonem  
imitantur, & memorię eorum quę audierunt retin-  
ent, & docentibus ad discendum studiose obediunt,  
sępeque numero permulta domesticorum peccata indis-  
cant. Hyena autem, quam Indi Crocutam nominant,

C nullo

nullo docente expressa hominis uoce utitur, ut quem captu facilē obseruauerit, scientissimè appellare sciat. At enim dices nō omnes bestię nostratiā imitari sciūt. Quid tum? neq; omnes homines non ad animalium solum uoces, sed ne ad latinum quidem sermonē doctiles existunt. Neq; uero minus alienū uidetur solam hominis uocem, quòd à nobis intelligatur, sermonē appellare: quàm si corui solam suam dignitatē habere, nos autem, quòd humanā linguam non assequantur, sermonis expertes existiment: quàm si Attici solā Atticam sermonem dicant, alios huius imperitos sermone carere arbitrētur. Neq; tamen bestię ignorant hominū sermonem irascentiū, aut iucunde excipientium, aut uocantium, aut insectantiū. Quid dicam de ratione ipsarū? etenim cantibus moderatiores sunt, & ex feris mansuetæ redduntur. Quid canes ratiocinantes? quid luscinijs pullos suos cantare docentes? quid quantum memoria ualeant, quanto eorum quę procreauerint studio teneantur? Quid quòd neque malè neq; benè factorum memoriam obliuiscuntur? Pietatem aduersus parentes obseruant, disciplinā tenent, necessaria inquirere nouerunt, communitatem seruant, societatemq; coeunt, temperantia utuntur, animi magnitudine uigent, utilia appetunt, à perniciosis refugunt. Non hīc commemorabo sensibus quanto nobis præsent, quanto exploratius salubritatem, & pestilentia, reliquumq; coeli statum præsentiant. Nam succorum discrimina sic exacte tenent, ut  
melius

melius quàm medici à perniciosis salutaria internoſcunt. Earum nullæ necq; ualētes, necq; imbecillæ ſuas uires ignorant: imo præclarè quo membro præſent, cognoscunt. Pardales dentibus, unguibus leo, unguibus & etiam dentibus equus, cornubus bos, unguibus Gallinaceus, aculeo ſcorpium utitur. Tum Aegyptiæ aſpides, Ptyades nuncupatæ, ſuorum infectatorum oculos ſputo excęcant. Deniq; ad ſui tuitionē ſingulæ quippiã poſident, quo utantur, locosq; pro temporum uiciſſitudine ad ſuam commoditatē mutant: & ſimiliter atq; homines inuidia atq; malitia, tamen leuiore quàm homines, laborant. Necq; item ut homines ueneris libidine intemperanter abutuntur, ſed etiam plurimæ earum ut ſceminam grauiditate affecerunt, hanc non attingunt. Præterea quidem mares parturientium ſceminarum dolorem cognoscunt, eiſdemq; commouentur, ut gallinacci: atq; etiam nonnullæ incubādo ſceminas adiuuant, ad excludendos ex ouis pullos, ut columbi: uiciniſq; ad pariendum, locū ubi pariāt, prouident. In quibus ſimulacra cum omnium uirtutū reperiamus, nōne naturam ipſam ſentimus nobis clariffima uoce indicare, non incredibilia uideri debere ea, quæ de ui & natura animalium decem & ſeptem libris complexi ſumus? Nam ſi omnia etiam atq; etiam diligenter obſerues, ſingula uideas ordinē tenere, & ſui officiij rationem colere: & ut omittam alia infinita, ſuis alioribus cum blandicijs obuiam proficiſcuntur, dominum agnoſcunt, atque

adeo longo temporum interuallo recognoscunt: sæpe  
eidem positas insidias indicant: suis gregalibus  
periclitantibus auxiliantur, gloriæ cupiditate mouen-  
tur. Taceo iustitiam, cuius obseruantes sunt: præter-  
mitto eas quæ posteaquã cum pari suo tanquã cum  
uxore quadam coniunctę sunt, non aliam attingunt,  
neque ad fidem tuendam egent sponsalium tabulis.  
Neque temerè, & sua sponte in homines efferrantur:  
nam si rjs ipsis ad usum cibus copiose suppeditare-  
tur, non inter se modo, sed ne hominibus quidem in-  
festę essent. Quod ipsum & propter cibi inopiam, &  
propter angustas sedes suarum commorationũ sæpe  
facere coguntur. Quòd si in tantas uel cibariorũ uel  
locorum angustias homines compellerentur, feris ipsis  
longe immaniores essent: id quod in difficilissimis belli  
& famis temporibus facile perspicitur, cū enim sanè  
inter se exedunt, & conficiunt, ac nimirum sine bello  
& fame domesticas & familiares animantes edunt &  
consumunt. Contrà uero bestię nec suo generi, nec  
alieno, quò cum domestico usu coniunguntur, quic-  
quam nocent: simul &, tametsi ex inuidiæ odio & ri-  
ualitate laborent, non tamen eis malicia usq; eò pro-  
cedit, sibi ut benigne & liberaliter facientibus insidias  
moliatur: imò uero firmissima eos beneuolentia pro-  
sequuntur, ut quacq; uersus beneficos in se sequatur,  
neq; quo minus id obeant, ullis periculis deterrētur.  
Homines autem nullis officijs tam fideles conciliari  
possunt, pro suo nutricio ut mori uelint. Jam uero ea  
bestia



bestiarum solertia nomine propius accedit ad hominis ingenium, quod humanas artes imitatione confesquantur: nam discunt & saltare, & aurigæ officio uti, & in fune ambulare: tum scribere, ac legere, lyræq; & citharæ fiduculas pulsare: tum sagittas mittere, & equitare: quin etiam signorum differentias ratione percipiunt, non modo humanam uocem præclare intelligunt. Neque præterea est cur quidam eas ideo tantopere contemnunt, id quod sæpe faciunt, quia humanum officium non faciant, quod conciones nõ habeant, consilia non ineant: cum uel ipsi homines hoc idem haudquaquam seruent: cum pleriq; priusquam consuluerint, rem ipsam exequantur, quod quidem ipsum bestia non faciunt. Neque si urbes non habent, idcirco despiciendæ sunt: nam id ipsum commune habent cum Scythiis, cum Amaxobijs. Nonnulli calumniantur eas exleges esse: sed quid aliud tandiu erant homines, quoad Apis primus leges, quibus carere non poterant, Græcis dedit. Neq; unquam si tantopere contemnendæ essent, quàm pleriq; uidentur, ueteres tam egregie eas nobilitassent, ut qui ab ijs nutriti essent: non tam ualde patres quàm nutrices bestias iactauerint: alius lupam, alius ceruam, alius apem, Semiramis columbas, Cyrus carnem: quinimo nemo iam paulo nobilior haberi potest, nisi eius ingenuitas effigie cuiuspiam bestia insigniatur. Alij eandem in odium inuidiæ adducunt, & propter quarundam uenenum, & propter reli-

C 3      quum

quum ipsarum maleficium, quod utrunq; inferunt, ut & cibo utantur, & lacelsitæ, iniurias ulciscantur: Idq; faciunt uel dolore stimulatæ, uel pabuli angustia compulsæ. Homines autem nullo impulsu, sed sæpe sua sponte per ludum longe plurimas interficiunt. Ex quo intelligitur, hominis naturam immānem, & feram, & planè immisericordem esse. Sed rectorum omnium studiorum obtrectatores in me de ingenio animalium longe plura commentari uolentem, uideo iam transfuersos incurrere, quorum ut uim naturamq; animalium palatus erudite sapiat, cor sanè ignorantis caligine oppletum, nihil de mea historia probabit, præter suauem usum animalium, & cæteras commoditates quas ex ijs uulgo homines percipere solemus. Erunt alij & ij quidem non iustiores, qui religiosum suum, ne dicam sceleratū, & impium, à nullo neque aliorum sacrosancto labore, neq; meo profano iudicium sustinentes. Primum ut quidam uel tenue, in magno uolumine non satis uerisimile inspexerint, statim totum opus rejciendum esse censebunt. Ac sanè quidem ualde timeo, ne dum tantum ingenij, sapientiæ, & quasi humanitatis, & locutionis in bestijs esse conscripti, peruerso quodam iudicio has innocenteis prudentia spolient, cæteraq; animi solertia mulcent, seu acerbè ferentes se non ingenio & iudicio Elephantis, quibus longe superantur, sed & prudentia & sapientia ignobilibus bestiosis inferiores esse; seu nō facile patientes geometriam  
sibi

sibi præripi ab araneis , arithmetica à thunnis ,  
 dialecticam à canibus , astrologiam à formicis. Cur  
 enim bestias sapere sustineant , cum non desint qui  
 omnem humanam sapientiam improbent? Cur cum  
 utranq; linguam cuius suauis sono etiam feræ permul-  
 centur non satis probent , easdem loqui patiantur?  
 Cur non pugnant cum meis bestijs , non luctatio-  
 ne & pugillatione? O si id accideret iucundum spes-  
 ctaculum sed & lubrica & periculosa foritarum argu-  
 mentatione meas aceruales formicas , cum ipsas ne  
 grano quidem sapientiæ uincere poterunt , obruere co-  
 nabuntur. Sed quid mihi cupienti ludos facere , non  
 cauea circoq; diuisos , sed decem & septem libris dis-  
 tinctos desideratius euenire posset , quàm doctis spes-  
 ctantibus , huiuscemodi obtrectatores descendere ad  
 pugandum , non cum Elephantis de sapientia , nam  
 ijs ipsis etiam magnæ nationes ingenio inferiores  
 sunt , sed cum formicis , cum apibus , quarum tamen  
 alterarum prudentia conuincerentur stultitiæ , alteras  
 aculeis , si non sapientiæ , attamen doloris sensum  
 perciperent. Ac si cum crabronibus pugnare uellēt ,  
 experirentur quidem , ut sint irritatione superiores ,  
 certe aculeis se longe inferiores esse : ac tandem , quod  
 nollem , in pusillam cicadarum nationem impetum  
 conuertentes , uniuersam silentij condemnabunt : nec  
 eas excipiant , quæ ab Aeliano mutæ esse dicuntur :  
 imo uero , si eisdem perseueremus stomachum moues-  
 re , has mediâ hyeme cantasse cauillabuntur. Quidli-

bet, modò ne confingendis stilo mulsis Domitianum crudelitate superent, modò ne me bestiarium aspere appellent, modò ne etiam me ad meas bestias remittant: quorum alterum me profiteor, alterum Gallicum prouerbium esse agnosco. Sed ad quas primum? ad boues ne? at cum his errare mallet, quàm cum non parua hominum natione sapere. An potius ad Elephantos? at hi suspiciosi sunt, querentur se quidem antea felices & latentes suo bono uti potuisse, nunc uero inuidioso nomine sapientiæ, quam certi homines propriam sibi uendicant, in odium hominum à me adductos esse. An ne me ad cicadas reiciant? At hæc ut aliàs sæpe me suo cantu delectarunt, sic timo meo, ne non iam iccirco earum omnium stridorem ferre queam, quia de uocalitate inuidiosius à me laudatæ, silentij damnatæ sunt, id quod eis à nullo unquam tyranno acciderat. Ad asinos igitur me remittent: sed quid magis exoptem, quàm si uel per horum obtrectandi magiam, uel Pythagoreorum disciplinam asinus fieri possem? nam sub huius pelle etiam doctissimi impune philosophati sunt. At enim si asinos sapere arbitrentur, potius annonæ charitatem in macello ac pistrina omnia cessare faciēt, quàm non confestim asinum cogant efferre, non o micron, nam id ne uerberibus quidem unquam ab eo extorquebunt, sed sanè o mega, si non clara, attamen contentissima uoce, pronuntiare: ac quàm mox redarguāt eum omni corporis caudæque asseueratione affir-

mare

mare hanc uocalem tantum longam esse: aut quòd hæc asinina litera rotunda sit, eundem asinum concludere, omnes Euclidis figuras orbiculatas esse. Etiamne contra huiuscemodi hominum feritatem, humanitas ferarum mihi imploranda erit? etenim nulla tam fera, tam immanis est, quæ non beneficij accepti memoriã retineat. Ego autem non forte peius quàm plerique, quorum partim delphini exceperunt, partim leones seruarunt, meritis sim. Atque etiam hic ibidem in primo aditu uestibuloque reprehendent, quòd tragœdias comedijs misceam. Sed quid aliud malim, quàm ut cum omnium bestiarum ludos facere studeo, etiam quemadmodum olim Romæ fiebat ad earum spectaculum sales & iocos attulissim. Et ne diutius te in nugis teneam, fac hos prauitate iudicij potius, quàm ex æquo omnia æstimantes, primum nonnulla in hac historia leuitatis, deinde etiam mendacij, iure & uere condemnare posse: omnia uero quo modo? Fateor enim tecum, atque etiam præ me fero, ne hanc historiam ab omni lapsu uendicare uidear, nonnulla leuicula esse, sed tamen non multa, & cum alijs infinitis grauibus & doctis compensantur: ac tanquam neui in articulo pueri delectabunt Alcæos, hoc est, non stultos alieni operis æstimatores: quos si priusquam spinosos auctores, unde hæc sumpsimus, legerint, non dubito hanc nostram industriam grato animo interpretaturos esse: quam ex Achiano, Oppiano de uenatione, Athenæo, Heliodoro, Por-

C 5      phyrio,

phyrio, ac cæteris omnibus qui scripserunt de natura animalium post Aristotelem, non modo latinam fecimus, quod facilimū fuisset, sed Dionysium etiam Cassium, qui Magonem conuertit, imitati, ordinem & iudicium adhibuimus: atq; Aeliani historię, uel potius labyrintho lucem atrulimus. Quid enim eius historia implicatius? ut certe non existimem quinquā si hæc minutatim concidisset, deinde tanquam sortes in urnam coniecisset, magis conturbare potuisse. Si leo eiusdem, cætera quidem docti uiri, sed in hac paulominus diligentis, ineptias: quibus me moderari oportuit, aut omnem laboris existimationem abijcere. Veruntamen hæc omnia eruditorum magis, quàm nostro iudicio fecimus, quorum consilio nondum pœnitet me paruisse. Potius doleo, non præcisius Græculam leuitatem compressisse. Omnia quæ non inscribuntur Accessionis nomine, ex Aelianis non sunt: nam Accessiones confecimus partim ex omnibus Græcis autoribus, nondum conuersis, qui post Aristotelem scripserunt: partim nō pauca ipsi experti sumus, quæ omnia adiunximus.







# HISTORIA DE

VI ET NATURA ANIMALIVM,  
per Petrum Gillium tum ex Aeliano conuerſa, tum  
ex Porphyrio, Athenæo, Heliodoro, Oppia-  
no, tum eiufdem Gillij Marte Iuculentis  
acceſſionibus aucta.

## LIBER PRIMVS.

De natura Elephantorum.

CAP. I.



**L**EPHANTO duos di-  
cunt prominere exertos, quos a-  
lij dentes, alij cornua uocant: ſin-  
gulis pedibus numero quinq; di-  
gitos indiuiſos, leuiterq; diſcre-  
tos, ex quo fit, animal lit mini-  
me ad natandum habile: & ante-  
riora crura multo poſterioribus lōgiora habet. Huic  
ſub armis papillæ exiſtunt: Atq; ita promuſcide tan-  
quam manu utitur: Lingua etiam ei bene exigua  
eſt: Fel autem non ad iecur, ſed ad pectus ſitum habe-  
re dicitur. Biennium gerere uterum audio. Alij non  
tam diu, ſed ſeſquiannū tantum uentrem ferre aiunt.  
Anniculo quidem uitulo æqualem pullum edit: iſtā  
ſta-  
tim ut natus eſt, ore ſugit, non promuſcide. Cum libi-  
dinis furore ardet, incurſu parietes euertit, & ſimiliter  
atq; aries frontis ui atq; impreſſione palmas proſter-  
nit. Aquam nitidam nō bibit, ſed poſtq; aquam con-  
a turbarit.

turbarit, turbida potione delectatur. Idcirco somnū erecto corpore capit, quia ei esset operosum decumbere, simul & deinde à cubitu exurgere graue. Eius ætatis flos est sexagesimus annus. Hyemīs & frigoris impatiens est. Ad ducentessimam uitam producit.

GILLII ACCESSIO.

CAP. II.

**Q**uemadmodum duobus dentibus Apri, sic Elephantī armantur, sed situ contrariis: illis enim in sublime feruntur, his deorsum retorquētur. Non homini, nisi lacessiti, quicquid nocent: tum enim promulsci de tanquam manu comprehensum, eū ad teli iactum iaculantur: ut sæpe antequam terram cōtigerit moriatur; neque uelocitate quisquam tanta est, quem nō uel suo tardo gradu assequantur. Cum sunt in catulorū metu, infensissimi sunt. Eorum promulscis intus concaua, suilli labri speciem, similitudinemque quandam gerit; mobilis est, ut modo relaxetur, modo contrahatur. Eorum qui sunt confirmata ætate, ea magnitudinis dentes existunt, uicem ut postium præsent, & pro palis Nigritæ ad sepimenta utant: sæpe enim ad longitudinē decem pedum augetur. Eorū pilos ex nouo orbe terræ deportatos uidi, qui ad duorum palmorum longitudinē procederent. Similiter rotundis pedibus, ut equi, sunt: sed amplioribus, ut plāta quouersum ad binos dodrantes accedat. Quinque ungues habent, & pedē multipliciter scissum, ne si quando in humido solo constiterint, altius pedem imprimant. Iam quod in sermonem hominū uenit, uanum est

est, elephātos crura sine nodis articulisq; habere: imò uero habent flexiones, & ut aliæ bestiae, quum libet crura flectūt, & erigunt, in ima enim propemodū cru- ris parte iunctiones et flexus habēt. Breuioribus sunt auribus atq; oculis quàm pro corporis portione. Pel- le quidem robusta, sed turpi, teguntur, eam ferrum peracutum nō incidere potest. Peruagatum est, sicut Oppianus ait, elephantos inter se loqui, sed eorū col- locutionem nō omnibus quidem, sed solis domitoris- bus notam esse: Itemq; cum uicini sunt ad moriendū, praescire fatalem necessitatem. Nō ergo soli cygni ex- tremum luctum canentes mortem praenoscunt, uerū elephanti etiam quando proximi sunt ut moriantur, animo praesentiunt. Cum eos ad bellum Indi armāt, in clitellas, geminis ex ferro catenis infra aluum cin- ctas, utrinq; tanq; caueam ligneam imponunt, atq; ad collum alligāt, singulas caueas terni milites ingre- diuntur, in utriusq; medio auriga sedet, qui beluam patrio sermone alloquitur, & cum progrediendum, aut regrediendum est, ostendit: Ferias, inquit, hunc: ab illo abstine manum. Itemq; In hos inuade, ab ijs te cōtine. Atq; ea magnitudine tanq; castellum aliquan- do dorso constituunt, ut uel quindccim ex eo armati homines pugnent, quod cum pugnam committere moliantur, asseribus superintegūt: ad promuscidē lo- rica circumunitā districtus gladius longitudine duo- rum cubitorum, crassitudine humanę palmæ alliga- tur. Neq; modò sceminæ maribus scrociore, sed ad

onerum uestiones etiam fortiores existimantur. Furoris tentatione eos aliquando laborare manifestum est, ex cursu furys incitato. Mares foeminae excelsiores sunt, Eorum varia est proceritas: nam alij ad duodecimum, alij ad decimumtertium do drantem excelsitate procedunt, alij ad decimumquartum. Insueti insedendi in eis, non aliter quam ij qui in mari navigant in nauseolam incidunt, neque insilire possunt. Non item in adolescentium elephatorum sessione fit negotium, imò ex illorum molli gradu sessor tantopere oblectatur, ut si mula uehere. Cum in elephatum ascenditur, is in terram abijcit genua, & conscensionis gradum scandenti facit: neque porro fregnum eorum cuius inijcitur, neque funis ad ceruicem ullus adstringit, sed soluti ad insulam Zamzibaram gradiuntur: potionem qua ipsi pro uino utuntur, ideo ipsis largiuntur, ut ad praelium audaciores efficiantur.

## GILLII ACCESSIO,

De elephatorum cornibus.

CAP. III.

NON paucis Philostratus probare conat, ea quae ex maxillis elephatorum extra os eminent, dentes debere appellari: mihi potius cornua uidentur. Cum enim Halcas, bestias Celticas, ac Aethiopicos tauros ex Pausania considero, illas quidem in supercilij cornua, hos uero in naso gerere, facile adducor cornua esse. Praeterea accidit etiam, ut uertentibus annis, ceruis elephantisque cornua decidant, rursusque recentia ex orientur. Dentes non item confirmata aetate animalibus renascuntur.

nascuntur: necq; etiam igni cedit dentium natura, imò expolientibus pertinaciter resistit: ac si cogatur, rumpuntur. Contrà, boum & elephantorum cornua eriguntur, & flectuntur, ac nimirum in qualuis figuras contorquentur, & se ut fabris libet, artificio attentari patiuntur. Necq; enim hominum ullam debet habere admirationem, quòd elephantina cornua ab alijs discrepent, cum cætera huiusmodi animalium forma & magnitudo sit ab alijs bestijs diuersa.

De elephantorum obedientia, docilitate,

& musicæ studio.

CAP. IIII.

SEquitur, ut elephantorum deinceps dicam de arte Numerorum, & obtemperatione, eorumq; acutissimis sensibus, ac facilitate ad eas disciplinas allequendas, quæ ad discendum difficiles sunt uel homini ipsi, nedum tam ingenti feræ, & quæ aliàs tantopere animo agresti esset, duroq; aduersus omnem pertractationem. Enimvero ad numerum saltare, tibie auditione demulceri, cursum tardare ad soni tarditatem, scq; remittere ad remissionem tibie: rursus cum acute sonans impellit, festinare, discere allequi perfecte elephantus solitus est. Necq; uero natura modò illum summa ex omnibus animalibus magnitudine ornauit, sed & disciplina mansuetum, & tractabilem edidit. Elephantò ad morum mansuetudinem & facilitatem erudito, nihil mitius, nihil ad id quod uolumus obtemperatius est. Cum Tiberij Cæsaris nepos Germanicus gladiatoris spectaculum edidit, plures iam grades utriusq; sexus

elephanti Romæ erant, è quibus alij pleriq; generati extiterunt, quorum artus interea dum cõmittebant, & confirmabant, & membra infirma conglutinabantur, peritus uir ad pertrectandos eorum sensus, animosq; nunc eos disciplina mansuetiori, nunc terroris & mirificæ uerberationis plena excipiens, erudiebat. Primū enim eos maxima lenitudine & mollitudine, cibos nimirū illecebris, & uarietate suauium inuitamentorum refertos indulgens, ad disciplinā informabat, ut si quid esset agreste, expelleret, ex feritate ad mansuetudinem, & quasi ad humanitatē quandam transformaret: sicq; eis moderabatur, ut feritate expulsa, disciplinis & musicę studio operam darent, tympanorum sono nihil exterrerentur, pedum ingredientium strepitum, cantumq; miscellaneum ferrent, eos præterea exercebat ad non formidandam hominū multitudinē. Illa uero uirilis disciplina, non ad grauem plagarum ictum excādescere, coactos membrū aliquod ad saltandum flectere, non rabiose (cum essent maximo robore præditi) incitari. Cum magister elephantorum spectaculum edidit, ij tempore suo specimen dederūt, se recte institutos esse, illumq; in seipsis crudientis non operam perdidisse ostenderunt: nam duodecim numero theatrū ingressi, composito gradu incedebant, ac toto corpore diffuebant, tanto ornatu, nimirum stolis saltatorijs induti, solatq; magistri significatione uocis ordinatim instructi, ut ferūt, gradiebantur, Ac uero rursus, si illis hoc imperaretur, in orbem saltab

saltabant, eundemq; orbem ad imperantis uocem res-  
 petebant, atq; nunc flores pauimentum ornabant spar-  
 gentes, nunc modeste pedibus terram pulsantes mus-  
 fica moderatam saltationem una consensione obibant.  
 Damonem igitur, & Epentharum, & Aristoxenum,  
 & Xenophilum, ac alios plerosq; pulcherrime musica  
 eruditos inter paucos huius peritos existimatos fuisse,  
 mirificum quidem, at non certe incredibile, neq; ratione  
 alienum fuit, cum homines essent rationis participes, ua-  
 luisse ui intelligendi, ac ratiocinandi: at uero animal ras-  
 tionis expertis numerum & cantum percipere, formam  
 & ornatum tenere, non a saltandi moderata elegans-  
 tia aberrare, quae didicerit repetere posse, hoc naturae  
 donum est, simulq; uis quaedam admodum singularis.  
 Illa uero uel ad ridiculae insaniedum spectatorem  
 inducere possunt, in theatri arena humiles lectos spe-  
 ctare, uario stragulo textili & magnificis operibus pi-  
 cto ornatos: lauta item pocula, & argenteas crateras,  
 aureasq;, permulta aqua repletas, mensasq; magnifi-  
 cas, tanto pane & carnibus extructas, ut uel edacissimorum  
 animalium uentrem implere potuissent: omnibus  
 ita recte apparatus, conuiciae intromissi sunt ele-  
 phanti, mares sex, uirili ueste induti, totidemq; foeminae,  
 stola muliebri ornatae, decore epulis acubuere,  
 ac in mensam promuscides tanq; manus porrexerunt,  
 summaq; eum modestia epulati sunt: neq; ex ipsis quis-  
 piam uisus est uorax, neq; maioris partis rapax. Cum  
 esset bibendum, unicuiq; cratera exhibebat, & hi qui-  
 dem

dem promuscidibus potionem haurientes, moderate bibebant; deinde circumstantes leuiter & festiue, sine contumelia aspergebant. Non pauca eiusmodi de ingenio & natura propria horum animalium admirabilia alij scripserunt. Ego recte & ordine in tabula quadam latinis literas uidi elephantum scribere; uerumtamen docentis manus subiiciebatur ad literarum figuram & lineamentū insituens animal: cumq̄ elephantus scriberet, eius oculos immotos, & deiectos esse per spexi, ut grammaticum quendam dixisses.

GILLII ACCESSIO. CAP. V.

**T**anta huic beluæ cum genere humano societas, tanq̄ prope accedit ad hominis ingenium, ut Cicero non uereatur affirmare, non paruam nationem hominū sensu ac ingenio esse multo inferiorem. Vbi semel ad hominem adfuescit, ab eo omnia patitur, ex eoque morum similitudinem in se transfert, neq̄ aliter q̄ per paruuli catelli ex hominis manu gaudet cibum sumere, atq̄ ad se accedentem promuscide complectitur, eumq̄ caput intra fauces immittere facile tandiu patitur, quoad homini libitum fuerit. Noctu autē suā seruiendi conditionē deplorare dicitur, nō contento barritu, quo sæpe aliàs utitur, sed luctuosa uocis suppressione miserabiliter murmurat. Quòd si quis ita occulte gementi & lamentanti interuenit, uerecundia quadam motus, querelis suis moderatur, & gemitus facere desistit.

De uenatione elephantorum.

CAP. VI.

Qui



**Q**ui uenandi elefantos scientiam tenent, nobis  
 testantur, hos insectatione uenatorum pressos,  
 cum robore immenso, tum impetu effrenato atque  
 præcipiti, & quem sustinere possit nemo, sic quidem  
 per maximas arbores, tanquã per segetes excurrere,  
 easq; tanquam spicarum calamos, ubi cursum ramo-  
 rum proceritate retardari uideat, perfringere: ubi uero  
 ipsi ex arboribus eminent, & proceriores existunt,  
 tum omni neruorum contentione currere, tum uiam  
 insequentibus præcidere: nec mirum, locorum enim  
 consuetudinem tenent. Cum autem se ex insectato-  
 rum suorum conspectu eripuerint, eosq; maximis  
 processibus itineris longe & retro positos senserint,  
 tum ex fuga recipiunt animum simul, & tanquã peri-  
 culo libertati, insistant: ibiq; dum metus solitudine  
 expulsa, ex immenso labore requiescunt: his interea  
 ad cibi cogitationem memoria excitatur, iuncos & he-  
 deras per arbores erraticis implicationibus serpentes  
 depascuntur, atq; palmarum tenera cacumina, & alia-  
 rum plantarum adulescētiore truncos. Quod si rur-  
 sus insectatores ad eos propius adsint, hi etiam iterũ  
 sese in fugam impellunt: Cumq; ab his multam uiam  
 absunt, sese ex fuga colligētes, requietem curarum ex  
 itineris labore habent. Insequentes autem præcipitã  
 sole debilitati, syluam incendunt, & uiam ipsis ob-  
 struunt: quod ipsum sentientes elefanti, se sustinent  
 à progrediendo. Ignem non minus quã leones ex-  
 timecunt.

De uenatione elephantorum, CAP. VII.

Elephantorū alij palustres, alij montani, alij campestres. Paludibus capti, dementes, leuesq; sunt: Montani, prauī, atq; insidiosī, & nisi cum pabuli inopia premuntur, nihil tutum ab eis expectandum: Campestres, mansueti, & lenes. Iam quemadmodum capiuntur, adiungam. Venatores quatuor aut quinque stadiorum locum planum, & minime impeditum, fossā latitudine quinque, simul & altitudine quatuor cubitorū, cingunt, itemq; ante fossā terram, ut murorum uicem præstet, exaggerant: in aggere subterranea latibula efficiūt, in quibus foramina relinquūt, per quæ lucem admittant, unde accedentes feras inueneri possint, tum ponte multo cespice conftrato, ne feræ insidias positas sentiant, fossę transitus iungitur: ac nimirum ad maiorem ferarum illecebrā tres quatuorue ex mansuetioribus feminas elephantos in claustrum concludunt: uenatores in aggeris latibula abstrusi manent in insidijs. Iam uero eiusmodi beluæ loca culta interdum non adeunt, sed noctu tantum gregatim errantes, ad fossā appropinquantes, cum inclusarum auditionem acceperunt, eò confestim accedere properant, & circum aggeres tam diu concursant, quoad pontem nacti, intra munitiones ingrediuntur: si autem qui positi sunt in insidijs, pontem celeriter detorquent, alij magna celeritate uicinis proximis uicis elephantos inclusos denunciant: quo intellecto,

tellecto, ij in fortissimos quosque cicures elephantos ascendentes, accedere contendunt: necq; tamen statim ut cò accesserunt, cum feris pugnam committunt, sed eas primum aliquandiu fame & siti frangunt, deinde cum iam ijs infirmioribus & afflictis certamen instituant, ac feros siti fameq; confectos cicures expugnant, ac homines ex elephantis desilientes, primo compedibus defatigatos deuinciunt, post uero cicures incitant, ut feros usque uerberent dum in terram procubuerint: tum ipsis laqueos ad terram abiectis in collum inserunt, in eosq; humi stratos ascendunt, & ne scissores excutiant, eorum collum acuto ense in orbem incidunt, & ad secturam funem alligant, ut ob doloris sensum uinculis concedant, & ex scritate conualescant: eorum autem qui sunt ætate uel infirma, uel exacta dimittunt, reliquos in stabula abducunt, eosq; primum pedibus colligatis, & collo ad columnam adstricto fame domant, deinde aut herba, aut frondescenti harundine pascunt. Hi molestia afflicti, pabula recusant sumere: at enim cantibus & tympanis eos demulcent, & deliniunt, atque ex immanitate ad tantam humanitatem transferunt, ut scissores suos excussos contra uim hostium tutati sint, & sese pro illis in mortem obiecerint. Si quem, iracundia permoti, ex suis procuratoribus occiderint, tam ualde illum desiderant, ut mœrore conficiantur, interdumq; inedia cõsumantur. Iam porrò ad hanc rationem cum elephantis Aethiopes pugnant; Ex procerissimis arboribus

b : elephan

elephantorum introitus atque exitus obseruant, non in multos uno eodemq; tempore inuadunt, sed in singulos tantum magno robore animi insiliunt: nimirū speculator caudam beluæ appropinquantis ad arborem, in quam abditus is latet, desiliens, manibus comprehendit, pedesq; ad dextrum femur obijciens, securi, quæ ex humero pendet, expedita & acuta, dextri poplitis nervos succidit: in quo certamine utriusq; salus periclitatur. Interdum elephāntus incisis nervis in fauciam partem procumbens, Aethiopem secum in terram abijcit, atq; interficit: Interdum suo pondere hominem ad arborem aut saxum allidens, occidit: ac nimirum nonnulli elephānti dolore pressi, quando insidias facienti nocere non queunt, sese tandiu in fugam impellunt, dum crebro securis ictu decumbunt: tum ad terram stratorum posteriores partes incolæ vicini comedunt. Si elephāntus feritate effertur, statim ad arietis conspectum mansuescit. Qui ad elephāntos adeunt, splendidā uestem idcirco non ferunt, neq; puniceam qui ad tauros appropinquant, quòd sanè huiusmodi animalia constet ijs coloribus efferrari.

De elephāto Albo Indico. CAP. VIII.

CUM Indus quispiam elephānti album pullum Cossendisset, atq; hunc etiam nunc tenerum aluisset, & paulatim māluesset, eoq; deinde ueheretur, & beluam amaret, & uicissim redamaretur ipse, ac simul suam elephāntus educationem, cum maximis amicitie officijs, huic Indo compensaret: Indorum

rex

rex id intelligens, muneri poposcit sibi elephantum mitti, Is ut uehementi riuallitate flagrans, amatorie dolebat, si hunc alius quam ipse esset habiturus. Itaque negans se daturum, unà cum elephanto in desertillimam regionem perfugit. Rex autem id ægrè ferens, ad eum insequendum misit, qui Indo auferrent, simul & illum comprehensum ad pœnam reduceret. Cum eò uenissent, ubi erant transfugæ, comprehendereq; aggressi fuissent: ex superiori loco lapidibus eos homo appetebat, pariterq; elephante, ut iniuria insigni accepta, illorum impetum repellebat. Vbi Indus lapidatione facta percussus, de loco, unde se defendebat, præceps deiectus fuisset, elephante hominum more acerrimè se tuentium, pro suo nutricio cum propugnauit, tum uero ex inuadentibus partim occidit, partim in fugam impulit: tum altorem suum promuscis de circumplexus, ad stabula inuexit, ac tanquam amicus permanit fidelis amico, beneuolentiã ostendens, qua admirabili suum educatorem prosequabatur. O sceleratos homines, grande illud sophos inter pocula iactantes, uirtutemq; crebro sermone passim inculcantes, nomenq; amicitie, plenum uerborum, inane rerum temere anhelantes, in periculis autem amicorum desertores.

Quid agant elephanti

crescente luna.

C A P. I X.

**A**B interlunio recrecente luna, elephantos intelligo  
 go quadam naturæ recondita notione, ex sylua

b 3 pri

primum, ubi pascuntur, ramos decerpere, eosq; deinde sublimes ferre, tum uero ipsos ad lunam suspicere, ac leuiter ramos mouere, tanquam supplicationem quandam lunæ præcedentes, eis ipsa ut propitia existere uelit.

Quales elephantos Indi capiunt. CAP. X.

Indi homines, licet permulti & magna machinati, Inō elephantos iam ætate procedente cōfirmatos facile comprehēdere queūt. Quare ad loca fluminibus proxima, uenatores profecti, eorum catulos tantū capiunt. Elephantorum enim naturæ proprium est, rosca loca & palustria amare, & amnes amplecti, ubi uersari maxime student. Vnde etfi fluuiatiles non sunt, tamen riparios dicere possumus. Cum igitur eorum catulos, adhuc ætate infirmos, & teneros inde ceperunt, ciborum blanditijs & assentationibus eos ad parendum informant, ac instituunt, blandiloquentiaq; mansuefaciunt: Hominum enim indigenarum linguam elephanti intelligunt. Breuiter perinde illos quasi infantes pueros alunt, partim cibaria eis largiētes, partim disciplinas tradentes: quæ res efficit, ipsi ut ad obediendi facilitatem transferantur, & exuta feritate, humanitatem induant.

Quædamodū arbores euertunt elephanti. CAP. XI.

Cum ab Indis hominibus arborem elephanti radicibus extrahere coguntur, nō prius ad eam extirpandam aggrediuntur, quàm quatefecerint, ac tremefecerint arborem: sic periclitantes, euerti ne possit,  
an omnino

an omnino iniuctam ab impetu sit se prestantura.

De elephantonum sapientia, CAP. XII,

**S**I elephanti sapienter factum præterirem, me quis, cum sit auditu dignum, inscitæ condemnare merito possit. Cum is qui hordeum huic admetiendi prosecutionem habebat, hordei partem subtraxisset: illi usque in locum lapidibus suppositis, ipsi debitam tamen menturam cumulate seruasset, ut dominum utriusque, si quando uidisset, falleret: Elephantus uides eum qui sibi debitum fraudabat, polenta coquere: primum promuscide fabulum collegit, deinde in ollam infudit, sicque solerter iniurijs, iniurias sibi illatas ultus est.

GILLII ACCESSIO. CAP. XIII,

**P**Lutarchus narrat, ex permultis elephantis, qui Romæ erudiebantur, unum ad discendum tardissimum, cum sæpe uerberaretur, uisum fuisse ad lunam noctu, id ad quod docebat, secum reputare, & exercere. Idemque assert, Romæ etiã elephantum ex pueris, qui promuscidem stilis pupugissent, unum sublimem corripuisse, ut statim eum in sublime, quantum maxime posset, iacularet. At enim sublato eorum qui aderant clamore, sensim & moderate rursus humi deposuisse, existimantem tanto metu iniecto, satis illum pœnarum pepedisse.

De Libycorum expeditione contra

elephantos, CAP. XIIIII,

**L**byci homines bellum finitimis de finibus propagandis, non modo inferunt, sed cum elephantis etiam de horum dentibus assequendis, suscipiunt. Hanc

b 4 enim

enim causam cur petantur elephanti, prænoscences, ex sese qui dente inutili sunt, ante cæteros reliquos, in prima acie constituunt, ad primum hostium impetum sine magna iactura excipiendum: reliqui qui in subsidijs manent, dentium robore integri, auxilium seipsis ferunt: cum dentium altero, quem acutum ad propulsandas iniurias seruant, tanquam armis utuntur, tum uero altero radices effodiunt, tum arbores extirpant.

De reuerentiâ elephantorum aduersus senes  
elephantos,

C A P. X V.

**E**X omnibus legibus humanissimam iudico, qua Lycurgus præcipit, natu gradibus minores, cum uel de sedibus, uel de uia decedere debere, tum uero eisdem reuerentiâ aduersus ætatem, quam ut assentantur omnes expetunt, assurgere oportere. Elephantorum genus à principio hoc idem solo naturæ ductu, sine Lycurgi, aut Solonis, aut Zaleuci Charondæue præceptione, sanctissimè obseruant. Ætate affectis nimirum iuniores de legitimo cibo cedunt, eosdemque summa & obseruantia colunt, & à periculis seruant. In fossam delapsos, iniectis fruticum fascibus subtrahunt, quibus tanquam scalis senectute graues ascendentes, liberantur.

De amore elephantorum erga filios suos.

C A P.

X V I.

**E**lephantorum flumen transmittentium minores natu sese traieciunt primi: hi uero qui sunt confirmata ætate iam grandes, fluctibus obruuntur, dum taxat pro



xat promuscidibus extra aquam eminentes, teneros uero pullos dentium projectorum eminentia matres ferunt, ac simul tanquam uinculo promuscide illos complectentes, tranſuehunt: tum iuniores, uel labores, uel pericula ſuſcipiunt, & antecedentibus ætate, de cibo & potione concedunt, propter obſeruantiam per quam cultu quodam, & honore nati maiores dignandos exiſtimant. Nunquam enim neque ex ſenectute infirmū, neq; eum qui morbo teneatur, ſui gregales deſerunt: ſed & fidiffimi ei permanent, eiſq; cum cæteris in rebus ſtudent incolumitati, tum uero etiamſi ipſi infectatione urgeantur, pro eo propugnans, & ſaucios, & ſelloſ curant, ac integri, à uulnribus haſtas, & iacula è corpore ſauciorum, tanquam chirurgi periti extrahunt, ut ne homines quidem ſcientius. Pullos ſuos, adhuc à partu recentes, nunquam deſerunt: at ſanè in illis à periculo tuendis conſtantiffime permanent, priuſq; animam amittunt, quàm ſuos catulos deſerant. Nobis pueris uetula, cui Lænilla nomen erat, non ſolum nobilis mulier, ſed etiam nota apud omnes erat, deq; ea fabulam ex ſenibus audiui tum peruagari, illam cum ſeruo, quem ardentiffime adamaret, ſtupri conſuetudinē habuiſſe, & ſuorum flagitiorum maculis liberos ſuos affeciſſe: hi enim ex ordine ſenatorio erant, & iam inde à patre, atq; maioribus ſtirpem generis patritij trahebāt. Itaq; dolore ex maternis ſtupris tabeſcentes, eam cum leniffime ſubmonuiſſent, ac maxime clam facinoris tur-

pitudinem ostendissent: hæc porrò libidine flagrans, simul & ex ea tantū efferata, ut liberis proprijs amorem suum anteferet: filiorum nomina apud principem detulit, ab eis insidias sibi factas dicens. Is autem suspiciosus & timidus, qui tum imperator erat, calumnijs aures facile patrefacere solitus, eiusmodi scelus ab ingenuorum hominum cogitatione alienum facile credidit. Ita factum est, ut filij qui nefarium facinus nullum admisissent, indignissime necarentur: mater hanc ex delatione mercedem assequeretur, ut cum seruo licentius stuprum facere posset. Quid igitur aut Medæam, aut Proenen Atticam hic commemorem necesse est, cum memoriæ nostræ exempla immanitatis proferre queamus.

De amore elephantorum erga dominos suos.

C A P. XVII.

**C**VM Porus Indorum rex, in prælio, quod cum Alexandro commiserat, multis telis confixus esset: elephantus quo uehebatur, etsi sanè multis etiā ipse sagittis uulneratus erat, defixa tamen in corpore Pori tela, leniter & caute promuscide extrahere non prius desistit, quàm dominum intellexisset, ex redundantis sanguinis profusione, debilitari, & euanescere. Itaq; leniter et sensim se inflexit, ut ne ex alto decidēs, Pori corpus graui casu affligeretur magis. Cum autē Pyrrhus Epyrotaurum rex ad Argos occubuisset, in eo conflictu elephantus fuit, qui sellorem suum tantopere amaret, ut non prius, quamuis auriga iam cecidisset,

cidisset, currere omiserit, quàm suum nutritiũ ex hostibus & seruasset, & intra fines amicos reportasset.

De elephanto mulieris amatore. CAP. XVIII.

**I**N Antiochia Syriae urbe audio cicurẽ elephãtum fuisse, huncq; dum ad pastiones iret, mulierem corollas uidentem eum quàm suauissimẽ adspexisse, tum uero etiam quàm libentissimẽ in illius cõspectu acquiescisse, atque huius faciem promulcide terfisse, suauiterq; contrectando illi blanditum fuisse: Mulierem uicissim ex suo artificio illecebras amatorias, corollas uidelicet ad tempus ita cõtexuisse, ut cotidie illi quidem sumere operpretium, huic uero etiam opus largiri esset. Postea autem quàm mulier excessit è uita, elephãtus nec pristinae consuetudinis cõpos, nec quam amaret amplius mulierem uidens, tanquã amans qui amasiam amiserit, sic eam desiderabat, animoq; incitabatur, ac qui antè mãsuctus fuisset, humanitate expulsa, feritatem inducbat, tanquamq; homines ex tristitia, ac mœrore laborãtes de potestate animi exeunt, sic is furẽs ferebatur. Mulieris forma hoc animal capitur, atq; hebescens ad eius pulchritudinẽ, remittit furorẽ animi sui. Riualem uero fuisse in urbe Alexandria elephãtum ferunt Aristophanis Byzantini, de quadã muliere coronas texente. Omnia bene uolentia amat, unguentore & florũ odore permulcẽ.

De religione elephãtorum. CAP. XIX.

**E**X orientem solem elephãti uenerantur, promulcidem, tanquam manum aduersus solis radios

c : alle

allevantes. Itaq; hos ei charos esse & egregie diligi philopator Ptolemæus testis est nobis locuples. Is sanè post partam uictoriam eius belli quod cum Antiocho gessisset, cum quàm gratissimus aduersus solem, quem deum existimabat, esse uellet, proq; uictoria ei gratias persolueret, tum alia magnifica sacrificia fecit, tum uero quatuor elephantos, bene magnitudine grandes, existimans se sic deum religiose colere, primum immolauit: deinde cum in somnijs minis dei perculsus fuisset, ob inuisam numini talem hostiam, religionis metu permotus, pro immolatis ex ære quatuor elephantes in honorem solis excitauit: hoc ut supplici facto hunc sibi placatum efficeret. Ergone deum elephanti uenerantur? homines autem rationis participes, si tne deus necne sit, dubitant: tum si sit, humanasne res curatione, & administratione dignetur.

Quemadmodum contra insidias elephanti se gerunt.

C A P. XX.

**I**Nsidia quas elephantis uenatores instruxerint, non eos facile latent. Nam cum ad foueam, quam contra ipsos suffodere uenatores solent, proximi accesserunt, seu naturali quadã intelligentia, seu retrusa & abdita præensione, & scientia rerum futurarũ, à p̄grediēdo ulterius se sustinēt: ac quàm mox itinere cōuerso, in uenatores inuadunt, uicq; & impressione, sese in medios insidiatores incitant, simul & eos euertere conant̄, fuga ut salutē contra insidias superiores facti

facti adipiscantur. Id igitur temporis cum atrox pugna, tum uero uel hominum, uel elephatorum cædes, & occisio fit multiplex. Huius pugnae ratio talis est: Homines quidem eninus hastas & iacula intorquentes, ac collimantes, ictu directo eos feriunt. Contra elephanti, ex hominibus si quem cecidisse animaduuerterint, statim uiolenter illum & corripunt, & ad terram à se abiectum, proterunt, & conculcant; simul & cornibus (sic enim eorum dentes appellantur) tandiu profligant, quoad miserabili, & repleta acerrimis doloribus morte, hunc proiectum affecerint. Cum autem huiuscemodi animalia inuadunt, tanquam uela ex animi incitatione quam contentissime aures, quas habent parulas, intendunt, & pandunt more magnarum struthionum, quæ uel dum fugiunt, uel dum inuadunt explicatis alis feruntur. Itemque promuscidibus, sub cornua redactis, & contractis, quemadmodum rostra nauium plenissimis uelis propulsa, sic elephanti uehementi impressione irruentes, multos mortales funditus euertunt. Tumque perinde ut tuba belli clausicum sonans, clamores uastissimos edunt. Humi porro prostratorum, & genibus contritorum, & ossium obtritorum, tantus est strepitus, ut uel illinc longissime exaudiatur; nec non sæpe elisis oculis, naribus distractis, fronte disrupta, facieque forma amissa, non uel à proximis cognatione sibi noscuntur. Iam ex his nonnulli ad hunc modum inopinatò seruantur. Quauis enim sanè uenatorè beluæ cursus celeritate comprehen-

derit; præ tamen uehementi impetu, hunc traſcurrens, genibus in terram præcipitibus actis, cornua aut in radicem, aut in quippiam aliud tale compingit: ex quo retinetur, ac uix dum se retraxit, cum uenator elapſus iam ſalutem fuga eſt conſecutus. In hac igitur pugna, elephanti sæpe uincunt, sæpe item uarijs terroribus iniectis uincuntur. Tubarum enim clangor uafum clamorem efficit, ipſiſq; homines armis concrepantes, clypeos uidelicet haſtis cõtundentes, & ululatum tollentes, ſtrepitu undiq; omnia circumſonare faciunt: tum uero partim in terra ignem incendentes, partim in ſublime tollentes, ac tanquam funda eum contorquentes, partim ignitos torres iaculantes, atque etiam longas faces in ferarum oculos magna uí inferentes, & intrudentes, eis hæc omnia ægre intuentibus, timorem afferunt. Vnde adeo impelluntur, exterrēturq;, ut interdum in foueam, quam antè dedinabant, deſtrudantur, & compingantur.

Quemadmodum elephanti foſſas

traſcunt,

CAP. XXI.

**C**Um elephanti foſſam traſilire non queunt, de his unus aliquis in hanc ſeſe demittit, & traſuerſus foſſæ ſtans, partim uacuitatē occupat, partim pontis ſe uicarium præſtat. Cæteri ſupra hunc gradientes traſmittunt, & euadunt, ſimul & eum, qui pontis loco erat, hoc modo ex foſſa conſeruāt. Superiore enim ex loco quiſpiam porrigit pedem, quem is qui infra eſt promuſcile circumplicat, reliqui autem uirgultorum

rum faeces deieciūt, ad quos ille, cum fortissime, tum cautissime pedibus adnitens, celeri ascensu subtrahitur. Apud Indos tractus est, cui nomen est Phalarus, quasi latine caluus: eōq̄ ita appellatur, quod qui herbam in eo nascentem gustauerit, & pilos & cornua amittit. Itaque elephanti, nisi cogantur, non accedunt ad locum illum, imò uerò prope cum accesserint, perinde atque homines prudentissimi, ab omni illius loci germine refugientes, pedem referūt.

De castitate & probitate ele-

phantorum.

CAP. XXXII.

**Q**uemadmodum moderate elephanti libidines continent, explicare cōuenit. Igitur ab omni immoderata libidine castissimi sunt. Nūquam enim, neque ut constupratores, neque ut item ualde lasciuī societatem ueneris cum fœmina faciūt, sed tanquam generis successione carentes, liberis procreādis dant operam: sic hi, eorum stirps ut ne deficiat, complexu uenero iunguntur: Neque id sanè plusquam semel in uita, & eo duntaxat tempore, cum se iniuri fœminæ patiuntur. Vt autem eorum quisq̄ uxorem impleuerit, non eam amplius attingit. Aperte porrò ac passim in aliorum oculis non eōcunt, sed secedentes, aut sese in arbores densas, & frequentes occultant, aut in concauum locum, & profundum ad occultādos eos facultatem habentem, se abdunt. Iam quemadmodum malos aduersentur, & secleratos detestentur, si cui est otīū, attendat animum ad ea quæ cōsequunt̄.

c 4 Cum

Cum autem cicuris elephantī moderator, coniugem non illam quidem amabilem, sed sanè diuitem haberet, amoris oculos primum ad alteram aliam adiecit: deinde eam uxorem ducere studēs, alteram priorem strāgulauit, ac prope ab elephāti pręsepi homo pręcipiti consilio non defodit modò, sed alteram quam amaret, in matrimonium duxit. Elephāntus autem cum tantifacineris conscientia incitatus, tum uero suapte natura à malis abhorrens, nouam uxorem eò perduxit, ubi humata altera iaceret, cadauerq; dentibus refodiens & denudans quæ dicere nequiret, ex ipsis operibus hæc mulieri ostēdere conabatur: eam edocens, quibus esset moribus præditus is, cui ipsa nupsisset.

De partu elephātorum, CAP. XXXIII.

**E**lephāti partus in caput procedit ad lucem. Partus magnitudo est instar integræ ætatis, & iustæ magnitudinis porci. Nec uero si quis hunc à partu recentem contigerit, matres indignātur. Plane enim noscunt non animo quidem lædendi contrectari, sed ad ludicram delectationem, & blanditias suscipi, esseq; hominis naturam ea excellentate animi, suo ut partui adhuc tantillo incōmodare nollet. Postea autem quàm in foueam inciderunt, & se iam teneri sentiunt, animaduertentes exitus locum nullum eis relictum esse, cum eos pristini animi, tum libertatis caput obliuio: tum uero facile cibos ex largientibus sumunt: tum si quis præbeat, libenter bibunt, atque uinum



uinum si in promuscides effundas, sine recusatione admittunt.

De charitate, & pietate elephantorum,

CAP. XXXIII.

**C**Vinalia pleraque naturali quodam amoris habitu elephantos cum filijs suis conciliatos esse ostendunt, tum uero maxime illa, quæ consequitur naturæ commendatio ad amorem uehemens declarat, quanta eorum quæ procrearint charitate teneantur. Horum uenatores caueas instruunt, in quas cum animalia incidunt, ex his partim capiuntur, partim tolluntur. Huius uero fossæ faciendæ quæ sit ratio, aliàs dicam. Nunc pergo explicare, quàm in genere elephantorum matres charos pullos suos habeant. Cum enim in foueam pullum suum incidisse mater perspexisset, ne minimam quidem moram interposuit, nec eius cursum ulla ad pullum consequendum segnitia tardauit, quin uehementi dolore affecta, quanto maximo posset incitato incursum, in delapsum filium præceps ageretur, amboque eodem casu morte occumberent: hæc quidem materno pondere pressus contereretur: illa sanè præcipitata, caput diffringeret. Rifu igitur obruendi, qui utrum naturalis sit, nec ne, amor parentum in filios, dubitant,

De eorum intellectu, & quòd pericula sua intelligunt.

CAP. XXV.

d      Anni

**A**Nni æstiu tempore cum calor à sole intendit  
 tur, & æstus ingrauescit, tum elephanti ad calos  
 rem frangendum inter se crallo perfundunt ceno,  
 quo partim uim caloris depellant, partim uel um-  
 brosis speluncis, uel arboribus quæ ramorum fres-  
 quentia eos opacare possint, refrigerentur, tum etiam  
 sagacissime odorantur, tum acerrimis sensibus exi-  
 stunt, tum uero ex his, partim antegredientes, partim  
 subsequentes, ordinatim eunt, atque horum primus  
 narium sagacitate, herbam ante pedes suos positam  
 sentiens humanis uestigijs esse transitam, eam euellit,  
 & ei, qui à tergo proximus est, odorandam tradit:  
 is rursus alteri, qui post eum stat: ac deinceps per o-  
 mnium quasi manus sagaciter cōtrectatur, quoad ad  
 illum ipsum qui extremum agmen ducit peruentum  
 fuerit: is simulac olfecerit, barritum uastum edens,  
 quasi signum ad fugam dat. Hi tunc in conualles  
 profundas, aut in loca concaua & palustria, uel si mi-  
 nus id concedatur, in nemorosa campestria, ab eo lo-  
 co iter auertunt, prorsusq; se totos auertunt ab his  
 locis, quacunque frequentes homines iter facere so-  
 lent: quòd ab hominibus ut animalibus sibi infestis-  
 simis, timeant. Cum eos cætera pabula defecerint,  
 radices effodiunt, quibus pascuntur. E quibus pri-  
 mus qui aliquam prædam repererit, regreditur, ut &  
 suos gregales aduocet, & in prædæ communionem  
 deducat.

De amore elephatorum.

CAP. XXVI.

Eleph

**E**lephantum quamvis raro amare ferunt, quoniã, Eut antè dictum est, libidinum moderatione temperatus sit; tamen ipse illud admirabile, amore plenum audiui, quod consequitur: Vir uenandi elephantos haud imperitus, scribit se, cum ab Imperatore Romano cum potestate in Mauritaniam ad uenandos elephantos allegatus esset, ex elephantino genere adolescentem formosam uidisse, coeuntem cum elephanto, & adolescente, & pulchro: alterum uero senio- rem, quia huius siue amator siue maritus esset, ut se spre- tum, ignominia loco hoc tulisse; quare acriter animo incitatu impetu fecisse, ut nihil proprius factum fue- rit, quàm nos, inquit, omnes perderet, sicq; incurrisse in illum formosum riuale suum, pugnamq; edidisse tanquam cum, qui de amica sibi erepta, doloribus acerrimis premitur: adeoq; insectis animis utrunque cum altero pugnam commisisse, ut ex impetu corni- bus ambo mutilarentur, Neutrum ideo non uicisse, quòd multa uerberatione eos uenatores distraxe- rint. Postea autem quàm amissis armis in posterum inutiles ad conferendam quasi manum inter se facti essent, riualitatem amantium conquieuisse,

Quemadmodum mansuefiant ele-  
phanti.

C A P. XXVII.

**Q**uid elephantis, postquam capti sunt faciant, ut mansuefiant, dicendum est. Primo in syluam non ita longo interuallo ab ea fossa, ubi compre-  
d : hensi

henſi fuerint, diſtāntem, ſic eos ſtriçtè conſtriçtos funibus trahunt, ut ne permittant quidem, néue hi præcurrant, néue rurlus retrahantur: deinde certo & diſmenſo ſpatio horum quēque ad maximam arborem alligantes, ut neu in anteriorem partem inſilire, neu rurlus admodum in poſteriorem reſilire queant, néue ipsis ex funis laxitate facultas ſit ad inferendum iniuriam, uictus tenuitate & fame, horum robur frangunt. Poſtea uero quā eorum dormitores duritiam animi tandiu paulatim molliuerunt, quoad priſtinæ inexpugnabilis feritatis eos ceperit obliuio, de manu cibum ſumendum dant. Hi neceſſitate preſſi, cum non malitioſe iam, tum uero hilarioribus oculis, & manſuetioribus, quā eſſent ſoliti, intuentur. Horum autem, qui ſunt ætate robuſti, uinculis ruptis, cum dentium robore, tum uero promuſcide arbores reuellunt, & frangunt, uixq; ſero admodum, partim fame, partim ciborum illecebris, partim uerberibus manſueſcunt. Ut uero cicures euaserunt, panibus maximis, hordeo, caricis, uuis, cæpis, allijs, iunco, palma, hederaceis folijs, ueſcuntur.

Quemadmodum amant conſuetam terram  
elephantī.

C A P. XXVIII.

**A**Bſtracti à ſuis elephanti ſedibus patrijs, quāuis uinculis primum & fame, deinde uarijs cibariorum

riorum blandimentis mansuefacti sint, tanta tamen naturalis soli illecebra tenentur, ut patriæ memoria eis obscurari & euanescere nequeat. Quare cum horum plerique grauissimo mœrore suscepto conficiunt; tum uero quidam ex his, uberrime flentes, tantam lacrymarum uim profundunt, ut oculorum sensibus capiantur. In nauis autē immittuntur, ponte utrinque ramis frondescentibus adumbrato, ad fallēda huiusmodi animalia, hoc enim ipsum cum uident, se per terram, quia eis hæc mare uidendi facultatem adimāt, etiam nunc iter facere arbitrantur.

Quemadmodum elephantorum uulnera

Indi sanant.

CAP. XXXIX.

**E**orum quos ceperint Indi elephantorum uulneribus ad hunc modum medicinā afferunt. Aqua primum tepida hæc alluunt. Deinde si hæc ipsa lucu lenter sint alta, butyro unguunt, postea inflammationem leniunt, suillam carnem recenti sanguine madentem & calidam admouentes. Oculorum morbos ad hanc rationem sanant, ut Bubulum lac tepesactum infundant, quo hi remedio oculos aperiuūt, & magno cum uoluptatis sensu sicut homines, uim medicinæ agnoscunt. Cæteris quibus tentantur morbis, uinum nigrum medetur. Quòd si hac medicina ex morbo non liberantur, insanabiles sunt.

Differentia cibi elephantorum gregariorum, &

certamini destinatorum.

CAP. XXXX.

d 3 Elephantus

**E**lephantus quidem gregarius assuefactus, aquæ  
 Etitur potione. Ei uero qui ad bellum certat, non  
 modo ex uitibus confecti, sed etiam ex oryza factitij  
 uini usus indulgetur: simul & flores eis dantur, atque  
 in prata ad legendos flores, quia suauitatem odorum  
 amplectentur, aguntur: ipso enim odoratu flores in-  
 ternoscentes colligunt, atque etiam hos lectos in cala-  
 thum inferunt, quem eorum rector susinet. Postquã  
 hunc floribus compleuerint, tanquam uindemia fas-  
 cta, lauatione similiter atque homines lauti delectan-  
 tur: Ut uero ea usi reuerterint, eò ubi quassillũ flori-  
 bus plenũ reliquerint, expetunt. Quod si rector affer-  
 re tardauerit, barritum edunt, neque prius cibum sus-  
 munt, quàm eis quispiã quos collegerint flores attule-  
 rit, eos allatos de quassillo tollentes sui præsepis labra  
 ornant. Hanc nimirum cibo suauitatem ex his bene  
 olentibus comparãtes, stabulum ubi diuersantur, flo-  
 ribus permultis sternunt.

De magnitudine elephatorum. CAP. XXXI,

**I**ndici elephanti nouem cubitorum altitudine, lati-  
 tudine uero quinq; habetur. Maximi illic qui Pras-  
 sij appellantur. Secundi uero ab his existimantur Tas-  
 xilæ nuncupati. Militaris elephanteus dorso suo uel  
 nudo tres bellatores fert, alterum dextra, alterum si-  
 nistra pugnantem, tertium retro uersus bellantem: ac  
 simul quartum, manibus moderamina tenentẽ. Sicq;  
 illis beluam dirigentem, tanquam nauem clauo nauis  
 cularium, reicq; nauticæ peritum,

De astantibus

De astantibus elephantis Indorum regi.

CAP. XXXII.

**E**lephantus Indorum regem ad forum euntem, primus adorat. Huic præest rector, qui illū huius instituti commonefacit, ipsiq; memoriam disciplinæ instrumēti quo illum moderatur pulsu, atq; uoce Indorum propria renouat, cuius natura quadam admirabili recondita elephantis intelligētes sunt: tum etiā motus quosdam bellicos edit, uelut ostendens, quòd hanc etiā disciplinam seruat. Viginti quatuor elephantis huic regi permanēt custodes alternis uigilijs, alij alijs in stationē succedētes tanquā cæteri custodes homines. Sapientia item quadam Indica ad uigiliarū disciplinam erudiuntur, ne inter custodias somnum capiant. Hi igitur ad uigilias agendas præstantissimi excubitores, & à somno inuictissimi, & secundum homines fidissimi illic sunt,

De elephantorum cum suis dissidio,

CAP. XXXIII.

**E**lephantum à suo pccore timere mox dicam, nunc explicare placet quod ad Megaram accidit: Cum ab Antipatro Megareses circumfederentur, acerrimēq; Macedones incumberent, primo in sues pice oblitos incendium Megarei excitarunt, deinde sic incensos in hostes immiserunt. Si itaq; furore inflāmati, cum in elephantorum agmina incurrerūt, tum clamantes, nempe igni flagrantes, quali quibusdam furijs elephantos incitarunt, & grauiter perturbarūt:

d 4 hic enim

hi enim nullum neque ordinem tenebant, neq; amplius, quanuis à primo ætatis tempore domiti fuissent, mansueti erant: siue quòd sua quadam recon dita natura à suillo pecore longe abhorreant, grauiq; in id odio sint: siue etiam quia horum absorum uocis acumen perhorreant, Cuius rei non ignari educatores generis elephãtini, unà cum suis pullos alunt, ex consuetudine eos ut minus horreant. Sic Romanos (quoniam non cornua modò arietis, sed etiam suilli pecoris grunnitum oderunt) Pyrrhi Epirotarũ regis elephantos in fugam uertisse homines dicunt, uictoriamq; amplam ex eo bello retulisse.

De fortitudine elephatorum. CAP. XXXIIII.

**I**ndorum regem hostibus bellum inferentem, bel latorum triginta milia elephatorum antecedunt: tum uero maximorum & fortissimorum tria milia subsequuntur, ad hostiles muros ipso incurſu euer tendos institutorum: cum enim rex iubet, euertunt. Idq; se audiuisse Ctesias scribit: idemq; Babylone se uidisse dicit, palmas ab his ad moderatoris sui iussum uiolentissimo impetu extirpatas.

De memoria & fide elephatorum. CAP. XXXV.

**V**ariam & multiplicem elephatorum naturam antè dixi. Nũc quàm memoria sint bona quãq; diligenter præceptum officij aduersus præcipientes teneant, quàm simul eorum qui quippiam eis com mittunt, uel expectationem uel fidem nõ fallant, explicãdum est. Cum Antigonus Megarensẽ urbem obsideret,



obfideret, mulier fimul cum uno de elephantis bellatoribus uerfabatur: hæc enim illius qui elephantum aleret uxor, infantē puerum pepererat, quem huic elephanto, lingua utens Indica, quam elephantū intelligunt, credidit. Vt uero is primum fibi creditus eſt, illum diligebat, & cuſtodiebat, ex eoq; proxime adiacenti magnam uoluptatem capiebat: cum ploraret, oculos tum auertebat, tum uero ab eo dormiente muſcas abigebat: Arundines ei pro pabulo obijciebantur, quas, & omnem cibum, niſi puer ad eſſet reiiciebat. Nutrix igitur neceſſe habebat poſtea quàm eum lacte compleuiſſet, elephāto curatori apponere, uel omnino elephantus non parum iracūdia incitabatur, ac nonnunquam in uerbera crumpebat. Interdū etiam cum uagiret infans, cunas ubi iaceret mouebat: ſicq; eidem ipſi ex hoc motu oblectamenta & ſolatia, ſicut nutrix, afferri ſtudebat.

De odio elephantū in adulteros. CA. XXXVI.

**O**btrectationem ac riualitatem uehementem diuerſorum animalium porphyriionis, canis, & ciconiae diximus ſuis locis. Nunc mihi exponendum uidetur elephantū odium in eos qui cum alienis uxoribus ſtuprum faciunt: Nam cum uxorem ſui domitoris & alioris ſtuprari manuſtō deprehendiſſet, amboſ, & eum qui ſtuprum inferebat, & eam qua cum id faciebat cornibus tranſfigens, interfecit, ac in ſtragulis conſtupratis, & lecto adulterato iacentes reliquit. Vt uero primum elephāti rector ueniſſet, & ma-

e niſtō

nifestò nefarium facinus, & huius uindicem cognouit. Hoc quidem factum, ab India huc ad nos manauit. At Romæ aliud simile euenisse audio: præterquã quòd addunt, ibi elephantum non utrunque modò occidisse, sed & stragula ueste eos texisse, & nutritio aduenienti stragulam reiecisse, & retexisse, & proxime inter se iacentes demonstrasse. Ita ille tum facile iniuriam illatam sibi fuisse intellexit, tum etiam maxime facinus ei liquebat, ubi cornu quo ipsos confixisset, cruentum perspexit.

De fuga elephantorum, atq; ut sunt leonibus  
formidabiles.

C A P.

X X X V I I.

**C**VM à uenatoribus elephanti, tanquam milites in bello, funduntur & fugantur, non alij ab alijs separatim, sed omnes simul & communiter in fugam se dant, ac simul inter se prementes ad gregales suos adhærescunt. Horum autem qui iam sunt firmata & integra ætate, reliquos sic circumcludunt, tanquam pugnacissimi propugnatores totum agmen circummuniunt; qui uero longius sunt ætate prouecti, atque matres sub se quæq; suos pullos ita occultantes, per raro hi paruuli ut uideantur, subtermedium obtinent locum. Quòd si hos ipsos sic frequentes coactos leones perspiciant, alij aliò in fugam tanquam hinnuli, ab elephantis sibi incredibiliter timentes, sese in fugam coniungunt: & tametsi antea formidabiles, maximos terrores adferebant, & uel solo conspectu denuntiabant, ex horum tamen aspersione exterrentur.

Nunquam

Nunquam uero elephanta ab reliquorum agmine fecernitur, nisi aut filiorum suorum aut ægrotantium causa: pro his nimirum nihil non moliens in expugnabilis manet. Contra omnium serarum uenena remedium est elephanti adeps, quo si quis inungatur & nudus cōtra efferaissimas bestias procedat, illesus discedet. Arietis autē cornua & suis grunniū horrescit.

De humatione elephantorū. CAP. XXXVIII.

**V**T Aethiopum sermonibus, græcanico fastu carentibus peruagatum est, elephanta, cum alterum perspexerit mortuum, non præterit, quin humum promuscide haustam, uelut sanctam & mysticā injiciat, communem naturam miseratus mortuo parentans, ut ne aliquid impie committat: nam hoc quidem ipsum nō agere, execrabile ducit. Quare ad hoc nefarium scelus uitandum, satis est ei uel ramum injicere, quo factō, abit, communem omnium finem non aspernatus. Tum etiam ad nos is sermo permanuit, Elephantos cum ex uulnere, siue id in bello, siue in uenatione acceperint, uicini sunt ad moriēdum, aut obuiam herbam, aut fortuito obiectum puluerem alleuantes, in cœlum suspicere, eumq; puluerem, herbamue iacere, & simul uoce sua propria lamentari, & miserabiliter supplicare, tanquā deum ob ea quæ iniuste, & indigne sustinent, obtestantes.

Quæ pars elephanti esui apta. CAP. XXXIX.

**I**N elephanto tametsi maxima corporis moles esse uidetur, ex eo tamen nihil esculentum est, nisi pro-

e 2 muscis,

muscis, & labra, & cornuum medulla. Eius animalis adeps, contra uenenata ualet. Nam si quis eo inungatur, eiusue suffimento expietur, hæc ab illo aufugiunt longissime. Duplici tum corde, tum sensu animi elephantus esse dicitur, & altero quidem ira incēdi, altero mitigari & leniri Maurorum sermonibus peruasgatum est.

De Indiæ elephantis.

C A P. X L.

SI Indicus elephante robore ætatis confirmatus Scapiatur, ex feritate ægre traducitur ad mansuetudinem: & quod desiderio libertatis teneatur ideo cædes facit; ac si uinculis deuinciatur & constringatur, magis incitatur animo, neque ullam seruitutem perperitur. At enim Indi uarijs & multiplicibus cibarijs rum illecebris cum delinire student: illi tamen nihil de acerbitate sua remittentes, nihilq; ab ijs blanditijs mitescens, ijs præclare contemptis, pergit iisdem infestus esse. Quid igitur ij comminiscuntur & machinantur? Instrumento quodam musico uernaculam cantitunculã ei canunt, is animum attendit, auremq; ad audiendum erigit, & suauitate illius demulctur; animi incitatio comprimitur. Tum paulatim in obiectum cibum respicit, & tametsi omnibus uinculis exoluitur, tamen cantu deuinctus, non amplius ad pristinos mores à mansuetudine deficit.

Vtra maris an fœmine cornua in genere elephatorum pretiosiora sint,

C A P. X L I.

Ex ele

EX elephantino genere cornua sceminæ maius pretium, quàm maris habere, ab huiuscemodî rerum scientia instructi, & prædicant, & illa nos docent, nimirum in Mauritania quemadmodû quotannis ceruis, sic decimo quoque anno cornua elephantis excideresolere. Itaque hi in cornua incumbentes, usque adeo ea impellunt & defigunt in terram expositam in planiciem, quo ad illa ipsa occultauerint. Nam præ cæteris camporum patentium æquora & palustria amant. Deinde locum in quem abstruserunt & reposuerunt eiusmodi thesaurum pedibus exæquant & complasnant. Terra autem quod sit feracissima, post paulum herbam proferens, abditorum cornuum aspectum, uiatoribus adumbrat. Eorum peruestigatores qui sane ad illorum insidias, & astus prudētes sunt, in eum locum in quem cornua defossa suspicantur, utribus aquam deportant, & uero alium aliò ex utribus dispertunt & disponunt, atque ibi commorantur. Alius quidam dormiens, alius potans, alius cantiunculam canens, suos amores meditatur. Quod si cornua sint alicubi propè defossa, quadam mirabili illecebra ex uteribus sic aquam eliciunt, ut uasa exiccant & exinaniant. Ii autem qui cornua exquirunt, statim sine canibus sagacissime prædam odorati, locum illû perfodiunt, & optatum consequuntur: si uero utres permanserint pleni, eos inde transferentes, aliò se conferunt.

De elephanti Taprobane insulæ. CAP. XLII.

e 3 De

**I**N magni maris insula Taprobanæ, palmita in ordinem sic mirifice plantantur, quemadmodum in elaboratis hortis opacantes arbores feruntur. Itemq; per multorum & ualde grandium elephantorum pastiones in ea insula uigent. Ac nimirum hi insulanî elephanti, animi robore, & uirtutis indole, & corporis magnitudine, eis qui in continenti degunt, præstatiores existimantur, eos magnis nauibus in cōtinentē transportantes Calingarum regi uendunt.

De inimicitijs elephantorum cum  
draconibus, CAP. XLIII.

**A**Pud Indos, sicut audio, graueis inter se gerunt inimicitias draco & elephantus. Quare dracones haud inscîj imperitiq; , ex arboribus elephantos ramos decerpere in pastus suos solere: in has ipsas arbores primo serpunt, postea eam sui corporis partem dimidiã quæ ad caudam pertinet, arborum folijs circumtegunt, alteram partem anteriorem funiculi instar appensam demittunt; eò cum accessit elephantus ad arboris cacumina colligēda, draco in huius ipsius oculos insiliens effodit, & constrictum tenens, inulato & nouo quodam laqueo strangulat.

De potione elephantorum, CAP. XLIIII.

**C**Laræ aquæ potio elephanto inimicissima est, turbulentam & sordidam suauissime bibit. Ac si ad flumen, aut ad lacum accesserit, nō priusquã cœnum pedibus perturbarit, & pulchritudinem aquæ difformarit, ad hauriendam aquam incumbit. Sine potione

tionē octo dies fert. Elephanti nouem ordeī modios Macedonicos exedunt, & metretas Lacedæmonicas quatuordecim bibere possunt, & rursus ad eiusdem diei uesperam octo, Ducentos autem atque trecentos annos uiuunt.

Quemadmodum telis confixi elephanti

liberantur.

CAP. XLV.

**A**rs & doctrina curandi uulnera apud Homērum per manus, uel ad tertiam usq; ætatem traditur, Patroclum Menētij filium Achilles Pelei filius medicinam docet, Achillem uero Chiron erudit, disci-  
plinas nimirum heroes tantum, & deorū filij exercebant, & radicū succos, uarietates herbarū, usum pharmacorum, temperationem, cantiones tum inflammationibus, tum reprimendo sanguini propitias

nouerant, multaq; inuenerūt, quibus quàm natura

parum egeat, elephanti docet, cum

enim uel hasta uel sagitta ictus est,

oleæ flore uel oleo ipso, defixa

ta tela expellit, atq;

huiusmodi ratione

ad

inco-

lunitatem

restitui-

tur.

FINIS LIBRI I.

# LIBER SECVN

DVS, DE NATVRA ANI-  
MALIVM,

De leonibus, CAP. I.



**L**IONVM varia est & multiplex na-  
tiō: nam alij ad Istri ostia, alij robore  
Istrianis inferiores, in Armenia & Par-  
thia nascuntur, crasso collo, & capite  
magno, oculis lucidis, supercilijs excel-  
sis, & ualde ex naso eminentibus, collo & mento mul-  
to pilo luxuriantibus. Alios Arabia felix alit, collo &  
armis pilosis, & magno oculorum fulgore. Multos  
item nutrit Libya eximios, corū horribilis tanquam  
facies est & omnia membra, excepto rubro ore, ni-  
gris floribus, cyaneo colore distinctis ornantur; non  
multo pilo uestiuntur, inter omnes robore immenso  
præstant. Leonum genus nunquam cibo iccirco ca-  
ret, quòd ad illius inquisitionem haud quaquam se-  
gnis sit. Non somnum in altis cauernis capit, sed ubi  
in tempeste noctis interuentu apprehenditur, ibi ani-  
mi fiducia palàm dormit,

De leonum natura, CAP. II.

**L**eonis ceruix non multis uertebis, sed unius dū-  
taxat rigida ossis perpetuitate constat. Si quis leo-  
nis ossa concutiat, ignis ueluti silicum attritu ex his  
elicitur. Ossa medullis carent, neq; enim fistularum  
modo



modo caua sunt, necq; ullo anni tempore à coitu abstinet, quinquies parit. Primo catulos quinq; edit: Secundo partu quatuor: deinde tres, sicq; deinceps unum numerum decoquit, unoq; minus parit. Postremò unum omnium præstantissimum leonum regem edit. Catuli à partu recentes exigui sunt. Duobus post partum mensibus ingredi incipiunt. Iam quod in sermonem hominũ uenit, fabula est, eos uulnam dilacerare. Cum fame tenetur, summo cum periculo ei occurritur. Postea uero quàm cibo completus est, mäsuefcit, & simul lusionibus delectari fertur: Nunquam terga uertit in fugiendo, sed sensim pedetentimq; se recipit, cum fremitu contrà intuens. Ut uero ætate processit, ad stabula & pastorum subterranas casas proficiscitur, quòd iam ad montanas prædas persequendas infirmus sit. Ignem exhorrescit. Ex his quicunq; crispior iuba est, igni auior & imbecillior est: qui uero pilo recto & simplici, generosior, & maiori robore animi præditus: & iam leonũ genus adeo auide cibos helluatur, ut solida membra exorbere feraĩ. Expletus uel triduo, uel quoad primi cibi concocti sint, nihil sæpe edit: modica autem portione utitur.

Quemadmodum nascitur leo, CAP. III.

**D**E animalibus oculis apertis solum leonem nasci Democritus ait: statim à partu strennuũ quidam edentem alij obseruarunt eum cum dormit caudam mouere, ut ostendat se non omnino dormire, ut  
f cætera

cætera animalia, quod ipsum Egyptij se obseruasse gloriantur, leonem uidelicet à somno inuictum esse, nempe qui semper uigilet, idcirco hunc soli eos comparare existimo, quòd sol laboriosissimus ad nullum temporis punctum uersari intermittens circum orbem terræ, ab instituto cursu nunquam conquiescit: cui rei Homerum testem afferunt, cum solem, inquit, operum & laborum quietem nullam habere. Cum autem insidias bubus molitur, suo robore prudenter utitur: nam noctu proficiscens ad stabula, fortitudine sua omnes quidem exterret, unum ut arripiat. Ut uero exsaturatus est, in posterum quidem reliquias seruare cupit, sed pudor certe eum prohibet in custodia reliquiarum permanere, tanquam ab inopia cibi famem metuētem. Itaque maxime hians, graui spiritu suo afflat, teterrimam aspirationem exhalans: sicq̃ eiusmodi aspirationi tetræ custodia permissa discedit. Cætera autem animalia quanuis eò accedunt & sentiant ubi illius reliquix iacent, non attingere audent, metuentia uideri prædari, & deripere aliquid de rege suo uoluisse. Quòd si ei feliciter ceciderit uenatus, illum relictæ prædæ cibi capit obliuio, huncq̃ ut euanescentem & exoletum aspernatus, relinquit. Ac si ex uenatu nihil acciderit prædæ, ad primum tanquam penariâ cellam regreditur. Cum supra quàm ferre queat cibo se compleuit, aut quiete & inedia se exhaurit, aut simiam nactus uorat, illiusq̃ adefis carnibus uentrem mollicum extenuat. Iam porrò iustus est leo,

est leo, & uirum qui se lacefsiuerit, ulciscendi modum tenet: nam primum caudam uibrans, & per latera contorquens, se ipsum incitat, & tanquam stis mulis admotis, exacuit, deinde inuadenti resistit, & eū qui se appetiuerit, sed ab ictu aberrauerit, ut pariter ulciscatur, exterret quidem, at nō lædit. A prima ætate cicur factus, cum mansuetissimus est, tum uero eius occuratio facilima & iucunda: lusionibus delectatur: quiduis, modò id suo altori gratum esse sentiat, libenter sustinet. Hanno Carthaginensis leonem, quo ad uestiones sarcinarum utebatur, habuit, unaq̄ cum Berenice mansuetus leo uiuebat, linguaq̄ eius faciei blandiebatur, leniter abstergens, ac complanans rugas, demulcebat, cum caq̄ in mensa conuiuebat, humaniter & apte comedens. Onomarchus Catanæ tyrannus etiam leones habuit conuictiores.

Leo iniurias sibi illatas ulciscitur,

C A P, 1111,

**E**Vm à quo iniuriam acceperit leo, probe nouit ulcisci, & quanuis ex eo ipso non statim ultionem ceperit, tanto tamen post iram retinet, quoad pœnas pro maleficio sibi illato sumpserit: cui rei testimonio est Iuba Maurus, pater illius ipsius qui in triumphum Romam admodum puer ductus est. Is cum aliquando iter per desertam regionem faceret, ut gentem quæ ab se defecisset sub iugum rursus mitteret, è suo comitatu quispiam, cum præstanti nobilitate,

f 2          tum

tum egregia pulchritudine adolescens rei uenatoricæ non imperitus, leonem casu secundum uiam animaduersum sagitta appetens, non ab ictu directo aberrauit, quin ei uulnus, non tamen mortem, intulit: Vulnere is accepto, statim se subduxit: tum ille qui uulnus ei infixisset, unà cum cæteris discessit. Anno uertente interposito, Iuba rebus, ad quas cum exercitu profectus fuisset, præclare gestis, eadem uia regressus est ad eum locum ubi anno antè leo uulnus excerpisset. Is sanè etsi in magna hominum multitudine erat adolescens, ab inuadendis tamen cæteris suum impetum sustentauit: illum duntaxat qui se anno antè læsisset corripuit, & furorem acerbissimum, quem tandiu quàm dixi, seruasset, in illum ipsam hominem peradulescentem, quem ab alijs internosset, effudit, ac simul dilacerauit, nec illum quispiciam ab hac potuit calamitate uindicare. At grauissima leonis ira perterrefacti, quâ potuerunt, fugam quæsiuerunt.

Quemadmodum beneuole affectus est in bene  
de se meritis leo.

C A P. V.

**P**ROBITATEM quæ beneficium agnoscat animalibus rationis expertibus inesse sine ulla ingenuarum artium doctrina & sapiëntia, quam circulatores philosophiæ quidã se excogitasse gloriantur, illa quæ mox dicã, argumëto sunt: Cum enim à senatore Romano feruus, cui nomen Androcles erat, aufugisset, quia facinus

cinus quodpiam nefarium (id uero quale fuerit ignoro) admisisset, & uero in Aphricam uenisset: relictis urbibus in desertissimam processit regionem, ibiq; cū ardore solis torreretur, speluncam subiens, ab æstu quiescebat: hæc autem spelunca leonis erat cubile. Postea autem quàm ex uenatu leo summo cum dolore quo laborabat ex pede transfixo stirpe à summo præacuta reuertisset, atque in iuuenem qui intra specum abdebatur, incidisset, ipsum leniter aspexit, ac blãdiri cepit, pedemq; porrexit, & quoad poterat sibi stirpem extrahi rogabat. Ille primo, etsi mors illi necessaria erat, ab eo pertimuit, deinde postquam mansuetam uidisset beluam, & pedis morbum cognouisset, tum id quod pedem uexaret, euellit, tum uero dolore liberauit. Qua curatione leo delectatus, illum hospitaliter & amice tractando, & quæ uenaretur cum illo communicando, præmium salutis persoluit. Is quidem incoctis, ut leonum mos fert, pascebatur: ille uero assis uescebatur, communiq; utriusq; mensa secundum suam quisque uiuendi rationem utebatur. Itaq; totum triennium ibi Androcles ætatem duxit. Cum eiusmodi habitationis illum tæderet, iamq; solitudinibus eius animus expleretur, à leone discedēs, uagari cepit. Cumq; ubi esset, intellectum fuisset, cōprehenderunt eum, uinctumq; Romam ad dominū miserunt. Hunc dominus tum de his quæ admisisset facinoribus reum facit: ita factum est, ut is sic capite damnaretur, ut distrahendus bestijs daretur. Tum

uero ille Libycus leo fortè captus fuit, & in theatrum immiffus, fimul & eò ad pereundum coniectus eft homo leonis aliquando hofpes, & conuictor. Primū quidem feruatorem fuum non recognouit: leo cōtrā ftatim hominē diuerforem fuum agnouit, fuauiterq; blanditus eft, & totius corporis inclinatione ad pedes hominis fe abiecit. Androcles tandem fuum hofpitem recognouit, & leonem tanquam peregrè uenientem amplexatur. Interea pardalis Androclē cum inuadere aggrediretur, leo illum, qui uidelicet ei aliquando falutem attuliffet, ab huius laniatu feruauit, illamq; lacerauit. Spectatores, ut par erat, incredibili tenebantur admiratione: qui autē fpectacula præbebat, Androclē accerfiuit, ab eoq; totā rem cognouit. Inde primo rumor in multitudinem affluxit, deinde re cognita, populus clamorem fuffulit, cunctusq; confelfus multiplicem plaufum dedit, homini ipfi, & leoni eflē largiendam libertatem.

## De leonibus senibus.

## CAP. VI.

**L**Eo cum ætate procefferit, & iam grauis factus fuerit, tum ad uenandum infirmus, aut in specubus, aut nemorofis tractibus libenter requiefcit, neq; tum uel cum infirmiffimis animalibus, ætatis fuæ infirmitati diffidens uerfari fidenter audet: fed confiderans corporis fui imbecillitatem, femper timide & diffidenter cum ijs agit. Ex hoc procreati & robustæ & uigētis ætatis fiducia nitentes, longe procedūt ad uenandum;

dum: ac patrem iam senem secum adducit, cum impellentes: deinde in media uia, quam ingressi fuerint, illum relinquentes, toto animo ipsi in prædæ curam incumbunt, ac tantundem prædæ consecuti, quantum uel libi uel genitori satis ad prandium sit, generoso quodam & contentissimo rugitu edito, parētem suum secum, is ut conuiuium ineat, tanquam conuictores ad prandium conuiuam inuitant. Senex tum sensim & pedetentim uelut reptans, eò accedens, primo filios amplexat, deinde lingua eis suauiter, uelut horum laudans felicem uenationem, blanditur: post & prandio dat operam, & cum his epulatur. Tametsi Solon qui lege sanxiuit filijs parentes alendos esse, hæc eos facere non iussit: sed natura humanis legibus nihil egens, ipsa immobilis lex ad hoc officij munus docuit.

De gressu leonis.

CAP. VII.

**C**um leo ingreditur, nec rectà iter facit, nec simplex ponit uestigium, sed uarium imprimat, & multiplex: modo enim progreditur, modo regreditur, tum rursus procedit, idemq; uicissim retro comeat, nunc quasi sursum uersus, nunc permixtum facit uestigium, deinde partim præcidit uiam, partim obliterat, ut ne uenatores eius uestigijs insistentes, iustrum, ubi cū suis catulis habitat, reperire possint: quod diuino munere proprium naturæ leonū donatū est.

De naturali affinitate leonis cum

delphino,

CAP. VIII.

f 4 In media

**I**N media natura quædam communitas retrusa leonibus est, & affinitas cum delphino: non ex ea parte solum quòd uterque imperat, ille quidē terrenis bestijs, hic vero aquatilibus: sed quòd senectute ambo tabescunt, & cum sunt in ægritudine, illi terrestris simia medetur, huic marina quoque simia remedio est. Nam ut in terra, sic etiam in mari aliquod est simiarum genus, quod similiter huic, ut illi, medicinam illa ipsa morbi affert.

De leonibus Indiarum.

CAP. IX.

**L**EONES in India nasci maximos, ne tenuissima quidem dubitatio est: terra enim India mater optima aliorum animalium in causa est. Hi immanissimi dicuntur, eorum pelles aspectu nigræ sunt, & horridæ & formidolosæ. Si capiantur, mansuescunt quidē, modo ne maximi sint: tum vero adeo assuescunt loro, ut faciliè similiter atque canes ad uenandos ceruos, apros, tauros, & asinos syluestres duci queant: sagacissime enim, sicut audio, odorantur.

Leo comedit carnes cameli.

CAP. X.

**C**AMELI carnes à leonibus comedi solere, testimonio est Herodotus, cum in Xerxis camelos, qui cōmeatum portarent, dicit leones inualisse, & ex alijs animalibus nulla, neque iumenta, neque homines attigisse.

De leonibus Aegyptijs in deos relatis,  
& de Sphynge.

CAP. XI.

Leonibus



Leonibus in Aegypto religiosus cultus non modò tribuitur, sed etiam ex ijs urbs nomen traxit; quorum sanè uim ac naturam exponere non alienū uidetur. Tempa habent sibi consecrata, & sedes ad commorandum amplas, & ad exercendum spatia & curricula laxa, tum eis bubulæ carnes quotidie præbentur, quas distractas atque ab ossibus nudas cum interea exedunt, & conficiunt, ab Aegyptijs incantantur Aegyptia uoce. Cantionis argumentum huiusmodi est, ne ex aspicientibus quenquam fascinent. Neq; uero eorum modò permulti diuinitatem & religionem apud ipsos habent; uerum etiam sedes eis dedicatæ, è regione contrarios auersosq; aspectus habent; quarum fenestræ, tam quæ ad solis exitum pertinent, tam etiam quæ ad occasum spectant, apertæ suauiore uiuendi rationem eis & iucundius habitandi domicilium efficiunt, tum eis etiam sunt exercitationum loca ad tuendam ualitudinem, tum propinquæ palæstræ. Eos ideo Vulcano Aegyptij consecrarunt, quòd sint natura uehementer ignita, atque adeo exteriorem ignem ob copiam interioris egerrime intuentur, & fugiunt; tum ipsos idcirco solis domicilia constituunt, quod ignei sint; simul & solem, cum est æstiuo tempore calidissimus, accedere ad leonem cœlestem dicunt; & ij quidem qui magnam Heliopolim incolunt, in templi uestibulis eos diuinæ cuiusdam sortis, ut Aegyptij dicunt, participes alunt. Nam ijs, quibus præcipuus est deus somnio-

rum significationibus secundū quietem, futura non solum ostendunt, sed etiam à periurissimis, quòd iusiurandum non conseruent, & fidem uolent, non longo interuallo, atque adeo euestigio, deo eis iustum impetum afflante, pœnas illorum fraudi debitas, reserpetunt. Empedocles inquit, si post excessum è uita homo de semetipso in bestiarum naturam demigrat, multo præstantissimam commutationem esse, quæ fit ex homine in leonem. Sin homines è natura sua in plantas commutantur, optimam esse conuersionem, & demigrationem ex humano genere in laurum. Quòd si Aegyptiorū, qui in notione naturæ uersantur, rationem æstimatione dignandam ducimus, hæc etiam non leui momento æstimare oportet, cum attribuit igni huius animalis anteriora, aquæ uero posteriora. Sphingen Aegyptij qui scalpturā exercent, & Thebanæ fabulæ duplici natura conformantes, biforem nobis conantur repræsentare, ipsum ex corpore uirginis & leonis cum grauitate, & compositione architectantes. Sed hæc in fabellas reiicienda: nos leonum uim explicemus.

De leonibus cicuribus in templo Adonidis,

CAP. XII.

**I**N Aelymæa regione templū est Adonidis, ubi leones tantopere cicures sunt, ut eos, qui intra templū ingrediuntur, amplexentur, & adulentur. Atque etiam si quis edens appellet, ij tanquam inuitati conuiuæ, accedunt, & acceptis quæ eis præbuerit, moderate

ratè discedunt.

De leone ulciscente canem contuberna-

lem suum.

CAP. XIII.

**Q**UOD de leone Eudemus dicit, non paruam admirationē habet: hoc ipsum eiusmodi est: Inueni ferarū cicuratori, canem nimirum, ursam & leonem fuisse, eosq; primum, & pacem inter se seruasse, & amicitiam recte coluisse. Deinde cum canis aliquando & ursa inter se colluderent, & ludicris morsuunculis conflictarentur, ursam repentē ad feros mores reuertisse, & canem simul inuasisse, & uentrem misero unguibus indignissime distraxisse, cuius atrocitatem facti leonem indignatum, perfidiæ ursinæ odio, quod & fœdus fregisset, & amicitiam institutam uiolasset, inflammatum, iusta & merita iracundia contra ursam & exarsisse, & ab ea pares pœnas, quibus illa prius canem affecisset, repetisse.

De maurorum leonibus.

CAP. XIII.

**C**UM homine Mauro & aliarum rerum communitatem quandā habet, & aquam de eodem fonte bibit. Hunc audio, cum uenandiratione falsus, fame premitur, Maurorum domos adire, ibi si uir adsit, illum ab ingressu phibere: uicq; procul arcere: si in domo is absuerit, & sola mulier ad domum tuendā relicta fuerit, hanc obiurgatorio sermone, illum ut ne ulterius pergat, inhibere, illiq; ita moderari, ut is constineat sese à progrediendo; & minime famis immunitate efferuescat. Intelligit sanè leo uocem Maury-

g : siam.

siam. Verborum quibus mulier leonem increpat, huiusmodi sensus perhibetur: Non te pudet, cum sis leo omnium animalium rex, ad meum tuguriolum, uti pabulum tibi concilies, mulieri supplicatum uenire, uiceque hominis corpore male affecti in muliebres manus respicere, ut muliebri misericordia dignatus, quæ tibi opus sunt, assequaris, quem potius in montibus ad captandos ceruos, aliisque animalia, quæ ad leonis partum pertinent, exerceri: non autem more caniculi infelicis uictum quæritare oporteret. His quasi cantionibus mulieris leo excãtatus, afflicto animo & uerecundiæ pleno, sensim oculos in terram deiciens, iustis rationibus uictus, discedit. Neque uero cum equos & canes ob conuictus communitatem minaces hominum sermones intelligere, & timere uideamus, mirum uideri debet, si leones Mauros homines intelligant, & uereãtur. Cui rei testimonio sunt pueri eorum infantes, quos simili atque catulos leonum æqualiter uictus ratione uno eodemque tecto alunt. Quamobrem leones Mauryas uoces intelligere posse, nec incredibile, nec præter opinionem existimandum est.

De leone, urfa, & fabro materiario,

C A P.

XV.

**I**N Pangio Thracio monte, Eudemus ait, urfam quæ leonis lustrum non ignorabat, à defensoribus uacuum esse: huius catulos, qui per ætatem se nondum tueri quirent interemisse, mox parentes cum alicunde  
ex ue

ex uenatu reuertissent, & cum etiam Iconculorum cædem factam uidissent, acerrimo, ut par erat, dolore pressos, ursam insecutos fuisse. Hæc uero summo cum metu quantum potuit itineris contendentem, in primam quancq; arborem conscendisse, ibiq; ut ab illorum insidijs declinaret consedisse; eam autem illi cum se uiderent ulcisci nequire, lænam quidem continenter summa diligentia ad arboris truncum insidias molientem excubasse, sursumq; uersus intentis oculis sanguinariam aspexisse. Leonem uero similiter atq; hominem ex liberorum morte inærentem, longe lateq; summo cum dolore totis montibus errasse, dum materiarium fabrum offendisset, cuius è manibus magnopere exterriti securim ubi is excidisse perspexisset, sese attollens, illum blande & suauiter amplexabatur, linguaq; illi faciem abstergebat. Quam benignitatem homo sentiens, suis rebus fidere coepit; leo hunc cauda amplexatus ducebat; neq; securim, quæ huius è manibus effluerat, illum relinquere permittebat, sed pede suo securim tollendam esse ostendebat, cum eius significationem homo non intelligeret, securim leo ore accepit, mordicusq; tenens, illi porrexit, ac deniq; illum ad lustrum suum, ubi constrati catuli iacebant, perduxit; id quod læna uidens, ipsa quoq; ad eos profecta, homini significabat, cladem miserabilem respiceret; atque postea sua significatione hunc impellebat, suspiceret ursam. Vnde homo coniectura affectus aliquam hos ex hac grauem iniuriam accepisse,

omnes nervos ad excindendam arborem contendit, quam cum evertisset, ursam præcipitem in terram deslapsam feræ distraxerunt. Hominem illæsum leo reduxit in locum, ubi prius ei occurisset, atque matris ræ quam à principio cędebat, illū inuiolatū reddidit.

Leo non nascitur in Peloponneso CAP. XVI.

**L**EONES nō gignit Pelopōnesus, quod doctissimus Homerus non ignorasse videtur, cum aiebat, Dianam in Tageto, & Erymātho Peloponnesi montibus delectatam fuisse in uenandis apris, & ceruis; leonum autem non meminit, & recte quidem, quòd hi ab ijs uacui essent.

Leones non unà cum lænis cunt. CAP. XVII.

**N**ON ad uenationem, nec ad pugnam eadem uia leo & læna proficiscuntur; causam periti ad notionem animalium afferunt, eorum robur corporis esse, suis enim eatenus uiribus confidunt, ut uterq; nō egeat alterius.

GILLII ACCESSIO.

Quemadmodum leones mansuefiant.

CAP. XVIII.

**V**T mansuefiant leones, non uerberibus cædendi sunt, nam sic acerbiores fiunt; nec rursus blanditijs ualde leniendi, ne superbiant; sed blanditijs minacibus facilius ex feritate ad mansuetudinem traduntur.

GILLII ACCESSIO.

Quemadmodum leones capiuntur. CAP. XIX.  
Vbi

Vbi leonis ex spelunca ad aquam proficiscentis tri-  
tam uiam Libyci uenatores obseruarunt, rotun-  
dam scrobem latam, & altam faciunt; in eius medio  
columnam excitant, de hac agnum suspendunt, fo-  
sam maceria cingunt, ne cum appropinquat fera, do-  
losum barathrum uideat: Agnus sublime fixus esu-  
riens, illius cor balatu incitat, ad quem, primum ut is  
exaudiuit, animo prompto & læto celeriter accedit,  
& circum maceriam accerrima fames diu uersari eum  
non patitur; statim enim transilit, inopinata autem fo-  
uea ipsum excipit. Vbi uero se in profundo interclus-  
sum intelligit, in omnes partes sese uersans, non cessat  
sursum uersus impetum facere. Qui autem acco-  
lunt Euphratem, ad hanc rationem eos uenantur: ut  
ex uenatoribus, partim in equis uelocibus & forti-  
bus sedeant, partim pedites retia tendant: tres in insi-  
dijs collocati ad retia maneant, ex ijs unus in medio,  
alij singuli in utroq; retium cornu cōsistant, ut is qui  
in medio est utrinq; extremos alios audire possit: alij  
more bellico circumscdentes, piceas faces ardentes in  
dextra, in sinistra clypeos habeant: nam ijs concre-  
pantes, & incredibilem facium obiectarum metum  
feris injiciunt. Omnes simul equites circumfusi, inua-  
dunt, & pedites cum strepitu sequuntur. Leones cum  
sic uociferatione uenatorum obstrepuntur, resistere  
non audētes, cædunt, tum ignis metu, tum uirorum,  
in retia incurrunt, ac comprehenduntur. Aethiopes  
minori negotio eos capiūt, magno robore uiri (quod

ipsum magnam admirationem habet) scutati, atque omni ex parte contra huiusmodi feras armati, flagellorum vibratione leoni in spelunca facenti obstrepunt: Is hanc indignitatem nō ferens, ore hianti atq; imminente, inflammataq; oculorum flagrantia, magno eum rugitu erumpit, & tanquam procella & turbo in eos celeriter irruit: illi firmo constantiq; animo eam tempestatem excepiunt: Atque interea cum is unguibus & dentibus eorū quempiam appetit, alius retro lacessens leonem percutit, & sublato clamore uexat. Tum idem confestim relicto priore, quem iam ore ceperat, ad posteriorem os retorquet. Alij alius de irritant: at is martium robur spirans, huc & illuc irruit: hunc quidem relinquit, alium uero sublimem corripit. Tandem longo labore fractus, & spumam in ore agens, decumbit, ac nimirum humi stratum, & iam ualde quietum, uinculis constringunt, & tanquā arietem à terra tollunt. Neq; hoc prætereundum, leo in folijs ilicis ut fecit uestigiū, torpore tenctur: itemq; si conculcat, uel si modo appropinquant folijs scillæ herbæ torpore capitur: hæc uulpes in luporum cubilia non sine causâ inſciunt, insidiosæ nimirum non ignorant quæ eis infestissima sunt.

## GILLII ACCESSIO.

De pardale siue panthera.

CAP. XX.

**P**ardalis anterioribus pedibus quinq; digitos habet, posterioribus quatuor. Huius generis femina maiore quàm mas robore prædita est. Ea si uen-

natam



natam herbam à gentili angore suo appellatam inprudens comederit, confesum exquirat hominis siccus coëp̄ inuento, ex ueneno seruat, atq̄, sicut Cicero ait, auditum est, pantheras quæ in Barbaria uenenata carne caperentur, remedium quoddam habere, quo ut essent usæ, non morerentur.

## GILLII ACCESSIO.

De pardalibus &amp; lyncibus. CAP. XXI.

**P**ardalium duplex genus est, aliq̄ maiores, & dorso ampliores, & pinguiores: aliæ quidem minores, sed robore non inferiores. Eandem coloris uarij, & figuræ corporis speciem, similitudinemq̄ ambæ præter caudam gerunt: nam maioribus minor est cauda, minoribus uero maior. Velocissimè currunt, & recta uia feruntur: diceret sagittam neruo expulsum: Vino delectantur. Pardaliū præterea duplex est genus, aliæ enim lynces nūcupatæ, parua quidē, contra lepores comparantur: aliæ maiores in ceruos, atq̄ oryges facile insiliunt: eiusmodi ambo corporis figura similes sunt: & similiter utrisq̄ oculi suauiter fulgent, Facies utrisq̄ alacris perlucet: paruuum utriusq̄ caput. Solus color dissimilis. Minores quidem rubra pelle, maiores uero croceo sulfureoq̄ flore distinguuntur. Mirifice amant suam prolem: cum enim catulos à partu recentes uenatores clam furati fuerint, eæ autem uacuum cubile uiderint, in maximos luctus incidunt. Pardales ante pullos procedunt, & cum uenatoribus pugnant, neq̄ hastatos hos

h mines

mines quicquam timent, neqꝫ magnam iaculatorum multitudinem exhorrescunt. Imò uero suum partum accerrime propugnâtes, micans ferrum & sagittarum missionem, & saxi factam lapidationem egregie contemnunt: ac sanè festinant uel antè mori, uel suos ab impetu uenatorum prohibere. Lyciæ & Cariæ pardalis, nec animosa est, neqꝫ ualde ualet saltu, nisi cum est uulnerata: tum spiculis resistit, neque ferro facile cedit.

De pardalis suauolentia. CAP. XXXII.

**A**Dmirabilem quandam odoris suauitatem olet pardalis, quam bene olendi præstantiam diuino munere donatam, cum sibi propriâ planè tenet, tum uero cætera animalia hanc eius uim præclare sentiūt. Hæc autem hoc modo uenationē capit, cum horum quæ ad uictum opus sunt eget, sese uel in loca arboribus consita, uel folijs uestita, ita occultat, ut inuentu difficilis tantum respiret: hinnuli, dorcades, capræ syluestres, atqꝫ alia eiusmodi animalia quadam suauis odoris illecebra attrahuntur, & proximè accedunt. Illa tum quàm mox de latebra exiliens, ad prædam se rumpit, atqꝫ eam comprehendit.

Quemadmodum pardales simias capiunt. CAP. XXXIII.

**Q**uamobrem in Mauritania pardales cum robore sint & uiribus præstantes, non cursu quo maxime ualent, simias persequi aggrediuntur, causa est, quoniã

quoniam non longe ante hanc excurrentes sese tradunt, sed & ut mox eam uiderunt, in fugam se conferentes, in arbores altas ascendunt, & illius impetum declinantes, illic confident. Veruntamen pardalis ad hanc rationem simia doloſior, inſidias molitur, & dolo neſcit. Vbi enim ſimiarum multitudo manet, eò profecta, ad terram ſe ſub arbore abiicit, & uentre proſecto humi, ſic iacet, tibias ut admodum remiſſe porrigat, oculos claudat, ſpiritu compreſſo ſeſe ab anhelando contineat, & uero mortua uideatur. Illæ uero hoſtem ex alto deſpicientes, mortuam ſuſpiciantur, & facillime credunt id quod uehementer optant, nondum tamen deſcendere audent. At experimenti cauſa unam ex ipsis, quam audaciorẽ putant, ad examinandum pardalis affectum præmittunt: hæc quidem non omnino ſibi præſidens deſcendit, ſed timide & pedetentim primo decurrit, poſt metu reſpreſſa reuertitur. Tum uero iterum deſcendit, & cum proxime ad pardalim acceſſit, regreditur ruruſus. Tum tertio deſcendit, & illius oculos ſpeculatur, ſpiritum ducat necne periclitatur. Illa autem immoſtam ſe fortiſſime præſtans, paulatim huic animos addit, & iam cum hanc permanere conſtanter ſine damno circum illam ſublimiores ex ſuperiori loco ſimix ſpeculatur, fiduciam, & ſpiritum colligentes, ex arboribus frequentiffimæ decurrunt, & circum eam concurſantes, ſaltant, ſimul & ſupra ipſam gradientes inſultant, & in illius contumeliam ſultationem ſi-

micam saltantes, multifariam ei illudunt, & gaudium quod de hac ipsa tanquam mortua immortaliter pergaudent, testantur. Illa autem omnia sustinens, simul ac illa ipsas insultando, & illudendo defatigatas esse intelligit, ex inopinato exsiliens, earum partem unguibus lacerat, partem dentibus distrahit, atque opimum, & adipale ex hostibus prandium sibi abunde comparat, & tanquam Vlysses ancillarum contumelias & procorum, sic diu multumq; harum insultationes perpetitur, ut hostes ulcisci queat.

Quemadmodum pardalis parcat suis famularibus.

C A P. XXIIII.

**R**atione carentia, ab his quibus cum consuetudine quotidiana intercedit, magna amicitiae religione adducta abstinere, & parcere saepe solent. Pardalim enim audio, cum eam à paruula cum hominibus uenator uersari adsuuefecisset, atque adeo mansuefecisset, eamq; sanè tanquam amasiam adamaret, & magna cura aleret, ob eamq; rem hœdum huic, quæ simul cum ipsa aluisset, eam hœdi esu oblectare cupiens, comedendum dedisset; edere illum, etsi occisus erat, recusasse. Cum enim primo die is ad pastum obiectus semel fuisset, ab eo ipso edendo se sustinuisse, quia propter cibi expletionem inedia uti necesse haberet. Secundo iterum die hœdus huic allatus est, ab eo similiter, quoniã adhuc fame non premeret, se continuisse. Tertio die quis esuriret quidem, & solito signo cibum requi

requireret, nō hōc dū tamē suū cōtubernalē attingere uoluisset, sed illo relicto, alterum sumpsisse. Homines autem suos intimos & pernecessarios nō modo produnt, sed sæpe etiam in fratres & parentes multa perfidiose faciunt & improbe & malitiose.

## GILLII ACCESSIO.

Quemadmodum pardales capiuntur.

## CAP. XXV.

**V**bi proficiscentis ad aquam ex spelunca pardalis, uenatores tritam uiam obseruarunt, ibidem rotundam & altam & latam scrobem faciunt, in eius medio lignum defigunt, ex eo catellum suspendunt, cuius testiculos tenuibus uinculis constringunt. Is uinculorum dolore pressus gemit, & latrans suo sono pardalim ad se commouet. Hæc non mediocri uoluptate gestiens, illuc se magnis saltibus incitat, & nulum dolum esse existimans, in positas insidias incidit. Simul & uino capitur: Vbi primū in Libya paruum fontem animaduertunt, nō magno sonitu, sed egerime scaturientem, & consistentem, & sub arenam subeuntem, unde pardales prima luce bibere soleant, eò uenatores noctu amphoras permultas dulcis uini plenas afferunt, quod iam decem annos in dolijs bene conditum consistit. Ac nimirum posteaquam hoc idem in fontem infuderunt, inde procul sedent stragulis tecti, nam nulla alia re se occultare possunt, neque enim sane lapidum, neque arborum tegmenta inueniuntur: ibi enim sola terrarum ab arboribus nuda

ex omni parte ad uidendum patent ; eæ autem ardent  
ter sitientes & grauem sitim depellere cupientes , ad  
nigrum iam fontem accedunt, & simul ut uini, cuius  
studiosæ sunt, potione sitim expleuerunt , statim pri-  
mo saltatione ludunt , deinde sensim obdormientes  
humi sternuntur. Itaq; arctè & grauiter dormitâtes,  
nullo negotio comprehenduntur.

Quemadmodum pardales uenantur Mauri.

C A P. X X V I,

**P**ardales cum Mauri uenantur, eiusmodi insidias  
collocât, ut intra ædificatiunculâ lapidibus quam  
primo struxerint, putrescentis iam carnis frustum ex  
longiore funiculo appendant : deinde ex arundinis  
bus ianuam rara structura imponant, per eas ut scetis  
dæ carnis odor emanet, & longe lateq; uagetur. Hûc  
inclusum scetorem feræ bestię sentiunt, nam quodâ  
modo tetrīs odoribus delectantur. Itaq; huius cibi  
appetitione , huc illuc circumferuntur , & tanquam  
quadam amatoria illecebra attractæ , & inci-  
dunt in laqueos , & infelici esca constri-  
ctæ tenentur , & uero illaqueatæ,  
pœnas dant ligurationis &  
helluationis im-  
portunæ.

FINIS LIBRI II.

# LIBER TERTIVS

DE NATVRA ANIS  
MALIVM.

De canibus. CAP. I.



ANIS calua nulla ossca commissura constat, sed ossis perpetuitate continetur. Cum se plurimum in currendo exercuit, multo effusiozem ad res uenereas existere ferūt. Cumq; multum ætate processit, ei dentes hebescunt, nigricq; redduntur. Tanta narium existit sagacitate, ut nunquam carinam carnem, nedum etiam uarietate condimentorum fallacissima temperatam gustet. Tribus morbis laborare solet, angina, rabie, podagra, cum homo interea sexcentis morbis sit opportunus. Quodeuncq; autem à rabioso cane morsum fuerit, perimitur. Postquam podagra tenetur, perraro ex ea conualdescit. Ad decimum quartum annum uita ei producitur.

GILLII ACCESSIO.

De uarietate canum. CAP. II.

Totidem canum genera sunt, quot equorum. Qui excellunt, sunt, Pæones, Aulonij, Carcs, Thraeces, Arcades, Argiui, Lacedæmonij, Sauromatae, Cretenses, Magnetes, Amorgi, Galli, Aegyptij, Hispani. Quòd si ex uarijs nationibus canem temperare cupis, Arcades Helicnsibus misce, Cretenses h 4 Pæonibus,

Pæonibus, Cares Thracibus, Thyrrenos Laconicis, Sarmaticos Hispanis. Ex iam commemoratis maxime præstat qui hac forma constat. Longo & robusto corpore, capite leni, oculis acribus & cælis, dentibus exertis, ore largo, parvis auribus, tenui cute præditis, collo longo, pectore forti, anterioribus pedibus brevioribus, cruribus longis, scapulis latis, lateribus inflexis, clunibus non pinguibus, sed multa carne plenis, densa & longa cauda. Huiusmodi enim longis cursibus comparentur contra ceruos, & lepores. Alij rursus sunt bellicosi, qui non modo in generosos tauros inuadunt, & apros occidunt, sed neque leones suos reges timent. Vasto corpore existunt, simo rostro, fronte horribili, oculis igneis, quorum pupillæ cæsiæ sunt, pelle tota hirsuta, robusto corpore, dorso lato; Hi non ueloces, sed magno robore, & animi & corporis, & acerrima audacia præditi sunt. Huiusmodi contra feras armentur. Colore albi aut nigri, non boni, neque enim solis ardorem, neque hiberni temporis acerbicatem ferre possunt. Præstantes sunt, lupis, uulpibus, aut pardalibus similes. Vel qui frumentacei coloris speciem, similitudinemq; gerunt. Quod si catellos recte educare studes, caue caprarum, ouium, aut domesticarum canum mammas sugant, nam segnes & debiles efficiuntur, sed uel ceruas uel cicurem lænam, uel damas, uel lupam lacteant. Sic enim & robustos & ueloces efficies, cum enim recordabuntur se ab huiusmodi animalibus nutritos, pudebit



debit eos non robustos existere. Cum uias ad uidentum difficiles oculis & intelligentia homines, narium uero sagacitate canes assequuntur. Homines hyberno tempore nullo labore omnia oculis cernunt; nam & niuib; descripta omnia uidentur, & luto impressa uestigia pedis plantæ manent similia. Ver autem inimicum canibus: contra amicum autumnus tempus; nam cum terra & multiplices, & uarias producat herbas, & floribus uarie olentibus, uerno tempore abundet, prataq; sua sponte purpurefcent, omnes uia; inuestigandi canibus sagacibus debilitantur. At enim in frugifero & dulciũ uuarum parenti autumnus, herbis fruticibus, floribus senescentibus, solus ferarum sensus canibus remanet. Quod si quis canum sagacitatem experiri uult, cum lepore, aut uiuo, aut mortuo longe lateq; errat, primũ recta, deinde obliqua, tum sinistra, tum dextra uia proficiscitur. Ac nimirũ cum longe ab urbe aberrarit, facta scrobe leporẽ dedit: Vbi uero post ad urbem reuerterit, eandem uiam cũ cane repetit, is leporis odoratione statim affectus, incitatur ad persequenda uestigia, ac post longam inquisitionem ad metam peruenit.

## GILLII ACCESSIO,

## De canis disciplina &amp; imitatione.

## CAP. III.

Plutarchus scribit, se non debere præterire eam canis disciplinã, quam ipse Romæ spectasset. Mimi docentis nimirũ fabulam, in qua uaria & multiplex  
i persona

persona agebatur, non modo appositè canis alios subiectos affectus imitatione cōsecutus est: sed etiam cum ueneni, quod quidem tanquam mortiferū poëmati subiectum esset, ueruntamen tum duntaxat uim conciliandi somni haberet, in eo ipso cane periculum fieret: is panem, ad quem uenenum admistum esset, sumpsit, & deuorauit, ac quàm mox præ se tremantis & ebrietate oppressi, animoq̃ deficientis similitudinem speciemq̃ gessit, ac nimirum se tandem ad terram abijciens, tanquam mortuus, humi stratus iacuit, sc̃q̃ huc & illuc, ut fabulę ratio ferebat, trahendū permisit, atq̃ etiã cum ex dictis & actis intellexit tempus esse excitandi, sese sensim primum tanquã ex artissimo somno experrectus mouit, & alleuato capite aspexit, deinde illine surrexit, simul & ad eum quem oportebat, & necesse erat cum gaudio profectus est, ut omnium sanè spectatorum, & ipsius Cæsaris (nam aderat Vespasianus senex in Marcelli theatro) admirationem & assensionem commouerit. Canum, sicut ait Cicero, tam fida custodia, tanque amans domitorum adulatio, tantumq̃ odium in externos, & tam incredibilis ad inuestigandum sagacitas narium, tanta alacritas in uenando, quid significat aliud, nisi se ad hominum commoditates esse generatos.

De canibus & Otide aue.

CAP. IIII.

**L**epus & uulpes canum metu exhorrescunt, atque interdum uel sola canis latrantis denunciatione  
ex loco

ex loco undique septo, uepribus & dumetis uestito excitantur. Tum uero leonem in fugam compellunt, Ceruos item insequuntur. Verum auis nulla non carnem paruifacit. Vnam autem Otidem excipio, quæ propter corporis sui grauitatem, & tarditatem carnem perhorrescit. Eam enim pōderosa corporis mole constrictam alæ non facile alleuant: iccircoq; demisso atq; humili uolatu utitur, quia pondere deprimitur. Ex eo fit, ut nonnunquam à canibus capiatur: itaq; conscientia suæ humilitatis perculsa, simulac canes latrantes audiuerit, in dumeta, aut paludes excursionem se impellit, quibus & protegatur, & ab instanti periculo seruetur.

De canibus cynocephalis, deq; memoria  
animalium.

C A P. V.

**B**Ene sanè animalia discere ita perecepi. Regnantibus Ptolomæis Cynocephalos Aegyptij literas legere, & saltare, & ad tibiam canere, & pulsare citharam docebant. Tum uero unusquispiam Cynocephalorum mercedem horum nomine sic scitè tanquam periti pecuniarum coactores exigebat, & id quod dabatur in marsypium, quod serbat appensum, congebat. Sybaritas saltationem equos docuisse iam pridem peruagatum est. Elephantorum ad disciplinas docilitatem antè dixi. Dominorum usui canes seruire, & res domesticas his planè sciunt administrare: & pauperi satis ad famulatum est, unum possidere canem,

nem. Probè autem animalia eorum quæ agunt, memoriam tenent, nec ad memoriã Simonidis arte, nec Hippie, nec Theodecti, nec alterius cuiuspiam de memoria præceptionibus egent. Nam uacca cò proficisci nouit, ubi ab eius uberibus ad macellum uictus abstractus fuerit. Boum sub iugum mittendorum natio, libenter paret, Equus cum freni crepitum, & strata, & cætera ornamenta uidet, tum fremit, & exultans, unguularum suppfusione obstrepit, & ex eorum conspectu, afflatu quasi furoris ad iter incenditur: uoce equisonis excitatur, & aures crigit, & naribus inflatis, celerem festinationem anhelat, quodam incredibili cursus studio ad currendi memoriã rediens.

De canum beneuolentiã erga nutritios  
suos.

CAP. VI.

**I**Phidis filiam poëtæ ita decantant, ut eorũ uocibus I theatra personent, heroinam illam laudantiũ, siue quòd longe multumq; alias mulieres corporis castitonia superasset, siue etiam quia propriæ uitæ coniugem suum antetulisset. Verũ bestiæ quoq; exuperantia amoris flagrant, cuius rei testimonio sunt huiusmodi, quæ inlequuntur. Herigonæ canis suæ dominæ sepultura affectæ immortuus est. Ille uero Gelonis tyranni, nõ à sepulchro domini sui, nec ui, nec ullis blandimentis abscessit. Dario g extremus regnauit apud Persas, in ea pugna quam cõtra Alexandrũ suscepit, & cõmisit, cum à Bello & Nabarzane multis uulneribus confossus esset, & iaceret stratus: omnibus mortuum

tuum relinquentibus, canis ab eo educatus solus permansit fidelis, cumq; tametsi non amplius suum auctorem, sicut tamen adhuc uiuentem seruauit. Lysimachi regis canis cum se seruare quiret, non inuitus eadē qua suus morte dominus defungi uoluit.

De canibus Aegyptijs. CAP. VII.

**A**Lij quidē canes seras, tum inuestigare, tum etiā capere probe norunt: at uero Aegyptij fugacissimi sunt. Nam cum ea quæ in Nilo degunt timeant, ab his admodum fugitiui sunt, neque quamuis illue sitis ad bibendum eos attrahat, serarum Niliearū metus quiete illos potione se complere permittit. Ideo ne quid eorum, quæ infra aquam degunt emineat foras, ipsosq; obtorta gula de ripa in altitudinem abripiat, non inelinatione corporis abiecta ineumbunt ad bibendum, sed ut primum ad ripam accesserunt, festināter, & in transeursu lingua lambentes, rapiunt, ac eerte, ut ita dicam, potionem furantur.

De canum sapientia. CAP. VIII.

**R**atiocinationem, & dialecticam, ac sane partitionem canem intelligere uero proximum est, cum naturam omnium rerum habeat matrem inuictam. Mihi uero quispiam cum dialecticis imbutus, tum uenandi studio deditus, huiuscemodi dicebat. Venatica quæ aderat canicula, aiebat ille, eum leporis, quin usquam uidebatur, uestigijs insisteret, cumq; ea perferutans, peruenisset ad fossam, dubitabat utrum hoc dextrum an læuum iter ad insequendum leporis

rem susceperet. Vt uero primū sibi uisa est, tanquam differendi perita, satis rem perpendisse, euestigio fossam rectā iter faciens transiuit: is autem qui eam ipsam rationem differendi tenere mihi dicebat, sic colligens supra dicta demonstrare conabatur. Arguta canis, inquebat ille, primum secum considerate reputabat, uel hāc, uel istāc, uel illāc, lepus in fugā se coniecit. Deinde ratioeinabatur, non profectio hāc, nec istāc: ergo illāc fugit. Neque fallacibus conclusiunculis mihi errare uidebatur, nam nō perceptis in ipsa fossa uestigijs relinqucbatur leporem fossam transiuisse: recte igitur canis fossam transiuit, ca enim inuestigatrix diligens erat, & sagacissime odorabatur.

De amore canum erga dominos. CAP. IX.

**A**Mantes dominorum esse canes, cum illa quæ antè dixi argumenta sunt, tum sanè illud ipsum quod infrā scribam. Gelon Syracusanus cum arctissime dormiret, se ictum è cælo cogitabat: Hoc quod ei uidebatur, insomnium erat. Is etsi dormiebat, inter somnium tamen contentissima uoce clamabat. Canis igitur quem ipse alebat, simulatq; altoris amici sui uocem audisset, tanquam quodpiam Geloni periculum crearetur, insidiæq; compararentur, & in lectum maximo impetu prosiluit, & circum dominum conuersans, uehementissime latrabat, uelut insidiatorem ulcisci cupiens. Gelon cum rei funestæ metu, tum canis clamore somno quamuis arctissimo teneretur, solutus est.

De

De amore canum erga altores suos. CAP. 20.

**F**irmiffimæ benevolentiaë quam canes erga altores suos habent, illud certe magnam habet declarationem. Romæ bello quodam civili Caluus Romanus cum necatus efferet, huius uiri caput ex hoftibus nemo abfcindere poterat, cum tamen fumma contentione fequenti certarent, & facinus iftud confeifcere pulchrū ducerent, priusquā canem quē is auiffet, interfeciffent, ei affidentem, & beneuolētiam erga illum ipfum fidiffime & amantiffime feruantem, proq̄ eodem humi ftrato, & qui iam extremum fpiritum effuiffet, fic propugnantem, tanquam uirum commilitonem, & contubernalem bonum, & ad extremum amicitiaë obseruantem. Iam fortiter & præclare factum quod non uir, fed profecto canis cum bonitate eximia, tum robore animi feptus fecit, merito narrandum eſt: Pyrrhus Epirota cum iter faceret, fortuito incidit in canem, cadaueri domini fui adiacentem, & illud ipfum cum fumma diligentia cuſtodientem, ne quis poſt mortem uiolaret, atque imminueret. Is autem iam triduum ferens in ediam, diligentia cuſtodia affiduus illud feruabat. Hoc ſimulatq̄ Pyrrhus intellexiffet, hunc quidem miſeratus, ſepultura affici iuffit: cani uero plenum cibum ad ſe amandum allicientem dedit, paulatimq̄ illum allecctans abduxit, atque adeo attraxit. Sed hæc quidem hætenus. Poſt paulum cum exercitus luſtraret Pyrrhus, militesq̄ recenſeret, & uero canis adefſet: is non manuſectus fo-

lum,uerum cætera quàm tacitus erat. Vt uero in re-  
 censione militum interfectores domini animaducr-  
 tisset,tum non se continuit, quin uasto latratu , in eos  
 se rumperet, atque unguibus laniaret, simul & se ad  
 Pyrrhum conuertens quoad poterat, testem in hanc  
 rem citabat , quod homicidas teneret , latratum reli-  
 gioni habuit Pyrrhus,eicq; in suspicionem, & circum-  
 stantibus hi uenerunt de uiri morte. Itaque quæstio-  
 ne adhibita, ea quorum accusarentur confessi sunt.  
 Non ita homines amicitiarũ cultores, qui omni sode-  
 litatũ sanctitate spreta, amicos suos, cum uiuos, tum  
 mortuos produnt. Quid commemoram , qualia fas-  
 cinora contra amicos de retinendo lucro admittant,  
 quot insidias faciant,quas prodiciones moliantur, ut  
 profecto uehementer doleam,hominibus,fideliorem  
 & amantiorem canem inueniri.

De laboris patientia canum.

C A P. XI.

**E**Late amplec̃q; nunc sentiant Pæoniæ mulieres,  
 illaēq; præclara facinora facientes magnos sibi spi-  
 ritus sumant,quòd uno tempore, partim capite urnã  
 aquæ plenam serant, ita ceruicem erigentes, ut ipsis  
 ingredientibus,immota urna permanens, nulla incli-  
 natione propendeat,partim infantem puerum è sinu  
 suo appensum lactent, simul & habena in brachium  
 inserta mariti equum ad aquam ducant, simul & ma-  
 nibus linum neant. Darius magna admiratione affe-  
 ctus est,cum ei ius dicenti suam lororem , cum proces-  
 ra statura,tum forma præstantem Pæones eam quo-  
 modo



modo antè dixi exornantes adduxissent, ut ex eius cōspectu Darius sub iugum suum mittere Pæoniam aggredereur, studio adductus, tam operosæ nationis. Verum natura ad gressum quantò præstantior cānicula, cum enim uenaretur, quanuis uentrem ferret, leporem cepit, cæq; iam capta præda, statim domino cedens secelsit, atq; quàm mox nouem catulos peperit, quos aluit postea. Quod si Aegyptij eò magnificētius sentiant, quòd eorum uxores à partu statim è lecto surgunt, ad obeūda domestica munia antè dictæ canis factum audientes, remittant spiritus inflatos, animiq; tumor em comprimant,

De canum uigilantiâ,

C A P. XXXI.

**D**emulo supra ætatem suam laborioso, simul & de cibo publico ei ab Atheniensibus decreto, cū Aristoteles meminit, tum uero nos quodam loco commemorimus. Quod canis uigilanter quoque & fortiter, non modo pie & humaniter Athenis fecit, non alienum est cōsuetudine nostra, institutoq; opere declarare. Sacrilegus primum obseruato tempore intempesto, cum dormientes arcūssimus somnus complexus esset, de multa nocte intra Aesculapij templum ingressus est: deinde ut permulta donaria ex æde surripuisset, re iam, ut putabat, confecta, discessum parabat. Excubitor canis intus aduigilans ad templi custodiam, æditimis qui noctu ad sacras ædes uigilias agebant, multo uigilantiore xpilatore, dis-

k      repto

reptoremq; insequeretur, quàm maxime posset ex-  
pilationem direptionemq; horribili fremitu suo præ-  
dicans. Fur primum saxis lapidatione facta, canem  
appetebat: deinde ubi is latrare non desisteret, illum  
allicere conabatur, panes & offas canum illecebras  
obijciens; uerum custos incorruptus canis, uel fur  
cum euasisset in domum suam, uel cum inde exiret,  
se illi implacabilem, inexpiabilemque præbens, furem  
latrare non desinebat. Tandem intellectum est ubi  
canis esset, ac simul animaduersum quæ ornamenta  
deessent. Is ex hac canis uociferatione esse, qui tale fur-  
tum fecisset, in Atheniensium suspicionem adductus  
est: atque ut uerberibus & tormentis in eum quæsi-  
uissent, totam rem cognouerunt. Itaque ex lege hic  
capite damnatus, extremum dedit supplicium. Cani  
uero cibus publice præbitus, & publicæ curæ, ut fi-  
dus custos habitus est: nempe qui æditimorum nulli  
inferior uigilantia fuisset, fide etiam superior.

De canum odio in adulteros. CAP. XIII.

**Q**uemadmodum adulteris obtreçtet, & inuideat  
Porphyrio, animal etiam prudentissimum, non  
modo moderatissimum, alibi si bona memoria sum,  
me dicere memini. Iam uero caniculum Siculum  
adulteris infestissimum fuisse auditione accepi. Cum  
adultera mulier coniugem suum peregre redire au-  
disset, illum qui cum ea stupri consuetudinem habes-  
ret in latebras bene penitus, ut ipsa putabat, occulta-  
uit, uerum etsi ex seruis non lautissimi modò, sed &  
ianitores

ianitores pecunia corrupti, cum dominam ad occultationem adulterij iuabant, tum adultero confidentiam ad inferendum stuprum afferbant. Tantum tamen huic mulieri hæc astutia absuit ad præcauendū, ut certe perparuus canis partim locum illum, quo adulter abdebatur latraret, partim pedibus fores constupratoris, receptatrices eousq; conuellere adoriretur, domino ut non mediocris terror injiceretur, ex eoq; suspicaretur ibi malum aliquod latere. Quare fores effregit, adulterum comprehendit, qui eo animo cinctus gladio noctem expectabat, ut primo dominum domus interficeret, deinde uero, quam antè dixi, uxorem duceret.

De amore canum in nutricios suos.

C A P. X I I I I.

CAnum benevolentia proprium in altores suos. Illud de uiro Colophonio testatur: Is ad nundinas proficiscens, uti quædam ibi emeret, nam eius in mercaturis faciendis uersabatur industria: pecuniã, seruum, & canem secum accepit. Ac quidem seruus, qui cam ipsam pecuniam ferebat, cum uia aliquantum processissent, ad deijciendam aluum ex instituto itinere diuertit, quem secutus est canis, is postquam necessitati dedisset operam, è terra marfypium tollere oblitus, discessit. At uero canis ibi remansit marfypio incubans; deinde simul ut ad emporium, dominus & seruus uenissent, re infecta, cum nummi eis abessent ad emendum, eadem uia qua profecti fuissent, reuer-

k 2 terunt:

terunt: atque cum eò uenissent, unde prius ille diuertisset, de recta uia ab itinere suscepto deflexerunt, eodem ubi sanè nummos seruus reliquisset. Vbi canem marsypio incubantem, præ fame uix spirantem offendunt, qui uix dum dominum & conseruum suum uiderat, cum à marsypio se remouens uno & eodè tempore, & custodia & uita excelsit.

De Indicis canibus.

C A P. X V.

**E**X Indicarum rerum scriptis, de his quæ subsequuntur docemur, canes fœminas multò generosissimas, tum ad inuestigandas feras narium sagacitate præstantissimas, tum uero ad cursum uelocissimas in loca ubi tigridibus est habitandi cõsuetudo, uenandi rationibus eruditi, perductas ut primùm ad arborem alligauerunt, aleamq; ut uulgò dicitur, iecerunt, discedunt. In has autem tigres incurrentes uenationis inopia, ex fame laborantes lacerant, si autem ad libidinem inflammati, & cibo completi sint, cum canibus complexu uenero iunguntur: nanque illi quoque cum sunt exsaturati, uenerem meminerunt. Ex hac quidem tigridum consuetudine cum canibus, tigris quidem non generatur, sed semen ad deteriorem delapsum, maternum genus referens, canis efficitur. si canes tigride patre nati, ut uel cerui, uel apri uenatum præclare spernunt, sic cum in leones incurrunr, gaudio uehementi exiliunt. Summa Indus nobilitate homo Alexandro Philippi regis filio, horum

rum roboris canum, sic periculum fecit, ut primo ceruum emitteret, canis ex eo loco, ubi quiescebat, eum despiciatissimum habens, nihil se commouit, deinde ad aprum dimissum, quemadmodum affectus fuerat, in ceruum immotus permansit: tum uero ubi ursus immisus fuisset, æque hunc, atque alios despiciatui ducens, ab eo inuadendo se tenuit, ad extremum hic leonem quem protulissent in medium, ut uidit, cum ira exarsit, ac profecto tanquam iustus hostis in certamen descendisset, sine mora intrepidus inuasit, atque acerrima comprehensione, leonem constrictum tenens, illius fauces premebat, & suffocabat. Tum Indus, qui hoc spectaculum regi præbebat, quiq; probe sciebat eius robur animi & constantiam, primum huic caudam abscindi iussit, is præ ipso leone, quem mordicus tenebat, sibi caudam facile abscindi patiebatur: deinde etiam crus unum suffringi imperauit. Is uero æque ut à principio urgebat, & perinde nihil remittebat, quasi alienum crus, & ad se nihil pertinens suffringeretur. Post alterum, unde quoq; is nihil commotus arte tenebat, tum tertium incidere præcepit, is similiter ut antè nihil se relaxauit à retinendo leone: tum etiam quartum crus abscindi uoluit, is nihilo remissior factus, nihiloq; minus leonis retinens maximo robore ad eius perniciem incumbebat. Deniq; etiam caput à reliquo corpore abscissum erat, illius tamen dentes, ex illa leonis parte, in quam primum defixi fuissent, pendebant simul, & quanuis is

qui eos in iniūo defixisset, iam mortuus esset, eius tamen ipsius etiā nunc ex leone appensum caput sublime ferebatur. Hic cum Alexander non mediocri dolore afficeretur, ipsius admiratione uirtutis obstupefactus, quòd is qui tale uirtutis experimentum dedisset è uita, quàm ex robore animi cedere maluisset. Quare Indus uidens Alexandrum ex huius casu dolorem non mediocre cepisse, quatuor canes huic similes illius donauit: ille cum grato & iucundo animo eos munere accepit: tum uero eum ipsum qui dedisset tanto precio, quanto par esset præstantissimum regem, remuneratus est. Itaque horum quatuor munerum Alexander ex memoria dolorem quem ex primo suscepisset, deposuit.

De fide quam canes uenatoribus in uenando seruant.

CAP. XVI.

**O**Mnis canis uenaticus ex eo quòd ceperit feram, non mediocri uoluptate afficitur, & tanquam præmio, si dominus ei permittat, sic ea capta uitur. Si quidem non conceditur, bestiam seruat, quoad uenator aduentarit, de totaque captura pro suo arbitratu stauerit. Quòd si mortuo uel apro uel ceruo incidit, non attingit quidem, nec enim alienis se laboribus adscribit, nec quæ ad se non pertineant, sibi assumit: ex quo apparet emulationū uirtutis natura eum non expertem esse. Nec enim carnes quærere, sed uictoriam amare uidetur. Nec iam alienum est explicare, quid usu uenandi peritus canis agat, in eo ipso temporis

poris articulo, cum uenatur longo uenatoris uinculo alligatus. Antecedit, & silētio odoratur simul, & quādiu nulla ei præda occurrit, ante uenatorem præcurrit, quia suo sensu narium acerrimo ad sensum uenationis percipiendum habilior existat, atque alacribus & promptis ad inuestigandum naribus magnos uenandi processus efficiens, uenatorem ad pergendum ire ulterius attrahit, & allicit. Si uero uestigia deprehēderit, et quodā bestię sensu afficiatur, hic se subito retinens, siliit pedem, & quod uenationis prouentus prope sit, gaudio persusus uenatori blanditur. Eò ille cum proxime accessit, eius osculatione pedum, & cōplexu inuitat ad prædam. Ac simul ad institutam uenationem incumbere perseuerat, & pedetentim usq̃ eò procedit, quoad ad cubilē locū peruenerit, quem ultrā non progreditur. Quo animaduerso canis dux, propria uenatorum significatione prædā adesse, his qui retia ferunt denuntiat, hi autē retia circumijcūt, canis intelligens uoce opus esse, ad excitandam serā, latrat, ut ex fuga in casses incidens comprehendatur. Ex hac porro capta, canes quemadmodum uiri, qui ex pugna uictoriam retulerint, sic exultat lætitiā, triūmphant gaudio, & quasi uitulatur. Hæc de captis apris, & ceruis agunt canes.

De canum rursus amore in dominos

singulari.

CAP. XVII.

**C**VM Hircanis & Magnetijs canes quasi societatem bellorum gerendorum inire solebant, hisq̃

k 4 maximo

maximo ad bella inferenda, adiumento erant. In pugna ad Marathonem commissa cuiuspiam Athenicis canis, summa contentione illi tulit auxilium, ac simul ex ea actione uterq; in uarijs descriptionibus honoris memoriam consecutus est. Hoc sanè admirabilis canum amoris exuperantiam declarat. Cum Polus, cuius dum uiueret munus erat tragicædiæ agere, animam quoq; egisset, & antiquo more cremaretur, canis eius alumnus in medios rogos sese immittens, uiuus unà cum altore suo exustus est. Rogo etiam eodem in quem Mentor impositus fuisset, huius canes uoluntariam mortem sibi consciuerunt. Vt uero Teodorum saltatorem sui propinqui, in sepulchrum imposuissent, eius Melitensis catellus, ultro seipsum in cadaueris tumulum iniiciens, pariter cum domino humanione & sepultura affici uoluit. Natio Aethiopicum est quæ canem, & habet regem suum, & illius etiam appetitui paret, si adulatur, eum nō iratum esse credunt; si latrat, iram agnoscunt: tū etiam uellicationes, ululatus, discursus coniectantes, ei obtemperant.

Qua ratione se curant, & sanant. CAP. XVIII.

**C**VM redundantia canis uexatur, herbam in marcerijs nascētem nouit, qua comela, omne id, quo affligitur, cum multa pituita & bile euomit, sibiq; hæc uomitio salutem affert, sine ullius medici opera, quo ad expellendam bilem nihil ei opus est: rabiem hæc nisi tollatur, facit. Lumbricis uexatos Aristoteles ait herbam edere. Si uulnus acceperint, cum uulnere obliga



obligationibus, tum pharmacorum temperationibus multam salutem dicentes lingua, hinc medicinam faciunt, atq; ad salutem plagam reducunt. Nec uero eam jilla fallunt, quod et si fraxini fructus ad pinguitudinem perducit sues, sibi tamen dolorem uertebrae coxarum contrahit. Itaq; uidens suillum pecus illius fructu exsaturatum, ab his recedit: contra autem homines ratione praediti, recte admonentibus non obtemperantes, perniciosis saepe rebus immoderate abutuntur.

Quemadmodum ius primigenium maximo natu suo  
catulo canis largitur. CAP. XIX.

**C**anis etsi permultos ex sese parit catulos, horum tamen est numero primus prodicens in lucem patrem refert, omninoq; similitudinem, speciemq; illius gerit: caeteri ut casus tulerit, nascuntur. Quod studio & prouidentia naturae fieri uidetur, cum matri antea patrem, tum caeteris catulis primigenium longe anteponeatis.

De cane Eupolidis comici. CAP. XX.

**E**Vpolidi poetae comico Augeas Eleusinius munere donauit canem, non modo genere molotis cum, sed etiam forma praestantem, quem eodem nomine Eupolis, quo Augeas erat, appellauit. Canis iam nomine Augeas, cum longa consuetudine, tum uero ciborum illecebris allectus, & blanditijs, diligebat dominum, ut praclare ostendit, cum aliquando seruus nomine Ephialtes dramata quaedam Eupolis

1      dis do

dis domini sui furriperet. Tum non latuit canem su-  
 rax seruus. Is itaq; acerrimo impetu, crudeliq; incur-  
 rit in hunc direptorem, mordicusq; comprehendens  
 interfecit. Post autem aliquanto in Aegina Eupolis  
 excessit è uita, ibiq; eius corpus ad sepultura datum  
 fuit. Huius uero canis morti illius ingemiscens, non  
 tantum ululatu primo illius excessum è uita luxit, sed  
 deinde moerore inediaq; extabuit, in odiumq; uitae  
 adductus ex altoris sui morte, extinctus est. Ex eo lo-  
 cus hic, ad huius casus memoriam conseruandam, ca-  
 nis luctus appellatur.

De natura canis, & quare ipsum uenerantur  
 Aegyptij.

CAP. XXI.

**H**Aec etiam de natura canum accepi: catulos na-  
 sci cecos, à partuq; tredecim primis diebus ita  
 oculis affectos esse. Postea tamen acerrimo oculorum  
 sensu esse. Eum ipsum Aegyptij uenerantur, ex eoq; le-  
 gem quampiã uocitarūt: cur id faciant, duplicem cau-  
 sam afferunt: Alteram, quòd cùm Isis usquequaq;  
 Olyrim quaereret, canes praecurētes, partim unà cū  
 ipsa puerū inuestigare conarentur, partim seras repri-  
 merent. Alterā, quòd cùm stella canis (quem Orionis  
 fuisse fama celebratū est) exoritur, tum cum ipso paris-  
 ter Nilus sese attollēs irrigationē in terram Aegyptū  
 inuehit, in agrosq; redūdat. Quamobrē canem ut fer-  
 tilis aquae conciliatorem Aegyptij uenerantur.

Quemadmodum ex Democrito Sus & Canis  
 animalia multipara.

CAP. XXII.

Cur

**C**Ur Sus & Canis sint tam fecundæ, & multiparæ, Democritus causam affert, quòd multiplicè uulvam, & seminis fellas receptatrices multas habeant: eas omnes semen non uno initu explet, sed iterum & sæpius eæ profeminantur, ut frequentia seminis receptacula implcantur. Mulas idem non parere ait, nec enim similes alijs uulvas animalibus habere, itemq; ex diuersis animalibus procreatas minime concipere quire: nec enim mulas esse naturæ opus, sed humanæ machinationis, ut ita dicam, adulterinum inuentum, & furtum mihi uidentur: quod fecit Medus asinus, cum uim æquæ inferens, fortuito grauidam reddidisset, homines postea huius uiolentiæ discipulos factos, in consuetudinem procreandi adduxisse, Libycorum asini maximi non equas comatas seruauerunt, sed duntaxat tonsas, nec enim has cum ornamento superbientes harum rerum periti aiunt eiusmodi maritos pati.

Vt sint ducendi Canes,

CAP. XXXIII.

**X**enophon de canibus hæc ait, per montes cogitari oportere, sic enim minus libidine incenduntur: limites transuersos cultorum locorum, & in liras digestoræ eis negotium exhibere, pedumq; offensiones inferre. Multo enim idè præstare ait, per aspera canes agitare, robustioribus enim fieri pedibus, & ad cursum præstantiores, corpora exercentes: tum uero ad meridiem hos æstiuo tempore agitandos

l 2 csc:

esse: hyeme per totum diem, autumno post meridiē, vere autem ad uesperam: Itemq; leporis uestigia multum hyemis tempore procedere, propter longiores noctes, parum autem æstate, quia sint tum noctes contractiores.

De amore Canis in dominos. CAP. XXXIII.

**P**Ræter ea equidem quæ suprâ dixi, Xanthippi canes domini perstudiosos fuisse eo tempore, cum ingenti bello Persarum in Græciam exardescente Athenienses ex oraculis instinctu diuino afflatuq; ceditis, relicta patria, in classem demigrarunt: tum huiusce, quem modo nominaui canes unâ cum domino transmittenti, se ipsi ex Attica in Salamina traiecerunt.

De canibus Cynamolgorum Indiæ populorum. CAP. XXXV.

**I**N his libris, quos Cnidius Ctesias de rebus Indicis conscripsit Cynamolgorum gentem, ait canes permultos, magnitudine Hircanis canibus pares, alere solere. Quamobrem sit hæc natio tam canum studiosa, causam idem affert. Cùm ab æstiuo solstitio ad mediam hyemem, tanquam apium examina, quæ ad alucos frequentes uerlantur, sic armenta numero ampliora bouum ferorum eos cornibus uehementer incitata appetant & noecant, hi non aliter hæc retundere ualentes, canes quos magna cura aluerunt, in ipsos immittunt, qui facile boues debellent, & interimunt. Deinde antè commemorati homines,

homines, quas esculentas carnes existimant, sibi aufc-  
runt, reliquas canibus impertiunt, libenterq; commu-  
nicant. Reliquo anni tempore cum non amplius cò  
boves accedunt, ad uenandas alias feras secum dus-  
cunt. Idcircoq; Cynamolgi appellantur, quòd à cani-  
bus lac exprimunt multà, tum uero sic idipsum  
quemadmodum nos uel ouillū uel caprinum bibūt.

De canibus.

CAP. XXXVI.

**C**Anibus contra morbos, quibus tentantur, her-  
bam natura præstantem dedit, nam segetem her-  
bescentem, si lumbricis uexantur, depasti eosdem ex-  
pellunt. Cum autem utrunq; uentrem exhaurire has-  
bent necesse, herbam dicuntur quandam comesse,  
cuius uipartim euomendo, partim deiecienda aluo  
superfluentes cibos eijciunt. Vnde Aegyptios aluos  
purgare didicisse ferunt.

De canum libidine.

CAP. XXXVII.

**C**Anes etiam cum mulieribus ueneris consuetudi-  
nem habere deprehensi sunt. Nam Romæ mu-  
lier adulterij accusata à marito fuisse dicitur: Adulter  
in iudicio canis esse prædicabatur. Inter canes cibi  
nulla est societas, ut persepe de ossè inter se sic lace-  
rent & distrahant, quemadmodum de Helena Paris  
& Menelaus. Solos uero Memphiticos canes in mes-  
dium auditione accipi rapinas proponere, & cõmu-  
niter uiuere. Maxime omnium animalium canes deli-  
xis oculis deorum simulacra intuentur.

I 3 De

De canis studio erga homines. CAP. XXVIII.

**G**laucam citharcedam à cane amatam fuisse au-  
 dio: alij dicunt non à cane, sed ariete: alij ab anse-  
 re. Atque apud solos Ciliciæ populos puerum, cui  
 nomen esset Xenophon, canis amavit, aliumq; ado-  
 lescentem in Sparta ob speciem gracculus amavit.  
 Canem maxime omnium animalium hominis aman-  
 tissimum dicunt. Cum homini occurrit, eum declinat,  
 reverentia quadam & pudore ductus, cum vero iniu-  
 ria affectum hominem ab alia fera perspexerit, tum ei  
 auxiliatur. Ac Nicias quispiam ex uenatoribus, cum  
 de improviso in carbonariam fornacem lapsus fuisset,  
 canes qui cum eo erant hoc intuentes, non illinc  
 discesserunt, sed primo circa caminum ingemiscentes,  
 & ululantes commorabantur: tandem prætereuntes  
 leuiter, & sensim morfu uestium attrahebant ad id  
 quod accidisset, tanq; auxiliores domino suo implo-  
 rantes homines. Unus igitur uidens hoc idem, suspi-  
 catus est id quod erat, & secutus est canes, inuenitq;  
 Niciam in fornace deflagratam, ex reliquis coniecta-  
 uit rem ipsam.

GILLII ACCESSIO.

De canibus Scytharum. CAP. XXIX.

**I**N Scythia canes cum asinis, in magnitudinis com-  
 paratione coniunguntur, quibus ad uehicula rotis  
 carentia mercatores utuntur, ac duo homines in uno  
 uehi possunt: quod ipsum ad lutulenta conficienda  
 itinera inuentum est. Sex igitur canes ad uehiculum  
 ordine

ordine ligantur, ij quocunq; ab auriga, qui unà cum mercatore, in uehiculo sedet, diriguntur, cò plaustrum euehunt, & lutum trāsmittunt. Vnum iam diem amplius laborem ferre non possunt. Itaque his lassis recentibus atque integri canes succedunt, neq; tamen magna onera imponuntur, sed duntaxat negotiatorem, & aurigam & pellium fasciculum uehunt. Ergo unus quoq; die negotiator habet tandiu necesse commutare canes & aurigas, quoad ad montes, ubi emat pelles, peruenerit. Præterea hæc mihi de canibus dicere nunc uenit in mentē. Cretica canis expeditissima, saltuq; maxime ualet, ut Cretenses testantur, & fama peruagatur. Ex canibus maximi animi est Molossus, quia acriter animosi sunt Molossi uiri. Carmanius uir, & canis eiusdem nationis, animo agresti atque adeo duro, immansueti ac feri existimantur, ut natura mansuefieri nō queant.

FINIS LIBRI III.

# LIBER QVARTVS

## DE NATVRA ANI MALIVM.

GILLII ACCESSIO.

De equis.

CAP. I.



V M equorum totidem genera sint quot hominum, dicam qui sint præstantissimi. Tyrrheni, Siculi, Achæi, Cappadoces, Mauri, Scythæ, Magnetes, Epeæi, Iones, Armenij, Thraces, Erembi. Ex omnibus maxime egregium equum periti scientiæ equestris dicunt, qui hoc habitu sit: Paruum & excelsum caput attollat, eius mentum ad collum annuat, lata sit & alacris frons, ex uertice ad frontem crebri pili concutiatur, ac oculis acutis & igneis præditus sit, latis naribus, exiguis auribus, collo incuruo, amplo pectore, longo corpore, lato dorso, duplici spina, clunibus pinguibus, excurrat à tergo proluxa cauda, feminibus bene compactis & musculosis, cruribus rectis, longis, & perinde ut ceruorum gracilibus, talus flectatur in orbem, unguibus rotundis sit & à terra altis, multo cornu, crassis, duris: huiuscemodi mihi sit equus ad bellum destinatus. Tyrrheni tales sunt, & Armenij. Magnam autem admirationem habet, quod animaduertitur in equis Cappadocibus, iuuenes corpore infirmo esse, cōtrà fortiores & uelociores



ciores quanto magis fenescunt: illos tum in atrox bellum compara, & cōtra feras bellicosas. Iam quis non miretur equorum robur, qui constantissime intueantur exercitus militum, & fulgentia arma non exhorrescant. Quid quòd noscant quando consistendum sit, quando rursus irruendum: ac nimirum præclare intelligūt militare signum, mirificòq; quodam sensu hostem instantem, uel longinquo interuallo præsentiant. Solertis enim naturæ munere, cauto & prudēti animo affecti sunt, suum sessorem cognoscunt, & ad eius conspectum hinnunt, illiusq; casum in bello grauissimè dolent. Iam quanto ardore sint in pugna do Tiberij equus declarat, qui in pugna ore flammam interdum emittere cernebatur. Instituti in theatris se inclinant & erigunt, & saltatorios motus, uel homini ipsi difficiles, memoriter imitātur. Omnium uelocissimi Siculi, & Libyci: Siculis uelociores, Armenij & Parthi: Parthis autem pedum celeritate Hispani præstant, at exiguo robore sunt, & corporis, & animi: & paucis stadijs eorum uires deprehenduntur. Egregia tamen sunt formæ pulchritudine. Maurorum equi maxime omnium excellunt, ad longum cursum conficiendum, & graueis labores tolerandos. Post hos Libyci longo cursu ualent, & ad solis ardores & meridiana sitim sustinendam præstant. Equi commodi, alij ad alias feras insectandas uarijs pedibus: & cęsij oculis contra ceruos accommodati sunt, contra urfos glauci, contra pardaleis ruffi, contra apros nigri,

gri, contra leones cęſijs oculis ornati. Inter omnes pulchritudine maxime illuſtris eſt Niſſenſis equus, exiguo capite, & denſa iuba: eo propter mollem ſeſſionem, & parendi facilitatem, reges utuntur.

## De Lycospadibus equis,

## CAP. II.

**E**qui Lycospades nuncupati, Gręcorum hominum cum ſtudioſi eſſe dicuntur, tum de huiuſce modi hominum genere mirificam notionem habere, ut naturali quodam ſenſu ad eos amandos aſſiciantur: neque enim palpantibus ſe offenduntur, neque reſiliunt, ſed tanquam conſtricti tenentur, totum diem cum ijs traducunt, atque ſomnum prope eodem capiunt. Sin ad ipſos barbarus accedit, quemadmodum ex ueſtigijs ſagaciter odorantes canes feras percipiunt, ſic eos equi cognoscunt, & clamorem tollunt, & tanquam ſanę feram beſtiam ex timeſcentes, dant ſe in fugam. Iam porro ijs ad quos aſſueverunt, & pabulum obijcientibus mirifice oblectantur, maxime aurigis formoſi uideri ſtudent, quod quidem ipſum cum natant oſtendunt: tum enim in aquam bene penitus procedunt, ut & nitidum os efficiant, & ne ſordidum quippiam ex præſepi, aut de uia illi tum deformet ſpecioſum nitorem, ac odorati unguenti ſuauiſſimam, Homeri & Simonidis teſtimonio, in amore, & delitijs habere exiſtimantur.

## GILLII ACCESSIO.

Cur Lycospades equi animosi dicuntur.

## CAP. III.

**L**ycospadas alij ideo dicunt à frenis lupatis appellari, quòd his effrenationem eorum præcipitem seffores moderentur. Plutarchus ex parentis sui sententia existimat hos optimos & uelocissimos esse, qui à lupo appetiti, ex eius faucibus euaserint: quod ipsum dubitationem habet, cur ij quos lupo mordicus presserit acriter animosi efficiantur, cum feræ bestię morsus, terrorem potius, quàm animum facere uideatur: & timidi effecti, quemadmodum feræ tendiculis attentatæ magis insidiarum metuentes sunt, ita hi à currendi celeritate sese sustinent: Quam obrem dicimus huiusmodi equos non ex eo magis ad currendum præstare, quòd cum pulli essent ex lupis euaserunt, sed quia animosi, & ueloces natura essent, propterea effugisse. Neque enim Vlysses iccirco prudens factus fuit, quòd ex Cyclope effugisset, sed quòd prudens esset, ideo ex Cyclope elapsus fuisse.

Quemadmodum equi carent palpebris inferioribus,

CAP. IIII.

**Q**uia palpebris Equi in gena inferiore carent, propterea Apelli Ephesio qui equum quempiã pinxisset, reprehensionem attulisse serunt, Alij non Apelli hoc accidisse, sed Niconi aiunt, cum tamẽ scien-

m 2 tilsime

tissime reliquas cæteras equi partes pinxisset: hanc partem illi uitio uersam fuisse.

De Equorum lauacione.

CAP. V.

**E**X ijs qui equinæ tractationis periti sunt audiui Equum delectari lauacione & unguentis. Simonis des in lambis dicit Persas post Cyri pugnam in Lydia camelos simul cum equis alere, equorum metum, ex camelis conuictu conantes expellere.

Equi Indici ad domandum difficiles.

CAP.

VI.

**I**NDICUM equum exultantem, & immoderatus excurrentem continere & coercere, habenas adducere, uel remittere non est cuiusuis, sed hominum qui à primis temporibus ætatis ad rerum equestrium scientiam instituti sint: hi freno ipsos sustinere assueuerunt, simul & refractarium lupatis refringere, quos quidem equinæ tractationis bene periti, ex indomita effrenatione in exiguum gyrum compellunt: Verum tamen ad hunc gyrum agendum, atque ad conficiendum orbem manuum robore opus est, & summa rei equestris scientia. Qui huius disciplinæ sunt experientissimi, & callidissimi agitadores, curram uersare in orbem plane norunt: cuius certamen non est contemnendum, præsertim cum duos milites pugnantes ferre queat.

De equis Libycis,

CAP.

VII.

De

**D**E Libycis equis hæc ex hominibus eiusdem gen-  
tis audiui: equorum uelocissimos esse, nullo la-  
boris sensu affici, ex habitus gracilitate & tenuitate  
macilentos esse, totosq; ex sese aptos existere ad for-  
tissime sustinendam dominorum negligentiam, pa-  
bulum enim dominos eis nec largiri, nec eos cum la-  
borauerint strigile perfricare, nec eis cubilia substernere,  
nec ungulas expurgare, sed simulatq; iter iustis-  
simum cōfecerunt ex equis desilientes, hos ad passio-  
nes dimittere, atque ita homines Libyicos grandis ma-  
cie cōfectos, & squalore sordidos huiusmodi equis  
uehi. Medos contra homines habitu corporis opi-  
mo, & luxu similiter atque illorum equos disfluentes  
adco nitescere, ut pariter cum dominis equos, & ma-  
gnitudine corporis & pulchritudine, atque adco lau-  
to extra corpus cultu delectari, & magnitudinem &  
pulchritudinem suam sentire uideantur.

Quemadmodum equi rabie incitantur bibentes ex  
Collinito flumine, & fonte Potniæ. CAP. VIII.

**E**Quos efferrari & rabie inflammari ferunt, biben-  
tes ex Collinito flumine Thraciæ, qui defluit in  
Bistonici stagnum, ubi Diomedis Thracis, qui im-  
manes equos habebat, quos Hercules expugnauit,  
regia olim fuit. Ex eodem morbo laborare dicunt  
equos bibentes de fonte Potniæ, qui non longe ab  
urbe Thebis abest. Itemq; Horotas & Gedrusios fa-  
ma est tanquam foenum piscis equis edendos obijcere.  
Celtas audio, boues & equos piscibus alere. Ut nō

nulli quoq; testantur, Macedones & Lydos piscibus equos suos pascere, ac nimirum oues Lydiæ & Macedonicæ ex eisdem pinguescere dicuntur. Apud Mylos cum equinum genus coit, quidam uelut Hymenæum quendam nuptijs præcinunt, & cantus suauitate permullæ, equæ grauidæ fiunt, & formæ pulchritudine, eximios pullos ex sese pariūt: iam uero equos ætate affectos aiunt pullos cum cæteris in rebus debiles, tum pedibus infirmos procreare solere, si casu equus lupi uestigium conculcet torpore comprehenditur: si item lupi calcaneum equi quadrigam trahentes conculcent, sistuntur tanquam ij cum quadriga conglaciassent.

Quemadmodum per se equos audaces & bellicosos efficiunt. CAP. IX.

**N**E armorum fremitum, & gladiatorum ad clypeos resonantium crepitum equi extimescant, eos ad strepitum & sonitum assuescere cogunt, armataq; cadaverum simulachra sub ipsum tænum subijciunt, ut cætorum conspectum in bello ferre consuescant, ut ne rerum terribilium metu affecti, ad rem militariæ rem inutiles sint. Quod quidē ipsum Homerus haud sane ignorauit, cum Diomedem quidem in Iliade scripsit Thraces iugulare: Vlyssen uero interfectos pedibus subtrahere, ne in cadauera incurrentes Thraces equi formidine perterrerentur: atque ad hæc ipsa inuēti, ut per formidolosa quædam ingrediētes præcipiti effrenatione efferrentur, licetiam ad discendum dociles

dociles sunt, neque rerum memoriam, quas perceperunt, ulla obliuio delet.

De Scythico equo coacto coire cum matre. CAP. X.  
**S**Cytharum regem, cuius nomē, quod nihil ad rem spectinet, sciens prætereo, equam habuisse audio, omni uirtute, quæ ab equo præstari queat ornatam, tum huius quoq; habuisse pullum, cæteris equis uirtute præstantem. Cum igitur equum alium non reperiret, dignum qui huic ipsi equæ admitteretur, nisi eiusdem pullum, ambos in eundem locum coëgisse. Veruntamen eos cæteris quidem in rebus inter se amanter gessisse, & libenter uersatos simul fuisse, non tamen ad coitum peruenisse, quoad per insidias admissarij uestimētis adumbrati fuissent, tum incaustum stuprum admisisse, quod quidem factum primum ut ambo intellexerunt, tam impium flagitium morte dissoluere conati sunt: sese enim præcipites agentes, mortem sibi consciuerunt.

De Indicorum Pnyllorum equis. CAP. XI.  
**A**Pud Indos Pnyllos (nam sunt etiam alteri Africi) arietibus non maiores equi gignuntur. Itemq; oues non magnitudine agnos nostros superant. Asiāni tantuli nascuntur & similiter muli, boues, & quod illic eunq; bestiarum per paruulum est.

De equis unum cornu habentibus. CAP. XII.  
**T**erram Indiam equos uno cornu præditos procreare ferunt, quorum è cornibus pocula conficiuntur, in quæ uenenum mortiferum coniectum, si  
 m 4 quis

quis biberit, nihil graue, quòd cornu repellat malum ipsum perpetietur.

De beneuolentia equorum erga nutrios suos.

CAP. XIII.

SI accurate & liberaliter tractetur equus, cum beneuolentia erga eum qui sibi benefecit, cumq; amicitia acceptum beneficium compensat. Iam quod longè lateq; peruagatum est, qualis in Alexandrum Bucephalus fuerit, propterea nihil mihi iucunditatis ad narrandum habere uidetur. Antiochi item equum præterco, qui ut dominum suum ulcisceretur, Gallo nomine Centoarati, qui Antiochum in pugna interfecerat, necem intulit. Socles formæ pulchritudine egregius Atheniensis, quem mihi permulti ignorare uidentur, equum emit pulchrum, & tam uehementi in se amore incensum, ut cum adesse sentiret dominum, exultaret & gestiret, cum ascendere pararet, se ad conscensum præstaret obedientem, cum ante oculos consisteret, ille suauiter & amatorie in eum intueretur. Quæ omnia eatenus amatoria & iucunda uisa sunt, quoad petulantiam in adolescentem attentare conatus est, simul & fama turpitudinis de ambobus dissipata extitit, tum eam infamiam Socles sibi consulari non passus, ut in amatorem flagitiosum, & petulantem, odio incensus equum uendidit. Is non ferens ab adamato suo se distractum abesse, acerrima inedia uoluntariam sibi consciiuit mortem.

Gillij



## GILLII ACCESSIO.

De Bucephalo equo. CAP. XIIIII.

**E**quus Bucephalus quem Demarathus Coryn-  
thius Alexandro donauerat, cum ex omnibus or-  
namentis nudus erat, equisonem etiam sibi insidere  
patiebatur: Cum autem ephippiatus & cæteris regijs  
ornamentis instructus, nullum alium sessorum quàm  
Alexandrum admittebat, cui sua sponte, & nullo im-  
pulsu astabat, & ut facilius conscensio esset, ei ascen-  
denti sese corpore demittebat. Quo usus est ad om-  
nia Asiatica bella Alexander.

## GILLII ACCESSIO.

De Feris equis. CAP. XV.

**I**N Aethiopum terris ultimis & deuijs ferorū atq;  
Iagrestium equorum non parua natio, duobus den-  
tibus acutis, & uenenatis prædita uersatur: quibus  
non perpetua pedum ungula, sed similiter ut ceruo-  
rum biffida est, iuba per mediã spinã ad extremã  
usque caudã pertinet: Ac si quando eos positis la-  
queorum insidijs Indi comprehensos in seruitutẽ re-  
digere uelint, abstinent se propterea cibo & potione,  
quòd seruiendi indignitatem acerbissimè ferant.

De amore equæ in suos pullos. CAP. XVI.

**E**qua mater optima summa charitate, & fide pul-  
lum suum amat, cuius sanè modi amoris Darius  
ætate inferior non imperitus, equas à partu recentes  
relictis domi pullis, ad pugnas ducebat. Pulli sic alie-  
no lacte à matribus orbi, quemadmodum homines  
n paren

parentibus amissis aluntur. Darius cum inclinata iam acie in coprælio quod ad Iassum commiserat, Persarum res premi cœpissent, cumq; uictus fuga salutem adipisci necesse haberet, in equam ascendit, quæ quòd relictæ memoriæ pulli recordaretur, quanto maximo potuit studio, & celeritate eum ipsum prædicatur ex periculis eripuisse.

De Equarum libidine. CAP. XVII.

Solas de bestijs equas, etiam si uentrem ferunt, se Siniiri sustinere audio. Incendi enim eas libidine ex foeminis maxime. Itaque libidinosas mulieres equas uocari solere ab eis, qui grauius ijs conuitium facere student: unde ipsarum equire ab hoc uno animali trahitur, maledictum in libidinosas mulieres.

De equa amata ab Equifone, CAP. XVIII.

Equam Eudemus ait adolecentē, ac armenti præstantissimam, tanquam omnium formosissimam puellam ab Equifone adamatam fuisse, primumq; sui amoris hunc flagrantæ moderatum fuisse. Deinde libidine inflammatum, usq; eò processisse cum equa, ut uenereo complexu iungeretur, remq; tandē perficeret turpem. Vbi uero equæ pullus incæsto suo pro matrem contaminari perspexisset, eam sic à domo tyrannicè tractari acerrime tulisse. Itaque impetu facto, uirum interemisse, atque cum obseruasset, ubi  
huma

humaretur, eò profectum refodisse, omnibusq; supplicijs cadauer iam nullum sensum ex mœrore percipiens uexantis, afflixisse.

Quemadmodum asini equas faciant.

C A P. XIX.

**I**Nter cæteras animantes equus magno elatoq; animo est. Enimvero magnitudo & celeritas ipsa ceruicisq; cminentia, & crurum facilis contractio, facilisq; porrectio, & unguularum crepitus inducunt, cum ut audacius is exultet & gestiat, insolentiusq; efferatur: tum maxime comata equa mollitie, & insolentia diffluens superbiat, eamq; ob rem ab asinis se iniri indignissime ferat, ut maximo uicissim gaudio compleatur, cum equo tanquam nuptijs sociata sit, ob idq; ipsum se plurimi esse arbitretur: cuiusmodi affectus gnari, qui sibi mulos gigni uolunt, equæ iubam temere, & sine artificio tondent. Posteaq; asinos admittunt, ea uero tum mariti ignobilitatem cuius prius pudebat, & contra quæ antè resistebat, facillime patitur, atq; eius rei Sophocles meminisse uidetur.

Quemadmodum equa capitur musica.

C A P. XX.

**T**ibiæ cantu usq; eò capiuntur Libyæ equæ, ut huius blandimentis ad homines mansuescant, & insultare desinant: quocunq; eas cantiuncularum blandiciæ inuitauerint, eò pastore consequuntur: cum ille insistit, hæc etiam à progrediendo se sustinent, ac si cantum contentiorem ad tibiæ canat, ex eo tanta uo-

n : luptate

luptate afficiuntur, ut lachrymas tenere non possint. Harum pastores ex Rhododaphne arbore pastoritiâ fistulam excavant, cuius sonoro inflatu armentū anregredientes demulcent. Euripides dicit, pastores hymenæos ad fistulam cantantes, ad uenerem equas incitare, atq; etiam equos ad ineundas foeminas incendere. Ad hunc igitur modum equinæ nuptiæ inician-  
tur, ut nuptiale carmen fistula præcinat.

De Hippomane,

C A P.

XXI.

CArunculam unâ cum pullo enatam, alij in fronte insitâ esse, alij ad lumbos, alij ad genitalia adhærescere aiunt, eam sane nuncupatam hippomanes, primum ut ex sese equa peperit, continuo deuorat, & dei benignitate misericordi in equinam stirpem occultat, ne si, ut ferunt, id ipsum usq; ad extremum uitæ diem pullus semper insitum in se perseueraret, habere, ad effrenationem impotentis ueneris, tam mas quàm foemina rueret, & libidinis rabie equinum genus funditus periret. Quod quidem ipsum penitus cognitum pastores habent, ac si quando ad moliendas alicui amatorias insidias egeant, ut ipsum ad cupidinem ueneris inflamment, diligenter obseruant quando equa uentrem ferens pariat, atque statim à partu pullium à pullo abscindunt, & in equæ unguam iniiciunt. Nam in hanc abditum & conditum optime seruatur, simul & pullum quòd ipsum postea non lactaret mater illa,  
in signi

inſigni & propria benevolentia nota carentem, ex orienti ſoli immolant: nam ideo pullum uehementer amare ingreditur, quòd illam deuorarit carunculam. Iam quicumq; per inſidias carnem illam guſtauerit, proiecta & præcipite amatoria libidine cõſtrictus tenetur, furit & perbacchatur & uociferatur atq; effrenatus ad omnem muliebris ſexus ætatem, cupiditatis adijcit oculos, ac morbum teſtans obuijs omnibus quemadmodum conflagret amoris flamma, exponit. Tum ex eo illius corpus diffluit & extabefcit, quòd ueneris inſania animus exagitetur. Equam Olympiæ ex ære excitatam eſſe accepti, ad cuius conſpectum equi amatores adhiuurent, ac amoris furore incitati cum ea geſtarent uenero complexu implicari, quòd abſtruſa quadam artificijs machinatione Hippomanes recõditum intra æream ſtatuum equos alliceret: neque enim erat tam diligens fabrica, ut ex ea equi catenus fallerentur & inducerentur, ut tanto perè ad illius conſpectum in uenerem ſtimulari deberent.

## GILLII ACCESSIO, CAP. XXII.

**O**lympiæ Phormis Arcas, ſicut Pauſanias tradit, ex ære equum poſuit, in eundemq; quemadmodum in ſermonem Elienſium uenit, Hippomanes inclufit: in hunc et ſi abſciſſa cauda turpior eſt, equi tamen ruptis uinculis libidinis furore feruntur, ac ſi de manibus ductorum effugerint, in eum ipſum ardentius multo, quàm in pulcherrimam equam, & uiuam,

& se iniuri sustinentem insiliunt: neque enim quod unguļæ cum ad æream statuam adherescere cupiunt, lubrico lapsu eludantur, idcirco coitum desperant, imo uero magis magisq; ore hiante atque imminenti adhinniunt, & uolentius inuadunt: neque, priusquã flagris & magno robore equisonis abstrahuntur, ab æreo simulacro depelli possunt.

## DE BOBUS.

Bos iniuriæ non immemor, CAP. XXIII.

**B**Ouem licet mansuetum, non facile tamen illius qui sibi stimulos admonet obliuio capit: at iniuriam animo ac memoria uel longissimo interuallo cõtinens, pœnas pro maleficio sibi illato sumit. Nam cum est sub iugum missus, lorisq; constrictus, quodammodo similis est homini in uincula coniecto, & se quidem trahi quò impellitur, quiescit. Ut uero solutus est, aliàs ad bubulcum uersus pedem suum laxans, aliquod illius membrum contriuit, aliàs sæpe in cornua incitatus, in cursu illum interfecit: Cum tamen in cæteros subito mansuetus existat, ac quietus in stabulum ingrediatur: neque enim ferus in eos existit, qui iram sibi non mouent.

De bobus cornu carentibus. CAP. XXIIII.

**I**N Nomadibus, qui ad Mœoticas paludes hyemant, & dies æstiuos in camporum æquoribus uiuunt, ex bobus partim sine cornibus nascuntur, partim serrula ideo excutuntur, quòd hæc pars uim frigoris sufferre non queat. Apud Mysios, boues cornuum

num expertes sunt, non item in Scythia, ubi minime cornibus boues muti sunt. Nec mihi molestus quispiam esse debet, quod contra scribam atque Herodotus, cum ait bubulo generi non esse in Scythia cornua. Iccircoq; cornibus mutilum est, quod uniuersum caluarie os nullas commissuras habeat, nihilq; humorum confluentium propter duritiem resistens capiat, & uero uenæ per hoc ipsum os pertinentes, propterea graciliores & debiliores, quia minus alantur: Itemq; eorundem qui à cornibus nudi sunt, eò sicciorum ceruicem, ac minus fortem esse necesse est, quod ipsorum pertenuis uenæ sint. Vaccæ Arabicæ propter alentium humorum confluxum, qui per multum generose propagationis nutrimentum cornibus præstat, eisdem excellunt: quæ uero cornibus carent, os humorem capere solitum, solidius habent, & haud quaquam hunc ipsum sibi humorem recipere potest. Quare incrementi causa cornibus existit influentia, quam sanè plurimæ & crassissimæ uenæ humore quantum ferre possunt, grauidatæ infundunt.

## GILLII ACCESSIO.

De gibbosis bobus Scytharum. CAP. XXV.

Scythici in quorum dorso gibber est, & proceris simi, & ex omni parte albi, per paruus cornibus sunt, & minime acutis: similiterq; ut camelii eminenti dorso existunt, simul & cum dorso clittellæ imponuntur, perinde ut camelii genua flectunt, rursumq; susce-

pto onere surgunt, quod ipsum hominum, qui ijs ad grauissimorum onerum uectiones utuntur, disciplina facere solent.

De bobus Phoeniciæ & Lyciæ. CAP. XXVI.

**P**hoenicum libri testantur, indigenas uaccas ea esse magnitudine, ut uel procerissimi pastores cū mulgent stare, atque adeo in scabellum ascendere habeāt necesse, ubera ut possint pertingere. In Libya Indis finitima retrouersus pascentium bouum esse armenta auditione accepi. Causa cur sic pascantur est, quòd ante oculos cornua habent, & quæ ante pedes sunt, uidere non queant. Ex quo fit ut ingressionem ad caudam retorquentes, herbam depascantur. Aristoteles ait Leucetricorum bouum cornua atque aures, ex una stirpe cognata & simul contexta esse.

De Libycis bobus. CAP. XXVII.

**L**ibycorum bouum tanta est innumerabilitas, tanta item celeritas, ut unum insequentes uenatores interdum fallantur, quòd nimirum in alios feros incidunt, & ille interim sub dumeta, saltusue subiens se subducit, alij autem similes exoriantur, & uenatorum oculos fallant: quorum quempiam si quis ingrediatur, insequi ne equo quidem, sed fessum longinquitate temporis comprehendet. Quòd si quis uitulum adhuc tenerum ceperit, & non statim occiderit, ex eo duplici commodo afficietur: Nam præterquàm quòd & ipse commoditatem affert, matrem suam in captiuitatem inducit. Postea enim quàm uenator uitulum



tulum fune alligauit, ab eo secedit: illa filij desiderio inflammata, tanquam a silo stimolata fertur, cupiens dissoluta resse cum abducere: ac nimirū cornua com-  
pingit, ut uinculum laxet & distrahat: At enim corni-  
bus in funis complicationem insertis, unā cum uitulo  
constricta tenetur: Cuius uenator cum secur detra-  
xit, & ubera excidit, & pellem exemit, carnes relin-  
quit auibus & feris.

De abstinentiā boum in area. CAP. XXVIII.

**N**E boues in area ad trituram accommodata spi-  
cas interim edant, dum proculcant, eorum bu-  
bulo fimo nares illinendæ sunt: Quæ astuta machi-  
natio perficit, ab illarum ut sese esu abstinēāt. Hoc ni-  
mirum animal huiusmodi terri odoris aspersione de-  
territum, nihil, ne si fame quidem acerrima premere-  
tur, unquam ederet.

De obedientiā domiti bouis. CAP. XXIX.

**N**atura etiam bouis est, cum ex feritate ad mans-  
uetudinem traductus est, ut ad parendum facilis  
sit. Enimvero ad feretrum portandū sub iugum mis-  
sus quietus manet, siue uelis eum erecto capite quies-  
cere, siue ad terram inclinato abijci, tum in ceruice &  
dorso puerum puellamue gestari patitur. Equidem  
ipse uidi, qui supra nihil se commouētes tauros saltar-  
rent. Item boues instituti sese in theatris inclinant, &  
erigunt, & motus uel homini ipsi difficiles saltant.

**Q**uid, inquit Cicero, de bobus loquar: quorum ipsa terga declarant non esse ad onus accipienda figurata: ceruices autem natae ad iugum, tum uires humerorum & latitudines ad aratra extrahenda, quibus, quum terrae subigerentur fisione glebarum, ab illo aureo genere, ut poëtae loquuntur, uis nulla unquam afferebatur, Ferrea tum proles exorta repente est, Ausa; funestum prima fabricarier ensem, Et gustare manu uinctum domitum; iuuentum. Tanta putabatur utilitas percipi ex bobus, ut eorum uisceribus uesci scelus haberetur.

De cornu bouis Indici.

CAP. XXX.

**P**tolemæo secundo ex India cornu allatum ferunt, quod tres amphoras caperet. Vnde conijcere possumus, bouem illum, à quo eiusmodi tantum cornu extitisset, maximum fuisse.

GILLII ACCESSIO.

Quodnam uestium genus boues reformidant.

CAP. XXXI.

**Q**ui ad boues accedunt, rubram uestem iccirco non ferunt, neque item splendidam qui ad elephantos appropinquat: quod certe eiusmodi colore eas bestias constet efferrari.

De Bubus Erythreis.

CAP. XXXII.

**T**Auris omnibus rigida & minime flexibilia existunt cornua: eam; ob rem cornibus perinde armati

mati furibunde appetūt , atq; ut homines armis tecti,  
in pugnam descendunt: Erythrei autem boues mobi-  
lia similiter cornua ut aures habent.

De certamine Indicorum bouum, qui cursu

ualet.

CAP.

XXXIII.

**I**N bubulo pecore, quod incitato cursu ualet, cus-  
Iram Indi ponunt: & simul de eorum uelocitate rex  
& permulti principes decertant, neque turpe ducunt  
pro huiuscemodi animalium genere auro argen-  
tōue sponsonem facere. Currendi meta bobus hæc  
constituitur, ut inter se nexi & iugati triginta stadia  
currant. Aequales & pares boues equis currunt,  
neque uelocitate boues ab equis intemoscas: Ac si  
quando rex de suis bobus cum quopiam sponso-  
nem fecerit, in tantum contentionis studium pro-  
cedit, ut is ipse in curru sequatur, atque adeo auri-  
gam incitet. Is sanè quidem equos stimulis cruentat,  
à bubus uero manus abstinet, siquidem ij nullis ad-  
motis stimulis incitatissimo cursu feruntur: Ac ni-  
mirum tam ambitiosa est bubuli certaminis con-  
tentio, ut non diuites modò, sed inferioris status  
homines in eiusmodi concertaminibus permultum  
uersentur. Sunt item apud Indos alij boues, qui  
maximos hircos magnitudine non superare ui-  
dentur: li uel coniugati uelocissime currunt, nec  
minus strennue quàm Getici equi cursum confu-  
ciunt.

o : De

De genere bubulo castrato &amp; non castrato.

CAP. XXXIIII.

**B**ubulo pecori castrato Democritus ait tortuosâ, gracilia, longa nasci cornua. Contrâ testibus prædico enasci secundum radicem, crassa, recta, multoq; minus proluxa, eisdemq; latiori, quàm alteros fronte esse: Nam hic ibidem cum multæ uenæ sunt, ab ijs ossa dilatantur, simul & cornuum eruptio quoniam crassior existat, frontem huic in latitudinem proferunt. Castrato uero quòd sedes cornuum & initium enascendi perparuum habeat circulum, minus dilatantur.

De Api boue.

CAP. XXXV.

**A**Pis apud Aegyptios efficacissimus deus creditur, ex uacca quæ fulgure afflata conceperit nascitur, Epaphum Græci uocant. Atq; huius generis antiquâ stirpem repetentes, Io Argiuam Inachi filiam illius matrem fuisse testantur. Sed hunc sermonem Aegyptij ut mendacem rejciunt, temporis longinquitatem testem citantes. Epaphum enim multis post sæculis extitisse ferunt. Primum uero Apim per multis annorum milibus in homines uenisse. Insignes eius notas Herodotus, atque & Aristigoras explicant. Quibus Aegyptij non assentiuntur, nouem enim & uiginti eas huic sacro boui aptas, & consentaneas esse dicunt. Quanam sint, tum quem admodum per corpus sparsæ, tum ut ipsis quasi floribus

floribus insignitus sit, aliunde intelligendum. Cuius nam autem ex sideribus naturam unumquodq; insigne per notas designet, Aegyptij satis superq; declarant. Etenim Nili ascensum, unum insigne significare aiunt: aliaq; insignia aliarum rerum significationes esse, haud profecto prophanis, & diuinæ historiæ intellectu facilia. Cum autem fama emanauit, Aegyptiorum deum exortum esse, ex scribis & sacerdotibus quidam ut documentum procreationi à patre traditum insignium notarum indicium accurate exquiserant, eò ubi diua uacca partum ex sese ediderit, accedunt, atque ibidem domum ad orientem solem, ubi sanè alatur, quatuor menses, excitant. Postea autem quàm ibi nutritus est ex oriente luna, scribæ, sacerdotes, & prophetae eòdem proficiscuntur, & simul nauem huic sacram instruunt, eaq; ipsum Memphim transportant, ubi sedes huic sunt & commorationes suauis: tum curricula, puluerationes, exercitationes, & uaccarum formæ præstantia insignium gdes, tanquam thalami in quos ingreditur, quum quam amat superuenire appetit: Itemq; est puteus, & fons aquæ potabilis, nam eiusmodi huic semper conducere ministri & sacerdotes asserunt: Non item ex Nili portione, ne propter dulcedinem in immensam molem pinguescat. Iam uero quas pompas, quæ sacrificia Aegyptij conficiant, cum nouæ alluisionis aduentum, tum dei exortum celebrantes, quas etiam saltationes tum agant, quos conuentus habeant, tum quemadmodum

dum omnes urbes & uiri immortaliter gaudeant, longum esset explicare. Is autem ex cuius armento hæc diuina bestia exorta fuerit, beatus habetur, summâq; Aegyptiorum admirationem habet. Is bos præsentatione ualet: Nec sanè uel puellas, uel aniculas ad tripodem sessitantes habet, neque sacra potione implet, sed pueri diuino afflatu concitati extra ludentes, atq; inter se ad numerum saltantes, consulentibus futura prædicunt.

De acuto sensu Canum, & Bouum, & aliorum animalium. CAP. XXXVI.

**C**anes, boues, sues, capræ, serpentes, & bestiae alie cum impendentem pestem, tum uero terræ motum, & cœli salubritatem & frugum fertilitatem præsentunt; Neque, tametsi ratione carent, ab eorum quæ sibi aut salutem, aut perniciem afferre queunt, intelligentia aberrant.

GILLII ACCESSIO.

De pugna & natura Taurorum. CAP. XXXVII.

**S**equitur, ut dicam, quemadmodum pro uaccis, taurorum maxime riuales & perpugnax natio, acerrime inter se certet, unus præstantissimus in minorum taurorum & uaccarum armentum dominatur. Hunc magnum regem perhorret grex armentorum cornibus armatum, uaccæ hunc maritum suum impotenti ferocitate exultantem, eo maxime tempore timent, cum diuersorum armentorum tauri alij in alios

alios mugiunt, & ab reliquis seperati, ceruice in iactantes inter se minitantur. Tum sane utrinque uehemens instat pugna. Primum infesto obtutu inter se intuentur, atque agresti iracundia ardentem ignem naribus spirant, & terram pedibus spargunt, & puluerulenta iactatione, & martiali spiritu contentissime uociferans uterque prouocat alterum: Ac posteaquam tuba signum dederunt, ad pugnam acerbam effreni impetu ruentes, inter se mutuis uulneribus cadunt, & quæ admodum in pugna nauali duæ præstantes naues permultis miliibus armatis fulgentes, & uehementi uento & remis propulsæ contrarijs, proris rostra inter se mutua allidunt, & concrepant armis, & strepitu uirorum: sic taurorum in cælum tandiu clamor fertur concurrentium, dum eorum alteruter ex certamine uictoriam retulerit. Victus cum dolens de pugna à se male pugnata, tum uerecūdans in armento comparcere, in syluam proficiscitur, & separatim à cæteris pascitur, ac in montibus aliquādiu se tanquam athleta quispiā exercet, dum collegerit uires, quibus cum se confirmatum sentit, statim uociferatur, adco, ut sylua ad eius mugitus uehementer resonet: ac posteaquam se exercuit in pastionibus, remotus ab omni uenere uirium eneruatrice robori confidere incipit, & ad bellum descendens, facile ante uictorem, uincit. Taurorum multa sunt genera, & uarij mores: Aegyptij qui accolunt Nilum, & colore nitui sunt, & magnitudine omnium præstantissimi, Veruntamen mi-

tes, & ad hominum genus mansueti, facile imperio audientes sunt: Phrygij rubro colore & flammeo, altaeq; & torosa ceruice præstant. Eorum ab alijs cornua longe diuersa sunt; neque enim consistunt, sed flexibilia huc illuc flectuntur. Aoniorum uarijs coloribus distinctorum perpetuè indiuisq; ungulæ sunt, eorundemq; unicum cornu, quod ex media fronte existit. Armenijs duplex cornu sic erraticis flexionibus tanquam hedera retorquetur: Ac si mucrone appetitur, ob corneam duritatem, non sine damno ferrum retunditur. Syrij bellicosi, magno robore, & lata fronte, cornibus robustis, aspectu truculento, nõ obeso corpore, neque rursus macilento, ad cursum & pugnam præstant. Bistones ad faciendas cædes prompti, horribili ceruice & pingui, rubro pilo, & oculis terribilibus, cornuum mucronibus aduncis, & harnacis non inter se reflexis, sed sursum uersus surgentibus. Eos cum impegerunt uel in hominem uel feram, in sublime tollunt. Eorum lingua quidem angusta, sed asperrima, tanquam ferrum limare potest, ut cum lingit, sanguinem eliciat.

## GILLII ACCESSIO.

De ardore libidinis tauri. CAP. XXXVIII.

**T**Aurus tanto ardore genitalem neruum continet ad uaccam adiunctus, ut sine motu ullo semen emittat: ac si à muliebri genituali neruus in aliam corporis partem aberrauerit, uaccam rigidissima intentione uulnerat: Neque tamen omni anni tempore ueneris



uencris libidine flagrat, sed decurso breuiter lasciu  
ardoris spatio. Aliàs semper tanquã ratione quadam  
& modo se à coëundo sustentat. Plutarchus ait, fero  
cem taurum, si is ad ficum alligatur, mansuescere,

Quàm acer & acutus in audiendo taurus sit.

C A P. XXXIX.

VAcca cum appetit coitum (appetit autem non  
diutius quàm tres horas) tum quàm maximum  
potest, mugitum edit. Ac nisi hoc trium horarum  
spatio taurus accurrerit, in aliud certum tempus,  
quod perraro accidit, naturam claudit. Taurus au  
tem uel longo loci interuallo, ex clamore illius appe  
titionem auribus concipiens, celerrime ad coitum ac  
currere festinat.

Quemadmodum Taurus, Equus, Ceruus, Mi  
thridates amauerint.

C A P. XL.

Mithridates Ponticus cum somnum caperet, sui  
corporis custodiam non modo armis & satellis  
tibus excubitoribus cõmittebat, sed & tauro & equo  
& ceruo, quos mansuëfactos habebat: li enim ad cus  
todiã eius dormientis aduigilantes, si quis accederet,  
illius sensum ex ipsa respiratione quàm mox percipie  
bant, atq; ille mugitu, alter hinnitu, alius sua propria  
uoce, eum è somno excitabant.

Quemadmodum taurus animo incitatus plas  
catur.

C A P. XLI.

Taurus animo incitatus, eo impetu cornibus appe  
tit, ea impotentis animi effrenatione fertur, nihil  
p ut cum,

ut cum, neq; bubulcus, neq; metus ullus reprimere queat. Atqui eū quidē ipsum homo sistit, atq; ab impetu continet, si dextrū ipsius genu fascia deligauerit.

De Cornigeris apud Indos certantibus bestijs.

C A P. X L I I.

**M**agnus Indorum Rex quotannis diem unum proponit hominū cursibus & pugillationibus, tum luctationibus bestiarum, quæ sane inter se cornibus appetentes, mirabili natura quadā catenus strenue decertant, quoad aduersarium funditus uicerint; Sicq; omni neruorum contentione, quemadmodum athletæ, ut aut maximo afficiantur præmio, aut gloriam capiant certaminis, nituntur. Rationis quidem expertes sunt feri tauri, arietes mansueti, asini uno armati cornu, hyenæ postremi in certamen ueniunt elephantis, ij inter se uulnerant, & alter sæpe alterum uincit, atq; adeo interimit: sæpe etiam uterq; uulneribus confectus, simul decumbit.

De tauris Aethiopicis, & quemadmodum uenantur.

C A P. X L I I I.

**F**eri tauri Aethiopici si cum Græcorū bobus conferantur, duplam habent magnitudinem, ac uelocitate corporis summè excellunt: tum rufis pilis uestiuntur, tum cæcis oculis ornantur: & aliàs quemadmodum aures, sic cornua mobilia habent. At enim in pugna ita animi seruore contendunt & erigunt, pugna ut nulla flecti queant: Eius enim tergora tanto robore sunt, ut nullis neq; spiculis, neq; telis penetrari possint

possint. In equorū & boum armenta & feras omneis inuadūt. Itaq; pastores ad tuendū suum pecus, occultas foueas in magnam altitudinem depressas, machinantes, moliuntur eis insidias. Hi cum deciderūt, acerbē ferunt, & atroci animi exandescētia suffocātur.

## GILLII ACCESSIO.

De Bisonte tauro.

CAP. XLIIII.

**B**ison cerui speciem similitudinēq; gerit: cuius à media fronte inter aures unum cornu in excelsitate magis dirigitur, quàm ea quę nobis nota sunt, cornua. Ab eius summo sicut palmæ, sic rami late diffunduntur. Eadem natura fœmina, qua mas, prædita est: eadem etiam forma, eademq; magnitudine cornuum. Tauros bisontes nuncupatos, ex omnibus animalibus maxime ad capiendum Pausanias tradit difficiles esse, neque retibus ullis retincri posse. Iam quemadmodum capiantur, adscribam. Locum decliuem ac deuexum sepimentis primum uenatores circumclaudunt, deinde totam decliuitatē, & id quod ad radices in planiciem explicatur pellibus recentibus detractis conspiciunt, ac si recentibus carent, sicca coria ut lubrica efficiantur, oleo madefaciunt: post uero qui maxime ad sedendum in equis periti sunt, eiusmodi tauros in loci illius angustias undique compellunt: si autem ad primas pelles delabuntur, atque per accliuitatem usq; eò præcipites aguntur, quoad in planiciem delati fuerint: quo abiecti primò non curantur; Deinde quarto aut quinto post

p : die,

die, cum iam fames & labor eorum præcipuū animi robur fregerit, homines qui ad māſuefaciēdas beluas præſtant, ijs adhuc humi ſtratis, pineos nucleos eden dos obijciūt, ac denicꝫ uinculis conſtrictos abducūt.

GILLII ACCESSIO.

De fero Tauro,

CAP.

XLV.

**A**Tꝫ, ſicut Opianus ait, omnium animalium ma xime ferus taurus carnibus uſcitur, & dome ſticis tauris maior eſt, ac cum equo in uelocitatis com paratione coniungitur. Oris riētus ad aures uſque pertinet: tum rubro colore nitelcit, & oculorꝫ candore noctu fulget, ſimiliterꝫ ut aures, cornua aliās mo bilia habet. In pugna uero cōſtanter firmat, pili cōtra naturam aliarum beſtiarū ad caput uerſus ſpectant, inuictō robore cū alijs animalibus belligeratur, quæ poſtquā deuicit, exedit & conficit, egregieꝫ paſtorū uires & canum multitudinē contemnit: eius pellis ab iētibus eſſe dicitur inuicta: Non ui comprehenditur, ac ſi in foueam incidit, aliāue dolofa machinatione capi tur, priſtinę libertatis retinētiffimus, ſibi mortem con ſcicit. Trogloditæ, apud quos huiuſcemodi belua naſcitur, præſtantiffimā iudicant, cui inſit leonis uis, equi celcritis, tauri robur, & quod magnam admirat ionem habet, ferro non concedit.

De Vacca,

CAP.

XLVI.

**A**Pud Aegyptios & Phœnices, ſicut Porphyrius ſcribit, humanis carnibus potius uſi fuiſſent, quàm uaccā comediffent: & quāuis tauris haudquæꝫ abſtine

abstinerent, tamen uaccarum usus non modo mensarum consuetudini, uerum etiam sacificationi interdictus fuit.

Cur uaccas ueneri consecrant Aegyptij.

CAP. XLVII.

**I**N Aegypti uico Schuffa nuncupato, non magno quidem, sed certe eleganti, qui in Hermopolitæ præfecturam censetur, Venerem religiose & sanctissime colunt, quam Vraniam appellant: Atque uaccam etiam ideo uenerantur, quia affinitatem & consuetudinem cum dea ipsa habere existimetur. Etenim huiusmodi bestia tãtopere ad uenerem incitata est, ut eum maris mugitum audit, ad coitum uehementissime exardeat. Atque adeo sicut harum rerum experientes confirmant, taurum à triginta stadijs ipso mugitu amatoriam significationem, quasi tesseram ueneris dantem, exaudiat. Itemq; Isum bubulis cornibus Aegyptij & pingunt, & pingunt.

De bobus Susorum. CAP. XLVIII.

**S**Vfias boues numerandi scientiam tenere Ctesias scribit. Nam Susis regi singulæ quotidie centum cados ad irrigandos hortos hauriunt. Quem quidem laborem, siue quod sit eis certus & constitutus, siue etiam quia diu multumq; in eo se exercuerint, promptissime obeunt: Nullam enim earum ad opus remolefcere uideres, neque ad alterum supra quam diximus eadum exhauriendum, nec uerberibus, nec blanditijs inducere posses.

De Buprestide.

CAP. XLIX.

**S**I buprestidem bestiam bubulum pecus deuorauerit, tantopere inflammationibus torquetur, ut & rumpatur, & non ita multò post efflet halitum extremum. Eiusmodi bestia uim cantharidis habet, cuius similitudinem gerit.

FINIS LIBRI IIII.

# LIBER QUINTVS

DE VI ET NATVRA  
ANIMALIVM.

GILLII ACCESSIO.

De quinque generibus luporum. CAP. I.



IRI ad vim naturamq; animalium pe-  
riti, quinq; luporū genera animaduers-  
terunt. Primus, quem uocant sagittas-  
rium, rufo colore est, & permagno ca-  
pite, tum uelocibus pedibus, tum eius  
plurimis maculis albis uenter distinguitur; Horribi-  
lem ululatum edit, incitatissimo impetu fertur, assi-  
dua concussione caput mouet, igneis oculis intuetur.  
Alter autem trunco corporis longo ex omnibus mas-  
ximus & uelocissimus habetur. Hunc homines circū  
& raptorem appellare solent: magno impetu ad præ-  
dam incitatur, eius cauda & latera argenteo colore or-  
nantur: mōtes incolit, quibus alta niue tectis proxime  
ad urbes fame stimulatus, tandiu cautè pedetentinq;  
accessum facit, dum latenter præda potitur. Est qui  
Taurum montem incolat & Cilices uicos, & montis  
Amani uertices: Inter feras eximia formæ pulchritu-  
dine aureo comæ fulgore enitescit, non lupus, sed lu-  
pi similimus, eoq; dentium robore præditus, ut sæpe  
durum saxum & ferrum perforet. Syrium canem co-  
gnoscit & quod ex orientem extimescit, statim ideo

tandiu in subterraneam latebram abstruditur, quoad pernicioſa canicula deſiſtat ardere. Sunt præterea alia duo genera cædis auida breui collo, latis humeris, hirsutis cruribus, roſtro & pedibus minoribus, paruis oculis: ex ijs eum qui dorſo & uentre exalbescit, & ſummis talis niger eſt, nonnulli miluum uocant. Alter niger, minor quidem eo quem modo dixi, ſed certe robore non inferior: Lepores uenatur, omnibus pilis inhorreſcit. Sæpe etiam lupi cum pardalibus cõplexu uenereo implicantur: Vnde naſcuntur thoës: ac pellis quidem uarietate matris, aſpectu autem patris ſpeciem ſimilitudinemq; gerunt. Iam porrò tympanum quod lupina pelle conſtat, ſi inter alia tympana, ſicut Oppianus ait, ouillis pellibus inſtructa pulſetur, ipſum ſolum grauiter reſonat, alia obmutescunt, nimirum oues etiam mortuæ lupos mortuos perhorreſcunt.

## De Lupis.

CAP. II.

**L**upicollum in eas breuitatis anguſtias compulſum atque uehementer compreſſum eſt, ut contorqueri retroq; uerſari nõ queat: & ſi retro uelit aſpicere, totum corporis truncum retorqueat, neceſſe eſt. Acerrimis atq; acutiſſimis præditus eſt oculis. Enim uero intempeſta nocte, uel luna ipſa ſilente, lucis uſura perfruitur: Et tametſi omnibus tenebræ offunduntur, non huic tamen lux eripitur: Hinc lycophos id temporis appellatur, cum lucem is ſolus naturæ munere oculis perceptam habet. Et uero Homerus mihi

uocare



uocare uidetur id tempus, cum iam tunc cernens lupus se in uiam dat *ἀπομαρτύλει οὐκ ἴστα*. Jam porrò lycobantata iccirco annum nominari existimant, quòd erga lupum sol amorem habeat; tum eo Apollinē delectari aiunt, quia hic ex Latona in lupæ speciem similitudinemq; cōuersa, editus in lucem, & susceptus fuisse feratur: Cuius sanè rei Homerus meminit, cum Apollinem nominat lycegenem: Eamq; ob rem lupti simus lacrum in Delphico templo, ad designandum partum Latonæ, ex ære excitatum esse arbitror. Alij non id propterea ibidem positum esse dicunt, sed donaria ex templo cum expilata direptaq; fuissent, eademq; à sacrilegis defossa, lupus indicauit, cum intra templum ingressus, propherarum quempiam (sacram illius uestem mordicus comprehendens) traxit ad locum usq; in quem donaria occultata fuissent: Deinde anterioribus pedibus cum ipsum locum effodit.

## De Luporum saturitate.

CAP. 111.

**E**Xaturatus lupus longum temporis interuallum in ediam fert, atque ei quidem uenter late projicitur, lingua tumescit, os obstruitur, & simul ut famem multo cibo depulit, similiter occurrentibus atque agnus mansuetus existit. Neque uero unquam tum, nec homini, nec bestijs ullis, ne si quidem per mediū agmen ingreditur, insidias molitur. Postea uero ei paulatim lingua extenuatur, ac in antiquam figuram redit, iterumq; lupus existit.

q De im

De immanitate luporum, CAP. IIII.

**L**upi natura immanes & crudeles ideo existimantur di sunt, quòd inter se uorant ad hunc modum. Mutuas sibi molientes insidias, eos enim ferunt primò in orbem circumagi, deinde excurrere, cum ex uertigine currendi & caligine eorum aliquis lapsus sit, in eum humi stratum cæteri omnes facto impetu ipsum laniant. Hoc quidem facere solent, cum uenationis facultate deficiuntur: Ita enim præ fame omnia nugas putant, quemadmodum scelerati homines nihil non præ pecunia præclare contemnunt.

De pugna Lupi contra Taurum, CAP. V.

**C**ontra Taurum lupo ire, & simul eum à fronte ideo adoriri non audet, quòd & cornua extimescat, & eorum robur mucronatum declinare studeat. Quamobrem primum uelut recta uia contra eum pugnaturus esset, præ se gerit minas, & illius oculis se crebro inculcat; deinde se retorquēs in dorsum infilit, & uerò acerrime ad eius perniciē incumbit, atq; cum naturæ astutia suam infirmitatem compensans, ipsum expugnat.

Quemadmodum delapsos boues in lacum

Lupi capiunt, CAP. VI.

**S**i boui qui in profundam inciderit paludem, lupi interuenerint, extrinsecus terrorem ei faciūt, eundemq; periculi denunciatione agitant, non extra paludem eum permittētes egredi. Quem diu multumq; post

postquam in paludis angustias compulsus, & in luto uolutatus suffocari coegerunt, maxime omnium illorum strenuus in aquam insiliens, & mordicus bubulam caudam tenens, extra paludem in terram ipsum trahere aggreditur: Simul & huius alter caudam apprehendens, ipsum trahit, & secundum tertius, & hunc ipsum quartus: hoc idem usque ad postremum qui extra aquam consistit, faciunt. Atque ad hunc modum extracto in aridum boue, lupi explentur & satiantur. Jam uero bouis errantem uitulum per insidias inuadunt, & arreptis naribus trahunt. Is contra sese retrahit: & permulta interim pugna editur dum illi hunc uel expugnare, hic resistere conatur. Cum autem hunc tam pugnaciter contra se res pugnare perspiciunt, eum obnitentem remittunt. Is ex uel retrahendi se, & contra eos tergiuersandi, retro uersus in dorsum suum recidit. Lupi facto impetu, eius uentrem lacerant, & distractum exedunt, & conficiunt.

De Lupo,

CAP.

VII.

**A**Nimalium uim & naturam ne dii quidem à sua cognitione scientiaque aspernantur. Siquidem Euristenem & Proctem audio cum in matrimonium sceminas ducere constitutum haberent, profectos ad Delphicum oraculum, deum consuluisse, quò cum Græcorum Barbarorumue affinitate deuincti pulchre & prudenter nuptijs allegati uiderentur, ijs  
q 2 deum

deum respondisse, quâ uenissent, in Lacedæmoniam reuertentur. Vbi cunq; porrò terrarum summe ferum animal ferens mitilissimum eis occurreret, inde ducendas uxores esse, sic enim feliciter ipsis & prospere processurum esse. Cui oraculo obtemperantes, cum in Cleoneorum regionem uenissent, ipsis occurrit lupo, agnum quem alicunde diripuerat portans: Ex eo illi coniecerunt Apollinem de ijs animalibus oraculo significationem dedisse: proinde ipsos Thefandri Cleonymi probi uiri filias uxores duxisse. Ergo si probe Dii tenent quodnam animal sit mansuetissimum, quodq; immanitate efferatissimū, non est nobis horum scientia negligenda. Pythocharis tibicen, cum ad tibiam magna contentione incitatos numeros caneret, luporum impetum represisse fertur.

## De lupis Mæotidis.

## CAP. VIII.

SECUNDUM Mæotidis paludis Conopium nuncupatum, lupi quos non à domesticis canibus differre dicās, cū piscatoribus studiosè uersantur; Quòd si maritimæ prædæ partem fuerint assecuti, cum his uiris rem maritimam tractantibus, & pacem habent, & tanquam foedere deuinciuntur: sin nihil consequuntur, eorum retia lacerant, & distrahunt, & pro eo quòd nihil dederunt, damnum retrahunt.

De Lu

De lupis flumen traſcientibus. CAP. IX.

**L**upi fluuios tranſmittentes, ne ui fluctuum atque imprefione funditus euertantur, ſtabilitatem ac firmitudinem ſibi è natura ſua conſtituentes, ex undarum tempeſtatibus ſe ſeruant, & flumina quæ tranſiri non poſſunt, ad traſcendum facilia, hac machinatione efficiunt: Caudas nimirum inter ſe mordicus tenentes, reſiſtunt ad perferendos fluctus, nulloq; ne gotio tutiſſime tranſiant.

Quomòdum lupo conuellitur à lycocòtono herba. CAP. X.

**P**roxime Nilum herba naſcitur, quæ non ſine cauſa lycocòtonos appellatur, quòd eam lupo calcans, conuulſionibus moritur. Propterea Aegyptij in terras ſuas eiſmodi herbam importari prohibent, quòd hoc animal uenerentur.

GILLII ACCESSIO.  
De Urfis. CAP. XI.

**U**rſorum genus aſtutum, cædis auidum, turpe, pernicioſum, dentibus exertis armatum, os longum habet, eorum pedes hominum ſpeciem ſimilitudinemq; gerunt, horribilis item ipſorum atque infeſtus rugitus, ſimul & perfidum & fraudulentum cor, ueneris libidine flagrat, & fceminæ noctes diesq; ad coitum inflammatiſſimæ maritos appetunt. Et tametiſi feræ beſtiæ, præter lyncem, & leporem, uentrem ferentes à coitu abhorrent, eæ tamen nò modo

nulla grauiditate intermittunt coire, uerum etiam impotentis libidinis effrenatione acerrime dolent, quando marium facultas deest, ac priusquam certum parandi tempus uenerit, uentrem elidunt, partumque uiolant, dum ad coitum exardescentes, assidue subigi gaudent, uno eodemque tempore & alendae proli, & explendae libidini dant operam. Nam à partu recentes statim coitus appetitione ardent.

Quemadmodum fingant suos catulos ursae.

C A P.

X I I.

**U**rsarum parandi ratio permira uidetur, nam nemo à partu uidens tam informem tamque rudem foetum ursam edidisse uitalem, partum iudicaret: simul enim ac in lucem hæc edidit, statim carnem illam nulla uitalis figuræ uestigia, nullamque animalis effigiem retinentem, amore complectitur, catulum agnoscit suum, ac cum in sinu gremioque fouet, & lingua fingit sua, & paulatim in confirmationem quandam sic effingit, ut aspicienti iam catulus ursæ hic esse uideat.

Quando ursæ parit.

C A P.

X I I I.

**Q**uemadmodum ursæ primo carnem informem pariat, deinde lingua conformet antè dixi: iam quod nondum narraui, dicam: Hyberno tempore parit, cum peperit, latibulis se tegit, nam frigoris uim reformidat, & ueris aduentum manet, nec ante tres menses catulos in lucem profert. Cum autem se habitu corporis opimo sentit, hoc enim ipsum morbi locoducit, latibulum, quod Græci *φωλιά* appellant, expetit

expetit (Vnde affectus quo laici tenetur *φιλία* Græcè nominatur) in antrum non recto motu sui corporis, sed supino ingreditur, & dorsi sui tractu reperit, uenatoribus ut uestigia sua oblitteret: Ibiq; postquam est ingressa, se quieti dans, habitum corporis extenuat per quadraginta dies, è quibus quidem quatuordecim immobilis manet, reliquis alijs mouetur: tantum solo lingendo dextero pede se sustentat, eiq; intestinum eatenus adducitur, ut propemodum cohereat. Quod quidem ipsum ea sentiens, Aron herbam agrestem edit, cuius natura uentosa intestinum diducit, & dilatat, eidemq; facultatem receptandi cibi affert. Cum autem cibus sese rursus refecerit, formicas exedens, facile exinanitur, neque quemadmodum hominibus ad deiectiones illi uel medici uel libri opus sunt.

De Vrsis,

CAP. XIII.

Vrsa si insequētib; urgetur, eatenus suos quoad potest catulos propellit: Cum autem se iam intelligit lassitudine deficere, & ut comprehendatur uicinam esse, tum alterum dorso, alterum ore gestans, in arborem ascendit, eorum alter unguibus ad dorsum Vrsæ adhærescit, alter dentibus eiusdē retinetur. Vbi uero ex fame laborans taurum inuadit, non aperto Marte pugnam committit, sed obliquo impetu paleas ria appetens, prosternit. Hic quidem oppressus mugit, & denique succumbit; illa autem deuorando expletur.

## De Urſis,

CAP. XV.

**V**Rſæ poſteaquàm uenatores, qui non humi modo ſe ſternunt, ſed & os ad terram abijciunt, & ſpiritum continent, odorati fuerint, tanquam mortuos relinquunt, eiufmodi enim animalium genus exſtimatur mortuos odiſſe: mures etiam oderunt eos, qui in ſuis ſedibus & cauernis moriuntur: itemq; hirundines, & apes ſuas gregales extinctas eijciunt. Formicis etiam natura tributum eſt, ut ſui generis deſunctas ex cauernis efferant, ut mundius habitent.

## GILLII ACCEſſIO.

Quemadmodum urſi etiam puellas amant.

CAP. XVI.

**D**E Philippo Coſſeo Conſtantiensium ſacris præſecto, ingenuarum artium perſtudioſo, qui hoc ipſum ſe ex bono auctore cognitum habere, mihi ualde affirmauit, urſum accepi ex montibus Allobrogum puellam in ſpeluncam rapuiſſe, eandemq; uenero complexu & oſculatione proſecutum fuiſſe, atque ex pomis agreſtibus, quæ permulta quotidie in ſpelūcam inferret maturiora, ſtudio ſe delegiſſe, eidemq; edenda amatoriè dediſſe, ac nimirum cum ad cibi inquisitionem proficiſceretur, ingenti ſaxo ſpeluncam, ne puella exire poſſet, occluſiſſe. Cum autem poſt longam inquisitionem parentes urſinum latibulum præterirent, ſuam peradoleſcentem animaduertiſſe, ſaxoq; agre depulſo, eam recepſiſſe.

Gillij



## GILLII ACCESSIO.

Vrsi dentibus retia non lacerant, CAP. XVII.

**V**Rsus idcirco dentibus retia non lacerat, quòd ijs bene penitus reconditis, ea ipsa propter labororū crassitudinem assequi non possit. Et ualet magis manibus quibus retia facile dirumpit: nam non modo anterioribus pedibus ad ingressum utitur, sed etiam cum quippiam accipit, aut se tuerur, ijs tanquā manibus utitur: ideoq; suauioris sibi eae habentur, quòd plurimo motu exerceantur.

Quemadmodum asinum &amp; orygem Aegyptij

oderunt.

CAP. XVIII.

**B**Vsiritæ, Abydus, Lycopolis idcirco tubæ sonitū ab auditione sua detestantur, atque execrantur, quòd ab asino rudente eius clangor dissimilitudinē non habet, & simul eis qui Serapidis religionem obseruant, odio est asinus, atq; acerbitati. Cuius rei non ignarus Ochus Perses, Apim quidem interfecit, asinum autem & consecrauit, & sanctissima religione coli iussit Aegyptios ut molestia afficeret. Sed is sanè tanti sceleris sacro boui persoluit pœnas, nec iniustas, neq; minus graueis, quàm Cambyles dedisset, qui primus bello sacrilego religionibus indicto eiusmodi impietatem commiserat. Et uero etiam quos modo commemorauit Serapidis colentes, ex eo Orygem male oderunt, quòd ad solis exortum conuersus, sicut Aegyptij ferunt, aluum deiciat.

r

rei de

rei de animalibus solum asinum afferunt ad harmoniam non factum esse, proinde absurdam bestiam, nullo sensu ad lyræ sonum affici. Geminos asinam ex sese peperisse non facile quenquam meminisse ferunt.

De asinis Mauritaniz.

CAP. XIX.

**M**Aurusi asini primum ut se in viam dederunt, incredibiliter incitata celeritate iter conficiunt, ut euolare, non excurrere uideantur; Deinde eos cito fessos de uia, & pedes & spiritus deficiunt, ac pedum tarditate ad currendum constricti insistant, & acerrimas profundunt lachrymas, non tantopere, meo iudicio, ob futuram mortem, quàm ob pedum infirmitatem, quare ut captiui ad equos alligati trahuntur.

De propria uis & natura quorundam animalium, & de Asino.

CAP. XX.

**H**anc etiam uim & naturam quorundam animalium non alienum est explanare; Ouis & asinus ineptissimis sunt moribus, & degeneribus animis. Hinnuli, cerui, capræ syluestres, lepores timidi existimantur. Tum ex uolucris passeres, ex aquatilibus mugiles; libidinosus est perdix, clam enim & silentio foeminas dicitur inire, Muscæ & canes impudentes atq; importuni.

De asini cornibus Stygis aquam continentibus.

CAP. XXI.

In Scy

**I**N Scythia asini cornibus præditi nascuntur, quorum cornua Arcadiæ fluminis Stygis aquam continent, quæ transmittit uasa omnia, etiam si sint ex ferro. Hæc cornua à Sopatro apportata fuisse aiunt Alexandro Macedoni, & illum admiratum misisse Delphos, ut dedicarentur Pythiæ.

De Indicis asinis.

CAP. XXXII.

**S**ylvestres asinos equis magnitudine non inferiores apud Indos nasci accepi, eosq; reliquo corpore albos, capite uero purpureo, oculisq; nigris esse, cornuq; in fronte gerere, cuius superius puniceum, inferius autem album, medium uero nigrum sit: atq; non omnes quidem Indos, sed potentiores cum tanquam armillis quibusdam brachia sic cornua auro certis spatijs ornarunt ex his ipsis bibere solere. Ex hoc cornu bibentem ab insanabilibus morbis tutum fieri, neque eum ipsum conuulsionibus corripi, neque sacro morbo tentari, neque uenenis uulnibus ferunt. Quinetiam si quid prius pestilens biberit, tum id euomere, tumq; ad sanitatem redire. Cum autem cæteri asini, quibuscunque in terris sint, tam domestici, quam sylvestres, tum solipeda animalia, non talos habeant, asinos Indicos cornigeros Ctesias inquit, talis primum, ijsq; nigris, præditos esse. Deinde si quis eos confregerit, interiora quoq; nigra deprehensurum esse: neque modo corporis uelocitate longe multumq; cæteros asinos superare.

perare, sed & uelocitate eadem multo equis & elephantis præstare. Cum autem in uiam se dederunt, tardius primo ingrediuntur, deinde paulatim tantum confirmantur ad contendendum iter, eos quidem ut sequi operosum sit. Eorum uero cursum transcurrere nulli concedatur. Postea autem quam sceminæ pepererunt, patres circum pullos à partu recentes summa custodia uersantur, eorumque commorationes locis Indiæ desertissimis sunt. Cum à uenatoribus Indis inuaduntur, pullos suos adhuc ætate infirmos à tergo suo pascentes habent, atque pro eis propugnant: contra equites audent uenire, eosque ferire. Tanto sanè hi robore existunt, nihil eis ut obsistere queat, quin statim & concidat, & perdat, equorumque incurfu latera discernunt, ac lacerant, & uiscera dirumpunt: ex quo fit, ut ad eos equi appropinquare ualde metuant, appropinquatio enim capitalem utrisque multam miserabiliter infert. Ex eo nanque conflictu non equi modò, sed & asini pereunt; pergrauiter calcibus pugnant, eorum morsus eatenus acerbiores existunt, ut quicquid comprehenderit, funditus diripiant: ex his uero qui sunt confirmata ætate incomprehensibiles sunt. Carnes eorum quod amarissimæ sint, haudquaquam esculentæ.

GILLII ACCESSIO,

De Onagro,

CAP.

XXIII.

Onagro

**O**Nagrorum genus uelox ut procella fertur, robustis unguibus armatur, immanem gerit animum, eorum corpus satis amplum enitescit, tum argenteo colore, tum longis auribus spectatur, nigra uitta in utroque extremo niuea corona ornata per medium dorsum decurrit, pastu aluntur herbarum, quas abunde fundit terra, fortibus feris opima præda sæpe fiunt, magna uxorū multitudine gaudent, quoquò maritus ducit, sceminæ sequuntur, siue is ad pastiones, siue ad fontes proficiscitur, atque ad uesperam unà cum ipso ad domesticam sedem redeunt: ac nimirum ex obtreccatione, & riuualitate tantopere laborat, ut sui pulli de matre sint ei suspecti. Itaque sceminæ parienti proximus assidens, partum expectat, ac si scemina editur, amat partum, & lingens ipsum lingua conformat: Sin autem editum marem uidet, tum sanè animo incitatur, & ex ægritudine laborare incipit, quòd alter mas natus sit, qui matre aliquando potiri possit, quamobrem furenti animo & prompto pullorum testiculos aggreditur abscindere: Mater etiam pariendi doloribus debilitata, suo tamen infelici filio contra patrem auxiliari molitur, & quemadmodum in uastatione urbis, cum hostes filio interfecto matrem trahunt, quæ gnatum adhuc cæde palpitantem plangit, & magno gemitu plorat, genas lacerasans, & mamillas filij languine madentes uexat: Sic onagra uidens filium uicinum ad moriendum, miserabiliter lamentatur, & lugenti persimilis est. Diceres

miseram suum partū circueuntem suavi & supplicis locutione dicere: Marite, cur tuus aspectus tam truculentus? Cur oculi tui, qui ante lucidi essent, sanguinei apparent? An ne Medusæ faciem uides, quæ homines in saxa conuertit? an ne leonam plangentem arreptos catulos? O me miseram quæ partum edidi infelicem ob scelus paternum: O filium hoc miseriorem, quòd non unguibus leonum, sed plusquam hostilibus patris dentibus ob riualem inuidiam castraris: O quàm ualde acerbum est obrectationis uirus, Naturæ enim (à qua prima commendatio proficiscitur, ut filios diligamus) uim longe superat, non enim eorum quæ procreauerit mouetur: non socios, non parentes, non fratres agnoscit.

De Onocentauro.

C A P. X X I I I I:

**O**Nocentaurum quisquis uidit, non incredibile ducet, quod fama peruagatum est, Centauros fuisse, neque fictores atque pictores in eorum descriptione errasse. Verum siue reuera fuerint, siue omnia cera flexibilior, & ad fingendum habilior, fama illos finxerit, prætereo. De onocentauro quidem mihi nunc est animus explicare, quæ auditione, & fama accepi. Eum ipsum homini ore, & promissa barba similem esse, simul & collum, & pectus humanam speciem, similitudinemque gerere: mammas distantes ex pectore pendere: humeros, brachia humanam figuram habere: dorsum, uentrem, posteriores pedes, asino persimiles esse: & quemadmodum asinum, sic cinereo

cinereo colore esse: imum uentrem leuiter exalbescere; duplicem usum ei manus præstare, nam celeritate ubi sit opus, eæ manus præcurrunt ante posteriores pedes: Ex quo fit, ut non cæterorum quadrupedum cursu superetur: ac ubi rursus habet necesse uel cibum capere, uel aliud quiddam tollere, qui antea pedes essent, manus efficiuntur; tumq; non graditur, sed in selsione quiescit: Animal est graui animi acerbitate, nam si capiatur, non serens seruitutem, libertatis desiderio ab omni cibo abhorret, & fame sibi mortem consciscit. Hæc de onocentauro Pythagoram, narrare testatur Crates ex Mysio pergamo profectus.

De mulo Atheniensi.

CAP. XXXV.

**A**theniensis mulus iam uetulus, quanuis immunitate uecturarum donatus esset, non laborum tamen, qui per affectam ætatem obiri queunt, studio exsolutus esse uoluit. Nam cum Vestalium templum Athenienses ædificarent, is nulla re onustus, nullius imperio, sed sua sponte adolescentibus mulis, tanquam ad iter faciendum dux anteibat: & quemadmodum quispiam senex artifex, per exactam ætatem quidem iam opere dimissus, ueruntamen experientia, & senili doctrina iuuenes ad laborem exacuens: Sic is ultrò citroq; commeans, ad opus iumenta incipabat. Quod quidem ipsum ut Atheniensis populis intellexit, per præconem declarari iussit, ut ne à frumentis prohiberetur, sed & expleri, & satiari permit-

r 4 teretur;

teretur : & in prytaneo uictus huic, sicut athletæ iam ætate confectio, præberetur à populo.

De muli astutia.

CAP. XXVI.

**M**alitiöse factum muli Thales Mileſius manifeſtò deprehensum, ingenioſe admodum ultus eſt : Cum enim ille ſale onuſtus fluuium aliquando transmitteret, uſu forte euenit, ut & caderet, & ſarcina euerteretur, ſal autem aqua perſuſus liqueſceret : Is ex eo quòd iam ab onere ſolutus, & liber factus eſſet, magnam lætitiã, uoluptatemq; cepit, & ſimul ut quantum inter laborem & otium intereſſet cognouiſſet, in reliquum tempus fortunam ſibi iam magiſtram ſtatuens, quam primo labem & caſum inuitus feciſſet, deinde ſumma cum uoluptate prudens & ſciens admittebat. Hoc quidem ipſum Thales ubi intellexiſſet, ſapientia ulciſcendam illius malitiã arbitratuſ, pro ſale cum ſpongijs & lana onerari præcepit : Mulus inſtructarum ſibi inſidiarum ignarus, ex ueteri conſuetudine cecidit. Cum autem aqua completum onus eſſe grauius ſenſiſſet, atque aſtutiam in detrimentum ſibi uerſam percepiſſet, ex eo tempore ſine fraude & moleſtia flumina tranſiens, ab omni læpſu tibias ſuſtinebat, & ſalem ab eo incommodo integrum conſeruabat.

De ruſſis mulis Indiæ.

CAP. XXVII.

**I**N India equarum & aſinorum greges ſunt, & aſinos equæ faciliſime admittunt, & rubros mulos pariunt, ad currendum præſtantiſſimos, quos compe-

dibus



dibus captos ad Prasiorū regem adducunt, ex ijs qui bimi comprehendunt domari possunt: Contrā uetus li ab immanissimis, & carniuoris feris nihil differunt.

GILLII ACCESSIO,  
De Tigride, CAP. XXXVIII.

**T**igride nihil ex omnibus feris ad spectandum iucundius naturæ solertia finxit. Nam formæ pulchritudine tam ualde inter feras eximia est, quàm longe cæteris auibus pauo excellit: Legnæ omnino similibis uidetur, præter solam pellem, quam uariam maculæ purpurescētes, & efflorentes exornant. Ad cursum omnibus feris præstat. Vana quædam fama ex eo uenit in sermonem hominum, huius generis nullum marem esse, quòd fœminā sæpe uideas, marem non item: hic enim relictis pullis, primum ut uenatorem sensit, statim incitato cursu se in fugam conijcit. Illa autem captiuos filios consequens, sua sponte in casses incidit, ac si nauigaturi sunt, ad naues usq; proficiscitur, illisq; recuperatis, incredibilem lætitia abicit: quòd si iam nauē, in qua capti pulli sunt, soluisse uideat, mœrore gemituq; sese in littore conficit, sæpēq; ex eo acerrimo dolore perit. Tigrem dicunt si tympanorum sono obstrepitur, insanire, atque furere, seseq; discerpere, & lacerare. Megasthenes scriptis mandauit, in Prasijs tigres gigni leonibus duplo ferè maiores, eo robore, ut si de mansuctis unus à quatuor hominibus ductus, muli posteriorem pedem comprehenderit, ad se trahat.

Quemadmodum amat Tigris suos familiares.

**P**Lutarchus scribit hæc, quo cum tigridi uiuendi consuetudo esset, cum deuorandum huic quidam obiecissent, eiusmodi feram, quãuis alterius cibi nulla facultas esset, ab eo edendo non modò se sustentaſſe, uerũ ut etiã ne hædo, sed alio cibo famẽ depelleret, caueã qua contineretur, distraxiſſe, & dirupiſſe,

De Camelis,

**H**erodotus scribit, Camelum in posterioribus cruribus gerere quatuor fœmora, & totidẽ genua, & ueretrum inter posteriora crura caudam uerſus ſpectare. Cum Camelos quinquaginta annos uere percepi, tum baçtrianos ad centefimum annum mare ut pugnationes ſint à Baçtris populis caſtrari, ita petulantia exciſſa maiori robore eſſe. Camelis etiam fœminis uuluas ferro exulcerari, ut partibus illis quæ ad furorem libidinis incitant aduſtis, ad bellum aptiores exiſtant.

De uerecundo coitu Camelorum,

**M**aſſageræ, ut Herodotus inquit, ſuſpenſa ad plauſtrum pharetra, cum uxoribus in aperto & propatulo loco concumbunt, & concubitum licet omnes aſpiciant, præclare contemnunt. At contrã nunquam Cameli coẽundam ueneris palãm ſocietatem inter ſe ducunt. Quod quidem ipſum factine uerecundia,

recundia, an admirabili naturæ munere faciant, Democrito, alijsq; disputandum relinquo. Cum autem inter eos coniunctionis appetitum pastor exoriri sentit, aliquò concedit, & tanquam sponso decedit ingredienti thalamum cum sponsa.

De Camelorum pietate aduersus matrem.

C A P. XXII.

**T**Ragedi fabulas erroris plenas animis offundūt de Laij filio & Thelepho, qui simul recumbens, tametsi cum matre complexu uenero non iunctus fuerit, in cæstum tamen stuprum cum ipsa cōfecisset, nisi eos diuino ductu draco diremisset. Animalibus enim rationis expertibus eiusmodi cōcubitus ex corporis contactu natura cognoscendos dedit, neq; ad eos coitus percipiēdos notionibus ullis egent. Etenim Camelus cum matre nunquam concumbit: Cuius rei exemplo est pastor quispiam, is cum foeminā quoad eius fieri poterat, exceptis genitalibus obtexisset, deindeq; filium matri sic opertæ admisisset: hic ex latebris coitus appetitione falsus, matrem imprudens susperuenit suam, quod ubi intellexisset, Camelarium scelerati coitus admissarium & mordicus premens, & ad terram abiectum genibus affligens, cum summis doloribus interfecit, atque seipsum præcipitem agens, uoluntariam mortem sibi consciiuit.

GILLII ACCESSIO.

De Camelo Pardali.

C A P. XXIII.

S : Ex ca

**E**X cameli & pardalis natura Camelopardalis constat, & eius tergum similiter ut pardalium maculosa pelle tegitur: præterea cum camelo communiter habet. Collo est sanè longo, auribus parvis, longis cruribus, rursus non æqualibus: nam priora maiora, posteriora multo minora: ex media fronte geminum quiddam tanquam cornu existit: os ut cervorum non durum: Tenues, & candidi dentes: splendidi oculi: cauda quemadmodum cervorum, sic parua, & nigris summis pilis hirsuta. Decimo Aethiopicôn libro Heliodorus ait, Camelopardalim non modo ad cameli proceritatem accedere, sed & camelino capite, & colore tanquam efflorescentibus maculis, uario pãtheræ similem esse: eidemque imas uentris partes humi sic subsidere, ut in leonibus uidemus, simul & humeros & priores pedes, & ipsum pectus supra cæterorum membrorum portionem procerâ existere: tum tenui cervice esse, collumqueolorini colli similitudinem & figuram gerere. Idemque affert, propemodum ipsam duplo maiorem, quàm Libycæ struthum uideri, & uelut pictos oculos habere, ac illius gradum à cæteris animantibus maximam dissimilitudinem habere: neque enim gradiendi uicissitudinem crura simul efficiunt, sed dextra pariter, & iniceps sinistra utraque mouet, tractationemque tam facili motumque est, ut eam quolibet tenui capistro, ad uerticem alligato magister ducere possit. Dion Prusensis tertio & quadragesimo Romanæ historiæ libro, Cæsarem

comme

commemorat, hanc primo populo Romano spectandam dedisse: Tum etiam dicit, ex cæteris quidem partibus Camelum uideri, sed certe crura disparia habere, nam posteriora prioribus breuiora sunt, ut à clunibus quasi conscensionis gradus eius excelsitas leuiter attollatur, corpusq; reliquum excelsum prioribus cruribus sustineatur: Colore similiter maculoso ut panthera distinguitur,

De rhinocero, & quemadmodum pugnant  
contra elephantum.

CAP. XXIIII.

**R**hinocerotis figuram nimis ualde frigidum esset describere, quum permulti ex Græcis & Romanis, qui illum uiderunt, eius formam planè sciant: at enim uim & illius naturam actionum non alienum est exponere: Quòd in summa nare cornu gerit, cuius mucro acutus existit, ex eo nomen traxit, neque ipsum illud de robore concedit ferro: quod quidem ipsum, cum est contra Elephantum pugnaturus, saxis exacuit, & limat: cætera non eiparia cum Elephanto, nam hic & procerissimus est, & fortissimus. Cornu igitur cuspidato Elephanti crura subiens, aluum discerpit, & lacerat: isq; effuso sanguine decumbit. Pugna eorum est de pastionibus, pro ijsq; tuendis multi mori dicuntur: ac si aluum non præoccuparit rhinoceros, sed in aliam Elephanti partem aberrarit, Elephantinis dētibus distrahitur: ac tametsi eius pellis ea existat firmitate, ut ægre iaculo penetrari queat, tamen tam uolentus est Elephanti impetus,

ut eam traiciat.

GILLII ACCESSIO. CAP. XXV,

**R**hinoceros non multo Oryge maior est, ex eius summo naso paruum cornu acutum nimirum adeo infestus gladius eminet, eo ferrum ut perforet, & impetu facto saxum discindat: eius frons leuiter rufa est, & dorsum maculis purpureis distinguitur. Huius generis sceminæ nunquam apparent, quod ipsum Oppiano poëticæ commentationis de eorum partu causam dedit.

GILLII ACCESSIO,

De Hyena. CAP. XXVI,

**M**edium Hyenæ dorsum incuruescit, ac eius corpus fuscis uittis utrinque distinguitur, & permulto pilo circumuestitur, dorsum, & cauda stricta & longa: eius item pellis canum dentibus infestissima est, ac si eius pelle sis calceatus, tanto opere canibus formidolosus ac horribilis existes, ut non te quicquam si latrare audeant.

De Hyena.

CAP. XXVII,

**H**Yena dextra in manu uim sopiendi habet, & suo tactu somnum conciliandi, sæpe cum numero in stabula ingressa cum dormientem aliquem deprehenderit, & pedetentim ad illum progressa succrit, soporis feram, ut ita dicam, manum eius naribus admouet, sicque eas opprimit, hic ut sine sensu esse uideatur, ac tantum terræ suffodit, quantum sit ad eum ipsum obruendum satis: guttur uero & supinum & nudum relinquit,

relinquit, in quod incumbens, somno oppressum suffocat, posteaq; in latibulum abstrahit. Iam cum lunæ orbis plenus est, retro posito lunæ fulgore suam canibus umbram inijcit, quos statim mutos reddit, & tanquam ueneficio quodam eorum sensus perstringit: Deinde & elingues abducit, & optatis fruit. Itemq; ad stabula noctu profecta, humanum uomitum assumulat, eam ut canes exaudierunt, sic ad illam ipsam, tanquam ad hominem adeunt, ea uero comprehensos uorat.

## GILLII ACCESSIO. CAP. XXVIII.

**H**YENA homini canique dormienti suum corpus admouet, ac si seipsam maiorem dormiente sentit, naturaliter sua magnitudine sensibus eum priuat, ac ipsius manus non resistentis exedit, & conficit: si se breuiorem animaduertit, statim properat fugere. Quod si in te incurrerit, caue iam à dextera ipsam excipias, quoniam sic obtorpesceres, ut nullo modo te posses tueri: si autem ex sinistra in eam inuasaris, ipsam occides. Eius linguam si quis manu teneat, contra canum impetum maximam cautionem habebit. Si huius & pardalis pelles admiscantur, pardalina pilos amittit, Hyena non item.

## GILLII ACCESSIO.

De Crocutis.

CAP. XXIX.

**B**ELUARUM, quas Ethiopes crocutas appellant, natura ex Cane & Lupo ut temperata sit. Certe his ambobus robore dentium superiores existimantur,

S 4 quum

quum enim omnia ossa conquassat, & corrumpit, tum exedit & conficit. Porphyrius in eo opere quod inscripsit de abstinentia ab usu carniū, Hyenam dicit ab Indis appellari Crocutam.

De Crocutæ calliditate.

CAP. XXX.

**C**Allida item Crocuta, primum enim sese in dens  
 las sylvas occultans, materiarios fabros nominatim inter se appellantes auscultat, illorumque cuiuspiam nomen addiscit: Deinde summa humani sermonis assimulatione comparans insidias, quod audiuit nomen humana uoce appellat, ad eam accedit appellatus, retro uero illa cedens rursus appellat, idem iterum saepiusque ad humanam uocem accedit, ubi autem eum à socijs seduxit, & iam ab auxiliatoribus nudum constituit, correptum interimit, ex eoque quem uoce pellexit, sibi instruit & conficit cibum.

FINIS LIBRI V.



# LIBER SEXTVS

## DE VI ET NATVRA ANIMALIVM.

Quemadmodum Suillum pecus uoracissimum;  
Item de ciconia, uulpantere, & upupa. CAP. 1.



**VILLVM** pecus tantopere explendo abdomini deditum est, ut ne proprijs quidē suis fecibus parcat, neq; helluationem suam ab humano corpore abstineat. Quæ causa est, cur huiusmodi animal ut impurum, detestabile, & uoracissimum apud Aegyptios in summo odio habeat. Contra autem mitiores bestiae naturæ & misericordis & piæ participes præcipuo quodam honore à prudentibus uiris solitæ sunt affici. Ciconiæ enim apud Aegyptios eò uenerationem habent, quòd senectute affectos parentes alunt, ijdemq; ipsi idcirco uulpanteribus & upupis honorem habent, quia illi quidem sunt pullorum suorum amantes, hæ autem aduersus parentes existimantur piæ. Manethonem porro Aegyptium summa sapientia uirum accepi dicere, eum qui suillo lacte uescatur, uiriliginibus & lepra oppletum iri, quos quidem morbos Asiani omnes pessime odierunt. Aegyptij uero, quibus persuasissimum est, suos soli & lunæ inimicissimos esse, semel tantum cum festos dies agitant, eos lunæ singulis annis, aliàs uero  
t nunquã

nunquam, nec huic ipsi, nec cuiquam alij deorum sacrificant: idēq; propterea faciunt, quia excerandos & detestabiles ducunt. Tum Athenienses in mysterijs iure optimo sues immolant, propter perniciem quam segetibus moliuntur. Nam ex spicis sæpe alias exiniunt, alias quæ nondum ad maturitatē peruenerunt uastant, alias effodiunt. Eudoxus ideo inquit, Aegyptios ab immolandis suis se sustinere, quòd posteaquam sementem fecerunt, eorum greges ad protegendam & conculcandam frumentorū sationem atq; depellendam in altiorē terram & humidiorē inducere soleant, ut hac quasi occasione terra obducta ne ab auibus semina exhauriantur.

## GYLLII ACCESSIO. CAP. II.

**S**Vs, inquit Cicero, quid habet præter escam: cui quidem ne putrescat, animam ipsam pro salc datam dicit esse Chrisippus: qua pecude, quòd erat ad uescendum hominibus apta, nihil genuit natura fecundius.

Quemadmodum Suillum pecus altoris sirarij uocem intelligit. CAP. III.

**P**Orculatoris uocem suillum pecus sic agnoscit, ut etiam si ab eo procul seductum fuerit, appellans tem intelligat, cui quidam rei testimonio est id quod proxime sequitur. Cum maris prædones ad Tyrrenam terram pyraticam nauem appulissent, ex hara permultos

permultos suos furto abactos imposuerunt in nauim, quam soluentes ad nauigandum incubuerunt. Subulci presentibus pyratis silentiū tenebant, suesq; catenus abduci quiescebant, quoad ex portu latrones se cripuissent, & à terra soluisent. Tum uoce suis bus audiri solita suarij quàm maxime poterant exclamantes, eos retro uersus ad se reuocabant. Porci primum ut sublatum clamorem pastorum exaudierūt, statim se in alterū nauis latus compellentes, eam euerterunt: malefici pyratae naufragio quàm mox funditus perierunt, sues ad suos enatarunt.

De Sue & Salamandra. CAP. IIII.

**S**uem suauiores carnes habere iandudum creditum est, ac si quando salamādrā comederit, ipse extra periculum est: eos autem qui suis carnibus uescantur, interimit.

Vt salix nihil bestijs nocet, & de Suillo pe-  
core, CAP. V.

**S**i quis tritum salicis semen bestijs dederit bibere, eis non modo quippiam non nocet, sed etiam alit: Sin homo id ipsum biberit, facultatem liberos gignendi ei adimit, & semen genitale perdit. Quare Homerus abstrusa naturæ perscrutatus, mihi, cum salices frugiperdas suis uersibus dixit, earum uim adumbratè ostendisse uidetur. Cum autem cicutam homo biberit, ei sanguis quasi congelat, & eatenus concretionē spissus fit, ut inde moriatur, Suillum uero pe-

1 CUS.

cus, huius saturitate se licet compleuerit, tantū ab eius ueneno tollatur, hac ut maxime pinguescat.

Suillum pecus non nascitur in India. CAP. VI.

**A** Pud Indos nullum suem neq; ferum neq; cicuram nasci Ctesias Cnydius ait, & suilli generis usum Indos à se detestari, & tantopere ab eo uescendo, quàm ab humanis carnibus, abhorreere. In Macedonia sues muti esse dicuntur.

De Sue alato. CAP. VII.

**S**uem alatum Clazomenis exortum fuisse audiū est, qui Clazomenios agros uastaret. Quod quidē ipsum in Clazomeniorum finibus Artemon confirmauit accidisse; unde illic locus decātatus, Sus alatus nominatur. Id quod si cuipiam fabula uideatur, & ego hoc idem non ignorem, tamen de animali dictū facile patior. Agatharsides ait sues in Aethiopia conuina habere.

De suis medicina. CAP. VIII.

**S**unt sues medicæ curationis non imperiti, nam cum imprudentes Hyosciamum comederint, etiam egerime afficiuntur, tamen reptantes sese ad aquas trahunt: quo profecti, caneros legunt, & deuorant, eorumq; cibo ad incolumitatem restituntur.

GYLLII ACCESSIO.

De Apro. CAP. IX.

**A** Per longè multumq; præstat inter feras, in desertissima solitudine & recessu locorū præcipitū & deuio

& deuiorum uersari solet, ad ueneris libidinem inflā-  
 matissimus est, ceruicis setis sic inhorrescit, ut cristæ  
 galearum esse uideantur, spumas agit in ore, magno  
 stridore dentium concrepat, effervescentem spiritum  
 anhelat, coeundi furore ardet, ac si scemina cum sic  
 libidine furentem patienter manet, omnem illius bis-  
 lem extinxit, & libidinem sedauit: Sin autem coitum  
 refugit, is confestim doloris stimulis incitatus, aut  
 ipsam ui expugnatam inuit, aut mortuam in terram  
 dentibus abiicit. Oppianus lib. III. de uenatione  
 ait: Cum ad terram procubuit, canibus & multis has-  
 sis debellatus, dentem illius inflammato anhelitu  
 tantopere ignescere, ut si quis de ceruice setam detra-  
 ctam ad eiusdem etiam inspirantis dentem admoue-  
 rit, candens in orbem contrahitur ac aduratur, ac si  
 co dente canes insectantes atigerit, statim ignita uesti-  
 gia pelli ipsorum imprimantur.

Quemadmodum Aper dentes acuit. CAP. X.

**A**prum priusquam in aliquem inuadit, dentes  
 exacuere serunt: Cui rei testimonio est Home-  
 rus, cum ait, Album acuens dentem. Atque etiam in-  
 telligo Suillum pecus sese in luto uolutās, ac turbidā  
 aquam bibens, cum pingue euadere, tum cibus qui ue-  
 hemēter inflent & expleāt, delectari: tum etiam quies-  
 tem & suille tenebris oppletum appetere. Non igno-  
 rans præterea Homerus, ut sus uidens sceminam, sese  
 extenuet, & carnes atterat, facit mares separatim à  
 sceminis cubare. In Salamine si sus segetem herbescēs

tem fuerit depastus, eius dentes lege Salaminensium  
exteruntur.

GYLLII ACCESSIO,

De Cervis,

CAP. XI.

**C**ervi ueloces, picti, gemuli, excelsis cornibus & ma-  
gnis oculis, debili collo, exigua cauda, gracilibus  
cruribus, dorso pingui, quaternis naribus, hebeti-  
bus cornuum mucronibus, atque corde pusillanimo  
præditi sunt. Nunquam enim capite pugnarent, neque  
cum fortibus feris, neque cum acris canibus. Vhe-  
menti amoris libidine flagrant, ut tanquam gallinae  
cei totos dies ad uenerem non cessent incumbere.  
Cornuū ramosi mucrones, lanugine uestiuntur. Non  
similiter atque aliæ fære bestiae ueneris coitione utun-  
tur, sed insolentia coniunctionis implicantur: Neque  
enim stantes, neque inclinati complexu uenero iun-  
guntur, sed magna celeritate currentes ineunt foeminas,  
simul & tametsi properantes fugere uxores pedi-  
bus amplectuntur, non earum tamen cursum retar-  
dare possunt, sed inexorabiles ad consistendum, mar-  
ritos ferunt, & fugere perseverant, ij autem duobus  
pedibus innitentes, non cas antè relinquunt, quàm  
coitum absoluerint. Formæ pulchritudine, & magni-  
tudine cornuum, & uarietate ramorum ex omnibus  
feris maxime efferuntur. Elapsa cornua, ne quis eis  
potiatur, in terram occultant, ab iisdemque inopes in  
densa arbusta ideo se abstrudunt, quòd uereantur à  
suis ornamentis nuda capita feris ostendere: more  
classis

classis nauium mare transiunt : unus cæteros antegraditur, dux ad transmittendum : hunc alter capite innitens tergo, insequitur, & similiter ceteri deinceps subsequuntur. Cum autem primus antecedere defatigatur, ad extremum agmen recurrit, & caput in alterum, inclinans paulum à labore recreatur. Secundus rectis, defatigato succedens anteit, atq; alij omnes in aliorum uicem succedentes, duces efficiuntur : pedibus tanquam remis utuntur, cornua excelsa tanquam uela uentis permittunt. Mutuo inter se odio omne serpentium ceruorumq; genus flagrat inexpiabili, serpentem ceruus longe lateq; inquirens, tandem in illius uestigia, longis flexionibus apparentia, iucundè peruenit, naribusq; ad cauernam admotis, ad pugnam pugnare nolentem ipsum, profert. Serpens extracta, in altum tollit collum, & crepitu dentium horribilis est, & acerba sibila anhelat : Contrà ceruus ridenti similis uestigio inaniter pignantem, & cerui collum & crura circumplicantem, in sexcenta frustra lacerat. In Libycis finibus magna uis serpentum, ceruum (cum solus humi stratus iacet) undiq; inuadit, & in eius pellem dentes configit, neque cerui ulla pars est, quæ non serpentibus circumfusa sit, aliæ caput mordicus premunt, aliæ collum & pectus, uentremq; distrahunt, aliæ item utrinq; circum latera uersantes instant, nonnullæ crura, aliæ dorsum depascuntur, aliæ ex inguinibus pendent hostiliter infixæ. Hic omnibus doloribus refertus, primum fugere tentat, & rugit, &

git, & quoquouersum se uersat, sed magna turba circumscissus, non potest elabi, sed tamen ore dilaniat infinitam & bellicosam gentem, & cornibus insequitur. Illæ uero nihil remittunt, uel ceruinis dentibus decerptæ, audacter incumbunt: Is alias dentibus dissecat, alias pedibus perdit, ac serpentum per terram permultus sanguis diffluit, earumq; membra semicomesta ad terram abiecta palpitant, aliæ laceratæ in latera magno dentium robore inhærescunt, & sola capita à reliquo corpore abscissa cerui pellem adhuc pertinaciter retinēt. Quum autem ceruus se ita affectum sentit, diuino quodam naturæ munere fluuium inquirit, unde cancellos corripit, medicinam sibi facit, confestimq; serarum reliquiæ ex eius pelle excidunt, cicatrices autem obducuntur.

De Ceruorum cum serpentibus dissidio,

CAP.

XII.

**M**irifico quodam munere naturæ ceruus serpentem funditus uincit, neque enim ipsum, tametsi hostis in latebrâ abditus effugere potest. Etenim ille naribus suis in serpentis cauernam incumbens, uehemētissime inspirat, & spiritu suo quasi amatorio quodam alliciens extrahit, inuitumq; profert, ac nimis procumbentem illam mādere ingreditur. Quod hyeme facere maxime solet. Si quis autem cerui cornua in pulueres excidat, posteaq; excisos in ignē pulueres coniiciat, fumus inde nascens undiq; serpentes ne illius quidem nidorem sustinentes, fugat.

Quid



Quid agant Cerui amissis cornibus,

C A P. X I I I.

**I**N latrobras amissis cornibus sese cerui abdunt, hoc diligentius ab hostibus sibi cauentes, quòd à cornibus iam inopes cum à pristino robore, tum ab armis se nudos existiment. Cauere etiam dicuntur, ne quando in uulnra, quæ acceperint recentia, solis radios incumbens priusquam abducantur, carnem putrefaciat.

Quo in loco cerua parit. C A P. X I I I I.

**S**ecundum uias cerua parere solet, quod quidem ipsum sapienter facere uidetur, uel quòd hinnulis suis insidias à feris timeat fieri, uel quia celeritatis fiducia homines egregie contemnat. Non enim, tametsi infirmior, dubitat eos elugere posse: postea autem quàm se opimo corporis habitu affectam sentit, non amplius iuxta uias partum edit, quod iam se minus accommodatam ad currendum intelligit: at enim uel in saltibus uel conuallibus parit.

De Ceruorum moderatione. C A P. X V.

**C**eruus ad uiuendum presentibus contentus est, nec plura desiderat, inò uero hominibus temperantius multò & uentri moderatur, & cupiditates cõtinet. Nam in Hellesponto collis est, ubi cerui quorum altera diffusa est auris, sic pascuntur, illius extra fines ut nunquam progrediantur, nec enim alias passionis desiderant, nec prata alia bonitate præstantia  
u tiora

tiora concupiscunt: & uero satis habent omni ann  
tempore præsentibus uesci. Quid ad hæc homines?  
quos sanè nunquam ne orbis quidem terræ explere  
queat.

De Syrorum ceruis.

CAP. XVI.

**I**N Amano, Libano, & Carmelo Syriæ montibus,  
Iceru nascuntur, qui cum in Cyprum transmittere  
uolunt, gregatim ad littora perueniunt, ibique tandiu  
secundos uentos præstolantur, dum per placatissi  
mam quietem belle sibi flare senserint, tum fidenti  
animo sese traicere mare ingressi, & ordine natant,  
& uero in antecedentium tergo subsequentes capita,  
reponunt, ac nimirum dux idcirco retrocedit, quia  
non habet ubi nitatur, & post omnes clunibus pro  
ximi antegredientis, nitens ex labore quieti sese dat,  
simul & extremum agmen ducit. In Cyprum ideo  
transant, quòd pastionum, quæ illic amplissimæ  
esse dicuntur, desiderio tenentur, & profecto adeo se  
racem Cypri se incolere regionem restantur, de agro  
rum ut bonitate Aegyptus non concedant. Eodem  
modo Epirotici cerui in Corcyram, quæ contra Epi  
rum est mare, transeunt.

G Y L L I A C C E S S I O.

De Cæua,

CAP. XVII.

**C**leero dicit ceruas paulo ante partum perpurgas  
Cre se quæquam herbula quæ sefelis dicitur.

Cur cer

Cur ceruorum cornua renascuntur.

CAP. XVIII.

Causam ceruis cur cornua renascuntur Democritus tam dicit, uentrem ipsas calidissimum esse, & eorum uenas per uniuersum corpus pertinentes esse rarissimas, & os quod cerebrum amplectitur, membranæ instar tenuissimum & perrarum esse, indeque ad summum capitis uerticem crassissimas atque opimas uenas exoriri: itaque cibum & huius nutrimentum minime concoctum, à nativo calore in totum corpus eiusque partis distrahi. Idemque ait eis pinguitudinem extrinsecus circumfundi, simul & cibi uim per uenas in caput retorqueri, & reflecti, ex eo cornua permulto humore irrigata nasci. Continenter enim uicinis ad cadendum iucrefcentia & influenza summovent, atque expellunt priora, ac sanè exorsus humor extra corpus durefcit ab aëre eum ipsum consolidante, & in corneam duritatem confirmante. Humor autem qui etiam nunc intra cutem subest mollis, & tener, partim ab exteriori refrigeratione durefcit, partim ab interiore tepore tener manet. Quocirca recens cornu nascens, & intrinsecus premsus, uetus tanquam alienum expellit, & sanè humor concrefcens, ad depellendum antiquum infirmus est, at durefcens, priora extrudere potest, quorum pleraque interno robore extrahuntur: nonnulla arborum ramis circumplicata & seram ad cursum incitatam uiimpedientia abrumpuntur: Eo pacto ues

tera excidunt, recentia ad erumpendum parata, naturæ munere proferuntur.

De Cerui cornu, & lapide serpentes fugante.

C A P. X I X.

Ceruini cornu suffimento serpentes fugari manifestum est. Fluuius est, nomine Pontus in quo lapidis inuenitur, cuius suffitu serpentes pelluntur, ac si quis aqua perfuderit, incendio conflagrat: si autem dentem stabello incendere uelis, restinguitur, atque eius suffimentum odorem sulfure tetriorem emittit, in quod quidem ipsum, etiam Nicander consentit.

Quemadmodum Apris & Ceruis musica capiuntur.

C A P. XX.

Tyrhenorum sermone peruagatum est, apris, & ceruis apud eos cum retibus & canibus, ut uenandi sanè usus ferre solet, tum multo maxime musicæ adiumento capi, quod quidem ipsum quemadmodum fiat, iam porro dicam: Circumiectis retibus, & cæteris instrumentis accommodatis ad faciendas bestiarum insidias, collocatis, homo ad tibiam canendi bene peritus, quoad eius fieri potest, omnem cantus contentionem remittit, & relaxat, & quidlibet ad canendum suauè præclare usurpat, & sensim pedetentimque progrediens in montium uertices & conualles, atque, ut breui explicem, in omnia lustra sacrarum, & cubilia, tibiæ cantu

cantu influuit, ac nimirū primo in eorum aures influentis soni insolētia ipsos exterret; deinde cum impotentī voluptate aures tenentur, tum nullo negotio comprehenduntur, cantusq; suauitate permulsi, & delinīti, in eorum quæ procreauerint & domesticarum sedium obliuionem ueniunt: Etiam si feræ bestię non à locis ubi uersari assueuerunt, aberrare solent. Sic igitur Tyrrhenæ bestię paulatim tanquam suadæ illecebra ducuntur & quasi cantu præstrīctæ, in laqueos sese inferunt, quibus illaqueatæ comprehenduntur. In Scythia natio quædam ferorum hominum est, qui ex feritate ceruos in eam mansuetudinem traduxit, ut in cicuribus illis tanquam equis infidcat.

## GYLLII ACCESSIO.

Quemadmodum Phalangium ceruis perniciosum.

CAP.

XXI.

**P**halangium non minus ceruis quàm hominibus ipsis perniciosum existit, & celeriter pereunt, nisi fyluestrem hederam comedant; neque ea adesa, phalangij acerbitas eis quippiam nocet. Cretenses iaculandi periti, feras captas in uerticibus montium pascentes percutiunt; eæ accepto uulnere, statim Dictanum herbam comedunt, & euestigio iacula excidunt.

De hinnulo intelligente Græcum sermonem,

CAP.

XXII.

**P**tolemæus secūndus, quem etiam Philadelphum appellant, cerui hinnulum munere accepit, qui cum aleretur, sic ad Græcum sermonē assuescebat,

u 3 ut lo

ut loquentes intelligeret, cum tamē ante hunc ipsū creditum esset, solam Indorum linguam ceruos percipere.

## GYLLII ACCESSIO.

De Bubalis.

CAP. XXIII.

**V**T magnitudine inferior bubalus est quā ceruus, lato capite præditus, similiter dama longe inferior est, tum splendidis oculis, suavi colore, alacri aspectu est: tum recti à capite cornuum rami exoriuntur, quorum mucrones retro ad tergum uersus retorquentur. Domesticam sedem mirifice amplectitur, nam si ipsum uinculis astrictum uenatores in alienum locum longinquum abduxerint, ac ibidem in pastionibus liberum & solutum reliquerint, non obliuiscitur ad consueta loca redire, neque diu patitur apud exteros ut hospes erret, neque enim solis hominibus amica patria est, sed eius deliderio etiā feræ bestię tenent.

De feris Capris.

CAP. XXIIII.

**C**Apræ feræ ad summos Libycorum montiū uertices commorantur, ad boui magnitudinem accedunt, ipsarum armi & crura luxuriosis pilis diffluunt, tibijs paruis, frontibus rotundis, oculis raris, & concavis, non ualde proiectis sunt. Cornibus post primum exortum utrisq; ab alteris longe auersis, & aberrantibus, & incuruis, non enim similiter atque aliarum caprarum recta existunt, sed eatenus retorquentur, ut ad armos pertingant. Ex capris longe maxima ad salicndum habilitate sunt; nam ex cacumine  
in aliud

in aliud longe distans cacumen transfiliunt, & tamen si  
 sæpe earum quæpiam, dum ex uno uertice in alte-  
 rum saltare contendit, ob nimiam interuallorum di-  
 stantiam per prærupta saxa præceps agitur, nihil tas-  
 men læditur, sic est aduersus saxorum duritiem mem-  
 brorum resistenti firmitate, ut nec cornua frangat,  
 nec caput diminuât. In summis montibus plurimas,  
 solertia quadam captandi caprarij generis, nimirum  
 uel iaculis, uel rotibus, uel laqueis à doctrina artis ues-  
 naticæ instructi comprehendunt. Iam in patentium  
 camporum æquoribus quilibet uel tardus pedibus  
 eas, quòd ibidem non ualent ad fugiendum, capere  
 queat. Earum pelles & cornua aliquot commodita-  
 tes habent, nam in frigidis tempestatibus ad uim fris-  
 gorum atque hycmē excipiendam pastoribus & fas-  
 bris materiarijs pelles mirifice pro sunt. Cornua ad  
 hauriendam de præterfluentium riuorum confluen-  
 tibus, aut è fontibus potionem, ad depellendam sis-  
 tim, non minori usui habentur, quàm uel calices ipsi:  
 tanta enim capacitate sunt, ut in bibendo respirare sit  
 necesse. Ab homine expoliendi bene perito cornu  
 politum tres mensuras capere potest. In Copto  
 Aegyptia urbe & magna conficiendorum aliorum  
 sacrorum religione Isim Aegyptij colunt, & uero eos-  
 dem cultu hanc ipsam uenerantur, quo aut cõiuges  
 aut liberi à lugentibus afficiuntur: Vbi Isis hanc reli-  
 gionem possidet, ibi acerrimi ad pestiferum uulnus  
 inferendum scorpj maximi uersantur, qui ut percuss-

serunt, statim interficiunt; ad quorum uitationem omne cautionis genus Aegyptij adhibent, sexcentaq; machinamenta moliuntur, ueruntamen lugentes ad Ifidis fanum caprae feræ ex omnibus tegumentis nudæ inter scorprios humi iacentes ab horum acerbitate integræ incolumesq; permanent, ex quo fit, ut Coptitæ eius caprini generis fœminas ad diuinitatem & religionem consecrent, & religiosissime colant, easdemq; Ifidi in amore & delitijs esse existiment: contra autem marcs immolant.

GYLLII ACCESSION. CAP. XXV.

**F**eræ caprae, sicut Oppianus inquit, nostris domesticis haud multo maiores, sed ad currendum uelociores sunt, ac si quis cornibus ipsarum ceram infundit, uitæ uiam, & spiritus meatû intercludit, quod tenuis spiritus per media cornua ad cor ipsum proficiscitur. In hoc genere mater suos pullos etiam atque etiam diligenter curat. Quam quidẽ maternam educationem filij cum pari studio compensant, & quem admodum homines parçtem ætate affecta infirmum alunt & laboriose patris educationi satisfaciunt, sic caprarum pulli, charos parentes senectute confectos tractant, pabulum nimirum suo ore collectum eis porrigunt, & ex fluuiio haustam aquam ad potionem afferunt, ac nimirum eorum corpus horridum linsgentes, nitidum reddunt. Quod si solam matrem cõprehenderit, continuo etiam suam capies teneram prolem, tam sanè existimares tanquam uerbis filios impellere



impellere ad fugam, procul talibus gemitibus orantem: fugite filij infestos uenatores, ne me miseram capti materno nomine priuate. Eos contra circum matrem errantes, diceres primum luctuosum cantum occinere, deinde humana & supplici uoce loqui: Per Iouem uenator te rogamus, per Dianam ipsam, charam matrem, libera, & nos infelices præmium suscipe: flecte tuum durum cor, uerere deorum iura, & genitoris tui senectutem. At enim cum uenatoris inexorabilem animum sentiunt, sua sponte in uincula incidunt, & cum matre capiuntur. Cicero dicit capras in Creta feras, cū essent confixæ uenenatis sagittis, herbam quærere, quæ dictannus uocaretur, quam cum gustassen t, sagittas excidere è corpore dicunt.

De Dorcadibus & Cemadibus. CAP. XXXVI.

**D**E Libycis dorcadibus, & cemadibus animus est mihi nunc dicere. Dorcades quanquam uelocitate sunt mirabili, tamen inferiores sunt in currendo equis Libycis: earum alius nigris uittis distinguitur, reliqui corporis color rubet, & pedes quidem eis longi sunt, cornibus caput ornatur, oculi nigri, longissimæ aures habentur, *νεφέες* à poetis nuncupata, turbinis instar celerrime fertur, flauis pilis spectatur, cauda est tum pilosissima, tum exalbenti, eius oculi cyaneo colore tincti uidentur, aures peraltis pilis refoctæ, neque modo in terra pedum celeritatem ostendit, sed etiam cum in fluuij confluentem inciderit, unguis pedum remigans, fluctus perumpit, & uero in

lacubus natare gaudet, unde sibi passum comparat: uirides iuncos & cyperum depascitur.

De naturali medicina, quam capræ sua sponte  
nouerunt, CAP. XXVII,

**C**Aliginem oculorum caprinum pecus probe curare scit: Cum enim conturbatum oculum, & non probe affectum ad uidendum sentit, cum ad rubi spinam & admouet, & reserandum permittit: hæc ut pupugit, pituita statim euocatur, nullaq; pupillæ læsione facta, uidendi usum recuperat. Neque sanè hominum sapientia ad faciendam sibi medicinam eget, ac potius huiuscemodi curationem homines ab ea didicisse existimantur. Anhelandi aliud quiddam plusculum habet à cæteris animalibus: Pecuarij sermones, & pastoritj eam ex auribus & naribus respirare testantur, sensusq; audiendi, ex omnibus ungula bipartita præditis animalibus, accrrimo esse. Causam quare id fiat, ignoro.

Quemadmodum capræ uitant hominis saliuam  
ualentem interficere Scolopendras marinas,  
CAP. XXVIII,

**C**Apræ saliuam humanam perniciosam esse noscunt, itaq; uitant, quemadmodum nos conamur quæ homini sunt perniciosa, effugere: ueruntamen sæpe imprudens sibi noxia homo haurit, at non item capras saliuam hominis latet, quæ marinas scolopendras potest interficere, postea uero quàm capra proxima

proxima est ut iuguletur, non amplius cibum attingit. Ac nimirum indignum putans se in extremo ouili pecoris agmine incedere, gregem quidem antegreditur, at ipsam hircus barbæ fiducia antecedit.

De Capris Lyciæ.

CAP. XXIX.

**C**allisthenes Olynthius, capras scribit in Lycia densissimæ & prolississimæ hirsutæ esse pilo, ut muliebres crines esse uideantur, & passim tanquam oues tondere, ex eisdemq; nauium fabros rudentes contexere. Libycorum capræ ex pectore ubera appensa habent. Sardiniam pecudum optimam esse parentem, Nymphodorus scribit, caprasq; procreare, quarum pellibus pro uestimentis indigenæ utantur, tamq; mirifica uis esse, ut hyberno tempore calefaciant, æstiuo refrigerent, simulq; in his ipsis pellibus cubiti magnitudine pilos innasce, atq; ei qui his indutus fuerit, si commodum uideatur cum est frigida tempestas, pilos ad corpus conuertit, ut ab his caleseat: cum autem est æstas, inuertit, ne calore uexetur. Non silentio præscribo Orthagoræ, is in libris, quos conscripsit de rebus Indicis, inquit, in Coytha uico sic nuncupato ab indigenis pisces capris comedendos obijci.

Alexander Myndius ait: Capras in Gimanti natas sex menses non bibere, sed tantum in mare intueri, & ore hiante illinc auras excipere. Idemq; assertit Illyricas capras ungues quidem habere, sed non bifidos. Mirifica quædam etiam Theophrastus narrat, pisces Babylonæ ex fluuio egressos in arido pasci.

X 2

Quem

Quemadmodum ex Eryngio herba cursum

Caprae siliunt.

CAP. XXX,

**S**I ex caprarum grege quæpiam eryngium herbam  
ore sumperit, Plutarchus eam dicit primum, ac  
deinceps reliquum caprarum gregem tandiu à pro-  
grediendo sustinere, quoad de eius ore herbam pas-  
tor detraxerit.

De Capris Aegyptijs.

CAP. XXXI,

**C**Apræ Syriæ quantum aliæ nullæ lac habere di-  
cuntur. At Aegyptias quinq; parere ferunt. Cau-  
sam huius rei esse Nilum, cuius aquæ fecundissimæ  
sunt. Itaq; pastores, quibus curæ est de augendo pe-  
core, aquam ex Nilo lactis inopibus pecudibus &  
infecundis dare solent. Caspiæ Caprae & albissi-  
mæ sunt, & cornibus mutilæ, & ad maximorū equo-  
rum magnitudinē accedūt. Earum uilli adeo molles,  
cū Milchys lanis ut mollitudine cōparari possint, ex  
ijsq; sacerdotes & Caspiorū ditissimi uestes cōficiant.

De Capra adamata à capratio.

CAP. XXXII,

**I**N urbe Sybari homo peradolescens, nomine Cræ-  
lthis, cuius opera in tuendi caprini pecoris munere  
versabatur, cum cupiditate libidinis flagraret, in eam  
amoris caprini consuetudinem cecidit, ut si quando  
ueneris rebus uti haberet necesse, cum omnium ca-  
prarum formosissima ueneris cōplexu iungeretur,  
eamq; ipsam in amasiæ numero locoq; duceret, do-  
naq; non à caprae desiderio abhorretia daret, hæderā  
nimirū, & iuncū edendū eidē objiceret, os illi reddens  
ad oscu

ad osculationē suauolētius, sed & molles, & teneras, ut nymp̄ha mollius dormiret, herbas substerneret: quod quidē ipsum ut hircus gregis dux perspexit, riuualitate laborare, atq; interea suum occultare animū cepit, quoad aliquādo tandem eum somnum capere deprehēdisset, tum enim omnibus reuocatis uiribus, factō in cum impetu, cerebrum diminuit. Cum eius modi factum ad indigenas permanasset, non modo ei tumultum magnificum excitarunt, sed ex eo etiam fluuium Crathim nominarunt, infantem autem puerum ex eius cum capra consuetudine susceptum, caprina habentem crura, & faciem humanam, in deos repositum, deorumq; honore affectum fuisse, & Syluanum deum esse in sermonem hominum uenit. In beluis igitur obtrectationem & riuualitatem inesse hircus docet. Septimo post die, quā in lucem editus hircus est, coire incipit, & quanuis sterile semen emit, omnium tamen maturissime quadrupedum ingreditur coire.

Quemadmodum utrunq; æquinoctium significat  
arctis cubitus.

CAP. XXXIII.

**A**RIES sex hybernos menses in leuum latus iacēs, quietem capit: Contraq; ab æquinoctio uerno in dextrum incumbens somnum accipit, ad utrunq; igitur æquinoctium ipsam aries mutat cubandi rationem.

GYLLII ACCESSIO.

De arietibus Scytharum.

CAP. XXXIIII.

x 3 In

**I**N Scythia arietes afinis magnitudine non inferiores, & cauda tam sanè longa, & lata, ut ad triginta libras accedat: eximia formæ pulchritudine, & ad uescendum optimi sunt. Coraxorum lana tanta erat coloris pulchritudine, ut emillarius aries talentis uenderetur.

De ouibus.

CAP. XXXV.

**O**Mnium maxime animalium oues ad parendum faciles sunt: Etenim ad uerba pastoribus obediunt, & canibus obtemperant, & capras sequuntur, simul & inter se amant. Luporum insidijs minus idcirco patent, quòd non ita separatim à reliquis errant, quemadmodum singulæ capræ à gregalibus suis segregantur. Arabes dicunt, ouium greges apud se muscipulus sanè quàm cibo pinguescere: sale delectantur, quòd cuiusmodi cibus potionis desiderium mouet. Neque etiam ignorant, ut boreas & auster maximo ad conceptionem adiumento sint: atque ut bos reas concipiendis maribus sit idoneus, sic fœminis auster, præclare tenent: perindequæ ut uel hac uel illa prole sit opus dum ineuntur, aut in hunc aut in illud uentum spectant. Achilles ad comburendum socium in rogis iacentem prece obsecrationequæ humili & supplice uti, tum ut Iris ei uentos imploraret, & ipse quoque aduenientibus sacrificium tanquam præmium polliceretur, necesse habuit. Neoclis filius uentos facta sacrificiatione placare Atheniensem populum docuit; oues non item; at uero uentos admissos concepturum

conceptuum sua sponte & non appellatos & promptos habent, ad quos periti pastores eas dirigunt: Cum enim auster fiat, tunc ut foeminae prolis numerus augeatur, ouibus arietes admittunt.

De ouibus sine felle. CAP. XXXVI,

**O**Ves in Ponto sine felle esse dicuntur: Contrà in Naxo insula duplici felle præditas esse. Aristotelis filius Nicomachus in Budianorum regione ait, albam ouem nullam nasci, sed nigras omnes esse.

Oppianus libro secundo de uenatione, tradit, in Gortynide & rufas, & quadricornes oues esse. Ad Garantas ouillum pecus carne & lacte alitur: Aegyptus tam abunde herbida est, ut bis anno oues ex se se pariant, bisque tondantur. Ctesias ait, apud Indos ouillæ caudæ latitudinem cubitalem esse. Alexander Myndius dicit in Ponto amarissimo absinthio pingues fieri. Qui ouillam lanam pexerit, atque ex ea uelitem confecerit, scabie, ut ferunt, procreabit ei, qui ea uelitur.

In gelidis locis oues fellis expertes sunt.

CAP. XXXVII,

**I**N regionibus perfrigidis eum niue & hyeme uehementi anni tempus infestum est, fellis expertes ouillum pecus: Intra enim ouilia compulsum, nouo pabulo non uitur. Deinde ineunte uere, eum ad pastiones proficiscitur, felle impletur, quod ipsum Scythicis ouibus usu maxime euenire solere aiunt.

De Indiæ ouibus. CAP. XXXVIII,

X 4 OUES

**O**Ves Indiæ & capras ad maximorum magnitudinem asinorum audio accedere. Quatuor scetus cum plerumq; pariunt, tres uero cum minimum. Nunquam enim ibi neque ouillum pecus, neque caprinum tribus minus edit. Caudæ ouillæ longitudo ad pedes usque pertinet, Caprinæ uero in eam procedit longitudinem, ut terram contingat. Idcirco eas pastores ouibus matricibus abscindunt, quòd tum sic facilius ineanant. Tum ex earum adipe oleum exprimitur. Arietum quoq; dissecant caudas, atque adipem extrahunt. Eatenusq; deinde sectio coniunctissime committitur, cicatricis ut ne tenue quidem uestigium appareat.

De portione fluuij Crathis, quo pecora albescunt.

C A P. XXXIX,

**C**onfluentem candidi coloris efficientem Crathis fluuius emittit. Nam ouillum, & bubulum pecus & omnis grex quadrupes, sicut Theophrastus ait, ex eo bibens, de nigro rufusue albus fit, boues quoq; in Eubœa ferè omnes albi nascuntur. Poëtæ Eubœam bouum principatum tenere testantur.

De colore quem animalia ex uarietate fluminum mutant.

C A P. XL.

**A**D diuersam potionem colorum mutationem oues faciunt, quod quidem ipsum ex ui & natura annium usu eis euenire eo anni tempore, cum inuenitur, solet: Itaque ex albis commutatio in nigras fit, contraq; ex nigris in albas conuertuntur. Hæc autem



autem cum ad Antandrum amnem accidunt, tum ad Thraciæ fluuium, cuius nomen Thraeces accolæ tibi dicent, tum uero ad Troiam Scamæder ex aqua sua potantes oues fuluas efficit, ex eo factum est, ut huic qui initio Scamander nominaretur, deinde aliud nomen aduētitiū ouium color Xanthum imposuerit.

De Arabiis ouibus. CAP. XLII.

PRæditas esse oues Arabiæ caudis insolitis & diuersis Herodotus scribit: earum sanè duo genera ponit, unum dicit caudas maxima magnitudine habere, ut dimictenti non tribus breuiores sint cubitis, quæ si trahantur, omnino ad terram atteruntur, & exulcerantur. At pastores ad fabrilem artem instituti, plostella fabricantur, ad quæ quidem ipsa alligatæ caudæ nituntur & sustinentur, quo fit, ut à uulneratione defendantur. Alterum caudarum genus dicit esse cubitali latitudine.

Quomodum ad amplificandam prolem animalia excitantur. CAP. XLIII.

EX animalibus, sibi quo plus prolis nascatur, harum rerum curatores, & pastores ouium, caprarum, & equarum, genitalia tempore coitus, delibutis multo sale & nitro manibus, perfricant: unde res uehementior coitus appetitio exoritur. Alij ea pipere, alij nitro perungunt, alij urticæ fructu, sunt etiam qui myrrha & nitro eadem inungant: ex ea sanè fricatione feminae & libidinosiores euadunt, & mares sustinent.

**O**Ves feræ non multo quidem nostris ouibus domesticis maiores, sed certè ad currendum velociores, & ad pugnandum fortiores, tum retortis cornibus, tum infestis & robustis frontibus armatæ. Sæpe in syluis suillum pecus ad terram abijciūt, & prosternunt: Interdum impetu facto inter se pugnant, Neq; ubi semel pugna commissa est, fas putant fugere, imo frontibus confertis, alterutram est necesse aut uictoriam referre, aut stratam iacere mortuam.

**S**ero admodum suos parentes homo cognoscere incipit, cum tamen intueri in patrem, complecti matrem, uersari cum domesticis doceatur, atque eius etiam oculis, ac animo nomen paternum crebro insculcetur, & decantatum habeat. Agni uero simul ut sunt in lucem suscepti, circum matres statim erratico saltu concurrere, & domesticum incipiunt ab alieno internoscere, neq; tamen ad huius rei notionē præcipitium opera habet uti necesse.

**O**Ryx in syluis uersatur, feris infestissimus, colore est lacteo, excepto ore nigro: cornibus excelsis, acutis, nigris, ferrei mucronis similitudinem gerentibus armatur: tum immani est animo, & superbo: neq;  
enim

enim canis latratum timet, neq; apri effervescentem feritatem, neque tauri mugitum refugit, neque Pantherarum tristem uocem, neq; ipsius leonis uehementem rugitum horret, neq; item hominum robore mouetur, ac sepe robustum uenatorem occidit. Cum autem eiusmodi fera aut aprum, aut leonem, aut ursum uidet, statim inclinatis cornibus, in terram caput confirmat, ac inuadentis impetum manet, atq; interficit. Et enim in eius pectore facile ferarum cornua cluduntur, & celeriter suum sanguinem manantem lingua exsorbet. Interdum inter se pugnant, neq; ubi semel pugna commissa est, fas putant fugere: alterutrum necesse est uincere, aut mortuum iacere, eamq; ob causam mutuis cedibus ambo pereunt, & agrestium quispian, aut bubulcus, aut arator in mortuos incurres, ad pedes stratam praedam summa cum admiratione nullo negotio consequitur.

## GYLLII ACCESSIO,

De Oryge.

CAP. XLVI.

**O**Ryx cum luna exoritur, eam obtutu infesto suspiciens, clamorem tollit, idq; illius odio, non amore, eam facere ex eo liquet, quod prioribus pedibus terram effodit, & caput occultat, quod aegre illius exortum ferens, eam intueri abhorreat. Hoc idem in orientem solem facit, ac postquam ex fonte bibit, aquam puluere lutoue immisso, perturbat, ut alijs animalibus fiat inutilis, eundemq; Aegyptij dicunt eo die, quum astrum oritur quod ipsi Sothen, nos Canem,

y 2 seu

feu Syrium appellamus, uocem mittere,

G Y L L I I A C C E S S I O.

De Histrice, CAP. XLVII.

**N**ON in opacis syluis quicquam horribiliore aspectu, neque infestiore existit, quàm histrix. Lupo est magnitudine paulo minor, asperis, & densis similiter setis, atq; uarium erinaceorum genus horret. Vn guium robore, & dentium ad dissecandum præstantia confidentes sunt lupi, ursi, pardi, leones: Histrix non item, ueruntamen non à natura armis ad se tuendum desituitur.

De Cynocephalis, CAP. XLVIII.

**P**OST uastam Aegypti solitudinem, quam omnem septem diebus transiri serunt, secundū uiam quæ ad Aethiopiam pertinet, Cynoprosopi homines habitantes, ex uenatu Dorcadum & bubalorū uiuunt, nigro aspectu, capite & dētib; caninis præditi sunt, quæ eorū similitudo cum canibus efficit, ut hic ipsorum mentionē interposuerim. Voëis quidē expertes sunt, sed strident acute: infra barbā mentū possident, sic promissum, ut serpentium simile id esse uideatur: eorum manus robustis unguibus, & acutis armantur, similiterq; toto pectore, ut capite ipso hirsuti habentur, atque etiam pedum celeritate & ualent, & captu difficilia non ignorant, loca ea esse ubi aquæ existant.

De Cynocephalorum uictu, CAP. XLIX.

**C**YNOCEPHALI ex eo nomen trahunt, quòd canino præditi sunt capite, cætera membra humana habent:

bent : ferarum pellibus induuntur, & iustitiæ retinentes. Sedunt neminem ; Cumq; Indici sermonis intelligentes sint, tamen nihil loquuntur, sed ululant : feris na uescuntur, quam quidem quia uelocissimi sint, ideo facile comprehendunt, & captas bestias interficiunt, non tamen eas igne, sed ad assatum solem mēbratim concisas coquunt. Alunt etiam ouillum & caprinum pecus, atque lac bibunt. Lihidinosi Cynocephali, & hirci ad res uenereas ardent, hos enim cum mulieribus uenereo complexu iungi serunt : illos libidinis furore in uirgines insanire, & uim inferre. De Cynocephalis mihi etiam illa ueniunt in mentem explicare, si esculenta testaceis inuolueris circumuestita reperiant, cuiusmodi sunt amigdala, glandes, nuces, excernunt præclare, intelligentes intima quidem esculenta esse, extima uero reijci oportere : uini item portione uti non recusant : atque etiam carnibus uel elixis uel asis exsaturantur, & his quidem recte & suauiter apparatus, magna delectatione afficiuntur : Contrà ex non accurate elixis ualde offenduntur : ueste indui mirifice gaudent, ac si eorum catulos etiam nūc per paruulos ad mulieris ubera admoueas, tanquam pueruli lac exsugunt.

## GYLLII ACCESSIO.

De Cynocephalo.

CAP. I.

**A**D lunæ rationem huiusmodi animal uarie afficitur : Cum enim luna est in coitu, mas neq; uidet, neque comedit, sed ex multo mœrore laborat,

y 3 atque

atque sic oculos in terram deiecit, ut lunæ uicem dolere uideatur. Fœmina etiam cum similiter nō uidet, atque eodem affectu tentatur, tum eius genitale sanguine fluit, eamq; ob causam Aegyptiorum sacerdotes eos alebant, ex ijs ut lunæ ratio perspicua esset. Maxime omnium animalium eiusmodi bestiae natura iracundæ sunt. Iam cum est æquinoctium, nō modo cotidie in singulas horas duodecies meiunt, quod ipsum etiam toties noctu faciunt, uerum etiam similiter in singulas horas duodecies latrant.

De Indicis animalibus satyrorum similibus.

CAP.

LI.

**I**n nitidos Indiae montes transmittenti, ad intimum latus densissimas conualles uideri aiunt, & Coruam locum nominari, ubi bestiae satyrorum similitudinem formamq; gerentes, & toto corpore hirsutæ, uersantur: atque equina cauda præditæ dicuntur. hæc cum non à uenatoribus agitantur, in opacis & spissis syluis solent uiuere. Cum autem uenantium strepitum sentiunt, & canum latratus exaudiunt, in montem uertices incredibili celeritate recurrunt: Nam per montes iter conficere assuetæ sunt. Contra eos qui se insequuntur pugnant, de summis montibus saxa deuoluentes. Ex his nonnullæ, sed ægerrime tandem, aut ægrotantes, aut grauidæ comprehenduntur. Illæ quidem propter morbum: hæc uero ob grauiditatem.

FINIS LIBRI VI.

# LIBER SEPTIMVS

## DE VI ET NATVRA ANIMALIVM,

De Catobleponte, apud Libycos. CAP. I.



**V**M multiplices & uarias Africa procreat bestias, tum Catoblepontem sic nuncupatum parere existimatur: taurus similis spectatur, truculentus, terribilisq; aspectu: alta ei & densa sunt supercilia, oculi non perinde quidem magni ut bubuli subiiciuntur, sanguine suffusi: non directè, sed ad terram uersus intuetur: à uertice ineipiens iuba, equinae similis, per eius frontem promittitur, quæ si usque ad faciem pertinet, formidabiliorem eum reddit: mortiferas depascitur herbas, ac simul ut taurino aspectu conspexit, statim horret, & iubam erigit, ea autem in excelsum excitata, atq; apertis labris per guttur quiddam uehementer acutum & horrendum emittit, ut aër supra caput obducatur, & inficiatur: animalia autem appropinquantia, quæ hoc cœlum hauriant, grauius affligantur, & uocis usum amittant, in letalesq; conuulsiones incidant.

De Indico Manticora. CAP. II.

**A**Pud Indos nascitur immenso robore præditum animal, cui Indorum lingua Manticoræ nomen est, magnitudine maximi leonis, colore rubrum, canis

γ 4 modo

modo uillosum: facie eadem prope quæ hominis: dentium triplici utrinque ordine mucrone acutissimorum, caninis maiorum: auribus hominis similibus, nisi quòd hæc & grandiores, & uillofiores sunt, oculis cæcis, & his non dissimilibus hominis: pedibus & unguibus eisdem qui leonis: summa cauda illi Scorpionis modo terreni, aculeo plusquam cubitali armata, reliquum caudæ, utrinque aculeis cuspidatum est, quos tanquam tela, si quis insequatur, eminus iaculatur: Aculei si quem attingerint, letales emissiones habent. Cum in anteriorem partem uersus aculeos iaculatur, caudam intorquet: sin retrouersus, aculeos emittit, tum extentissime caudam porrigit. Aculei quos iaculatur, pedali magnitudine & funis crassitudine sunt. Ctesias Indos sibi affirmasse ait, locis emissorum aculeorum alios succrescere, ut sit huius pestis perpetua successio. Humanis, ut idem assert, carnibus maxime delectatur, quocirca compluris homines interficit, nec duntaxat in singulos homines inuadit, sed plureis collectos, uel ipse solus interimit. Reliqua item animalia uincere potest. Quòd autem humanis carnibus sese complere ei suaue sit, eius nomen ostendit. Indicè enim ideo Mantichora appellatur, quòd bestia hominum conscientissima sit, ex rebus quas agit nomen trahens. Eadem est qua pernicissimi cerui corporis uelocitate eius pullos aculeatis nondum caudis armatos uenantur, caudasque eorum ad saxum elidunt, atque crebris ictibus confringunt



gunt, ut aculeos ne postea producere queant. Vocem edunt proxime accedentem ad fistulæ sonum, tubæq; concentum. Ctesias apud Persas hoc animal se uidisse testatur, ex India regi Persarum muneri missum.

De Monocroto, ab Indis nuncupato Cartazono.

CAP. III.

**M**ontes esse dicuntur in intimis regionibus Indiae, ad quos difficulter eatur, ubi quæ apud nos bestiae domesticæ sunt, feras aiunt esse, ut oves, capras, boues, & per se, & sua sponte errare: & canes ferros, ab omni cura pastoritia exsolutos esse: earum quidem ferarum innumerabilitatem infinitatemq; & historicorum & Indorum sermones testantur: inter quos Brachmanes numerandi, qui hoc idem sentiunt: in his Monocrotum, quem uocant Cartazonon, numerant: eumq; magnitudine ad confirmatæ ætatis equum accedere dicunt, iubaq; & pilis fuluum esse: pedum bonitate, & totius corporis celeritate excellere, atque similiter ut elephantos pedum digitis indiuisis esse: apri caudam habere, inter supercilia cornu uno, eodemq; nigro, non leui quidem, sed uersuras quasdam naturales habenti, atq; in acutissimum mucronem desinente ornatum existere: omniumq; maxime animalium obsonam uocem & contentam mittere: & ad alias quidem bestias ad se accedentes mansuescere, cum uero gregalibus suis pugnare. Neque modò cum maribus naturali quadam contentione

z dissi

disfidere, sed cōtra etiam fœminas certare, pugnamq̃ usq̃ ad mortem ingrauescere. Nam & maximo robore præditus, & inexpugnabili cornu armatus est: desertissimas regiones persequitur, simul & solitarius errat. Coitus tempore ad fœminā mansuetē assuescit, & gregalis fit: Cum hoc tempus trāsierit, & uentrem fœmina ferre ceperit, rursus effertur, & solus uagatur. Præfiorū regi illius pullos etiā nunc teneros aiunt deportari, eosdemq̃ festis diebus ad pugnā cōmitti, ad robur ostendendum: Nam integræ ætatis & perfectæ nullum unquā quisquā meminuit captum fuissē.

De Chamæleonte,

CAP. 1111.

**C**hamæleon Indiæ animal, non uno atq̃ eodem colore spectatur, sed & sese furtim subducit, & uidentium oculos ueluti perstringit: Nam nigro colore si eum offendis, mutat se ipse, & aliud coloris genus instituit, ac se cito in uiriditatem inuertit, & quasi mutatione uestium facta, alius rursus uisus album colorem, tanquam aliam personam histrio, sic induit, naturam ementitam: sed etsi non ueneficijs, ueluti Medæa quædam, aut Circe illitus est: tamen præstigijs potens, uidentium oculis eludere solct. Alexander Myndius dolore & molestia cibi inopia, à Chamæleonte ad hunc modum serpentem affici ait: Mordicus scilicet illum bene latam festucam & ualidam tenentem, sub eaq̃ perinde se ut sub clypeo uersantem contra hostem serpentē uenire: Serpentem uero quia festucæ latitudinem circumplecti non possit, Chamæleontem

leontem dentibus configere non posse: itaq; hunc ab ipsa confici, exediq; nequire: membra enim ut illius reliqua serpens mordeat, non tamē ea in ipsius carnē penetrare potest, tanta nimirum pellis firmitate & robore existit, nihil ut prorsus serpentis morsus senuat.

De Tharando.

CAP. V.

**R**uborem, pallorem, liuorem, homini & bestijs cutem mollem habētibus, & minime uillosis, accidere, nihil mirum: Tharando uero animali, cui est tergus impenetrabile, & uillus urforū magnitudine, ad mirabile uideri debet: seipsum enim cum uillis suis hic uernit, milleq; colorum species cum summo uidentū stupore reddit. Scythicum animal est, dorso & magnitudine tauro simile, eius coriū ne spiculo quidem penetrari potest.

GYLLII ACCESSIO.

De Vris.

CAP. VI.

**V**ri, magnitudine paulò elephātis inferiores, taurorum speciem similitudinēq; gerunt, magno robore, & magna uelocitate sunt, ut nullum animal, neq; hominem, neq; feram non assequantur. Hos studiosē foueis captos interficiunt. Assuescere ad homines, & mansueti, ne paruuli quidē excepti possunt. Amplitudo cornuū & figura (sicut Cæsar ait) & species multum à nostrorū bouum cornibus differt. Hæc studiosē conquisita argento Germani olim circūcludebant, atq; in amplissimis epulis pro poculis utebantur. Hoc se labore durabant adolēcentes, atque

z z hoc

hoc genere uenationis exercebant. Et qui plurimos ex his interfecissent, relatis in publicū cornibus, quæ essent testimonio, magnam laudem ferebant.

G Y L L I I A C C E S S I O.

De Halce Cœtica bestia, CAP. VII.

**H**alce eadem sunt figura qua capræ, eadem uarietate pellium, sed magnitudine paulo antecedunt, multos cornibus Cæsar esse dicit. Pausanias in supercilijs cornua habere mares testatur, fœminas contrà omnino carere. Harū crura nodis articulisq; carent, neq; cū dant se quieti procumbūt, neq; si quo afflictæ calu conciderunt, erigere sese, aut subleuare possunt. Arboribus ꝑ cubilibus utūtur, ad eas enim reclinatæ somnū capiūt, quas impressione uestigiorū cum uenatores animaduertēt quo se recipere solitę fuerint, omnes aut à radicibus subruūt, aut succidunt arbores tantumut summa species earum stantiū relinquatur, huc cū se cōsuetudine inclinauerūt, infirmas arbores pondere affligunt, atq; unā ipsæ concidunt. Pausanias item scribit, cerui, & cameli mediā speciem similitudinemq; gerere, & solā ex omnibus feris inuestigari & uideri ideo non posse, quòd quàm sagacissimè hominē uel longinquo interuallo, odorari ferat, atq; in cauernas & speluncas in magnā altitudinē depressas abdatur: itaq; uenatores locum mille stadiorū circūcludunt & cōprehendunt, quòd si intra ambitū illū nō delitescat, nulla alia machina cōprehendi pōt.

De Monoꝑæonico, CAP. VIII.

Pæoni

**P**Aconicum animal, quod Monopem Pæones nominant, piloso tauro magnitudine simile. Cum ab insequētibus urgetur, præ uexatione acre & igneū reddit stercus, quod quidem ipsum si in uenatorum quempiam incidit, mortem affert.

De Pœphagis animalibus Indiæ pulcherrimam  
caudam habentibus.

C A P. IX.

**I**ndicum animal Pœphagus, duplo quàm equus maior, spississima cauda, & nigerrima præditus est: humani pili subtilitatem eius setæ uincunt. Permagis eas idcirco Indiæ mulieres æstimāt, quòd eis ipsis crines suos pulcherrime implicent & deuinciant. Ad bina cubita singulæ ipsius setæ longitudine procedunt: ex una radice triginta simul exoriūtur. Omnium animalium timidissimus est, nam si à quopiam se inspectum sentit, euestigio quanta potest maxima celeritate sese in fugam properat conijcere, in quam magis studiose quàm celeriter se impellit, ac si cum insequentibus canibus & equis ad currendum promptissimis urgetur, intelligat se appropinquare ut comprehendatur, prius occultata cauda contra stans, uenatores intuetur, simul & ex magno timore colligit se, & quadam fiducia nititur, neque enim iam cauda abdita se ullius precij putat amplius uisum iri, quòd præclare scit in causa caudam esse quamobrem tantopere appetatur. Veruntamen interea quispiam præstanti ideo illum ferit, & ab occiso caudam præmiū prædæ abscindit, & pelle, quæ utilis est, ex toto corpore  
z 3      detracta

detraeta, cadauer abiicit, quòd cuiusmodi carniùm usum nullum Indi habent.

De animali Cepo nuncupato.

CAP. X.

**T**errenum quoddam animal Pythagoras scribit secundū mare rubrum procreari, & Cepum, hoc est hortum, appositè iccirco nominari, quòd tanquā hortus varijs coloribus distinguatur. Cum est confirmata ætate, pari magnitudine est cum Erythriensibus canibus. Iam porro huius colorum uarietatem, sicut ille scribit, animus nobis est explicare. Eius caput & posticæ partes ad caudam usque prorsus ualde igneo colore sunt, tum aurei quidam pili disseminati spectantur, tum album rostrum, inde ad collum aureæ uitæ pertinent: Colli inferiores partes ad pectus, & anteriores pedes omnino albi: mammæ duæ manum implentes cæruleo colore uisuntur: uenter candidus: pedes posteriores nigri sunt, rostri forma Cynocephalo recte comparari potest.

De feris animalibus Samijs.

CAP. XI.

**E**vphorion in commentarijs scriptum reliquit, Samum cum olim desertissimam fuisset, tum in ea bestias feras, maxima magnitudine, nomine Neades fuisse, quarum sola uoce terra discederet: Indeque profectum esse id prouerbiū, quod uulgò Samij dicunt, *Maius in Neadum*. Idemque affert, earum ossa maxima uel sua ætate extitisse.

GYLLII ACCESSIO.

De Subo.

CAP.

XII.

Subus

SVbus ruffo colore, & robustis cornibus geminis  
 Sarmatus, in utraq; sede uiuit. Cum in mari natat,  
 eum permultus piscium grex consequens osculatur,  
 quòd ex illius còspectu summa uoluptate afficiatur:  
 sed præcipuo quodam studio circum ipsum uersan-  
 tur Pagri, Oculatæ, Acus, Mulli, Astaci. Id autem ha-  
 bet admirationem, quòd feræ bestię alieni generis  
 amore teneantur. Attagenes enim ceruorum, & Per-  
 diceus damarum, Otides equorum, Psitaci luporū stu-  
 dio flagrant. O uehemens amoris numen, quāta uis  
 tua, quantum cogitas, quantum imperas, sola terra-  
 rum tuis sagittis commouentur extra fines. Longè  
 lateq; mare uagabatur, at tuo nutu ac ditione suo ab-  
 uco se continet: ascēdisti in cœlum, nouit te magnus  
 olympus. Timent te omnia cœlestia & terrena, & mis-  
 seræ gentes mortuorum: quæ et si (sicut poëtæ perhi-  
 bent) Lethæi hausta aqua omnem dolorem fugarunt,  
 te tamen adhuc horrent: tibi Sol, & Iouis fulmina ces-  
 dunt, & diuersæ feræ coniunguntur. Attagenes in  
 ceruorum dorso saliant, in damarum item Perdices  
 alas explicantes se refrigerant, Otides circum pedes  
 equorum cōcurfant, Sargi ad conspectum caprarum  
 accedunt, circum Subum omne piscium genus errare  
 gaudet, atque ordine iter faciens, à tergo dextra & si-  
 nistra eidem comitatur: sed scelestus ille externam  
 amicitiam contemnens, marinos socios exedit & con-  
 ficit. Hi uero tametsi ob oculos uersantem mortem  
 uident, tamen interfectorem suum neque oderunt,

neque relinquunt. Sed scelcrate Sube & fraudulente, non impune innocentis pisces occideris, nam ipsi tibi perniciem piscatores molientur.

De Sphinge.

CAP. XIII.

**S**Phingem alatum pingunt, tum fingunt omnes qui in ea arte quæ actionem manuum habet cum actione coniunctam operam ponunt. Sphingem Aegyptij qui sculpturam excreent, & Thebanæ fabulæ duplici natura conformantes, biforem conantur nobis repræsentare, ipsum ex corpore uirginis & leonis cum grauitate & compositione architectantes. Sed hæc in fabulas rejicienda, nos animalium naturas persequamur.

Quemadmodum Ichneumo utriusq; sexus est pars

ticeps & aspidi & crocodilo hostis, CAP. XIII.

**I**Chneumoni utriusq; sexus participi à natura tributum est, ut & suo semine grauiditatem & partum alijs afferat, & ipse quoq; uentrem ferat, & ex sese pariat, qui in pugna quam inter se pugnant uicti fuerint, ea bellicæ offensionis nota inuruntur, ut & in uiliorem sexum censeantur, & muliebria patiantur. Contrà, ij qui ex bello superiores euaserunt, uictos subigunt, & simul suo semine implent: at uicti ex ea male à se pugната pugna, hoc præmio afficiuntur, ut & partus dolores sufferant, & ex patribus qui iam ante fuissent, matres reddantur. Cum homini infestissimis bestijs aspide & crocodilo inimicitias gerunt. Latonæ & Lucinæ sacri esse existimantur. Apud Aegyptios Hera-  
cleopolitas



cleopolitas uenerationem & religionem possidere feruntur.

## GYLLII ACCESSIO.

De Ichneumone.

CAP. XV.

**I**Chneumo ut paruus sit, cum certe magnis prudentia & robore animi bestijs conferendus est: nam solerti machinatione duas bestias maxime feras aspidem & crocodilum interficit. Cum enim hic humi iacet stratus, illius autem immenso rictu os patulum est, tum is dolosa consilia de illius pernicie iniens, limis oculis tandiu eum obseruat, quoad arcto opere pressum somno intuetur: tum confestim singulari animi fiducia mortis portam intrat, & per latum guttur in aluum delabitur: Crocodilus uero inexpectatum malum in uentre sentiens, somno soluitur, & incitato cursu fumbundus & consilij inops, longe lateq; uagatur, modò in imam fluuij sedem se demergit, modò magnum acerbitatis uirus anhelans, sese ad terram abiicit: at non ideo Ichneumo quicquam læditur, sed magis ad uiscera inhærescens, suaui expletur cibo, ac nimirum exsaturatus, iam exinanito crocodili uentre, exsilit foras. O incredibile robore animi septum Ichneumonem, quid te, qui tam immane & mortiferum hiatum subire audeas, audacius dicemus? Iam porrò aspidem ijs artibus expugnat, totus præter oculos & caudam arena obrutus, aspidem expectat, ac cum hanc ignem spirantem animaduertit, statim caudæ girum agens, immanem feram prouocat:

A ca au

ea autem capite elato & exerto dente, frustra pugna-  
re aggreditur : nam Ichneumonem nihil metus tar-  
dat ad excipiendam pugnam, imo uero ipsam mors-  
dicus premens utrinq; se in orbem contrahentem la-  
cerat, & mortiferum uenenum ore eijcientem confis-  
cit, & occidit. Hunc alij caniculo dicunt similem esse,  
alij mustellæ, Ideoq; hac ætate quod murinam spe-  
ciem similitudinemq; gerit, uulgò murem Indicum  
uocant.

De Ichneumone & Aspide. C A P. XVI.

**A**gyptiarum pugna ferarum eiusmodi est Aspide  
& Ichneumonis: Hic non inconsultè ac te-  
merè in bellum descendit, neq; illa trepidantius timi-  
diusq; certamen inuit. Ille tanquam uir omnibus æ-  
mis septus in luto uolutatur, ac agglutinati luti ope-  
rimento obducitur, sicq; postea iustus armis se tectum  
arbitratus, in certamen uenit: si lutum desit, aqua se  
alluens, scq; in altum madidumq; sabulum abijciens,  
ex improuulis rebus ac fortuitis, arma ad tuitionem  
sui ingeniose comparat, continuoq; cum capitali ad-  
uersario depugnat: summas autem nares suas, teno-  
ras, ac ualde aspidis morsui opportunas, suæ caudæ  
flexu septus, tuetur: si eas aspis assequi possit, hostem  
debellauit: sin minus affectus fuerit, frustra dentes  
contra lutum exercet. Contra autem Ichneumo illi  
anteuertens, si ex inopinato fauces comprehenderit,  
illam strangulat. Quocirca tota uictoria cum sit pos-  
sita

sita in anticipatione, uictor existit, qui moribus alterum præuerterit. Crocodilorum fecunditati salutariter natura obsistit, nam oua quæ ex sese Crocodili secundum flumina parere solent, inquit Ichneumo, ac perdit, & quod magnam admirationem habet, nec oua comedit, nec ad suam, sed ad hominũ utilitatem naturæ instinctu conterit.

De Simia,

CAP.

XVII,

Simia actuosum animal, & ad omnia imitanda habile: Omne quod corpore agitur, si doceatur, præclare discit, & id ipsum actione repræsentat: ac si saltare doceatur, saltationem assequitur: Si ad tibiam canere, canit. Ego aurigæ munus obire uidi, habenas nimirum uel abducendi, uel remittendi, & flagello simul utendi: breui si quis ad alia quæpiam instituat, non fallit docentem: adeo uarium natura animal est, & multiplex, ut ad omnem actionem sese uerset. Cum cæteris in rebus omnium bestiarum simia peruersissima est, tum peruersior in ijs, in quibus hominem imitari conatur: Cum enim nutricem ex eminenti loco perspexisset puerum infantem in pelui lauare, & fascias in orbem contrahere, & in arcum ad aquæ expressionem contorquere, atque quo reliquisset loco puerum obseruasset, simul & circa eum ipsum à custodibus magnam introspexisset solitudinem, fenestella quæ tum pateret in domum intrauit ad puerum, quem similiter ut factitari à nus

A 2      trice

trice uiderat, ex lecto sublarum integumentis nudatus uit, & aquam, succensis carbonibus, calefcentem, in miserum infantem infudit, atq; interfecit.

## De Simia &amp; Fele,

CAP. XVIII.

**C**VM Feles simiam in Aegypto insequerentur, hæc autem omni neruulorum contentione in fugam se impellens, rectà conscendisset in arborem, atque illi ad eandem arborem ascendissent, (ad corticem enim inhærentes sursum correpere sciunt) hæc sanè ut sola à pluribus circumuenta ex arboris trunco ad ramorum cacumina se uertens diu multumq; ex ijs extremis pependit: Illi tum quòd eò accedere non quirent, ad aliam se conuerterunt uenationem. Hæc autem ipsa studiose & diligenter se ex periculo seruauit, nec cuiquam alij, quàm sibi metipsi, salutis præmium debuit.

## De Simijs Prasiorum Indiæ.

CAP. XIX.

**I**N Prasijs Indijs simiarum genus esse ferunt, humanis sensibus, & magnitudine Hircanorum canum: tum earum comam etsi naturalem, artificio tamen ueritatis imperito elaboratam uideri, tum barbam ipsarum speciem satyricæ similitudinemq; gerere, caudamq; leoninæ similem spectari: reliquo corpore albas, capite & extrema cauda flauas esse. Neq; uero quòd uiuendi ratione & genere ipso syluestres sint (montanis enim rebus & agrestibus pascuntur)

propterea

propterea feras esse, imo natura cicures, ad suburbium Latagis urbis frequentes proficiscuntur, quibus cotam oryzam rex comedendam obijcit, ac quotidie cibaria eis projiciuntur: expletæ in domesticas sedes cum magna moderatione redire, neque obuium quicquam lædere dicuntur.

De Prasiani Simijs.

CAP. XXX.

**I**N Prasiana Indorum regione Megasthenes simias describit, maximis canibus non inferiores esse magnitudine, quinque cubitorum caudam habere, tum ex earum fronte comas propendere, easdemque barbam promittere: tum facie alba esse, & uero corpus nigrum spectari, neque malitia cæteris simijs ingenita, sed mansuetudine & humanitate imbutas esse.

De Simijs Indicis.

CAP. XXXI.

**I**N India, Clitarchus tradit, simiarum genus uarium & multiplex oriri, tantamque earum in montibus multitudinem esse, ut uel Alexandrum magnis copijs septum ex frequentes perterrefecerint, quod arbitras retur se sibi insidiantem exercitum uidere. Nam cum Alexandro se ostenderunt casu, excelso & recto corpore erant, non capiuntur retibus, neque sagacium canum uenandi solertia præditorum: sed cum sit animal saltationis auidum, saltare cupit: si item quempiam uiderit calceos induentem, imitatur: & si quem uiderit oculos pingentem, aut lauantiem, hoc idem facere studet: itaque pro his ex plumbo factos graues calceos proponunt, & laqueos subiiciunt, ut pes qui-

A 3 dem

dem ingredi possit, & interim firmo uinculo retineri. Itemq; uisco decipiuntur, nam illis uidentibus Indus pelues aqua plenas in earum cōspectu ponit, ex eaq; oculos oblinuit, ac mox uiscum pro aqua reponit: illæ aspicientes (ut sunt ad omnia imitanda aptæ) continuo descendunt, oculosq; & ora ipsi similiter uisco oblinunt, itaque postea facillime capiuntur.

De Simijs.

CAP. XXII.

**T**Ygres domitos, cicures pantheras, oryges quadricornes, columbas, quas negant mansuetisci posse, ad suum regem Indi afferunt: tum generosos canes, de quibus supra scripsi: tum simias nonnullas albas, alias nigras, nam rufas idco in urbes non adducunt, quòd ueneris libidine inflāmatae, in muliebrem sexum furentes sint: ac si quando deprehendunt, eas tanquam adulteros odio persequentes, interficiunt.

GYLLII ACCESSIO. CAP. XXIII.

**V**T Elephantus uini potione obliuiscitur fortitudinis, sic Simia hausto uino, fraudis immemor, non est ad capiendum difficilis. Cum ex sese binos fetus parere soleat, non æqualem tamen utrisq; impartitur amorem: sed alterum amat, alterum odit. Prætermitto plura dicere de tam turpi bestia, quis enim non doleat, quum uidet tam turpiter assumulata tam hominis faciem, tristem, fraudulentam?

GYLLII ACCESSIO.

De Cercopithecis.

CAP. XXIIII.

De

**D**E bonis uiris nostræ ætatis accepi, Cercopithes  
cos magnum detrimentum agricolis Calecuthē-  
sibus afferre, quòd in arbores conscendentes, liquo-  
rum ex quo uinum illi conficiunt, effundant, uasaq̃,  
quibus liquor excipitur, euertant. Cercopitheci  
crocodilos intueri tantopere perhorrent, ut ne lon-  
ginquum quidem crocodilinæ pellis conspectum fer-  
re possint: ac nimirum potius per ignes & aquas efflu-  
giant. Quod quidem ipsum cum experirer, & ex al-  
tissima fenestella conditum crocodilum his longo in-  
teruallo distantibus ostenderem, cum clamore, & alui  
deiectione, & tremore, & si uinculis constricti tenebā-  
tur, per obiectos ignes & aquas cuadere furenter con-  
nabantur.

## GYLLII ACCESSIO.

De Simiulpa.

CAP. XXXV.

**I**l qui nostra memoria Payram regionem iustrarūt,  
Ibestiam dicunt se uidisse quadrupedem, ex anterior-  
re parte uulpem, ex posteriore simiam: præterquàm  
quòd humanis pedibus sit, & noctuæ auribus, &  
subter communem uentrem, instar marsupij alium  
uentrem gerat, in quem tam diu eius catuli occultan-  
tur, dum tutò exire, & sine parentis tuitione cibaria  
inquirere possunt, ac nimirum non ex eo receptaculo  
prodeunt, nisi cum lac fugunt.

De Vulpe &amp; Vespa.

CAP. XXXVI.

**V**Vipes in exuperantiam infinitæ tum malitiæ,  
tum fraudis progreditur, nihil ut nō & malitios

A 4 c, &amp;

se, & dolose agat: Cum enim uesparium refertum esse animaduertcrit, retrorsum eò accedit, atque tota à uerspecto auersa, ab aculeorum sanè uulneribus declinās in cellas uesparias immissa, hirsuta cauda, eademq̃ bene prolixa, uespas concutit. Cum autem uesparium circumuestitam spissis pilis caudam impetentium referta est, tum eam ipsam uel ad arborem, uel ad parietem ad maceriemue allidit: Itaque multa caudæ attritione his extinctis, in reliquas inuadit, perindeq̃ eas ut primas interimit: lanq̃ reliquas cæteras ab aculeis intelligens inopes esse, os in uesparium abijciens, id ipsum uorat.

De Vulpis insidijs.

CAP. XXXVII.

**V**ulpem bestiam improbam poëtæ & fraudulentam appellare solent. Sedet improbus Erinaceus terrestris & insidiosus, nam ut uulpem is uel audiuerit, uel uiderit, os contrahit, pedesq̃ comprimit, & se totum in globosam formam concludit: Illa autem cū hunc sic in arctum constrictum comprehendere non quit, in eius os urinam reddit: hic uel ex contractione, uel ex uulpis fraude spiritu intercluso suffocatur.

Quemadmodum uulpes insidias parat Erinaceis,

Oridibus, & piscibus.

CAP. XXXVIII.

**V**ulpes fraudulentum animal, insidias hoc pacto in Erinaceos terrenos molitur, ut cū eos rectos, quòd à morfu uulpinum impetum spiritus prohibent, expugnare non queat, ipsos summa cautione oris leniter & caute primum euertens, supinos constituat,  
deinde



deinde & laceret, & qui antea essent formidabiles, excidat, conficiatq;. In ponto sic Otidas uenatur, ut & sese auertens, & in terram abijciens, tanquam auis cololum, sic caudam extendat: ex autem hac insidiarum instructione seductæ, ad illam, tanquam ad suam gregalem accedunt, illa uero se uertens nullo negotio capiatur. Tum uero secundum fluuiorum ripas gradiens, paruulos pisciculos callide exceptat, nam caudam in aquam derjcit, in quam ij innantes densis pilis comprehenduntur, quod quidem ipsum uulpes sentiens, caudam ex aqua remouet, & repente se in aridum subducens eam excutit, pisciculi excidunt, atq; ab ea deuorantur. Thraces quando congeliantes fluuij periculose transeuntur, uulpis indicio, & periclitatione percipiunt: nam si glaciem resistantem, & nihil cedentem transmiserit, eius uestigia fidenter persequuntur. Ad hunc modum transmissionem non esse periculosam hæc experitur, ut ad glaciem aurem admo ueat, ac si intra non subsonare atq; subterlabi fluctus sentit, libenter se consistenti glaciei credens, prima transmittit: sin aliter, nequaquam transit.

Quemadmodum à uulpibus lepores captantur.

C A P.

XXIX.

**L**epores interdum à uulpibus non tantum cursu, sed etiam magis arte comprehenduntur. Captiosum se enim circumuenire, inducere uulpes probe nouit: Cum enim noctu in leporis uestigium incidit, & sensum ex eo perceperit, animam continens, spiritumq;

B com

comprimens, sensim & pedetentim usq; eo uestigijs leporis insistit, quoad in ipso cubili eum deprehendens, tanquam de insidijs securum animi & insperantem capere aggreditur. At enim non hic dissoluto & ignauiter remisso animo, sed suspenso & sollicito somnum capit, simul ac primum uulpem aduentantem sensu comprehenderit, de cubili exsilit, properans fugam capere, & cursum ad summam celeritatem facit: uulpes item uestigijs eum insequens ingreditur currere: uerum longam uiam ubi hic confecerit, ut qui iam longinquo abscessu contra uulpem superior factus sit, sub dumeta, aliâue fruteta densiora subiens, ex longo cursu, libetî animo & prolixo se quieti dat: at uulpes cuestigio insequens, ei non concedit ex fuga ut consistat, & laboris quietem habeat, sed ad alterum cursum ex quiete eum excitat, & agit: postea uero quàm incitato cursu is permultum uiae procedens, iterum non minora quàm prius fugerit, rursus uehementer quietem cupit capere: Illa uero frutetum quo se is cõiecerit urget, ac radicibus excutens, ab assiduo cursu non sinit conuiescere: itaque is iterum excurrit, illa quoq; non se ad insequendum tardans, currere insistit, cum autem continenter ex alio alius cursus hunc uigilijs diu multumq; fatigatum exceperit, currendo selsus, & laboribus succumbit, & longius procedere desistit: ipsa uero consecuta, eum ipsum non sanè cursu, sed longinquitate temporis, & captiosa inuestigatione comprehedit, iam porro foetus suos quum in pluris

reis locos lepus dispergit, hoc pacto arbitrans à rapinis tutiores esse, tum summo in eos amore flagrat, neq; à uenaticis modò insidijs de se timet, uerū etiam uulpium incursiones perhorrescit, nec minus auium imperus extimescit, sed & coruorum, & aquularum uocem multo maxime metuit, atque horret: & sanè quidem cum his auibus nulla pace coniungitur, sed sese abstrudit in dumeta, in aliàue fruteta, aut cespites, aut cum necessitate urgetur, in quoduis aliud lastibulum se occultat,

De uulpibus Caspijs.

CAP. XXX.

**A** Myntas in mansionibus, quas sic inscripsit, eam ait Caspiarum uulpium esse multitudinem, ut non modò agrestia stabula adcant, sed urbes quoq; ingrediantur: nihil tamen nocētes, neq; rapientes, sed ita cicures Caspijs tanquàm caniculæ adulantur.

G Y L L I I A C C E S S I O,

De Vulpis fraude.

CAP. XXXI.

**I**Ntinas cauernas, quæ multos habeāt exitus, procul inter se distātes incolit, ne circum exitum unum positis uenatorum insidijs comprehendatur. In omnes hostes suos infestissima est: neq; modò contra canes, sed & cum feris robustioribus, & cum uenatoribus molitur pugnare. Neq; solis bestijs terrenis, sed etiam aquatilibus, & uolatilibus mille insidias comparat. Cum auium greges subuolātes uidet, humistrata iacet, simul & oculos claudit, & animam continet, & prorsus extinctæ speciem similitudinemq;

B 2 gerit.

gerit. Cum autem eam sic ad terram abiectam aues despiciunt, mortuam arbitantes, gregatim delabuntur, in eaq; seſſitantes ludunt: at uulpes eas ad roſtrum appropinquantes ore hianſe atq; imminente, deuorat.

## GYLLII ACCESSIO.

Quemadmodum glaciei indicem Thraces habent uulpem. CAP. XXXII.

**T**hraces congelatum flumen molientes tranſiunt, uulpem, Plutarchi teſtimonio, præmittunt, glaciei indicem, quantum firmitatis habeat: ea enim pedetentim & moderate gradiens, aurem admouet: ac ſi ex ſtrepitu confluentem non multo infra ſentiſſent, ſtatim cõiectura aſſequitur, frigore fluuium non bene penitus congelatiſſe, ſed tenuem & infirmam glaciem exiſtere, itaq; regreditur: ſin ſubterlabens aqua non admurmurationem facit, confidenter tranſit. Quod quidem ipſum non acrem beſtiæ ſenſum dicimus eſſe: ſed ex ſenſu ratiocinationem. Sic enim uulpes colligit, ipſum ſtrepere motu præditum eſt, quòd autem motum habet non gelu conſtringitur. Itemq;: Quod aquæ non glaciatur liquidum eſt, quod autem liquidum, facile concedit.

De Lepore. CAP. XXXIII.

**D**E Lepore mihi hæc in mentem hoc loco ueniunt explicare. Non cum ſanè prius ſub ſolitum cubile ſubire, & ſuccedere, quàm modò ingrediens, modò

modò egrediens sua conturbarit uestigia: ut ne ea fruuentibus sibi insidias appareant, naturali quadam sagacitate homines astute decipiēs. Quædam propria ei à natura ingenerata sunt: Palpebris patentibus somnum capit, eius annos indicant foramina quædam, nam quot sunt illi corporis cavernæ, totidem annos ætatis agit: uno & eodem tempore quædam in utero inchoata & imperfecta fert, quædam parturit, quædam modò peperit.

Quemadmodum mas Lepus parit.

CAP. XXXIII.

**D**È viro rei uenatoriæ bene perito, & cætera quæ bono, & à mēdacij alieno, auditione accipi, mas res Lepores uno eodemq; tempore tum alios imple re, tum ex sese parere, tum nutrire, nempe qui sint utriusq; sexus participes. Idemq; testabatur aliquando duos, aliquando tres parere. Huc etiam addebat, marem semimortuum captum fuisse, ipsum autem prægnantem fuisse, atq; in dissecti utero tres lepuseulos repertos fuisse, eos primum extractos immobiles fuisse, deinde à sole intepescentes, reuixisse, & eorum quendam postea respexisse, celeriterq; & linguâ porrexisse, & cibi desiderio os aperuisse: itaq; lac ei admodum fuisse, & paulatim alitum fuisse.

Tempora & uentos Lepus cognoscit.

CAP. XXXV.

**R**ationem tum uentorum, tum temporum Lepus planè scit. Hyeme apricis locis cubilia idcirco in-

B 3 format

format, atque imprimit, quòd apricationem uehemēter appetit : frigus hostilem in modum declinat, æstate uero, altioris sedis studio captus ad aquilonem cubitat. Temporū commutationes nares ei indicant. Non oculos claudit cum somnum capit, imo uero cum reliqua membra somnum accipiunt, interea tamen oculi uident. In passionibus tum nocturnis tum longinquis pabulū inquirat, siue quòd fortè peregrini cibi desiderio tenetur, siue etiam quātum equidem intelligo, ut se exerceat, & pedum celeritatem firmet. Viam retrouersus pertinentem cupide amplexatur, consuetam sedem omnibus locis antefert, eoq; non parum sæpe capitur, quòd assuetum cubile relinquere non possit.

De Leporum uelocitate montanorum &  
campesrium.

C A P. XXXVI.

**L**epus quem canes & equi insectantur, si campos stris sit, celeriore & concitatore cursu, quam montanus uiam conficit, propter corporis exiguitatem, & tenuitatem. Cum enim gracili habitu sit, ipsum celeritate præstare uero proximum est. Primum igitur ex terra exsiliens saltu fertur, & per dumeta aliæque densiora uirgulta expeditus perlabitur. Tum uero sicubi herbæ sint altæ & frequentes, ex eis facile sese explicat, atque elabitur : ac quemadmodum leonibus caudæ ad excitandas uires magno adiumento esse dicuntur, sic huic aures roboris numina, & uexilla, & cursus incitamenta existunt ; fugiens eas ad tergum retorquet

torquet, sicq̃ ipsiſ tanquam ſtimulis torporē & ignauiam, ne à currendo retardetur, concitat. Iam porro curſum nec unum, nec rectā tenet, ſed & huc illuc ſeruat, & uero de recto curſu deſcendit, ut exerceat canes, & circūueniat ad id quidem diuerticulum, quo uult iter conuertere: de auribus alterutrā intorquet, atque inflectit, eaq̃ quali moderatrice curſum dirigit. Neque uero improuide uno eodemq̃ tempore omnes ſuarum uirium neruulos contendit, ſed & impetum inſequentis obſeruat, & ſi ad inſequendum tardus & ſegnis ſit, non omnem ſuam celeritatem profundit: Sed duntaxat canes antegredi maturans, ſe ſe integrum ſeruat, & uiribus ſuis moderatur, ne omnē ſuam currendi facultatem ugens, ex incitato curſu uiribus deficiat. Penitus enim cognoscit ſe ad curſum longe multumq̃ anteccllere, & uidet impenſius laborare non eſſe neceſſe. Quòd ſi pedum celeritate canis ad conſiciendum interpollet, tum omnibus reuocatis uiribus lepus quanto maximo poteſt curſu fertur. Cum autem longe multumq̃ canibus antecurſerit, & longo ſanè interuallo uenatores atque equos reliquerit, tum ſanè in aliquem tumultum aſcendit, & in poſteriores pedes ſeſe erigens, tanquam ex aliqua ſpecula, & inſectantium certamen proſpicit, & quantum equidem exiſtimo, eos ut debiliores ridet. Poſt ex eo loco intuens, ſe omnia ſuperiora habere, is nimirum quietem & tranquillitatem adeptus, ex laſſitudine grate & libenter dormit. Montium incolæ nō

tam ueloces, quàm qui in planicie uersantur, nisi quãdo sub montem subiectos habent tractus in planiciem explicatos, quò ex montibus decurrant: unde fit, ut tametsi montes incolant, tamen in campis exerceantur, unde sæpe campani homines eos excitant, atque insequuntur. Cum autem proximi sunt ut capiuntur, campestris uia breuitatem declinantes, in altiores locos & montuosos se conuertunt, in suas nimirum sedes festinantes, idcircoq; euadunt, & insperatam salutẽ assequuntur, quòd canibus & equis montium itinera infesta atque inimica, pedes obterunt & debilitant, sed eo acerbius canes uexantur, quod canes pedes & minime ad perpetienda saxa resistẽtes, & quemadmodum equi ungulas habent. Contrà, lepus conuestitos pilis pedes habet, & duritatis & asperitatis patientes. Iam ex leporibus qui in crebris dumetorum frequentia locis commorãtur, laboris inertia segnes, non ad cursum uelocitate ualẽt, ex pedum tarditate ad fugiendum laborantes. Nam huiusmodi opimo habitu, & cessatione torpentes, currendi infueti sunt, & ad proficiscendum longissime perimbecilles. Ipsorum ratio uenandorum talis est. Primũ per frutices per paruulos & minime continenti crebritate densos permeant: densiores uero, qui transiri non possunt, transiliunt: ueruntamen ubi fruticetum aliud ex alio nexum latissime continuatur, ibi hoc ipsum facere coacti cum sint, corporis grauitate ad saltum parum ualentes, sanè quàm cito laborant & succum



& succumbunt. Canes uero ab eis ipsis primum aberrant quòd non eos propter minutarum arbuscularum frequentiam uident, & uero per frutices saliant odoris sensu illecti, deinde tandem aliquando uisos, insequuntur, de cōtentione currendi nil remittentes: illi autem ipsi ex continuatione salicendi ad capiēdam fugam longiorē remollescunt, & uiribus defecti comprehenduntur: atq; etiam ut facile sursum uersus seruntur quòd posteriora membra longiora habēt: sic sane deorsum uersus egrē ideo decurrunt, quia anteriora cum sint breuiora, eos afflicent.

## GYLLII ACCESSIO, CAP. XXXVII.

**H**egesānder Delphus in commentarijs memoriae tradidit, Antigono Gonata regnante, in Astis palæa maximam leporum multitudinem extitisse, ut Pythiam Astypalenses de eis cōsulere habuerint necesse: eam respondisse canes alendos esse: quo factò uno anno plus quàm sex milia cepisse. Ex eo enim tam ingens leporum numerus procreatus fuerat, quòd Anaphæus quispiam in eam insulam duos lepores iniecit, quemadmodum etiam Astypalensis quidam in Anaphen duos perdices antè dimississet, unde tanta perdicum uis in Anaphe exorta fuerat, ut sedibus incolæ pellerentur. A principio lepores non habebat Astypalæa. Xenophon & Herodotus maxime secūdum animal genus leporaceum testantur. Nam etsi comprehenditur à feris auibus, atque

C homi

hominibus, tamen adhuc redundat, fectuum enim alius in uentre pilosus, alius à pilis nudus, alius in uulua recens fingitur, alius in lucem profertur. Xenophon leporem ait clausis oculis uigilare, apertis dormire. Apud Bizaltas lepores bina iecora habere Theophrastus dicit. Lepores ut sint omnes sanè longis & pilosis auribus, tibijs neque magnis, neque æqualibus: certe diuersos inter se colores habent, alij cyanci, alij in solis terrarum nigris fusci, alij in rubris terris ruili, nonnulli omni ex parte albi.

G Y L L I I A C C E S S I O.

De leporis astutia in tuenda sua procrea-  
tione.

C A P. XXXVIII.

**E**X suis lepusculis alium alibi lepores ponunt, ut si ueris sæpe interuallo distent inter se, ne si uel homo uel canis interuenerit, omnes simul periclitentur, ipsi autem lepores ad cubile redeunt, postquam uarium & multiplex posuerunt uestigium, ab alijs longe remotum, extremum saltum saltant, ne nimirum uestigiorum perpetuitate somnum capientes deprehendantur.

De Cuniculis.

C A P. XXXIX.

**A**liud est etiam genus leporum, natura perparuum, nec tamen augetur unquam, ei cuniculus nomen est: quod quidem ipsum nouatum à me non est, at etiam in conscribenda historia Græci quidam usi sunt, quod à principio Hispani imposuissent.

Caudam

Caudam cæteris breuiorem habet, cætera reliquis leporibus consimilis est, præterquam quòd magnitudo capitis quippiam differt, quia exilius sit, & minima carne præditum, eius uniuersum corpus candidius quam reliquorum leporum.

De Fele.

CAP.

XLI.

QVemadmodum ex felibus mas est libidinosissimus, sic amantissima catulorum femina: quæ uenream idcirco maris consuetudinẽ refugit, quòd is calidissimum, ignisq; simile semen emittat, genitale ut feminae comburat. Eiusce quidẽ rei mas non ignarus, communes catulos suos interimit. Hæc autem nouorum catulorum desiderio permota, eius libidini morem gerit. Quòd autem ab omni tetro odore feles abhorrere dicantur, eò excrementa sua prius fossa facta, in terram occultant.

GYLLII ACCESSIO.

De Fele.

CAP.

XLII.

FElem marem Aegyptij dicunt pupillas ad solis rationem uariare, cum enim exoritur sol, tum longæ fiunt, in meridie rotundæ uidentur, ad uesperam autem obscurantur: cum odore unguentorum Plusarchus scribit grauius uexari.

GYLLII ACCESSIO.

De Talpa.

CAP.

XLIII.

CVm ad comprehendendas talpas fictile uas angustis faucibus in scrobem de industria factum

C 2 demi

demiffem, earumq; una in hoc ipfum incidiffet, & exitus non ei pateret, quòd furfum uerfus propter deduitatem adrepere non poffet, altera ei opem & salutem tulit, terramq; effofiam in uas tandiu coniecit, quoad exaggeratione facta, altera exire potuerit. Sed quis ille fentus fine oculis concipere alterius cafum, & liberandi rationē percipere, quam haud fcio an cæcus homo fine uocis indicio affe-  
qui queat.

FINIS LIBRI VII.

## LIBER OCTAVVS

DE VI ET NATVRA  
ANIMALIVM.

De Muribus.

CAP. I.



**M**VRES cum sua sponte fecunda animalia crebros partus ex sese edūt, tum multo supra consuetudinem accedens <sup>lege, ut id muribus</sup> te salis usu fecundiores. In P<sup>ar</sup>o insula la ferrum exedere & conficere dicuntur. Amyntas in Tere done Babylonica scribit, eodem cibo uti.

De Murium iecore.

CAP. II.

**A** Coitu recrescente luna, muris iecusculum mirabilem in modum sibi fibram quotidie quandam progignit, usque ad plenam lunam, Deinde luna decrescente fibræ pariter decrescunt, ac in unum corpus extenuatæ paulatim euanescent. In Thebaide cum grandine pluit, mures in terra apparere audio, qui partim etiam nunc ecenium limosum, partim iam casro existunt.

De Aegyptijs Muribus ex pluuia nascentibus.

CAP. III.

**P**rimum ut in Aegypto pluit, per paruulis guttis. Mures nasci solent, qui longe lateq; totis aruis uagantes, maxima calamitate ex spicarum circumro-  
sione & succisione segctes afficiunt, & manipulorum

C 3 aceruos

aceruos uastantes, magnum Aegyptijs negotium exhibent: eo fit, ut ij insidias eis conentur muscipulis tendere, & sepimentis repellere, & fossis ac incensibus arecere: sed mures ut minime ad muscipulas accedunt, sic cum sint ad salendum apti, & sepes transcendunt, & fossas transiliunt. Aegyptij uero de spe & conatu depulli, omni machinatione insidiarum, tanquam parum efficaci relicta, se ad suppliciter deprecandam à Deo calamitatem uertunt. Mures diuinæ iræ metu, in montem quempiã aciei instructione ordinem quadrangulum conseruantes discedunt: horum omnium natu minimi primo in ordine consistunt, maximi uero extremum agmen ducunt, eos qui lassitudine deficiunt, urgent, ac seiplos sequi cogunt. Quòd si ex itinere minimi natu laborantes subsistat, omnes quoq; consequentes, ut est in more belli institutoq; positum, insistent, & interquiescunt: Simulq; se, ut primi mouere coeperunt, cæteri continuo omnes subsequuntur. Hoc idem qui Pontum incolunt mures illic agere dicunt. Ex omni autem domo cuius ruina impendeant qua primum datur, ecleriter demigrare creduntur. Cum autem uocem felis aut uiperæ sibi lum exaudiuerunt, è nido musculos in locum alium transferunt.

De Muribus insulæ Heracleæ.

CAP. IIII.

**Q**uantum est cunq; murium in Heraclea, quæ in Ponto insula est, deum & religiose colet, & quod deo cunq; dedicatum est, non attingit. Itaque cum uitis

tis, quæ ibi deo frondescit, & soli eidem ad religionem consecrata est, cuiuscumque racemos dei administri ad sacra seruant, uuæ assecutæ fuerint maturitatem, tum de insula mures decedunt, ut ne si remanerent, per imprudentiam eas contingant, quas tangi fas non sit; post uero ubi id anni tempus præterierit, ad domesticam sedem reuertuntur. Atque hæc quidem Ponticorum murium est probitas. Contrà Hippon, Diogoras, Herostratus, reliquisque dei hostes, quomodo uel à racemis, uel alijs rebus consecratis cupiditatem manusque abstinuissent, quine ab ea quidem insanía suâ assensionem sustinuerint, quominus & nomina deorum, & opera quomodocumque tollere conati fuerint.

De Muribus.

C A P. V.

**C**um mures in aquatile uas de lapsi ascendere non queunt, mutuas inter se caudas mordicus tenentes, sese subtrahunt, secundum quidem primus, tertium secundus: sic enim eos mutuas inter se operas sapientissima natura ponere docuit.

De Muribus terræ Caspiæ.

C A P. VI.

**A** Myntas in Mansionibus, quas sic inscripsit, in Caspiam dicit infinitam murium multitudinem accedere, eosdemque in perennijs fluuijs rapide precipitibus intrepidè innatare, & caudas inter se mordicus tenentes, firmamentum habere, eoque firmo uinculo fluuios transmittere. Cum autem in arationes transferint, segetes succidunt, & in arborcs ascendentes fructus edunt, & ramos frangunt; Quibus Caspij

C 4 ubi

ubi resistere non queunt, hoc modo infestas eorum incursiones moliuntur ulcisci, ut non habētibus uncinatos unguēs aibus quippiam noceant, quæ quidem ipsæ tantis gregibus ut nubes esse uideantur eò aduolantes, mures sedibus pellunt, & suo proprio quodam naturæ munere à Caspijs famem depellūt, neque magnitudine inferiores quā Aegyptij Ichneumones: Itemque agrestes sunt & acerbi, & robore dentium non aliter dissecare ac deuorare possunt, quàm mures ferrum in Teredone Babylonix, quorum pelles molles institores ad Persas uehunt, quibus uestes consuuntur, & corpus optime fouetur.

Quemadmodum Mures domum collapsuram prænoscent.

CAP. VII.

**Q**uod uicinam domum ad edendas ruinas mures & mustellæ præsentunt, idcirco eius casum & prolapsionem præuertētes, ex ipsa emigrāt, quod quidem ipsum in Helice oppido usu euenisse dicitur. Cum enim Helicenses impiū facinus in se aduersus Iones admisissent, eos nimirum in altaribus mactantes, tum sanè his propinqua ruina ex ostentis portenta fuit. Nam quinque ante diebus quam Helice funditus euerteretur, qui in ea essent mures, mustellæ, serpētes, & uertiellæ, cæteraque eiusmodi ex eo loco exierunt: quod quidem facinus Helicensibus id ipsum intuentibus, summam quidem admirationem mouebat: ueruntamen quam ob rem discederent, causam conijcere non poterant, postea uerò quàm ex urbe hæc



hæc animalia excessere, ex terræ motu tantæ labes donorum noctu factæ sunt, ut non modò ex hoc casu defecit urbs, & conciderit, atque ex permultæ tempestatis alluione funditus deleta fuerit: uerum etiam cum forte decem naues Lacedæmoniorum in urbis portu stationeque essent, ex marinorum æstuum tempestate perierunt. Diuina enim iustitia, satellitibus atque administris bestijs, ad ulciscēdos impios homines utitur. Cui rei etiã testimonio est Paucus Lacedæmonius, qui cū fabros Dionysianos iter facere ad Citheria per Spartã prohibuisset, post in sessione Ephorum à canibus laceratus fuit, & distractus.

Quemadmodum sua sponte mures cum moriuntur, eorum partes non generatim, sed sigillatim extinguuntur.

CAP.

VIII.

**M**Vres qui non ex insidijs, sed sua sponte moriuntur, defluentibus membris, è uita paulatim excedunt: unde profectum id quod est in prouerbio, iuxta muris interitum. Cuius Menander meminit in Thaidæ. Flagrãti autem libidine dicunt mures esse, testemque Crainum afferunt, dicentē in poemate inscripto, Fugitiuis: Age nunc tibi ex æthere murinã lasciuam Xenophontis fulmine percutiam. Atque foemina quoque murem maiore Veneris rabie flagrare dicunt. Et rursus apud Epicratē in poemate quod inscribitur Chorus: Postremò subiit detestabilis lena, decierans per Dianã esse uitulam, esse uirginē, esse pulcrã indomitã: At illa murina erat. Superiectione salas

D cissimã

cilissimam eam dicere uoluit, quum prorsus murinam uocauit.

De Muribus bipedibus.

CAP. IX.

**I**N Cyrene diuersa tum colore, tum forma murium genera nasci ferunt, ac quosdam ipsorum quemadmodum feles, ita lata facie esse: alios uiperæ speciem similitudinemque gerentes, acutas spinas habere, quos indigenæ echenatas uocant. In Aegypto audio bipedes mures maxima magnitudine esse, & prioribus pedibus tanquam manibus uti, eosdemque rectos duobus pedibus nitentes gradi: cum autem insequentibus urgentur, salire. Hæc Theophrastus. Ex panibus multis & uarijs simul positis optimum quencumque scilicet circumrodit: quare optimi panis iudicium in muribus existimatur esse.

De Murium religione.

CAP. X.

**M**Vres item adorant ij, qui Troadis Amaximum incolunt: unde Apollinæ, qui apud eos maxima religione est, Smynthium appellant: Murem enim Smynthiû Aeoles & Troiani nominant: sicut Aedylus in Sisypho testatur, cum ait: Sed agrestis quis est Smynthius. Tû uero apud Smynthios circures aluntur mures, eisque uictus publicè præbetur, atque infra altare ubi degunt, latibula habent. Apud etiam tripodem Apollinis mus manet, de cuius religione hanc accepi fabellam, Per multa murium millia cum Aeoium & Troianorum segetes inuasissent, atque immaturas succidissent, & simul eis qui earum sementem fecissent

cissent, infructuosas reddidissent: cumq; Delphicus deus de hac re consultus esset, respondisse: Oportere sacrificare Smynthio Apollini. Eos quibus datū esset oraculum respōsum secutos, ab hoc murium impetu liberatos fuisse, & frumentū eis ad solitas messes peruenisse. Huc etiā addunt, Cretenſes in coloniā domo missos, Pythium rogasse, quempiā sibi locum ad habitandum appositū ostenderet: illum oraculū edidisse, ubi terra geniti bellum eis inferrent, ibi confidendū, atq; urbem excitandā esse: ita eos profectos ad Amaxitum castra posuisse, ut illic quiescerent: muriū uerò incredibilem multitudinē erupisse, & clypeorum lora derosisse, & arcuum neruos exedisse: ex quo coniecturam duxerunt, illos esse terrigenas: proinde ad armorum inopiam redactos, hunc locum incoluisse, atque Smynthio Apollini templum excitasse.

De Mustella, quam Thebani in Bœotia adorant.

C A P. X I.

**A**Egyptij quòd diuersa animalium genera in deos referant, & sacra religione colant, multiplex & uarius risus eos consequitur. At Thebani, natione quidem Græci, risu obruēdi, qui mustellam religiose uenerentur, & dicant, Cum Herculem Alcmena parturiret, & parere non posset, hanc accurrisse, & parturienti uincula dissoluisse, eoq; esse factum, in lucem ut Hercules expeditius exiret,

De Mustella, & serpente, & earum pugna.

C A P. X I I.

D 2 Perri

**P**erniciosa belua mustella est, perniciosa etiam serpens. Nam mustella cum serpente pugnatura, primum quidem rutam edit, deinde fidenti animo ad pugnam tanquam armis tecta procedit; Causa est rutæ odor, serpentibus infestus.

G Y L L I A C C E S S I O.

De Sciuris, C A P. XIII.

**S**ciurus ea est solertia, ut in maximis solis feruoribus ad frangendū calorem erecta cauda & patula sese ita opacet, quemadmodū pauones, ut uehementē æstatis ardorē defendāt, se excitata cauda adūbrant.

De Herinaceorum terrestrium & Lynceis inuidia, C A P. XIIIII.

**T**errestris Herinaceus inter animalia inuidia censetur, statim ut capis, urina sua reddita, tergus suū conspergit, cuius ui perfusum corrumpitur, & quod futurum erat ad multa utile, reddit inutile. Et Lynx etiam urinā suam in terrā occultat, quæ ubi concreuerit ac congelarit, lapis efficitur, ad sculpendū accōmodatus, & simul ad muliebrem mundum expetitus.

De Herinaceorum prudentia, C A P. XV.

**H**erinaceus eorum quæ ad uitæ usum pertinent, in natura sua nec imprudens creditur, nec imperitus comparandorū & condendorum in hyemem fructuum: Planè enim nouit, non omni tempore percipiendorum tempestiuitatem fructuum datam esse, quare cū hirsutus spinis tam sit, seipsum in locis, ubi pomorum acerui constructi sunt, uolutans, suis aculeis

leis transfixa portat non pauca in thesaurum cauer-  
narum, in quas abdita atq; condita seruantur : unde  
promere queat, cum nulla ex parte extrinsecus fru-  
ctus colligi queunt. Terreni Herinacei nunc uete-  
ratoriam explicabo : Cum enim is uicinus est ut ca-  
piatur, contortissime seipsum concludit, & tantoperè  
contrahit, ut comprehendi non queat, simul & ani-  
mam continet, spiritumq; comprimit, & ab omni mo-  
tu conuulsens, mortui speciem præ se fert.

## GYLLII ACCESSIO.

De Herinacei, & serpentis pugna. CAP. XVI.

**S**erpens & Herinaceus mutuo inter se odio flagrât;  
Cum hic illam ad pugnam descendere sentit, calli-  
dus spinis totum se contrahit in orbem, & inam par-  
tem ab aculeis inopem ad terram firmiter abiicit. Ea  
uero inania uulnera infert, quòd aculeis prohibeatur  
dentes infigere : & tametsi aculeis affligitur serpens,  
tamen non tam diu omittit eum oppugnare, dum aut  
pari casu moriatur uterq;, aut ex mortua Herinaccus  
prudens elabatur.

## GYLLII ACCESSIO.

De Herinaceorum solertia. CAP. XVII.

**M**irificam procurationem Herinaccus habet; cum  
uux mature scire incipiunt sub uites subit, & pe-  
dibus ex racemo uuas ad terram deiicit, scq; huc &  
illuc uersans, spinis eas colligit, ut illius aliquando acu-  
leos cum transfixis uuis plenos intueremur, serpere  
racemum, & ambulare opinaremur. Deinde in late-

D 3 bram

bram ingressus, excedēdas carulis suis easdem obijcit. Duo uero foramina eius cubile habet, alterum ad austrum, alterum ad boream pertinet: ac pro temporis ratione, tanquam uelum gubernatores nauis, sic id quod ad uentum spectat, obstruit, alterum autem aperit: quod ipsum cum quispiam animaduertisset, eam gloriam assecutus est, ut ex eo uentos futuros prædiceret.

De Testudine & Vipera, CAP. XVIII.

**T**errena Testudo cum Origanum comederit, Viperam præclare contemnit. Quòd si eius facultatem non assequatur, comesa ruta contra hostem armatur, iam si utriusq; facultate caruerit, à serpente exeditur, planèq; conficitur. Cum testudini serpente comesse contigerit, cunila adesa statim illa extra periculum ueneni est, quod aliter confestim ab usu hanc funditus sublaturum fuerat.

De libidine Testudinum, CAP. XIX.

**E**x terrenis Testudinibus mas ad uenere inflammatissimus est. Demonstratus sceminam humi ad coitum stratam ait supinā iacere, deinde expleto coitu, propter testæ magnitudinem cum se conuertere nō queat, escam paratam à marito relinqui cum alijs animalibus, tū aquilæ: unde fit, ut mares eas ad coitū ideo illicere non possint, quòd sceminæ magna moderate libidines contineant, & salutem uoluptati anteponant. At enim mares mirabili quadam natura illecebram amatoriam, & omnis metus obliuionē afferentem

rentem fœminis iniiciunt : neque tamen huiuscemodi illecebæ sunt cantiuunculæ, quales Theocritus, pastoritiæ lusionis compositor, nugatur : sed occulta herba, cuius neque ille nomen se scire dicit, neque aliū cognoscere confitetur : itaque mares eam ore continentés, ad libidinem fœminas alliciunt : & quæ antea fugiebant, nunc exardeſcunt ad coitum, & nullo de se timore afficiuntur.

## GYLLII ACCESSIO.

Quemadmodum humi later, CAP. XX.

**O**Mne hybernium tempus testudo intra terram abdita manet immobilis : cuius naturam non ignorantes homines, eam incunte hyeme terræ operimento obducunt : post uero hyemem ibi locatam ac sitam, ubi terra obruerunt, reperiunt, sine cibo totam hyemem traduxisse. Oua non modo incubare solo aspectu dicitur, sed etiam ad exclusionem perducere.

De Rubeta rana, CAP. XXI.

**E**st rubetarum genus, cuius facta non modo perniciosa, sed illius aspectus aspicientibus infestissimus existit : Nam si quis ex ijs, qui malas artes ingeniose factitare sciunt, eam primo contriuerit, deinde eius sanguinem siue ad uinum, siue ad aliam potionem admixtum, cuiuspiam per insidias bibendum dederit, is sanè sine mora perit. Eius aspectus hanc improbitatem habet, ut eam aduersam si quis acriter intuetur, & illa contra improbo obtutu suo respiciat, ac suam aspirationem humano colori hostilem anhela-

D 4 uerit

uerit, hominem eo pallore afficit, ut ægrotanti similis esse uideatur : ac pallor per aliquot dies manet, deinde euanescit. Tymeus, & Neocles medicus rubetas dicunt duo iccora habere : & alterum quidem occidere, alterum alteri ad uersantem salutem afferre.

De Cochleis.

C A P. XXII.

**P**erdices & Erodios idcirco defugiunt Cochleæ, quòd eos pernoscunt penitus hostes sibi esse : nec cernere est limaces ibi serpere, ubi illi ipsi uersentur : eos tamen naturali quadam astutia Cochleæ quædam præstantiores decipiunt, & circumueniunt : Si quidem ex natiuis testis egressæ, in magna securitate pascuntur. Aues autem, quas modo dixi, in testas inanes, tanquam in easdem illas inuolant : ut uero nihil inuenerint, eas ut sibi inutiles abiiciunt, atque discidunt. Illæ uerò singulæ exsaturatæ pastu, atque ex aberratione qua hostes scellerunt seruatæ, ita in testas tanquam suam propriam domum reuertuntur.

Pilularius Scarabeus caret femina,

C A P. XXIII.

**I**n suo genere Scarabeorum natio foeminei sexus quòd sit expers, ideo in fimi pilam semen emitit, quam octo & uiginti dierum spatio & uolutat, & concalescit, deinde foetum procreat. Aegyptiorum porro bellatores Scarabeum in digitis insculptum habere solebant, ex eo adumbrante nimirum legislatore, solos omnino mares pro patria bellum gerere oportere, quòd sane scarabeus caret foemina. Scarabeum  
perdis



perdis, si rosas in eum injicias.

GYLLII ACCESSIO.

De Scarabeis. CAP. XXIIII.

**S**carabeus ex bubulo stercore pilulam rotundam ad cœli similitudinem conficit, quam ab ortu ad occasum versus tandiu ipse uersat, dum ad mundi figuram perduxerit: postea autem quàm eandem deorsum derit, duo de triginta dies terra obrutam esse sinit, quot enim dierum spatio luna duodecim cœli signa percurrit, totidem scarabeorū genus animatur. Nono & uicesimo post die eam resosam in aquā deijcit, idemq; triginta tanquam digitulis prædictus est, solis ardore solet excecatus perire.

De Formicis. CAP. XXV.

**F**actus menses, circum arces uersantes Formicæ ad trituram conueniunt aut singulæ, aut binæ, aut ternæ: domicilia sua & consueta tecta relinquentes, triticum legunt, eadem semita iter faciunt: aliæ ad legenda grana cunct, aliæ onus portantes redeunt, ac summo cum honore & modestia aliæ alijs de uia descendunt, & multo magis expeditæ onus gerentibus, in cauernis granorum acruos sibi construunt, ac singula semina exterebrant, quod excidit, in suum prandium conuertunt, reliquum uero quod circūosum remanet, sterile est. Ergo ista generosissimæ œconomæ & custodes formicæ intra cauernam machinātur, ne iumbrium fluxionibus integra semina rursus in fruges à terra exeant, unde in cibi inopiam & famem in-

E currant,

currant, unde illis labor & sedulitas pereat. Hæc igitur, sicut alia pleraq̃, natura formicis largita est.

Rerum cœlestium notionem habere, cursum siderum tenere, atq̃ uim intelligere, saporēq̃ Babylonios & Chaldæos testantur historici. Formicæ uero neque cœlum suspiciunt, neq̃ digitis mensis dies numerare sciunt: hoc tamen eis natura donauit admirabile, ut mensis nono quoq̃ die, non pedem ex cauerna egredientes, admodum quiete tecto se teneant.

De ingenio Formicæ.

C A P. XXVI.

**C**Leantem hæc de formica historia cœgit & inuisum & fortissime contradicentem bestias concedere rationis non expertes esse. Nam eum aliquando otiosa scissione fruentem, ferunt formicas, quæ complures ad eius pedes essent, animo cœpisse uacuo & soluto contemplari, alteras nimirū uidisse alicunde mortuam in alienarum domiciliū & suarum minimè contubernalium portantes, in formicarix caueræ faucibus consistere, atque inde continuo alteras prospexisse prodire, & cum externis uelut quiddam contrahentes, iterum & sæpius ultro citroq̃ cōmeare, deniq̃ lumbricum tanquam redemptionis pretium attulisse, eumq̃ alteras accepisse, & simul quàm ferrent mortuam dimisisse: alteras eum gaudio & libenter similiter atq̃ uel fratrem uel filium recepisse. Quid ad hæc dicit Hesiodus, qui scripserit Iouem naturas distinxisse, bestiasq̃ terrenis, aquatilibus, uolucris dedisse, ut & inter se conficerent, & minime quidem mutua

mutua inter se iustitia uterentur; hominibus autem iustitiæ munus largitum fuisse. Atqui non hæc dicit Priamus, siquidem is ipse homo ab homine, & heroe, & ex Iouis stirpe oriūdo, ipse quoque Iouis progenies, multa Hectorem pecunia redemit.

De Formicarum sedulitate. CAP. XXXVII.

**F**ormicæ in primis sedula atque operosa animalia, tanto laborandi studio tenentur, ut ne noctes quidem in suo opere cessent, modò sit plena luna: nec uero, quemadmodum homines inertiae, fugæque laborandi excusationes præcedunt: Quid enim inertium dierum multitudinē commemorē, necesse est? Indicta sunt Dionysia, Lenæa, Saturnalia: alia Spartam sunt translata, alia Thebas recepta: quin singulis etiam urbibus, mille dierū inertissimæ legnitæ nō apud baros solum, sed etiā apud Græcos indictæ sunt.

De terræ fossionibus, quas faciunt formicæ.

CAP. XXXVIII.

**A**Egyptias fossas & Creticos labyrinthos historici literarum memoria celebrāt, & poetarum natio uersibus decantat: uerum fossionum quas formicæ efficiunt, uaria diuerticula, flexiones, anfractus nondū sciunt: enim uero eæ mirabili sapientia subterraneas ædificatiuneulas tortuosissimè construunt, ut uel difficilem inuentu aditum, uel omnino inuium insidias sibi molientibus efficiant: terram enim quam effodiunt, pro foraminibus aggerant, & tanquā muros quosdam, & propugnacula circumſciunt, & ne

E 2 ex ecclo

ex cœlo aqua pluuiâ defluens seipsas funditus allu-  
uione perdat. Intermedia item sepimenta, cauernas  
alias ab alijs fecernentia, solertissime machinantur,  
atq; ut de splendidis hominum ædibus fieri solet, do-  
mum suam triplici regione formaq; circūscribunt: ab-  
terum enim in ea locum Andronem, in quo mares ha-  
bitent, ædificant: alterum Gynecium nuncupatū, ubi  
fœminæ pariant, moliuntur: tertium granorum acer-  
uis destinant: cum tamen ab Ischomacho & Socrate  
rei œconomicæ peritis nihil tale didicerint. Quum au-  
tem tanquam ad pabulandum proficiscuntur, nata  
grandiores similiter eas, atq; exercitus duces, ducūt:  
ut ad segetes perueniunt adolescentiores sub stipula  
stant, duces uero ascendūt, & spicas abscissas inferiori-  
bus deiciunt: hæ uero circumstantes, aristas distra-  
hunt, simul & ex earū uallo & uaginis grana indusa  
explicant: neque ad excutiendum ullo instrumento  
egent, neq; ad uentilandum uiris, neq; uentis ad pun-  
ganda à sordibus grana, ex frumentis, quæ homines  
exarant, cibos sibi conficientes, humanis laboribus  
fruuntur. Illud etiam auditum habeo prudenter fa-  
ctum, eas humatione mortuas afficere solere.

## GYLLI ACCESSIO,

De Fornicis.

CAP.

XXIX.

**F**ornicarum domestica dispensatio & prouiden-  
tia explanari non potest, neq; enim ullam formi-  
carum industria eminentiorē uirtutis effigiem natura  
sinxit. In ijs inest amicitia, communitate iunguntur,  
in ijs

in ijs fortitudinis imago elucet, & laborãdi studium: insuper infunt, multa moderationis & frugalitatis semina, multa prudentiæ & iustitiæ. Cum quippiã quod esculentum sit ferre non queunt, derodunt & diuidunt, ut à pluribus commodius portari possit; Cumq; semina situ corrumpi sentiunt, ut resciantur, extra cauernam eijciunt. Introitus non rectus, sed diuerticulis, flexionibusq; interceptus, in tres cauernas delinit, quarum una commune ipsis domicilium est, altera ciborum receptaculum, in tertiã mortuas effe- runt. Si earum aliquas uras, reliquas fugabis. Eas auditione accepi sensum diuinationis habere, cum futura est annouæ caritas, & fames, tum enim maxime ad recondenda frumenta, & reliqua semina suo usui apta, operosiores existere.

De Formicarum prudentia,

CAP. XXX,

**S**Va sponte, prudentia, non aliena institutione uas-  
 Sent etiam apud nos animalia, non totidem tamen quot sunt in India: Illic enim eiusmodi sunt, Elephan-  
 tus, Psitacus, Sphinges, & nūcupati Satyri. Nostra-  
 tes formicæ cauernas quidem & latibula quædam effodiunt, sub terra habitantes: at Indiæ singulari sapientia præditæ domunculas commodas in excel-  
 sis locis construunt, non in deuexis & planis, qui fas-  
 cile inundari queant. In eis ambitus, & ut ita dicam,  
 fossas Aegyptias, & Creticos labyrinthos magna sa-  
 pientia effodientes, domesticas sedes constituunt: non  
 rectas quidem, & peruias, aut in quas quippiam in-

E 3 fluere

fluere possit, sed sinuosis foraminibus obliquas, in quarum superficie foramen unum relinquunt, per quod quidem ipsum ingrediatur ipsæ, & semina quæ colligunt, in suos thesauros inferant. In excelsis quidem locis latibula machinantur, ut fluminum alluviones effugiant.

## GYLLII ACCESSIO.

De Formicis Indicis.

CAP. XXXI.

**O**Nescitus Formicarum Indiæ scribit se uidisse pelles, pantherarum similes. Megasthenes in *Derdis* Indis montanis ad orientem pertinentibus, dicit collem esse, cuius circuitus ter mille stadiorum sit, ubi auri secturas Formicæ, uulpibus non inferiores magnitudine, excavent, & terram perfodiant, & hyberno tempore, quemadmodum talpæ, sic ad casuernæ fauces terram exaggeret, & simul aurum eiciat, quod ipsum uicini latenter diripiant, aperte enim non possunt obsistentibus formicis, quæ non modo eos in furto præfenti deprenos impugnant, atque interficiunt, sed & longissime in fugam impulsos insequuntur. Verum ut eæ à longinqua insectatione retardentur, ferarum carnes distractas in plurima loca spargunt, quas interea cum ipsæ comedunt, cum auro elabuntur.

De Formica Laërte nuncupata, &amp; eiusdem nominis Vespis.

CAP. XXXII.

**M**ortiferum genus quoddam formicarum esse dicitur, quæ Laærtæ nuncupantur, Eodem nomine Vespas

Vespas quasdam appellarūt. Hæc ait Telephus Cretenſis ex Myſio pergamo profectus.

De Campe uermiculo. CAP. XXXIII.

**C**ampe & olera exedunt, & celeriter cōficiunt: eis mulier, ſi per media olera peruaserit, ex mēſibus laborans, perniciem affert.

GYLLII ACCESSIO.

De Bufonibus. CAP. XXXIIII.

**S**ubterraneæ beſtiæ, quas uulgò Bufones uocant, totam hyemem oculis clauſis manēt in terram abſtruſi, ſomno ſepulti, miſeri, ſine cibo, ſine luce, neque in ſuis cauernis quicquam præter ſomnum habent: hyemali morte affecti, terra tandiu humati iacēt, dum uernum tempus incaleſcit: tum tanquā reuiuſcunt, & ex humatione excitati, cibum iandudum ſumere obliti, quaſi reminifcuntur.

De Aranei textrina. CAP. XXXV.

**T**extrinam & lanificia deam nomine Ergane inueſtiſſe fama hominum celebratum eſt: Araneus uerò ad textrinum opus ſua ſponte naturaꝝ natus eſt: non enim textili artificio ſtudet, neque aliunde filum aſſumit, ſed ex ſuo uentre ſtamina deducit, celeritate pedum uenabula contextit, atque in retis ſpecie diffundit: tum filis quæ ad texendum de uentre ſuo detrahit, iſdem uentrem ſuum ſtudioſiſſime alit. Mulieres autē quæ maxime ad nendi artificio digitorum argutijs ualent, filumꝝ elaboratiſſimū conficere præclare ſciunt, non cum eo ſubtilitate operis ſunt

E 4 con

conferendæ : huius nimirū filū, tenuitate pilū uincit.

De geometria Araneorum. CAP. XXXVI.

**N**on modo texendi solertiam Aranei præclare tenent, ac similiter ut Minerua, Erganae, Pinyte deæ tereti manuum ministerio & tenui ualent, sed & natura etiam sunt ad geometriam eruditi, nam & centrum seruant, & quasi circino circuducunt, & circūscriptionem exacte sciunt. Neq; tamen Euclide egēt, geometricis rationibus erudito. Ad mediū centri sedentes, insidias prædæ suæ tendunt. Neq; modo texendi rationem norunt, uerum etiam sarcindi artificio excellent. Nam si ex eorum quippiam solerti opere ruperis, statim à ruptura tanquam sartum tectum, integrumq; præstant.

GYLLII ACCESSIO.

De Araneorum solertia. CAP. XXXVII.

**A**Ranci opus cum mulierum textrina cōmunitatē habet, & hominibus utendi retibus scientiā attulit. Sed quid non ex illius opere maximā admirationē habet? Tela nō ex stamine cōstat, sed tenuis membrana nulae perpetuatē habet: neq; glutinatur perspicuo quopiā glutine: simul & eius color licet aërius sit, ad delitescendum tamē superficiem obscurat. Iam porro quanta illius solertia in gubernanda machina. Primū enim ut quippiā comprehenderit, statim reticulum cōtrahit, quod ipsum nisi fieret in conspectu nostro, fidē nō haberet, & fabula planē uideretur. Est etiā mihi admiratio summa in Araneo, quāta celeritate sese huc illuc



illuc iaculetur, uel cum telā texit, uel cum prædā comprehendere conatur, ultro, citroq; sursum, deorsum ad punctum temporis commeans. Neq; modo culices muscasq; capit, sed & asilos & fucos. Quis uenator scientius retibus utitur? musca laqueis irretita effugio pennarum elabi studet, & fremitu resonat, pedibusq; reticulum conuellere conatur, sed exitus nullus patet: nanc; araneus celeriter huc illucq; sese uersans, eam in angustias compulsam, acutis pedibus urget, & occidit.

De Phalangijs Zacynthi. CAP. XXXVIII.

**I**N Zacyntho Phalangiorum morfu percussis, bestie periti dicunt, non ea modo accidere, quæ alibi ic̄tis usu euenire solent: sed eadem ipsa etiã omnia acerbiora fieri. Primum enim, ut quis morfus sit, totum eius corpus obtorpescere, & debilitari: post tremore affici, & frigidissimum esse, & uomitum cum conuulsione subsequi. lam porro quod audientibus terrorem inijcit, & uidentibus admirationem mouet, exponã: Cum ab eorum morfu quidam integri atq; intacti balneas, quarum lauatiõne phalangio uulnerati fuissent usi, subiissent & pedes abluissent, omnibus doloribus, quibus torquentur morfu prelsis, exarserunt. Phalangij genus esse dicunt, qui Rhox appellatur, quoniam acino nigro similis sit: nascitur in Libya, longis pedibus præditus, os habet in medio aluo, celeriter perimere potest.

De Mure araneo,

CAP. XXXIX.  
F Mus

**M**Vs araneus si in orbitam inciderit, tanquã uin-  
culis capitur, ac moritur: ei qui ab eo fit morsus  
remedio est, terra ex orbitarũ transitu sumpta, eaq;   
simul ut uulnus aspersum sit, statim sanatur.

De Scorpjjs.

CAP.

XL.

**M**Ares Scorpj infestissimi habentur, foeminae  
multo remissiores: non enim tantum uirus acer-  
bitatis habet. Eorum nouem esse genera accepi, albũ,  
fuluum, fumosum, nigrũ, uiride, uentricosum; aliud  
canceri simile, infestissimũ, hoc flammeum appellant;  
aliud etiam ferunt alatum esse, & duplici aculeo ar-  
matum; aliud quod septem haberet internodia. Non  
oua scorpj, sed foetus animantes pariunt.

Quemadmodum Libyci Scorpj dormientibus

insidiantur,

CAP.

XLI.

**F**raudulenti etiam natura Scorpj, & dolosi exis-  
tunt: etenim Libyci ab eorũ multitudinem metuen-  
tes, ad uitandos ipsos omnia machinamenta molliun-  
tur: soccos ferunt in lectis cum longe à pariete remo-  
tis, tum in excelsum collocatis, tum fulcrorum pedis-  
bus in hydrias aquae plenas impositis, sublimes som-  
num capiunt, qua machinationis molitione facta,  
se se quieto, & tuto somno usuros arbitrantur: atqui  
Scorpius si quid, unde semetipsum in tecto suspēdat,  
nanciscatur, ibi fortissime pedibus inhaerescit, simul  
& exerit aculeum, & deijcit: secundus igitur ex tecto  
descendens per primum serpit, atq; suis fragellis ad  
illius aculeum adhaerescit, & sublimem sinit suum acu-  
leum:

icum: item à secundo tenetur tertius, à tertio quartus: quintus similem ordinem conseruat, itemq; cæteri omnes. Deinceps per primos decurrunt, postremus dormientem ferit, & per superiores recurrit: Similiter ab illo secūdus, tum uero ab ultimo tertius, reliquiq; sese subducunt, quoad uelut sanè catenam soluentes, inter se omnes subtraxerunt. In Caria Latmo dicuntur esse Scorpij, qui indigenas mortifera percussione interimant: externos uero leniter mordeant. In mari rubro duorum, & sæpe trium cubitorum scorpij nascuntur. Scorpij alati mira magnitudine in India procreantur. In Aethiopia Scorpions lacertis audio expleri, & aspidibus, uerticillis, omnib; serpentium genere: quorum excrementa conculcantes, exulcerari auditione accepti.

Quemadmodum Scorpium necat herba The-  
lyphonus.

CAP. XLII.

**T**helyphonum herbam Theophrastus narrat, si eam ad Scorpij dorsum admoueas, hunc statim perire. Idemq; affert, eundem ad integritatem ualitudinis restitui, si eum candida helleboro oblinas: atq; equidem Thelyphonum probo, non item helleborū: quod sanè ita homines egregie diligam, ut acerbæ & penitus scorpions oderim. Callimachus etiam canit in terra Trachimia arborem nomine Smilum nasci, ad quam appropinquantes, & eam contingentes serpentes, pereunt.

F 2 De

**I**N itinere secundi diei eorum qui à Persicis Suis in Mediam proficiscuntur, quod permagna Scorpionum multitudo nasci dicitur. Idcirco Persarum Rex quum eò suscepit iter, triduo antè omnibus imperat ut eos uenentur, & ei qui plurimos confecerit donat munera: nisi hoc fit, locus transiri non potest: nam subter omnem lapidem & cespitem abditus scorpis manet. Megasthenes in India Scorpiones dicit maximos procreari, & similiter aculeis atque Europeos pun gere. Pammenes in eo opere quod de uenenatis scripsit, alatos tradit scorpiones in Aegypto nasci duplici aculeo armatos, & id quidem ipsum ait se auditione accepisse, sed ex sese hanc historiam profiteri.

FINIS LIBRI VIII.

## LIBER NONVS

DE VI ET NATVRA  
ANIMALIVM,

## De gula Serpentum.

## CAP. I.



VM uoracissimæ Serpentes s̄int, & longam & tenuem habeāt gulam, sese humo excitant, sēq; cellas & erectas constituunt, extrema cauda nitentes, ut in aluum procliuior delabatur ci-

bis: pedibus carent, serpunt uelocissime, earū quædam similiter atque iacula semetipsas iaculantur, ex eoq; quod agunt nomen trahunt, nam iaculi nominantur.

Quemadmodum oculorum hebetudinem  
sunt Serpens,

## CAP. II.

INeunte uere, cum senectutem serpens exuerit, tum etiam uisus hebetudinem, tanquam oculorum senectutem, abijcit: quo ex morbo, admotis ad marathrum oculis, liberatur: nam ex eius hyberna in latibus obscuris mansione, oculos hebetes & præstrictos frigoribus calefaciens marathrum purgat, atq; acres & acutos efficit. Hæc etiam uis & natura ad serpentium nationem pertinet, cor quidem ut in gutture habeant, fel autem ad intestina, testiculos ad caudam possideant: longula sanè oua & mollia pariāt, in dentibus uenenum gerant. Tum serpenti, cum

F 3 exuta

exuta senectute rursus noua pelle exultat, neue occurreris : neue item in eam incideris, cum ex latebris ceruui anhelitu extracta, se in fugam impellit.

De Serpentis ortu,

CAP. III.

**H**ominis mortui spinæ medullam putrescentem in serpentem conuerti aiunt, ex oriturq; feram, & serpere animantem immanissimum ex mansuetissimo. Atque bonorum honestorumq; hominum reliquias requiescentes non modò quietem pro premio, sed etiam eorum animas bona, quæ toties attestata sunt, à sapientibus habere. Malorum uero hominum spinas post è uita excessum talia monstra parere. At id aut est totum fabulosum, aut si adhibenda ei fides sit, præmium meo iudicio dignum suis moribus malus retulerit, qui serpentis pater efficitur mortuus.

De Serpentibus Indiæ.

CAP. IIIII.

**M**ultas & diuersas terra India serpentes profert, quæ non solum hominibus, uerum etiam alijs animantibus perniciosè incommodant: eademq; herbas, defendentes à uenenatorum morsuum pernicie, gignit: ad quarum usum & scientiam tantopere periti sunt indigenæ, ut quodnam medicamentum cuiq; serpentium aduersetur, probe teneant: simul & ne acerrima ueneni uis celerrime per corpus manet, neue id ipsum conficiat, præsens sibi mutuò ferunt auxilium, quod necessarium regio ipsa abunde subministrat. Iam porrò serpentem quæ hominem interfecerit, Indi (permultis in hanc rem testibus Libycis & Aegy

& Aegyptijs Thebarum incolis utentes) dicūt, idcirco subterraneam latebram (quia terra suis ipsa sedibus eam non amplius recipiat, atque quasi gremio suo in exilium eijciat) ingredi nequire: Sed postea errare, uagari, & pluribus iactatam miserijs, æstiuo & hyberno sub diō ærumnosum omne ætatis tempus degere: neque amplius à coniugibus adiri, neque ab ijs quos ex se procreauerit, parentem agnosci. Ergo pecnas, diuina prouidētia uindice, etiam rationis expertia, ob cedes hominum factas, dependunt. Quod quidem ipsum à me commemoratur, uir prudens ut ex earum supplicio documentum, ne ipse humanam occisionem efficiat, capere possit.

De Serpente Thessalo, qui Aleuam pastorem

Thessalum amauit.

CAP. V.

**E**Gemon in Dardanicis uersibus cū alia de Aleua Thessalo conscribit, tum in eius amorem inusitata magnitudine serpentem cum ad Thessalicum fontē, nomine Hæmonium, boues pasceret, uenisse, sensimq; adrepere ad adamatum solitum fuisse, & comam, quam ille auream haberet, osculatione profectum fuisse, & faciem linxisse: etenim si Glaucae citharæ, quā Ptolomæus etiam amaret, amore arics incensus fuerit, & in Iasso urbe puerum delphinus amauerit, quid uetat serpentem amore in forma præstantem pastorem flagrasse, & cum oculos acres atq; acutos haberet, bonum eximiae pulchritudinis iudicem fuisse. E natura igitur bestiarum est, nō modò sui ges-

F 4 neris

neris, sed etiã alieni animalia, modò formosa, amare.

De Serpentibus Euphratem accolentibus.

CAP.

V I.

**E**Vphrates, qui inter Parthos, & Syros interme-  
dius fluit, quàm longe cæteris fluminibus præ-  
stet, aliàs dicam: iam nunc de eo ipso, quod Parthi,  
& Syri non ignorant, quodcũq; ab hoc instituto sermo-  
ne non abhorret, ponam. Ad primos ortus huius  
fluminis quædam serpentes nascuntur hominibus  
externis, non item indigenis, inimicissimæ, atque usq;  
eo infestæ, ut eos morte mulctent. Trogloditarum  
genus hominum, quod ex habitandi & uiuendi ra-  
tione nomen duxit, serpentibus idcirco formidabile  
est, quòd eas huiusmodi hominum natio exest, ac  
conficit. Tetrissimum odorem serpentes inter se mi-  
stæ emittunt.

Quemadmodum Serpentes Agnos & Nepeta  
persequitur.

CAP. VII.

**P**ermultam serpentium fugam Nepeta & Agnos  
faciunt & longe latecũq; expellunt, in Atheniẽsiũm  
Thesmophoris Atticæ mulieres Agni folijs cubilia  
substernunt, quòd serpentibus sit infesta, & quòd exi-  
stimetur ab appetitione ueneris prohibere, unde nos  
men traxisse uidetur. Herba etiam Libanotis nuncus  
pata serpentibus formidabilis est.

De Serpentibus bicipitibus.

CAP. VIII.

**B**icipites serpentes, binis pedibus ad caudam præ-  
ditas esse in flumine nomine Arcade, quod ad  
Persicam



Perficam Pfitacen est, Ctesias inquit: easdemq; capite albas, reliquo corpore nigras: quatuor cubitorum magnitudinem habere, & quos percusserint interire. Interdiu eas haudquaquam natare solere, sed noctu uel aquantibus, uel linthea lauantibus perniciosam inferre. Aegyptios sua propria quadam magica ratione, accepi cum de caelo aues deducere, tum serpentes primum praestringere, deinde ex laubulis facillime extrahere.

De magnitudine Serpentium. CAP. IX.

**I**N nauigatione maris rubri Alexander dicit se serpentes uidisse longitudine quadraginta cubitorum, & crassitudine pro recta longitudo portionem. Clitarchus item, in India serpentem sexdecim cubitorum gigni, atque etiam aliud serpentium genus non speciem similitudinemq; aliorum gerere, sed magnitudine multo inferiores esse, & tanquam pigmentis distinctos, sic uersicolores spectari: uittas enim a capite ad caudam pertinentes habere, alias aereas, alias argenteas, nonnullas rubras, alias aureas, easdemq; pestifero morfu celerrime interimere posse. Aethiopia dracones ad longitudinem triginta passuum progredientes generat, & nomen proprium non habent, sed duntaxat elephantorum interfectores ipsos nominant, & proueniunt ad summam senectutem. In Phrygia autem dracones ad magnitudinem quadragentum pedum procedentes nasci ferunt, qui quoti-

G die

die mediâ æstate hora cum forum hominum conuentu plenum esse solet, & iam prandendum est, ex cauernis procedere, & ad nuncupatum in ponto amnem Rhyndacum cauda ad terram adniti, reliquo erecto corpore toto guttore eminente, & paulatim laxato ore hiante, uolucres superuolantes, tametsi sublimè & perniciousè ferantur, sua aspiratione tantquam amatorio quodam ad se attrahere, ac allicere: eas autem ex horum spiritus ductibus detractas in illorum uentrem decidere, atque illabi: & hæc quidem sibi maxime propria ad occidentem solem agere, ac seipsos postea occultantes, gregibus ex pastione ad stabula redeuntibus insidiari, multamq; perniciem inferre, atque inde prandium sibi abunde comparare.

## GYLLII ACCESSIO.

## De magnitudine Serpentium. CAP. XI.

SECUNDUS Ptolemæus, cum uim & naturam animalium, quæ suo conspectu & robore mouerent hominum admirationem, studeret cognoscere, propositis præmijs, ad eorum inquisitionem nõ paucos excitauit: quod ipsum in causa fuit, cur de uario & multiplici genere animalium, antea ignotorum, Græci notionem habuerint. Nam non modò elephantos, atq; alias feras, quarum aspectus magnam admirationem faceret, uenatores in conspectum regi dederunt,

runt, uerum etiam regia munerum magnificentia incitati, communiter constituerunt uiam quampiam ingentem serpentem Alexandriam ad Ptolemæum in conspectum adducere: quorum consilium etsi multis difficultatibus affici uidebatur, tamen bene atque feliciter euenit: serpens enim longitudine triginta cubitorum secundum aquam stabulabatur, quæ cum aliâs in orbem complicata & humi strata iaceret immobilis, in alias tamen animantes ad aquam ueniens repente impetu inuadebat, atq; ore ad eadem imminente nonnullas comprehendebat, alias cauda circumplicatas exforbebat. Cum autem eam longinquam uenatores spectassent, & laqueis, & catenis capi posse arbitrati essent: primum firmo animo, & magna confidentia perrexerunt ad eam ire, deinde cum ad ipsam appropinquantes inspexerunt, igneum oculorum fulgorem, squammarum asperitatem, strepitum quem faciebat dum mouebatur ingentem, dentes ex ore eminentes, horridum & trucem aspectum, exalauerunt timore, simul & timide & pedetentim in illius caudam iniecerunt uincula, ad quorum contactum fera bestia magnis editis sibilis sese retorquens, eum qui sibi propinquior esset unum deuorauit, alium fugientem, & iam longinquum cauda exceptum, interfecit: cæteri metu perculsi, fuga salutem adepti sunt. Veruntamen haud quaquam omiserunt inire nos uam aliam huiusmodi bestie capiendæ rationem: quod sanè commodi spes, quæ ex illius comprehensione

G :      hensione

hensione ostendebatur, metum uinceret. Cum itaque non ui, sed dolosa machinatione eam attentandam censuissent: Primo robustis funibus rete beluæ capax confecerunt, post uero obseruato serpentis cubili, atque egressu, regressuq; notato, simul & capto tempore, cum soleret exire, ut per multa animalium cæde facta sese expleret, cauernæ aditum terra & lapidibus exaggeratis obstruxerunt: Deinde bestię à faciendis rapinis reuertēti iaculatores & funditores, tum equitum magnus numerus, tum tubicines, ut clamore tubarum ea obstreperetur, omnes sese quidem ostenderūt, sed certe aliorum exemplo ad cauendum periti, nulli accedere propius ausi fuerūt. Vbi uero se hac tanta multitudine circumfusam uidit, excelsa capite, & horribili sibilo ingentem terrorem minitabatur: at enim & coniectione telorum eminus, & equorum conspectu, & latrantium canum multitudine, tum tubarū sono perterrita, ad soliti latibuli aditum sese impulit: quem posteaquam obstructum inuenit, non tantopere leua extitit, imò uero consilij inops, armorum equorumq; strepitu, & tubarum sono obstupefacta, in rete incidit: ac ubi se irretitam sensit, non modò horribilē sibilum edebat, sed etiā dentibus rete lacerabat. Verum cū eius robur multa uerberatione fregissent, & dentes cōtriuissent, iam ad resistendū remollescentem, & illaqueatā, Alex adriā ad regem adduxerūt. Hæc enim paulatim subducto cibo ita de uiribus remiserat, ut ex inmanī feritate ad māuetudinē traducta

traducta, singulari admiratione spectatores afficeret. Ptolemæus uenatoribus persoluto præmio, & dimisso alens cibo serpentem, externis ad se uenientibus, mirificum spectaculum præbebat. Neque hoc certe à ueritate remotum iudicabit, qui memoria nostra in nouo orbe terræ, Senegæ nuncupatæ, ea uastitate serpentes uiderit, solidas ut capras nulla earum lacestratione deuorent. In Hispana itē insula inuisitata magnitudine excellunt, sed tantopere innocentes, ut omnino haud noceant quicquam. In Ecuba usus serpentum suauissimus existimatur, ipsi ut soli reges uescantur. Ad Calechutum in tantam amplitudinem procedunt, ut maximorum suum similes efficiantur, excepto capite, quod uastius existit, ac nimirū quòd earum usus omnibus interdictus sit, ideo earundem tanta est uis. Errore enim implicatus Calechuti rex, adeo acri interdictione eas tuetur, ut eum qui serpentem confecerit, non minus acerba, quàm si hominem interfecisset, morte mulctetur. Simul & curat mapalia ad ipsarum tuitionem contra pluias aquas ædificari. Causam autem cur eastanti æstimet, afferunt, quòd ipsas de cælo delapsas, diuina esse numina arbitretur: quod quidem ipsum ex uulnere quod infligunt colligit, nam eo solo subitam mortem inferunt.

In Macra loco sic nuncupato Possidonius scribit, mortuam spectatam fuisse serpentem iugeri longitudine, tanta crassitudine, ut ex utraq; parte astantes equites inter se intueri non possent, tamq; largo rictu

imminuisse, insidentem ut equo hominem exhaustiret, ac singulas squammas clypeo maiores fuisse.

Ex Paulo Veneto accepi in regione, quã Caraiam ipse vocat, quam se pedibus obiuisse testatur, serpentes longitudine decem passuum, & crassitudine decem pedum nasci, prioribus pedibus quidem carentes, sed eorũ loco ungues habere leonis similes, tum grandi capite, tum oculis quoquouersus pedẽ unum amplis tamq̃ oris rictu largo imminere, ut hominem deuorent: Nullumq̃ esse neq̃ hominem, neq̃ aliud animal, quod non eas horreat intueri. Ad hanc rationem capiuntur: interdum intra subterraneas cauernas abduntur, noctu uero longẽ lateq̃ uagantes, cibum inquirunt: nullam animalium nationem extimescũt, imo leones & ursos exedunt, & conficiunt: postea uero quã se cibo expleuerunt, ad domesticam latibrarum sedem redeunt. Cum gradiuntur, tam alte uestigia imprimunt, ut sui corporis pondere in ea terra sabulosa mirabilem foueam efficiant, ut dolium quodpiam uini plenum circum sabulum uersatum dicas. Iam uero uenatores huiusmodi feris insidias molientes, permultos, & robustos palos ex supremo capite acuto ferro munitos in sabulo uicino cauernæ ubi latitare solẽt, interdum defigunt, eosdemq̃ sabulo obruunt, ne ex ijs quæpiam uideri possint. Cum autem, ut solet, noctu ad cibi inquisitionem prodiens, magna sui corporis mole ad arenam adrepat, sæpe latentis ferro transfixa, perit, aut graui accepto uulnere, fauciam

fauciam uenatores, qui in insidijs collocati sunt, impetu facto interimunt.

De Dracone puellæ amatore apud Idumæos.

CAP. XI.

**A**Pud Idumæos, seu Iudæos, cum Herodes rerū potiretur, eximia magnitudine Draconi perpulchram admodum adolescentem sceminam in amore fuisse indigenæ prædicant, ad quam ille quidem uenitaret, & simul cum ea amanter dormiret. Hæc uero etiam si amator quoad poterat leniter & mansuetè ad ipsam adreperet, eius tamen metu perterrita, & sese subduxit, ut ex amicæ absentia eum amoris obliuio caperet, menstruum spatium absuit: at ei sanè quàm absentis desiderium augebatur, indiesq; amatorius affectus catenus ingrauescebat, ut noctes & dies ad eum locū, ubi cum adolescentula uersari solitus erat, frequens accederet. Cum uero eam quam amabat nō inueniret, tanquàm amator, cui amor optatis non respondet, acerrimo dolore afflictabatur. Postea autem quàm puella reuertisset, ab eo confestim est abdita atque is ualde amatorie, plenus suspicionum, tanquàm spretus, ob eamq; rem amantissima ira incitatus, reliquum per adulescentis corpus circumplicans eius crura parè & molliter uerberabat. Non ergo expertia rationis animalia optimus ac maximus negligit: sed ex his & alijs quemadmodum & erga ea affectus sit, & singula curet, ostenditur.

De Dracone Aetolidis amatore. CAP. XII.

**D**RACO Aetolidis amator, sicut Plutarchus scribit, ad eam noctu uentitabat, neque tamen ad puellae corpus subiens, quicquam nocebat: sed prima luce sensim, atque moderate discedebat: quod ipsum cum diu multumq; fecisset, eam genere proximi longè summouerunt: quam cum draco non inuenisset, huc & illuc errare ad huius inquisitionem coepit: tandem eam nactus, non leniter, ut ante solebat, sed asperè cum spiris illius manus alligabat, tum extrema cauda sic tibias multa uerberatione uexabat, ut leuem quandam & plenam amoris iram exercere uideretur.

De Dracone & eius ad amato puero.

CAP. XIII.

**C**VM paruulus draco, Arcadiae indigena, simul cum puero infante, natione etiam Arcade, educaretur: & puer ætatis progressu iam adolescens esset, & Draco etiam permagnus euassisset, & mutuo inter se amore flagrant: Proximi adulescentulo cognitione illius, magnitudinem perhorrentes, nam is aspectu horribilis, perpauculis diebus ad corporis magnitudinem inuilitatas progressiones effecerat, illum unà cum puero in eodem lecto dormientem, quàm longissime gentium exportant: Puer autem reuertit: ille syluam ibi nactus, in ea remansit. Temporis interuallo hic ad integram ætatem & perfectam processit, ille Draconis amans & amatus etiam, ad confirmatam progressus



progressus, cum per desertam sui amantis regionem aliquando iter faceret, in latrones incurrens, strictis gladijs appetitus fuit, & percussus quidem, siue quòd doleret, siue quia opem imploraret, auxilium, ut par erat, exclamauit. Draco autem bestia, & ad audiendum acerrima, & ad uidendum acutissima, postquã puerũ, quo cum amoris consuetudinẽ habuerat, exaudiuit, edito sibilo, tanquã iræ suæ denunciatione formidinũ terrorem illis iniecit: cuius metu trepidantes scelerati, alij auidò disperguntur: quosdam depressos acerbissima morte affecit, atq; ut eum comitatus fuisset, postea ad eum locum reuertit, quo expositus fuerat: neq; tamẽ ei ex eo iratior factus est, quòd in solitudines abiectus fuisset, neq; ut peruersi homines antiquum amicum in periculo deseruit.

Quemadmodum Dracones gratiam referre nouerunt.

CAP. XIII.

**L**Ycaoni Emathyæ regi, nomine Macedo, filius fuit, ex quo postea, antiquo nomine obsoleto, nominata regio est: ex hoc quoque Pindus, id enim ei nomen erat, filius procreatus, cum robore animi atq; uirtutis indole præditus fuit, tum forma etiã excellens: ex illo etiã alij liberi nati improbo animo affecti, & corpore minus strenui. Cum Pindo & uirtutem & cæteras illius dotes inuiderent, non modo eum oppresserunt, uerumetiam pœnas tanti malefici pendentes, seipsos funditus perdiderunt. Pindus

H sentiens

sentiens se fratrum inuidia ardere, atq; ab ijs infidias sibi comparari: regno, quod à patre acceperat, relicto, cum robustus esset, & ad uenandi studium propensus, non solum quidem uertit, sed certe illic ibidē æuam in uenando agitans, cum semel hinnulos insequeretur, & summa uirium contentione equum incitasset, ab eis qui secum uenabantur, se longissime abduxit: hinnuli uero altissimam cauernam subeuntes, ex insectantis conspectu se eripuerunt, atq; ex periculo se seruarunt: is ex equo defiliens, cum hunc ad proximam arborem alligasset, cumq; ut diligentissime potuit, latebram illam manibus perscrutans, hinnulos exquireret, sibi denunciantem uocem exaudivit, ne hinnulos tangeret: quare ubi diu multumq; circumspexisset, nec quiequam uideret, uocem ut ex maiore quadam causa redditam extimuit, & simul in equum ascendens, ex eo loco discessit. Postero autem die ad eundem locum reuertit: non eò tamen, quo illi se abdidissent, ingreditur, uocis memoria, quam auribus acceperat, deterritus. Cum igitur dubitaret quisnam pridie se ab insectanda præda auertisset, ac, ut par erat, circumspicaret montanos pastores, aut uenatores: interea ei inusitata magnitudine draco apparet, ex magna parte corporis adrepēs, collumq; & caput paululum attollens, & ad se uelut intendens. Collum autē cum capite erat ea proceritate, ut uel cum procerissimo homine exæquari potuisset. Verū ut eius conspectus Pindum exterruerit, certe non in fugā impulit: at

lit: at enim is sese ex maximo terrore colligens, sapien-  
ter bestiam mitigauit: nam ex auibus quas immolaret,  
ei cibum edendum obijcit, & tanquam hospitem men-  
sam & redemptionis suae praemium apposuit. Is sane  
uelut donis delinitus, & captiuis, ut ita dicam, prae-  
strictus, ex eo loco excessit: quod quidem ipsum ita iu-  
cundum Pindo fuit, ut ea quae uel ex uenationibus mo-  
tanis, uel ex aucupio capere posset, ut draconi non in-  
gratus adeptae salutis mercedem afferret. Neque tamen  
sine fructu has ei donationes ex praeda constituit, nam  
fortuna ei prospere ire coepit, omnium enim quae ue-  
naretur, secunda uenatione fungebatur, siue terrena,  
siue uolucra persequeret: quare gloria magna apud  
omnes erat, quod contra feras congregaretur, & eas  
expedite caperet: iam uero ea erat proceritate, ut cor-  
poris mole perterrefaceret: tum uero firma corporis  
constitutione, tum pulcherrimo oris habitu, foeminas  
ad se amandum ut uehementer inflammaret, & sane ce-  
libes omnes quasi furentes atque bacchantes ad eius ue-  
nationes proficiscerentur, & nuptijs alligatae a mari-  
torum custodibus asseruatae, mallent cum illo concum-  
bere, quam in numerum dearum referri: plerique hominum  
eum, quod ipsius uirtus & forma suam omnium admi-  
rationem excitaret, diligebant: soli fratres infenso atque  
inimico animo in illum erant. Quamobrem eum ipsum  
aliquando solum uenantem ex insidijs aggrediuntur,  
atque in propinqui fluminis angustias compulsum, au-  
xiliumque destitutum, strictis gladijs appetunt, atque adeo

H 2 truci

trucidant; hunc exclamantē cum draco ipsius amicus exaudisset, (etenim est animal sensu audiendī cū acerrimo, tum uidendī acutissimo) suo ex cubili prodijt, & simul impios circumplectens, suffocauit, & uero caesum summa diligentia tam diu custodire non destitit, dum cognatione defuncto proximi desiderio permoti ad illum humi iam centem uenissent. Hi propius facti etsi iusto in luctu & squalore essent, sepultura tamē & iustis exequiarum interfectum custodis metu afficere prohibebantur: ueruntamen hic recondita quadā ac mirabili natura, intelligens se illos arcere de praesidio stationeque cadaueris discessit, quò commodius nulla interpellatione supremam gratiam à propinquis assequeretur: magnifice igitur & splendide honore sepulturae ornatus fuit, atque etiam fluuius factae occisioni proximus, ex mortuo nomen traxit, Bestiarum igitur uis est, eis à quibus beneficium acceperint gratiam referre.

De Dracone quem in India inuenit Alexander Macedo,

C A P. X V.

**A**lexander cum alia pleraque animalia apud Indos inuenit, tum draconē, quem quia sacrum in antro quodam Indi existimarent, & summa religione colerent, idcirco precibus Alexandrum obsecrarunt, ne in illum ipsum inuaderet, quod quidem ipsum ille annuit. At enim draco cum exercitus strepitum sensit, (quòd sit animal tum audiendī, tum uidendī acerrimo, atque acutissimo sensu praeditū) maximo sibilo, & summo

& summo afflatu edito, omnes exterruit, & perturbavit. Septuaginta cubita longus esse existimabatur: nō eis totus apparuit, sed illius solum caput ex antro emisit: eius oculi ad magni clypei Macedonici magnitudinem accessisse dicuntur.

De diuersorum locorum Draconibus &  
Aspidibus.

CAP. XVI.

**O**Nescritus Astypaleus duos in India scribit dracones fuisse, alterum sex & quadraginta, alterum octoginta cubitorum, eosdemq; Alexandrum ardentem uidere expetuisse. Regnante Philadelpho, duos item ex Aethiopia Dracones in Alexandriam deportatos fuisse, apud Aegyptios peruagatum est, alterum magnitudine quatuordecim, alterum tredecim cubitorum. Euergetis regis temporibus tres etiā fuisse, unum nouem, alterum septem cubitorum, tertium magna cura in Esculapij templo nutritum fuisse: atque etiam Aspides quatuor cubitorum Aegyptij apparuisse asserunt. Iam qui de Chiorū rebus hanc historiam conscripserunt, ad quandam Pellæi montis uallem, proceris arboribus frequentem atque opacam, maxima magnitudine Draconem inquit procreatum fuisse, cuius sibilum Chij uehementer perhorrescerent, cuius magnitudinem nulli neque agricolæ, neque pastores accedendo propius considerare auderent, sed ex solo sibilo ingentem quandam & formidolosam feram bestiam esse suspicarentur, eius tamen magnitudinem tandem mirabili quadam ma-

H 3 china

chinatione atque solertia cognitam fuisse: uento nimirum uehementissimo uallis arbores concussas, & uiolenter collisos ramos ignem concepisse, & simul inde ingens incendium excitatum, locum omnem comprehendisse, & feram circūdedisse, atq; interceptam, cum elabi non posset, ardore flammæ conflagrasse, Itaque nudato loco omnia conspicua facta fuisse: & uero Chios metu liberatos cum spectatum uenissent, inusitata magnitudine ossa, & immane caput offendisse ut ex his quantus uiuus ille fuisset, conijci posset.

Cum poma Dracones comefuri sunt, syluestris lactucæ succum idcirco exsorbēt, quòd hæc illis ne inflatione impleant, magnum adiumentū affert. Cum homini aut feræ cuiuspiam insidias facturi sunt, mortis feras radices edunt.

GYLLII ACCESSIO. CAP. XVII.

**D**RACO cum colore nigro est, tum uentre subuirdi, tum eximia formæ pulchritudine, tum dentium triplici serie armatur: Pinguis caro eminent ex inferiori mento barbæ speciem præbet: ad infligendum uulnus, etsi ualde irascitur, parum efficax existit, neque ideo ut aliæ serpentes, eius plaga doloris sensum habet, quòd exigua est & similis ei, quam facit mus: atqui ut infesto animo contra eum aquila cum alijs de causis pugnat, sic Draco ex fruticibus prodiens, facile aut ouem aut leporē eximit ex unguis aquilæ. Nam is interea cum aquila pugnat, lepus sese in fugam dat, ueruntamen frustra Draco obtutum

tum oculorum in aquilam retorquens, eam persequitur, quòd in sublime elatam attingere non possit.

De Basilisco.

CAP. XVIII.

**E**X Aspidis quidem uulnere longo tempore quispiam sanus fieri possit, uel exsectionem membri, uel exustionem ignis fortiter patiendo, uel accommodatis medicamentis malum sistendo, ne serpat longius: Basiliscus uero etsi magnitudine palmi sit, tamen uel serpentum maxima illius aspectu non longo interuallo, sed quam statim expirationis appulsu exsiccatur. Et si baculum quem quispiam teneat morderit, baculi dominus necatur.

De sibilo Basilisci.

CAP. XIX.

**I**N Africa mulos uel caesos, uel siti animo deficientes, Archelaus ait, plerosque mortuos humi iacere proiectos, sepeque magnam serpentium uim influere ad eorum cadauera depascenda, easque Basilisci exaudito sibilo, se statim in cauernas, infraue harenas abdere: illum uero eò profectum, in tranquilla permultæ pacis libertate prandere. Postea uero quàm pransus sit, sibilo repetito, latitantibus serpentibus significare, se iam pransum ex cadaueribus abire.

De Aspide.

CAP. XX.

**A**spides in diadematibus pictas Aegyptiorum reges gerunt, ex eius bestiae forma regni firmitatem adumbrate significantes: earum quaedam ad longitudinem quinque cubitorum accedunt: nonnullæ rutilo, plurimæ nigro, cinereoque colore perspicuntur.

H 4 Amplius

Amplius quatuor horas quos momorderint, uiuere non queunt : eos conuulsio, & uisus obscuratio consequitur. Ichneumo autem Aspidis oua disperdit, & tanquam catulis suis futuram hostilē perniciem summo mouet. Libycam aspidem sua aspiratione oculorum usum aduersus se respicientes eripere : alias non excare quidem, sed tamen celeriter interficere,

Qualia sunt Aspidis morsus uestigia. CAP. XXI.

**M**orsuum uestigia tam perparū apparentia aspersione imprimunt, ut indicia uix acri oculorum acie deprehendantur. Cur uero sint tam obscura, ignotaque, causam hanc esse audio : Ipsius uenenum ad transmittendum peracutum, mirabilisque celeritate ad intima transitionem faciens. Cum enim hæc ipsa morsum efficit, uenenum non eminet & apparet, sed sub cutem subiens, intra meatus bene penitus subest, atque sic ad intima delabitur, ut nihil extet atque emineat. Quare ab Octauianis Cleopatrarum mors non facile oculis comprehensa est, nisi tandem sero admodum ex duobus punctis difficilibus ad uidendum animaduersis, mortis obscura significatio deprehensa est. Cum tamen secus Aspidis morsus uestigia manifesto appareant his qui historiam horum animalium tenent.

De morsu Aspidis.

CAP. XXII.

**V**iperarum, & aliarum serpentium morsus non caret remedio, ex hisque fieri potiones atque unguenta percipio, cantionesque quorundam illorum uenenum mitigauerunt; solum aspidis morsum non curari posse, esseque



esset; omni medicina robustiorem. Dignum hoc animal odio ob redundantiam mali: at fera seclerior, & quæ minus uitari possit, femina uenefica, qualem fuisse Medeam, & Circeen audimus; nam aspidum uenena & morsus opera sunt: illarum autem uenena uel solo tactu necare seruntur. Cum Pompeius Ruffus Romæ ædilitium munus obiret quinquatrijs, ut solet in Romano foro fieri, circulator alijs permulctis, qui eandem quàm is ipse artem factitarent, circumstantibus, ad suam ipsius ostentandam sapientiam, simulq; ex artificio suo specimen dandum, aspidem ad brachium admouit, & ex impresso morsu malum exsugit. Cum postea non aquam quam sibi præparauerat exorbuisset, quòd ea esset subducta, ex insidijs nimirum uas fuerat euersum, ueneno non exhausto atq; cieccto, secundo post die sine doloris sensu cum sensim & pedetentim pernicio ueneni illapsa, eius os cæteraq; membra extabuissent, uita priuatus est.

De morsu Aspidis.

CAP. XXXIII.

**A**spidis morsum Cleopatra lenissimum esse periclitatione percepit. Cum enim, aduentante Augusto, quænam sine acerbo doloris sensu mors esset in conuiuio de circumstantibus exquireret, eam quæ gladio inferretur, doloribus refertam esse, ex ijs qui aliquod uulnus accepissent, reperiebat: acerbam autem ex uenenis, & laboriosam: conuulsionem enim facere, & stomacho, & cordi dolorem inurere. Eam uero quæ aspidis ictu afferretur, plenam lenitudinis

I esse,

esse, ut uel solo tactu interdum interimat.

De Aspidibus prope Nilum habitantibus.

C A P. XXIII.

**I**N utraq; Nili ripa aspides latibulis se tegunt, & tanquam ædes suas homines, sic hoc flumen omni alio tempore iucundè & suauiter accolunt. Cum autem in agros Nilus redundat, tum enim triginta circiter antè diebus, longius ab eo fluuius in loca eminentiora unà cum foetibus suis demigrat: quod quidem munus à natura acceperunt, tanti ut fluminis, tamq; operosi quotannis accessionem & decessionem non modo non ignorent, sed ab eius etiam damno cauere sciant: atq; etiam testudines, & cancri, & crocodili in ea loca Nilo inaccessa id temporis oua transferant, unde ij qui oua eorum offendunt, quãdo Nilus sit agros irrigaturus, facile colligunt.

De Aspidis amore.

C A P. XXV.

**Q**UOD Aegyptij de aspide dicunt, id libenter sapientiae studiosi audiunt. In quadam Aegyptiorum passione, nomen ab Hercule trahente, formosum puerum anserum custodem, ab aspide tam mirifice adamatum fuisse, ut is cum obdormisset, è somno ad declinandas insidias, quas aspidis coniux riuualitate commotus ei moliretur, ab ea excitatus fuerit, & sibi cauerit.

De Aspide quam Aegyptij Thermotin nominant.

C A P. XXVI.

Thermotin

**T**hermotin Aegyptij aspidem appellantes, & sacram esse aiunt, & summa religione colunt: Itaque ea Isidis simulachra tanquam regio quodam diademate coronant. Eandem etiam ferunt non in perniciem proborum hominum natam esse, enimvero commiscuntur eam se ab ijs abstinere. Contra autem improbis nocem afferre: ijdemque inquit sexdecim aetates uiuere, atque in sacris aedibus ad unumqueque angulum subterranea sacella exaedificant, ubi sancti aspidi habitanti bubulum adipem edendum interuallis quibusdam obijciunt.

Quemadmodum Aspides ab Aegyptijs mansuescunt,

CAP. XXXVII.

**P**hilarchus libro duodecimo in uulgus edidit, aspidem ab Aegyptijs uehementer coli, caldemque ex eo cultu mansuescere, ciboque cicures fieri: neque simul cum pueris infantibus uiuente, eis quippiam nocere, & uero appellatas ex caueis prodire, atque ad appellante accedere: digitorum autem crepitu uocantur. Aegyptij in aspidum nationem hospitalissimi: Primum ut pransi sunt, statim temperatas uino & melle farinas in mensam, in qua pransi sunt, exponunt: postea plausu dato, eas tanquam conuiuas ad prandium uocant: Illae uero uelut ad conditam coenam inuitatae, aliae aliunde erumpentes, accedunt, & mensam circumstant, ac reliqua omni spira in solo terrae relicta, caput alkuanes circumlabunt, sensumque atque moderate explentur. Cum autem Aegyptij de nocte ha-

I 2 bent

bent necesse surgere, ne ipsas in tenebris conculcent, iterum percussione digitorum utuntur, eis ut de via decedant, signum dantes: Illæ sanè sonitus discrimen intelligentes, confestim in latibula abstruduntur: itaque is qui de lecto surgit, postea in nullas ipsarum incurrit.

## GYLLII ACCESSIO.

## De Aspide.

## CAP. XXVIII.

**A**spis omnium uenenatorum pestilentissima, aris dis squammis rubet, simul & omnino formidolosa & horribilis est, tardis tractibus serpit, somniculosus oculis assidue innuit, ac nimirū primum ut uel strepitum uel uocem auribus percepit, segnicie ac somno excusso, in orbem contrahitur, atque ex medijs spiris terribile caput alleuat: ex eius fronte geminæ carunculæ callo similes eminent: oculis est ualde rubentibus, ceruix squallet & tumet, cum sibilum edit, aut in obuios uiatores acerbam aspirationem anhelat, ex tunica quæ quatuor maxillæ dentes contegit, uirus euomit.

## De Viperâ.

## Πῆσι ἔχουσ ὁ ἔχιδνα.

## CAP. XXIX.

**E**x ἄνω τῆ ἔχιδνα genere, non natura nonnulli differre aiunt: illum marem esse, hanc foeminā. Alij etiam natura differre existimant. Et sunt quidem qui dicant, τὸ τὸ ἔχουσ percussum cōuulsione affici, non item ἀπὸ ἔχιδνας. Alij dicunt ἔχιδνα: album morsum esse,

esse *lyxus* non eiusmodi, sed liuidum. Nicander dicit, cum morsum inflixit *lyxus*, duorum dentium uestigia apparere: Cum autem *lyxus* leserit, pluriū uideri.

GYLLII ACCESSIO. CAP. XXX.

**V**lpera modò magnum, modò paruum gyrum agit: duris squammis horret, segni tractu serpit, irritata oculis ualde rubet, & geminam linguā iactat, simul & caudam contorquet. Ex Viperis scemina cum obujs infestior, & morsu acerbior, & corpore pinguior existit: tum ne illi occurreris, cum in coitu maritum momordit: sola animal, reliquæ serpentes ex sese oua pariunt: si fagi contingit ramulo, sistitur.

De Viperæ coitu & partu. CAP. XXXI.

**V**lpera sua circumplicatus scemina cum ea coit, hæc uero sine molestia iniri se patitur: postquã ad cocundi finem peruenerunt, uxor pro coitus consuetudine mala significatione amoris, maritum excipit: nam ei ad collum inhærens, morsu abscindit caput: itaque ex uiperino coitu hic perit, illa uero pregnans efficitur. Non autem oua parit, sed animantes partus edit, iamiam idoneos ad perniciem inferendū. In ipso enim partu matris aluum distrahunt, & lacerant, perç; disruptum uentrem erumpunt, ulciscētes patrem in hunc modum: Heus mi Tragcede, quid ad hæc Orestæ Alcimones?

Quid Theophrastus sentit de partu Viperarum.

CAP. XXXII.

I 3 Viperæ

**V**iperæ catulos Theophrastus scribit parentis uterum non exedere, atque conficere; neque sanè ut quiddam ludens dicam, foribus effractis obstructum exitum percurrere: at enim fœminâ uteri angustijs compulsam non parere, sed dirumpi. Cuius sententia ita rem habere mihi ad ueritatem planè persuadet: Siquidem marinæ Acus, quia tenues sunt, & haudquaquam sinuosam & capacem aluum habeât, iccirco similiter à suis fœtibus afficiuntur, et si iam ante fabulose earum partus descripsi; tamen ne mihi Herodotus succenseat, quales ipse conscripsit.

Quemadmodum Viperæ salius hominis perniciem infert.

CAP. XXXIII.

**S**erpentium uenenum cum pestiferum est, tum multo aspidis pestilentius. Contrà, quæ nemo salutaria præsidia facile inueniat, etiam si adleuationis aliis quid afferendum doloribus, atque adeo ad liberandum ab illis ipsis doloribus acerrimis sapientissimus sit, uenenatis serpentibus incredibiliter perniciosum uenenum in homine ad hanc rationem deprehenditur: Si uiperæ collum summa cautione contineas, in osq; illius diductum expuas, sputum in eius uentrem delapsum, tanta ei perniciæ existit, inde ex tabe ut uisera putrescat. Huc accedit, hominis morsum uel homini ipsi esse perniciosum, nulliusq; animalis morsui de acerbitate concedere. Nymphes librorum quos conscripsit de Ptolemæis nono, Viperas dicit in Troglodyde, si cum alijs conferantur, ingenti nasci magnitudine

gnitudine : decem enim & septē cubitorum existere,

## GYLLII ACCESSIO.

Quemadmodum ex elcarum usu Viperæ magis  
ueneratæ sunt,

CAP. XXXIIII.

**V**eneri uim ex passionibus corroborari, cum alij  
pleriq; scripserūt, tum maxime Pausanias de ho-  
mine Phœnicie dicit se audiuisse, in montibus Phœnis-  
ciæ ex usu radicum Viperas magis efferrari. Idemq;  
Phœnix Pausaniæ narrabat se hominem uidisse, ut  
Viperæ impetum effugeret, in arborem ascendere : si-  
mul & Viperam insequentem postea quam ille ascen-  
disset, uenisse, & grauem aspirationem & pestilentem  
in arborem afflatisse, hominemq; ex eo statim perisse.  
Contrà, Viperas quæ in balsamis Arabiæ arboribus  
habitant, acerbitalis uirus nō habere, quòd balsamo-  
rum non modò suauissimo succo utantur, uerum etiã  
umbra oblectentur. Cum autem colligendi opobal-  
sami tempus uenit, pro se quisq; perticis arbuticulas  
concutit, ut Viperas in fugam impellat : neque enim  
eas, quòd balsamis consecratas existiment, occidere  
audent : ac si quis ictus sit à Viperis, uulnus non est  
perniciosius, quàm si ferro impositū fuisset, omnisq;  
ueneri metus abest : quòd sane odoratissimū pabu-  
lum ueneri pestilentiam temperet, & mitiget.

## GYLLII ACCESSIO.

Quemadmodum Viperarum & alicuius generis  
Araneorum morbus curantur musica,

CAP. XXXV.

I 4 Quod

**Q**Voddam Arancorum genus olim in Italia non  
 uisum, nunc in Apulia frequens, quod uulgò  
 Tarantulam nuncupant, aliò anni tempore ad nocen-  
 dum non magnam uim habet: in maximis uero solis  
 ardoribus acerbitalis uirus pestiferum infligit: huius  
 perniciosi una hæc salutaris inuenta est medicina, ut  
 ictus uario & multiplici cantu tibicinum, aut citharis-  
 tarū, aliorūque musicorū permulceatur. Is tametsi  
 sermonis & oculorum usum amiserit, ac omnis sensus  
 expers sit, tamen confestim ut tibiæ auditionem accē-  
 pit, tanquàm è graui experrectus somno, oculos pau-  
 latim alluat, ac recepto animo se humo tollit, & ad  
 musicæ rationem saltare ingreditur, neque à saltandi  
 conuenientia aberrat: imo uero etiam à saltatorijs  
 musis antea auersi scire saltare tum uisuntur. Itaque si  
 Apuliam obeas, circumspicies alios uicos tympanis,  
 alios fistulis, alios tibijs ad diuismodi depellendū ma-  
 lum unūquēq; circūsonare: ac si tibicen, aut lyricen, aut  
 tympanistes pulsare desistat, is qui iam recreatus uis-  
 debatur, & conuenienter ad sonum saltabat, statim  
 animo deficitur, & omnium sensuum stupore affici-  
 tur: ac sanè rursus repetito cantu colligitur, & acrius  
 saltare cōtendit. In sermonem hominum uenit, quod  
 mihi alienum non uidetur, huius ueneni uim harmo-  
 nia & uocum concentu per totum corpus manare, ex  
 eodemq; occulto quodam naturæ munere dilabi, &  
 euanescere: enim uero qui ex hoc morbo laborarunt,  
 si quid residueat, quod bene curatum non fuerit, si  
 quando



quando musicam auribus conceperint, maxime animo commouentur, & manibus, pedibusque tandiu gestire non desinunt, quoad illa uis funditus uicta sit. Theophrastus scribit, quosdam uiperarum morsus uel tibiarum, uel fidicularum, uel aliorum organorum cantu adhibito sanari. Ismeneas Thebanus dicitur plures Bœotiorum coxendicum dolore laborantes tibiæ sono ad incolumitatem restituisse.

## GYLLII ACCESSIO.

De Cenchryne. CAP. XXXVI.

**C**enchryne & maxima magnitudine est, & leonē uocant, siue quòd eius squammæ uarijs maculis distinctæ sunt, siue quòd cauda erecta se ad pugnam incitat, siue etiam quia leonum more humanum sanguinem exforbet. In maximis caloribus insidias pecori molitur. Caue quantumlibet magno animi robore sis, néue occurras, néue contra hanc pugnes: ac potius ne rectà fugias, sed diuerticulis, flexionibusque bestię cursum retardes. Nam serpentum genus cum rectà iter facit uelocissimum est, cum autem uiam flexit, tardius serpit.

De Ceraftis serpentibus. CAP. XXXVII.

**C**eraftes serpens ferum animal, colore album, gemina supra frontem gerit cornua Cochleæ cornibus similia, non similiter tamen atque illius tenera. Longe alia ratione in cæteros Libycos homines, ac erga nuncupatos Pſyllos ceraftæ afficiuntur. Illis enim infesti sunt, cum his foedere deuinciuntur.

K tur,

tur, pacemq; seruāt. Enimuero Syllorum gens ab eis si mordetur, non modò non sentit morsum, sed eos etiā qui in id mali inciderint, facillime sanat, si priusquam totum ueneno corpus imbutum sit, ex ipsis quispiam uel accersitus, uel sua sponte ueniens, os aqua colluerit, illiusq; manus, qui morsus sit abluerit, ex ueneno statim tum conualefcit, tum ab omni malo liberatur. Libyci autem homines aiunt, uirum cui sua uxor uenerit in suspicionem adulterij, quiq; ex ea susceptos liberos adulterino sanguine natos suspicetur, experimēti causa in dolium cerastarū plenū infantem puerum conijcere, sicq; abijciendo, tanquā artificem aurum igni, ingenuitatem pueruli experiri. Cerastas protinus insultare, acerbosq; fieri, innatum malum puero minitantes, eos ut puer attigit remollescere, unde Libycus ille se legitimum patrem agnoscit. Cum serpentium, tum phalangiorum hostes cerastæ habentur. Hæc uero si Afri cōmīscūtur, non me, sed semetipfos fallunt.

De Psyllis Africis, & de Cerastis.

CAP. XXXVIII.

**A**Gatharcides dicit, in Africa Psyllorum gentem esse, & nihil quidem ad uiuendi rationem à reliquis hominibus differre, ueruntamē cum alijs nationibus peregrinum eorum corpus comparatum admirationem habere: non enim uenenatas eis bestias quippiam nocere posse, neq; phalangiorum mortiferis uulneribus ut cæteros homines affici, neque scorpi-

pionum

pionum aculeis lædi solere. Cum enim uenenatum  
 quiddam ad eos accesserit, & uel eorum corpus atti-  
 gerit, uel aliquem odorem exhauserit, ueluti soporife-  
 ram bibisset potionem, sopitur: & tandiu debilitatur,  
 quo ad ab eo Psyllus recesserit. Callias libro deci-  
 mo historię quam cōscripsit de Syracusano Agathos-  
 cle, Ceraſtas inquit pestiferū morſum infligere ſolere,  
 & beſtias ratione carentes, & homines interficere: niſi  
 Libycus uir natione Psyllus, ad curandum accesserit.  
 Hic fanè ſiue euocatus, ſiue fortuito aduenerit, & pla-  
 gam adhuc terribiliter dolentem uiderit, ſola ſaliua  
 dolorem mitigat, & perstringit: Sin percuffum offen-  
 derit, ægerrime dolentē, intra dentes permultā aquā  
 haurit, & os ſuum primo ex ea colluit, poſt uero eam  
 in poculum iniectam uulnerato exſorbendā tradit.  
 Quod ſi ueneni acerbitas acrius inualeſcit, hic ægro-  
 tanti nudo nudus accumbit, & proprio ſuo corpore  
 morbi uim frangit, & malo hominem liberat.

## GYLLII ACCESSIO.

De Ceraſtis. CAP. XXXIX.

**L**Oca mediterranea Libyę arenosa ceraſtis abun-  
 dant, quorum color arenę ſimilis: Ideo non pau-  
 cos decipit, quòd eos ab arena non internoscāt: Itaq;  
 coloris errore falli, pedibus illos cōculcantes, uitę pe-  
 riculum ſubeunt. Ceraſtes fraudulēta uiperę non  
 ualde diſſimilis, interdū quatuor, interdū duobus cor-  
 nibus eſſe uidetur: ſquāmis horret, eius color exalbes-  
 ſcit: ſecundū uias ut prætercūtibus moliatur inſidias.

K 2 iacet.

iacet. Et uipera quidem recta celeriter obuios appetit:  
 • Contrà Ceraſtes diuerticulis, ſerpendiq; flexionibus  
 cum ſonitu gradum faciens, impetum facit.

De Diſſade.

CAP.

XL.

**D**iſſas, cuius uim & naturam eius nomen nobis  
 • declarat, inferior quidē eſt magnitudine, quā  
 uipera, ſed tamen in occidēdo quā celerrime ſupe-  
 rior: eius morſu confixi, etſi aſiduam potionem hau-  
 riunt, ad ſitim tamen exardeſcunt, & ad bibendum  
 eatenus inflammantur, quoad celerrime rumpūtur.  
 Eam Soſtratus cum albam eſſe ait, tum duas in cauda  
 lineas nigras habere, & ſicut audio, uario & multipli-  
 ci nomine nuncupatur. Quidam Præſterem uocant,  
 alij Cauſonem, nonnulli Centrida, alij Annobaten, à  
 quibuſdā Melanurus appellari fertur; Cum in Afris  
 ca tum magis in Arabia naſcitur.

GYLLII ACCESSIO.

CAP. XLII.

**D**iſſas paruae uiperæ ſpeciem ſimilitudinēq; ge-  
 rit, ſed celerior eſt: ijs quos percūſit mortem  
 infert: ab ea uulneratus acerrima ſiti ardet, & tanquā  
 taurus ore hiantē, atque imminente ad flumina pro-  
 cumbit, tantaq; potione, dum uenter diſrumpitur,  
 ſeſe explet.

GYLLII ACCESSIO.

De Dryina ſeu Chelydro.

CAP.

XLIII.

**H**uiusmodi ſerpēs, quam alij Dryinam, alij Che-  
 lydrum appellant, in cōcauæ quercus fagiue lar-  
 tebras abſtruſa uiuit: nonnulli etiam Hydram appella-  
 lant:

lant : ea relictiis paludibus domesticis sedibus in pratis ranunculos uenatur. Quòd si à crabronibus inuaditur, statim in concauam quercum bene penitus perfugit : non acuto capite est, sed lato, & plano : ex eius corpore teter odor manat : ab eo percussus, teter rimum odorem olet, & angor mentem tenebris operetā tenet, caligo oculis offunditur : ab eodemq; alij ic̄ti caprarum aut ouium modo balant.

De Hæmorrhoo genere Viperarum.

CAP. XLIII.

**H**æmorrhous è genere Viperarum, in saxorum cauernis domesticam sedem habet, pedē unum tum longus est, tum à capite in tenuitatem eius corporis habitus procedit : Colore est partim flammeo, partim nigro : eius caput tanquam cornibus quibusdam inhaerescit : sensim & pigrè serpit, uētris squamis terram premens : tortuosa non recta uia progreditur, gradiendo leuiter substrepit, unde eius senecies ostenditur : primum ut momordit, statim punctus cyanei coloris exoritur : percussus : stomachi doloribus affligitur, uenter celeriter exhauritur, caligine offunditur, sanguis per nares & aures cum bilioso ueneno mittitur, uesica sanguineam urinam reddit : Cicatrices si quæ sint in percussi corpore, etiā si conseruerunt, tamen recrudescunt.

De Amphibena.

CAP. XLIIII.

**H**ydram Lerneam, Herculis certamen, decantent Poëtæ, & ueterum fabularum opifices, quorum

K 3 è numero

è numero est Ecataeus historicus. Chimerae naturam tricipitis canat Homerus, res profecto sic in fabulis numerandas, ut uerum est Amphisbenam sanè serpentem duo habere capita, alterum in anteriori parte, alterum in posteriori: cum enim aliquò necesse habet progredi, caudæ loco alterum ponit, altero pro capite utitur: tum rursus si ei retro sit opus cedere, capitibus contra quàm prius utitur.

GYLLII ACCESSIO. CAP. XLV.

**A**Mphisbena parua est, & semper oculos tenens abris oppletos habet: cum terreno colore est, tum pellis uarijs maculis distinguitur, ex oleastro bacillus amphisbenæ pelle inuolutus, ex frigore laborantes calefacit.

De Colubro. CAP. XLVI.

**C**olubro percussum dicunt statim odorem teteris Crinum reddere, ex eoq; quòd tam male oleat, ei neminem appropinquare posse. Idem quoq; ait, eundem percussum cum obliuione circūfundi, eoq; oculis multam caliginem offundi, tum rabiem & summū tremorem eidem exoriri, tertioq; die perire.

GYLLII ACCESSIO.

De Colubro siue Natrice. CAP. XLVII.

**Q**uam latini Natricē, & Dioscorides Hydrū uocat, Nicander Chersidrum appellare uidetur. Is in locis parum aquæ habentibus, aut paludibus uersans, ranis infestissimus existit. Cum palus solis ardoribus exsiccata est, tum in arido uiuens, mortiferam

ram plagam infligit.

De Hydriſ Corcyrenſibus, & Typhlope, quam  
Cæciliam uertere poſſemus. CAP. XLVIII.

**I**N Corcyra ſerpentes procreantur, quæ ſe retrouer  
ſus ad inſequentes retorquent, & ſpiritum malum  
anhelantes, ab impetu ſuos inſectatores reprimunt,  
ab ſc̄q; auertunt. Typhlopa, quam etiam Typhleſ  
nam nominant, & Cophiam, murenæ caput habere  
ſimile in ſermonem hominum uenit, tum per paruulis  
oculis eſſe. Ex his duobus nominibus alterum ex eo  
traxit quòd non ſint ei oculi probe affecti ad uidenſ  
dum. Cophiæ nomen idcirco habet, quòd hebetes  
eidem aures ſint: adeo item dura eſt pelle uix ut tan  
dem ſecari queat.

De huculo.

CAP. XLIX.

**I**Aculus ſerpens omni animantium generi inſidias  
ſmolitur: huius cautio in faciendis inſidijs eiufmo  
di eſt, ut ſecundum uias abdite lateat, perſæpe etiam  
correpens, in arborem aſcendat: ſibiq; ſeſe contorte  
concludens, & in orbem coarctans, caputq; in ſpi  
ram occultans, ut prætereuntes tacitus ex occulto  
perſpexerit, in id ipſum quod præterit, ſiue fuerit be  
ſtia, ſiue homo, ſe iaculetur. Nam ualet ſaltu, ut trig  
inti cubitorum ſpatium tranſilire queat, protinuſq;  
ad ea quæ ſaltu appetit, inhæreſcat.

De Hyena ſerpente.

CAP. L.

**H**Yenam ſi uideas nunc quidem marem, nunc  
quàm mox uidebis ſceminam: Si uero nunc

K 4 ſcemi

foeminam, postea marem : utriusq; enim sexus participes est : eundem marem cui ante nupserat, uxorem ducit : quotannis autem genitalia immutat. Cæneum igitur, & Tyresiam non ostentatione uerborum, sed rebus ipsis exprimit, & declarat hoc animal.

De Præstere serpente,

CAP. LI.

**P**rimum ut morsum Præstere è genere serpentium effecit, statim stuporem infert, & immobilem reddidit : post mentis obliuio & tenebræ offunduntur, ut neque notionem habeat, neque respirare, neque mersiere queat : simul & percussum à pilis nudū iam morsu factum suffocatio sequitur, cum conuulsionibus & morte acerrimis doloribus referta.

GYLLII ACCESSIO.

De Scythale,

CAP. LII.

**S**Cytale forma cum Amphisbena non dissimilitudinem habet, præterquàm quòd cauda est tum pinguiore, tum crassiore. Scytale eadem est latitudine qua manubrium ligonis, & longitudine lombrici. Cum uerno tempore ex cauernis saxorum prodit, foeniculi ramos exedit.

De Sepedone serpente,

CAP. LIII.

**I**Nest in Sepedone serpente immanis pernicies, & præterquàm quòd celerius graditur. Hæmorroi speciem similitudinemq; sicut ait Nicander, gerit : & eodem modo gyros & flexiones persequens, non restà progreditur : quod quidem ipsum causa est, quã obrem inspectantes nesciant de eius magnitudine iudicare



dicare. Vulnus quod infert acerbissimum habet, & bene penitus intrat, & putrefacit; qua ex uino men traxit. Inexpiabili celeritate ipsius uenenum in uniuersum corpus transitionem facit: Capillus putrescit & funditus interit, tum superciliarum & palpebrarum pili defluunt, oculi offusi tenebris obscurantur, & marcescunt.

Quaui & natura sit præditus Seps serpens.

CAP. LIIII.

Seps è genere serpentum, ex eo magnam admirationem excitat, quòd colore in eorum quæ contingit similitudinè immutat: eius imòs quatuor dètes tuniculæ quædam occultant, ex ijs uenenu emittens, celeriter & putrefacit, & incrimin.

GYLLII ACCESSIO.

De Serpente quam alij Seps, alij Chalcida

uocant.

CAP.

L V.

Seps ideo etiam Chalcis appellatur, quòd quibusdam lineis, æris speciem, similitudinemq; gerentibus, eius dorsum distinguatur: Itemq; ad octo palmarum longitudinem accedit, tum in Syria, & Libya, & Cypro nascitur, in saxis domesticam sedem solet habere.

De Paria serpente.

CAP.

LVI.

Parias, seu Paruas (sic enim uult Apollodorus) igneo colore est, & acerrimo oculorum sensu, & largo ore, nihil mordendo nocet, sed mitis cum sit, deorum humanissimo Aesculapio ipsum consecras

L runt,

runt, & eius ministerio dedicarunt.

De Porphyro Serpente Indica. CAP. LVII.

**T**erram Indiam historici permulta ferre uenena, & plantas dicunt, e quibus partim salutaria sunt contra morsus serpentum, partim mortifera. Cuiusmodi ui est Porphyrus serpens, palmi magnitudine, colore accedente ad purpuræ similitudinem, capite plusquam niueo, & lacte multo candidiore, locis Indiæ calidissimis reperitur: ei mordendi idcirco potestas est nulla, quòd dentium expertus sit: ergo hac ex parte eum quasi mansuetum dicere possumus. Non item ex omnibus partibus, nam eius uomitio si quod uel hominis, uel alterius animalis attigerit membrum, totum tabescat necesse est: Idcirco eum captum à cauda ex arbore suspendunt, ut illi caput ad terram uersus propendeat: tum sub eius os uas subiiciunt æneum, in quod ex eius ore guttæ redduntur, quæ primum ut deciderunt, continuo concresecunt, aspicienti ut amygdalinæ lachrymæ speciem præbeant: ab eo extinctio uas remouetur, in cuius locum alterum etiam uas æneum supponitur, in quod saniosus liquor, aquæ similitudinem speciemque gerens, ex iam mortui ore serpentis defluit: Similiterque hic concresecit, atque condensatur: horum tamen uterque colore differt ab altero: hic niger est, illæ primæ guttæ electri similes sunt: e quibus si cui magnitudine sisami in cibo potione uel detur, acerrima primum conuulsione percellitur, deinde ei oculi peruertuntur, cerebrum  
per na

per narcos expressum delabitur, sicq; ille miserabiliter quidē moritur, sed tamē celeriter: sin quis sisamo minus ex illis sumpserit, non continuò is quidem moritur: sed certe ex hoc malo non euadit, sed denique cum mora extinguitur. Quòd si ex eo ipso nigro qui ex mortuo iam serpente defluit, sisami quoq; magnitudine quis comederit, extabescit, anniq; interuallo consumitur. Pleriq; eorum in biennium processerūt, paulatim morientes.

## De Lacertorum dissectione. CAP. LVIII.

**S**I quis seu fortuitò Lacertum, seu consultò in caluaria percutiat, & uirga medium disceindat, huius partium neutra moritur, sed ab altera seorsum utraq; graditur, & duobus pedibus adrepens uiuit. Deinde si coitio utriusq; cum altera fiat, consensione quadam tacita, & naturali colligatione uelut conferuntur, contexunturq;: atq; ex separatis duabus partibus unus atque idem rursus efficitur lacertus: & tamen loci prius affecti uestigium cicatrix indicat, tamē & uitam pristinam retinet, & ei cætera persimilis est, qui talia nunquam perpeffus sit.

## De Lacerto. CAP. LIX.

**N**ON hic antiquorum testimonio mihi erit opus, quæ ipse uidi explicabo. Cum uir quispiam Lacertum magnum & opimum comprehendisset, atq; æreo stilo excæcauisset, eundemq; in fictilem ollam,

L : recen

recentem utrinq̄ eatenus exiguis foraminibus pertusa-  
sam, ut neq̄ spirare fera prohiberetur, neque tamen  
exitum haberet, conclusisset: & simul terram rosca-  
dam, & herbam, cuius nomen non explicauit, impos-  
suisset; ac deinde ferreo annulo, cui inellet gagates las-  
pis, in quo lacertus incisus erat, nouem signa impres-  
sisset, quorum quotidie unum deleret: p̄o st ubi nono  
signo sublato ollam reclusisset, lacertum uidi, oculo-  
rum usū recuperato, clarius quàm ante excæcatio-  
nem aspicere.

## De Lacertis Indiæ,

CAP. LX.

**P**olydetus maximos ait lacertos in India, tū ualde  
uario colore, nasci: ut pellis floridis quibusdā pis-  
turis maxime distincta, & ad tactum mollis, & tenera  
sit. In Arabia Lacerti ad duorum cubitorum ma-  
gnitudinem accedunt.

## De Salamandra.

CAP. LXI.

**E**X animalibus tamen Salamādra non est quæ ex  
igni nascuntur, quales sunt Pyrigoni: contra ta-  
men hunc ire audet, contraq̄ illius flammam ueniēs,  
tanquàm aduersus hostem quendam, sic eam expus-  
gnare aggreditur. Cuius rei testimonium fabri, quo-  
rum opera atq̄ artificium igne nititur, afferunt: nam  
quandiu eis ex flammæ splendore ignis flagrare eos  
rumq̄ artem fabrilem adiuuare uidetur, huiusmodi  
animal magna securitate ipsi negligunt. Cum autem  
ignis euanescit, ac restinguitur, frustra q̄ folles flant,  
hoc sibi

hoc sibi tum animal aduersari præclare intelligunt.  
 Quare hoc ipsum peruestigant, atque inuestigatum  
 ulciscuntur: ignis autem postea iterum succensus fa-  
 brile opus modo ut ante erat solitus alatur, iuuare  
 persecerat.

## GYLLII ACCESSIO.

De Salamandra.

CAP. LXII.

**S**alamandra animal quadrupes, lacertæ simile cau-  
 da breui præditum est: nonnulli dicunt eam cus-  
 te, & squammis carere; neque modo lacerti  
 magnitudine esse, uerum etiam Crocodis  
 li terreni speciem similitudinemque  
 gerere, morsuque infensis  
 simo esse.

FINIS LIBRI IX;

L 3

## LIBER DECIMVS

DE VI ET NATVRA

ANIMALIVM

AQVATILIVM,

De Balena.

CAP. I.



**B**ALENA quemadmodum Delphinus, lac habet, colore quanquam nigro non est, maxime tamen Cyaneo, qui medium inter nigrum & uiridem locum tenet, conspicitur: non brachijs, sed fistula (sic enim huius respirandi uiam appellant) spiritum ducit. Sedes & commoratio huic est pelagus, in siccū egreditur, ubi à solis radijs calefcit.

De maximis Cetis.

CAP. II.

**A**D littora, aut minime profunda loca, aut breuia ex cetaceo genere nullum appropinquat: sed in alto, & profundo uersatur. Eximia autem magnitudine existimantur, Leo, Libella, Pardalis, Phyliter, Pristes, Maltha belua inexpugnabilis, Aries uel ipso aspectu infestissimus, & periculosissimus, procul enim licet compareat, maris procellas & tempestates ciet & agitat. Libella cum sit aspectu infausto, infelicis, non est prospera nauigantibus. In Lacedæmonico mari accepi ingentia cete gigni: eamq; ob causam quidam Cretenses Homerum dicūt Lacedæmo-

nem

nem cetosam appellasse. Circa Cytheram insulam cete prædicant maiori granditate generari, eorumque neruos accommodatos esse ad conficiendas, non solum Psalteriorum, & musicorum aliorum organorum fidiculas, sed ad bellica etiam instrumenta, atque ex his confectæ arcuum chordæ censentur optimæ. Theocles libro quarto, ad Syrtim ait cete procreari tiriemis maiora. Circa Gedrosiã Indiæ regionem, non ignobilis Onesicritus atque Orthagoras scripserunt, cete longitudine dimidiati stadij, & latitudine pro rata longitudinis portione nasci, tantoque robore septa esse, ut sæpe cum naribus respirarint, tantopere in sublime marinos fluctus iactent, ut hæc imperitis maximæ maris tempestates esse uideantur.

De Cetis & uarijs piscibus Taprobanæ insulæ.

C A P. III.

**T**Aprobanæ insulæ mediterranei, mare incognitum habent, maritimi uero Elephantorum uenationem nisi auditione & fama haudquaquam acceperunt, omne studium atque operam ad piscationem conferunt: Id mare magnum eam insulam ambiens, infinitos pisces procreare ferunt, habentes capita leonum, pantherarum, & arietum, aliorumque animalium, & quod magnam admirationem habet satyrorum speciem similitudinemque pisces nonnullos gerere, ac cete existere muliebri facie, eisque pro crinibus spinas esse, quorum genera tam monstrosa exacte explicare non queunt. Ac in eodem mari beluas in utraque sede uiue-

re audio, & nocte segetes & herbas depasci, quodq; palmarum fructu iam maturescenti gaudeant: idcirco eas arbores amplexu suo concutere, & excussos uios lento impetu, excedere, & cōficere, easdemq; cum iam incipit diluescere in mare abdi, tum etiam permultas Balenas Delphinis insidiātes ibidem esse aiunt. Tum duo Delphinorum genera illic nasci, alterum ferum & inexpiabili immanitate, piscatoribus infestum: alterum natura mansuetum, circum homines natāre, & more canum blandiri, & se contrectari sustinere, atq; obiectum cibum libenter sumere.

De Cetaceo genere Gangis. CAP. IIII.

**G**anges Indiæ fluuius, initium ducens à fontibus, cum per se fluit, & nōdum ad alios admixtus est, altitudine est uiginti passuum, latitudine uero octāginta stadiorum: cum autem alij in eum influxerunt, altus sexagenos passus profluit, dilatatur & diffunditur in quadraginta stadia. Insulas Lesbo Cynroue maiores efficit. Cete procreat, è quorum adipe farinæ conficiuntur. In eo etiam testudines nascuntur, quarum testa non minori magnitudine sit, quā dolium capax uiginti amphorarum.

GYLLII ACCESSIO.

De Britannici Ceti magnitudine. CAP. V.

**D**e bonis autoribus accepti, superiore anno beluā in Britannicum littus expulsam, atque eiectam fuisse, longitudine nonagenum pedum, proceritate uiginti septem. Cuius oris rictus ad duodeuiginti, mandibula



mandibula ad uiginti duorum palmorum magnitudinem & triginta. Costæ ferè omnes ad longitudinè XXXI, pedum, atq; ad crassitudinem sesquipedalem accederent: Itemq; duas pinnas habuisse, quarum singulæ essent quindecim pedum longitudine, earumq; alteram decem boues uix abstrahere potuisse; linguã uiginti pedes latam fuisse, oculos inter se quinque ulnis distantes possedisse, eosq; pro corporis portione paruulos, nimirum bubulis non maiores extitisse; & dentibus caruisse, tantum tanquam aliquot laminas carneas loco dentium apparuisse.

De duce cetacci generis.

CAP. VI.

**O**Mne ferè cetaceum genus duce ad sibi moderandum eget, illiusq; oculis ducibus ad uidendum utitur. Is autem dux est, quemadmodũ harum rerum periti testantur, longus pilcis, colore albo, capite prælongo, angusta cauda. Hincne ducem unicuiq; cetaceo natura dederit, an amicitia quadam is adductus, cetum ultro antegrediatur, haud scio planè, sed id tamen factum naturæ impulsu arbitrarer, nam hic separatim nunquam ab illo nauigat, sed ante huius caput antecedens, ipsius dux existit: etenim cuncta illi & prouidet, & præsentit, caudaq; præmonstrat singula, tum horribilia formidolosaq; inhibet, tum ciuaria conciliat, insidiasq; à piscatoribus positas signo quodam ostendit, atq; quem locum propter magnitudinem ipsum adire non oporteat, præsignificat:

M nequando

nequãdo nimirum cetaceum genus irretitum funditus pereat. Quod mirum uideri debet, minimam bestiam maximo animali uitę causam afferre, cum enim belua huiusmodi ad pinguitudinę peruenit, amplius nec uidere nec audire potest: Carnium enim moles, & uidendi & audiendi uiam intercludit, & tanquam illius luminibus obstruit, quare eius oculus improbe afficitur ad uidendũ: quod si is pisciculus, quo ad necessaria utitur, perit: illi quoq; pericundum est.

GYLLII ACCESSIO.

De Physeteribus.

CAP. VII.

**Q**ui in mari rubro nauigant, ut contra cete, quę illis ingentia errant, se defendant, tyntinabula à prora & puppi suspendunt, quorum sonitu deterrita, ad naues non appropinquant. Nearchi classis in Arabicum sinum nauiganti maximũ terrorem Physiteres iniecerunt, quod eiusmodi nimbos anhelarēt, ut quę posita ante pedes essent, uideri non possent. Cum autem ad nauigandum duces illis timentibus indicassent beluas esse, quę facile ex tubarum sonitu perterrentur, Nearchus naues in nimborum inflatos fluctus propelli ac beluas tubarum clamore obstrepi iussit, ex autem concitãdis fluctibus contra puppim speciem præ se pugnæ ferebant: ueruntamen quã mox tempestates cõmouere desistentes, in imam maris sedem se abstruserunt. Iam ut uiuæ ad terrã haud quaquam solent appropinquare, sic mortuorũ ossa in litus expelluntur, atq; eijciuntur, quibus Ichthyophagi

phagi tecta conficiunt, qui diuitiores sunt, eorū grandioribus ofibus pro materia utuntur, & ex cralsioribus portas conficiūt: à bonis inopes ex spinis eorundem domos ædificant.

## GYLLII ACCESSIO.

Quemadmodum capiuntur cete. CAP. VIII.

**C**ete in alto uersantur, & semper inexplebili cibi chelluatione flagrant. Quisnam cibus tantus erit, ut ad illorum gurgitem ac uoraginem explendam satis esse possit? Omnia cetacea exceptis canibus, tarda in natando sunt, neque sine pisciculo duce quoquam progrediuntur. Hic singula illis ostendit, siue præda capienda sit, siue quodpiam periculum instet, siue propinqua uada uitanda: huic ad solam caudæ motionem illa parent, per hunc audiunt & uident, neque tantopere uastis beluis uires profunt, quàm astutia paruuli pisciculi. Quamobrem astutus piscator ut huiusmodi beluas capere possit, uaria & multiplici escarum illecebra, hunc primum capit, deinde nullo labore monstra comprehendit: neque enim à duce orbamplius maris uias uident, non propinquum periculum sentiunt, sed tanquam pondera quædam temere uagantur, ignara quò nam fluctibus deferantur. Nam quòd duce priuata sint, & carnea mole in oculos emittente, eorum aspectus tenebris circumfundatur: Ideo ad scopulos & littora offensionem accipiunt. Tum robusti piscatores ex eiusmodi beluis quampiam in-

M : fidijs

fidijs attentare deliberant, sed primo illius magnitudinem pondusq; coniecturis assequuntur. Hæc autem signa sunt magnitudinis si illius uertex extra aquam paululum eminent, nō obscura significatio est, beluam ingentem esse; quòd si dorsum bene emineat extra summam aquam, non tanta est: nam minores quia leuiores sint, idcirco altius eminent. Piscatores huic robustissimum hamum ad catenam ferream alligatum projiciunt: hæc ut escam uidet, nulla cunctatione interposita, effreni auaritate eam appetit, atque statim ferro eius guttur transfigitur, cuius dolore incitata, catenam exedere & conficere conatur: quod ipsum postquam diu multumq; conata est, accerrimis doloribus affecta, in pelagi profundum demergitur, atque omnem funem, huic relaxant, quòd nullis uiribus humanis retrahi possit, & facili exagitata fera nauem cum remigibus in profundum retraheret: simul & amplos utres uenti plenos ex funibus appensos beluæ mare subeunti obijciunt: Illa uulneris dolore stimolata, non utres contemnit, imò uel maxime reluctantes & summam aquam semper appetentes, in altitudinem maris deprimere conatur. Cum autem peruenit ad imam maris sedem defatigata quiescit, ingentes fluctus anhelans: at enim quiescere cupientem utres non permittunt: sese in sublime efferentes: Itaque contra hos renouat atque instaurat pugnam, & iterum ac sepius frustra utres detrahit, nam hi sursum uersus subuolant, Illa

uero

uero grauiter dolens , rursus profundum petit , & modò alieno impulsu , modò sua sponte trahitur , & tantopere furit , ut existimes sub fluctibus Boream stibulari : tandem in summo mari fluitantem , alij hastis , alij tridentibus , alij securibus cædunt , & multa uerberatione expugnata , in littus expellunt , atq; eijciunt.

## De Tritonibus.

## CAP. IX.

**E**T si non admodum explicatam rationem ad demonstrandam Tritonum formã piscatores afferre posse dicuntur , magna tamen fama est in sermone hominum sanè multorum , cete quædam à capite ad medium corporis humanã speciem , similitudinẽq; gerentia in mari nasci. Demonstratus in libris quos de piscatu conscripsit , conditum Tritonem in oppido Tanagra spectatum fuisse , cætera quidem , sicut idem ait , fœcis & picis similem : eius uero caput , quòd ueritate obscuratum esset , & euanisset , non facile intelligentia comprehendere & percipi potuisse : sed ad solam tactionem illius squammas asperas & duras dilapsas fuisse. Idemq; assertit , quempiam ex magistratibus Græciæ , qui sortitione facta annum magistratum gerunt , cum eius naturam exquirere expeririq; uellet , paulum quiddam de corio detraxisse , atque in succensum ignem iniecisse , idq; ambustum in circumstantium nares teterrimum odorem immisisse : Neq; uero , quemadmodum inquit , terrenum ne an marinum esset animal coniectura assequi poteramus.

PAufanias scribit se Tritonem Romæ uidisse, cuius capitis coma eiusmodi esset, qualis ranarum palustrium, pilos non alios ab alijs distinxisset. Reliquum corpus squammis tenuibus inhorresceret, brachia sub aures subijcerentur, nasus ab humano dissimilitudinem non haberet. Præterea adiungit, cum ore ampliore, & dentibus ferinis, & oculis glaucis fuisse, tum manuum digitos unguibus cochleæ testarum similibus instructos habuisse: eidemq; caudam sub alio pro pedibus, ut Delphinis, fuisse. Cum Venetijs essem, quidam Dalmatæ, spectata fide uiri, mihi religiose testati sunt, se ad oppidum Dalmatiæ, Spalatium nuncupatum, uidisse marinum hominem, qui se spectantibus summum terrorem iniiecisset. Cum se in terram incitauisset, ut mulierem, quæ circum litus fortè tum uersabatur, corripere: uerum ubi eam fugere prospexisset, statim ad mare regressus, inam maris sedem petiuit. Eundem mihi descripserunt, hominis omnino speciem similitudinemq; gerere. Itemq; magna fide homines, qui ad mare rubrum permultum temporis uersati essent, sanctissima asseueratione mihi affirmarunt, illic marinos homines sæpe capi solere, quorum durissimis pellibus calceamenta tam robusta conficiant, ut ad quindecim annos durent.

Non igitur quod de Tritonibus, & Nereidibus, hominibusq; marinis iam usque ab heroicis temporibus

ribus in sermonem hominum uenit, uanum esse constat. Cum ex Plinio, tum ex hominibus, & patrum & memoriarum nostrarum: nam ut præteream ueteranos piscatores, qui mihi testati sunt, cum mare uicinum est ad parandas tempestates, se ex alto humanos gemitus sæpe exaudiuisse. De bonis item autoribus accipi Theodorum Gazam cum in Peloponneso esset, inter plures beluas, tempestatibus in littus expulsas, Neceidem uiuam spectauisse, facie & humana, & pulchra, corpore squammis umbilico tenuis obducto, cætera locustarum caudæ similem fuisse, & per multa multitudine, quæ ex omni uicinitate ad huius spectaculum concurrerat, circumfusam, humanos gemitus, & lamentationes edidisse: ac denique magnam uim lacrymarum profudisse: quod ipsum cernens Theodorus, natura ad misericordiam procliuus, effecit, ut populæ corona ei de uia decederet. Hæc sentiens sibi reditum patere, sensim brachijs & cauda ut maxime poterat, adrepit ad mare: Cumque magno impetu sese præcipitem egisset, ad punctum temporis ex hominum conspectu sese in maris altitudinem eripuit. Item ex ijs qui consuetudinem habuerunt cum Georgio Trapezuntio accipi, cum hic ad quemplam maritimam fontem inambularet, eximia formæ pulchritudine puellam uidisse, extra aquam pubetenus eminentem, & tanquam lasciuia gestientem, modò in inam sese abdere, modò ad summam aquam frequenter tandiu efferre, quoad conspectam se sentiens, nusquam

postea comparuit. Cum nuper Malsiliæ essem, piscator & senex, & probus mihi narrabat, se puerum de parente suo audiuisse regi Renato à piscatoribus captum muneri missum fuisse marinum hominem. Et similiter Alexander Neapolitanus ait, Draconettum Bonifacium civem suum sibi narrasse, dum in Hispania militaret, non dissimilem hominem marinum ex Mauritaniae oceano ad regulos suos, sub quibus stipendia faceret, allatum fuisse: senili facie, capillo & barba horrida, colore caeruleo, & maiore proceritate quam humana, tum pinnis membranula interlucente intertextis. Idemque affert, Tritonem in Epiro mulieres quæ de iugi quodam fonte maritimo ad hauriendam aquam proficiscerentur, ex occulto observare solitum fuisse, ac si solam haurientem aut spaciantem in litore animaduerneret, ipsum ex latebris pedetentim ad eam accessisse, & vi compressisse, & arreptam concubitus causa sub undas subijcere solitum fuisse. Cuius quidem facinoris fama cum ad accolæ emanasset, etiam atque etiam diligenter observare coeperunt, & laqueorum insidijs positis, paucis diebus eum comprehenderunt: veruntamen cibum sumere recusantem, inedia & tædio extabuisse, & diu vivere extra aquam non potuisse. Peruagatum est eos ueneris libidine in mulieres flagrare: itaque Epiroticos qui fontem illum accolunt edixisse, ne postea nisi in uirosum comitatu mulieres locum illum obirent. Et hæc è multis quæ mihi de ijs decantata sunt, præstrinxisse satis sit.

De



De Cetis quæ & Rotæ appellantur. CAP. XI.

**C**ete immensa corporis mole exaggerata, in altitudine maris uersantur, & uero fulcinis feriuntur. Inter huiuscemodi beluas numerantur, quæ Rotæ appellantur: Hæc gregatim natant maxime prope Athonem montem. Eas non fortes esse ferunt, earum uertices apparent, & adeo longis sunt hirsutæ spinis, ut hæc extra mare eminent. Cum remigationis strepitum perciperunt, tum circumuersantur, & circūuoluuntur, ut quàm altissime sese in profundum destrudant, rursusq; ex imo gurgite ad summum sese efferentes, reuersiones in orbem faciunt, unde nomen traxerunt.

De marinis Arietibus. CAP. XII.

**M**arini arietes, quorum quidem nomen apud multos peruagatum est, sed non tamen historia omnino explicata, nisi ex ea parte, quatenus à pictoribus & scultoribus ostenditur. Circa Corsicum & Sardoum fretum hybernant, atque ex summa aqua eminentes spectantur: Simul & maximi delphini circum eos natant. Mas aries frontem alba uitta redimitam habet, ut uel hanc Lyfimachi, uel Antigoni uel alterius cuiuspiam regum Macedoniæ diadema dicas. Aries uero fœmina quemadmodum barbæ appendiculas gallinacæ quasdam possident, sic ipsa cirros ex imo collo pendentes habet: neq; modò eorum uicrç; mortua, sed & uiua corpora ex est, & con-

N ficit:

ficat: in natando magnos fluctus facit: tempestate quā ex sua agitatione ciet, naues funditus euerit, ac eos qui secundum mare uersantur, rapit. Iam porrò qui Corsicam incolunt, dicunt, uirum qui ex tempestate naufragium fecisset, natandi bene peritum, ubi per multum maris natando transmisisset, circa Corsicam crepitudinem quandam affectum ascendisse, ibique constitisse: post uero quā aries eum oculis comprehendisset: posteriore sui parte plurimum mare concitasse, deinde ab intumescente æstu elatum instar procellæ & turbinis hominem corripuisse. Itemque tanto narium robore prædita est huiusmodi belua, spiritum ut uehementer & permultum anhelet, & immensum aëra respiratione ad se attrahat, eaque aspiratione marinos uitulos ad hanc rationem comprehendat. Cum enim arietem nouerunt uicinum esse, ad moliendas sibi ipsis insidias, in terram celerrime enatantes, in subterranea saxa conduntur: is cognita fuga, insequitur, & contra antrum stans, ex corporis odore prædam intus esse percipit, & narium illecebra quadam acri inter se & uitulos aërem intermedium attrahit. Hi tanquam uel sagittam, uel spiculum, sic sanè illius appulsum declinant, & refugiunt. Tandem tamen uolētissimo anhelitus ductu inuiti, & tanquam loris quibusdam, aut funibus constricti, ex latebra extrahuntur, & ab ariete deuorantur. Ex earum naribus enatos pilos harum rerum periti magnos usus asserere testantur.

De Del

De Delphini amore erga suam procrea-  
tionem.

## CAP. XIII.

**M**ulierum in filios studium magnam quidem ho-  
minum admirationē habet. Veruntamen pers-  
picio filijs qui è uita exceſſerunt superesse matres,  
nec ex eorum casu more delphinorum perire, sed tris-  
titia mitigata, in doloris obliuionem uenire. Del-  
phinus autem foemina, omnium maxime animalium  
corū quæ procreauerit, studio tenetur. Ex sese gemi-  
nos parere solet. Cum autē piscator aut tridente eius  
procreationem uulnerauit, aut hamo cæpit, enim  
uero longi hami ex parte superiori ad quam funis  
alligatur perforati, cuspides uncinatæ defixæ in Del-  
phini corpore cum retinent, is quandiu in omnes  
partes resiliendo uersans aliquod robur habet: Pis-  
cator funem relaxat, ne uibrumpatur, cuiusq; cul-  
pa cum ferro delphinus discedens ex captiuitate eua-  
dat. Cum autem ex uulnere delphinum labori suc-  
cumbere atque aliquantum de contentione insultans  
di remittere piscator animaduertit, sensim ad nauim  
subducit, prædaq; potitur. Iam uero mater nec cas-  
tuli sui casum perhorrescit, nec metu reprimitur, sed  
incredibili desiderio filium insequitur, & quòd fi-  
lium in media cæde uersantem sibi deserendum non  
existimat, nullis terroribus ab insequendo deterres-  
tur, atq; adeo eam filio uenientem subsidio percutere  
manu facile est, ut collibuerit uolenti cedere: unà cum  
filio capitur, cui sese ex periculis seruare & discedere

integrum erat. Ac si adfint ei ambo catuli, intelligatq; alterum læsum eſſe, atq; ut diximus, captivum abduci, integrū alterum caudæ verberatione perſequitur, ac mordicus premens ablegat, atq; aſpirationē occultam mittit, tanquā tefſeram, ut fuga ſalutem adipiſcatur. Cuius admonitu diſcedit ille, ipſa uero remanet, ut capiatur, atq; ſimul cum filio altero moriatur.

Quemadmodum Delphinus ſemper mo-  
uetur.

C A P. XIII.

**D**elphinum perpetuo motu præditum eſſe ſerūt, nec quoad uiuit, ne dormiens quidem à motione conquieſcit: Cum enim neceſſe habet dormire ex alto ad ſummam aquam elatus, ut totus uideatur, dormit: non enim ſomni expers eſt; atq; ita dormiēs, in profundū tandiu depellitur, quoad imam ſedem maris contingat: ad quam poſtquam funditus delapſus eſt, terrę pulſu è ſomno excitatur, deinde ex alto emergit, ac repetito ſomno ſimiliter atque prius ad maris fundum appulſus, expergit, tum ruruſ eminet extra aquam, & hoc ipſum ſæpe facit, eamq; ob cauſam inter quietem ac actionem agens, nunquā omnino à motu quieſcit.

Defunctos ſui generis Delphini ſepeliunt.

C A P. XV.

**M**ortuorum etiam memoriam delphini tenent, & ſuos gregales extinctos non produunt, imò uero defunctos in imum delabētes, cum ex altitudine ad

ne ad summam aquam alleuant, tum ad cōtinentem uelut funere illos efferentes, hominibus ipsos sepeliēdos tradunt: post uero sequitur magna Delphinorum multitudo, tanquā funeri operam dantium, atque in extinctos honorem cōferentium, sanēq; eos ab impetu aliarum beluarum ne deuorentur defendentium. Itaque homines rei musicæ intelligentes reuerentiā studiij in Delphinorum musicam adducti, humatione eos afficiunt. Vos uero inscitix ueniam agrestibus hominibus qui à musis auersi sunt, Delphini tribuite, quandoquidem uel ipsi Athenienses Phocionem probum uirum inhumatum proiecerūt: tum Olympias, quæ filium Iouis peperisset, ut ipsa gloriabatur, & ille profitebatur, insepulta iacuit, Pompeius Magnus cum tot tantasq; res præclaras gessisset, summis uictorijs partis, de triplici orbis parte triumphasset, interfectoris sui patrem seruasset, & in regnū restituisset, Aegyptij non modo interfecerunt, sed capite mulctatum, proiectum ad littus reliquerunt.

Omnium uelocissimi sunt Delphini. CAP. XVI.

**N**ON modo aquatiliū bestiarum, sed etiam terrenarum omnium Delphinus uelocissimus, & ad salientium præstantissimus est, nauium enim, sicut Aristot. dicit ait, malos transilit, & causam conatur afferre eiusmodi. Quemadmodum enim urinatores animam continent, sic ille primo spiritum comprimit, deinde corpus sicut sagittam neruo expulsam iaculatur, nam spiritus intus compressus, & illum urinatores

N 3 tores

tores impellit, & iaculatur.

De amore Delphinorum in suum genus.

CAP. XVII.

**V**Rbs Thraciæ, cui nomen est Aenos, præclarum dat testimonium Delphini amoris, quem erga suam nationem habet. Cum forte euenisset, Delphinus ut uulnere accepto, non mortifero quidem, sed sanguinem mittenti, caperetur: reliqui non comprehensi, id ipsum ut senserunt, maximis saltibus ad portum gregatim profecti, probe studium suum captiuo nauarunt. Paruuli Delphini cum ijs qui sunt confirmata ætate ideo natare solent, quia nondum ex ætatis infirmitate soli audent. Hi igitur adolescentes de suis periculis pertimescentes, captiuum deseruerunt. Natu maiores, tanquàm socium quendam homines genere se contingentem, sic ij tristes pergebant illum comitari, & magno studio subleuare: Cum uel homines ipsi cum intimis & necessarijs infelicibus suis studium & curam perraro communicare soliti sint.

De Delphino oppidi lassii.

CAP. XVIII.

**A**D lassium urbem Delphini amores iandudum decantati erga formosum puerum, nō sine mea commemoratione, & literarum memoria mihi relinquendi uidentur: Itaque cum lassium gymnasium, ubi pubes lassia exerceri solita esset, mari adiaceret, unde pueri, qui nondum ex ephebis excelsissent, post exercitationes in curriculo ad mare peruenientes, ansiquo more lauarentur, ex ijs natantibus ad unum aliquem

aliquem formæ pulchritudine præstantem Delphinus quem ardentissime amaret, proxime profectus, primò exterruit puerum, pòst uero consuetudine uterq; in alterius amorem se insinuans, beneuolentiã coniuncti fuerunt, atque inter se firmam amicitiam fecerunt: ac iam inuicem ludere cœperunt, modò adnantes inter se certabant, modò puer tanquam pulum equisò, sic in Delphinum subnatantem ascendens & audacius exultans, in amasiò sedebat: quod quidam facinus summam Iassensium & hospitum admirationem habebat. Enimvero Delphinus puerũ amores ac delicias suas uelens longissimè in mari procedebat, atque adeo tam longe, quàm puero infedenti placeret, progrediebatur: Deinde ex alto reuertens, eundem illum littori reddebat, atque mutua dimissione uterq; ab altero, hic quidem in maris altitudinem, ille uero domum suam discedebat. Iam porrò ad tempus cum gymnasiã dimittebantur, ad excipendum puerum Delphinus præsto erat: Puer autem cum ex amasiõ expectatione, & eius collusione uoluptate afficiebatur, tum supra humanam conditionem formosus circumspiciebatur, qui sanè non modò hominibus, sed beluis quoq; ratione carentibus formosissimus, & si non certe diu, uideretur: siquidem fato quodam succubuit. Cum enim permultum se exercuisset, & currendo defatigatus esset, supra dorsum Delphini seipsum temerè iniecit, non animaduertens aculeatam spinam dorsu erectam esse, atque horrens

tem, cuius acuminibus eius umbilicus quia exulceratus esset, ex eo factum est, ut & uenæ quædã abrumperentur, & permultus sanguis efflueret, ibiq; puer extremum spiritum effunderet. Id Delphinus partim ex pondere sentiens, non enim iam ut consueuerat tam leuis & expeditus infidebat, nempe qui spiritibus sese non subleuaret, partim sanguine imbutum mare cernens, id quod res erat ut intellexit, amasio suo superstes uiuere noluit. Quamobrem multo robore quemadmodum nauis remigatione & plenis uelis propulsa, sic simul cum defuncto in littus se expulit, atque eiecit, amboq; hic iam quidem mortuus, ille uero animi defectione exspirans, humi strati iacuerunt. Laus ð bone Euripides non tale facinus propter Chrylippum cõsciuit, quamuis, sicut tu ipse ais, & fama docet Græcorum, primus pueros amare ceperit, lassenses ciues, ut illorum uehementem amorem cum honoris gloria compensarent, sepulchri monumentum commune utriusq; & formosi pueri & Delphini amatoris constituerunt, & statuam quæ forma eximia puerum in Delphini dorso sedentem haberet, excitarunt, atque etiam numismata ex argento atque ære fecerunt, & eorum imaginibus signauerunt, ad demonstrandum utriusq; miserabilem casum, ac nimirum tantum facinus memoriæ tradiderunt, ut dei amicum honorarent. In urbe Alexandria Ptolemæo secundo regnante, simili amore Delphinum flagrasse audio, quæ si Herodotus nouisset, minus sicut mihi



mihî uideatur, ea quæ de Arione Methymneo dicuntur, miratus fuisset.

Parem gratiam Delphini bene de se meritis  
referunt.

C A P. X I X.

**A**D referendam gratiam delphini hominibus iustiores sunt, cum tamen lege Persarum quâ laudibus tollit Xenophon minime teneantur. Cceranus sic nuncupatus, natione Parus, à piscatoribus delphinus ad Byzantium captus argento redemit, & liberos dimisit: ex ea libertatis largitione hanc collegit gratiam, ut naue quam uiris (sicut in sermonē hominum uenit) Mileijs uectoribus plenam duceret, in medijs angustijs Parisj maris funditus euerſa, & uectoribus naufragio perditis, illum ipsum delphini ex hoc periculo seruarunt, eiq; ad parem gratiam cum beneficio quod priores ab ipso accepissent, persoluedam satisfecerunt: quod quidem ipsum saxum nomine Cceranium, quo ipsum exposuerunt, facile ostendit. Itaque postea Cceranum mortuum secundum mare illud cognitione ei proximi sepultura affecerunt: quod quidem ipsum, ut delphini senserunt, frequentes tanquam ad iusta funeri persolueda ad littus conuenerunt, & quoad pyra arderet, tandiu sicut amicis fidi amici permanserunt: Deinde restituro rogo discesserunt. Non item certe homines ac potius uiuos colunt, & eos quidem diuitijs diffuentes & opibus. Contrà uero ab ijs defunctis & si iustis exequiarum carent, se totos auertunt, ut ne gra-

○ tiam

tiam pro beneficijs, quibus ab eis dum uiuere, affectu fuerunt, persoluant.

De amore & musicæ studio Delphinorum.

C A P.

XX.

**Q**Vanto Delphinis in studio musica sit, ex Arione Methymneo Aegyptij & Lesbij testantur, quâtoque ijdem ipsi amatorio affectu flagrent, Theitæ delphini de amore erga eleganti forma puerum prædicant. Leonida autem Bisantius in urbe Pleroselino nuncupata, se cum Aeolida nauigando præterueheretur, delphinum in illius portu urbis habitantem, ciuibuscque huius tanquã hospitiibus suis utentẽ uidisse confirmat. Idemque affert hunc delphinum de manu aniculæ cuiuspiam, eiusque mariti educari solitũ fuisse, plenosque inuitamentis cibos illi ab eisdem suppeditatos fuisse: neque tamen, puer cum eis esset infans pariter alendus, illum alere destitisse, sed ambos educasse: ex quo conuictu delphinus puerque mutuum inter se amorem conciliarunt. Delphinus urbem, quam dixi, ueluti patriam suam flagranti studio amplexabatur, portumque tanquã domum suam amanter incolebat, & suis nutricijs gratiã educationis sic persoluebat, ut cum ætate grandis factus esset, deque manu educantiũ cibum capere non haberet necesse, iam longius progrediens, & ex prædis quas capiebat partim sibi ad prandiũ haberet, partim suis educatoribus adferret: unde fiebat hi uehementissime lætarentur, ab eoque illud

lud uectigal acerrime sibi & puero expectarent, nos  
 mentis similiter delphino ut puero imposuerat. Puer  
 ex illa uiuendi cum delphino consuetudine hanc col-  
 legerat fiduciam, ut ex erepidine, locisque è mari emi-  
 nentibus illum auderet appellare, facileque ad se leni  
 appellatione euocaret, ac siue ille remigatione quan-  
 dam contenderet, siue cum alijs gregatim errantibus  
 lusione aliqua delectaretur, totum gregem prae studio  
 festinandi uenire ad puerum desultaret, siue multa fa-  
 me pressus uenaretur, illum tamen puer tanta celes-  
 ritate reuocabat ut uehementi impetu more nauis ple-  
 nissimis uelis impulsæ ferretur, atque ad puerulum ap-  
 propinquans, ad illum luderet, & adsiliret, nunc cir-  
 cum illum adnans, nunc illum ipsum uelut prouo-  
 cans, ut ad certamen secum amasium suum alliceret.  
 Haec cum delphino qui uctulis & puero uectigalis  
 esset praedicata, tum alia pleraque quae urbs illa habes-  
 bat, spectaculum praetereuntibus dare solebant.

De Piscatorum Euboicorum communione praedae  
 cum Delphinis.

C A P. XXI.

**E**vboicorum hominum sermone huc narratio que-  
 dam perlata est, illorum piscatores pariter aqua-  
 literque cum delphinis pisceis quos caeperint commu-  
 nicare audio, ad huiusmodi piscatum tempestatum  
 quietem opus esse, id quod si acciderit, tum de prora  
 laternas quasdam piscatores suspendunt, quae etsi  
 intra se ignem habeant, sic tamen lucem transmittunt,  
 O : ut ignis

ut ignis quidem obtegatur, lumen uero transluceat, piscibus splendor timorem facit, & molestiam affert, quare insidiarum ignoratione obstupescentes quid sibi uelit quod uident appropinquare aggrediuntur, causam tanti sui timoris cognoscere studentes, Cuius rei consideratione perterriti, aut ad saxum quoddam stant frequentes cum tremore & metu, aut ad litus impulsu exiliunt, sic obstupefacti, ut de caelo tacti esse uideantur, facileq; iam sit tridente percutere. Delphini cum ignem à piscatoribus incendi animaduertunt, seipsos statim ad subsidium ijs ferendum comparant, & illi quidem sensim & pedetentim remigant, ij uero formidine exterrentes impellunt pisces, eorumq; effugia reprimunt, ne elabi queant; ij igitur & ex delphinorum natatu, & piscatorum remigatione undique in angustias compulsi, quòd sentiunt sibi nullum ex tantis angustijs exitum patere, idcirco stant & manent: unde efficitur, ut eorum magnus numerus capiatur. At tum delphini uelut repetentes communis laboris remunerationem, sibi debitam ex illa piscatione, eo procedunt, quibus prædæ auxiliatoribus si cum fide & grato animo piscatoris æquabilitatem distribuunt, persuasum his habetur, qui in re maritima uersantur, rursus ad piscandum, etiam si minus inuitentur, adiutores fore: sin autem piscatores prædam cum his communicare omiserint, hosteis experientur, quos antè amicos habuerant.

## GYLLII ACCESSION.

Quemadmodum ad Puteolos puerum Delphinus amavit.

CAP. XXII.

**A**Tque ut magis ætatis nostræ permulti homines ab omni ingenuitate disciplinarum auersi, ad animalium sensum agnoscunt, nisi quem palatus sapit, adiungam quæ Appion Aegyptiacorum libro quinto scribit, se ad Puteolos uidisse Delphinum, cum à puero quem uehemēter amabat, Simon appellaretur, ad eum ipsum accedere, & pinnarum aculeis quasi uagina inclusis, ne amans læderetur, ascendenti dorsum præbuisse, & insedentem sæpe triginta passuum millia peruexisse: ad quod spectaculum Roma atque ex tota Italia concursum factum fuisse: ac nimirum postea quàm puer ex morbo periisset, Delphinum sæpe ad consuetum littus adnare solitum fuisse, cumq; tandem puerum in primo uado se expectare solitum nusquam uidisset, eius desideratione extabescentem uitam amisisse, in pueriq; sepulchro sepultura affectum fuisse.

De natatione Delphinorum.

CAP. XXIII.

**D**elphinus scemina similiter atque mulier mammas habet, simul & uberrimo lacte catulos suos lactat: ex ætatum ratione dispositi, gregatim natant, etenim per paruuli etiam nunc ex ætate infirmi in primo ordine locantur, hos natatione proximi sequuntur qui sunt confirmata ætate: nam Delphinus cum ca-

O 3 tulum

tulorum suorum amantissimum animal est, tum de  
 ijs uehementer metuens, diligenti custodia eos conser-  
 uat: ac nimirum sic natant, ut tanquam in militari cu-  
 neo alij in prima acie, alij secunda, alij tertia constituã-  
 tur: natu minimi ante prænatant, post uero hos foc-  
 minæ sequuntur, deinde mares extremum agmen du-  
 centes, filiorum & uxorum nationem inspiciunt, atq;  
 obseruāt. Quid ad hos Nestor bene Homere? quem  
 ais ad instruendas acies principū suæ ætatis præstan-  
 tissimum fuisse.

De eorum intellectu & prudentia,

CAP. XXIIII.

QVAM uehemēti Delphini musicæ amore tenē-  
 tur, quamq; admirabili ad uocis cantum studio  
 concitētur, sermone & literis multorum longe lateq;  
 peruagatum est: quàm item hominum amantes sint,  
 cum alij pleriq; scripserunt, tum nos, ante explicauis-  
 mus: nunc iam de intelligendi prudentia dicere, non  
 alienum est. Simul enim ut in retia Delphinus inci-  
 dit, statim primo quidem quiete & libere manet, neq;  
 omnino fugere meminit: sed & epulatur, & alios se-  
 cum captos depascitur, & tanquam huic condictum  
 esset conuiuium, ex ijs exsaturatur. Deinde cum se  
 extrahi atque ad littus appropinquare intelligit, den-  
 tibus lacerato reti, è seruitute liberatur. Iam si quan-  
 do piscatores posteaquàm captiui Delphini nares ho-  
 losceno iunco traiecerint, quodam obsequio atq; in-  
 dulgentia cum ex potestate idcirco dimittant serui-  
 tutēq;

tutēq; liberent, ut hæc notionis nota iniusta, si iterum capiatur, apertiora det indicia, se aliàs captum & seruatum fuisse. Is uelut indicium & notam pristinæ captiuitatis ueritus, non amplius ad saginam appropinquat. Cum Delphinus quispiam comprehensus in piscatoriam subtractus esset, alij tum permulti nauiculam hanc circūnantes, tandiu se ibi crebris saltibus uersarunt, & tanquàm piscatoribus pro huius salute supplicantes, prouoluerunt, dum piscatores ad captiui misericordiam inducti fuissent, eisq; ita suppliciter quasi petentibus celsissent, atque irretitum ex uinculis in libertatem expediissent.

## GYLLII ACCESSIO.

Quemadmodum Delphini lugent suam mortem.

CAP. XXV.

**A** Delphinis captis tanti fletus gemitusq; sunt, ut cum in nauī, ubi permulti Delphini tenebantur, pernoctarem, mihi acerbissimum dolorē inuulerint: adeo eos animaduerti humano gemitu, & lamentatione, & magna lachrymarum uis suam conditionē deplorare, ut ego huiusmodi piscium misericordia lachrymas tenere non potuerim: ut proximum, quem magis genere sentiebam, dormiente piscatore in mare abiecerim: malui enim lædere piscatorem, quàm mihi ad pedes stratum, quasi supplicantem nō subleuare: sed nihil promouī hoc abiecto, reliqui alij magis magisque gemitū auxerunt: ut non obscuris signis mihi uiderentur petere similem liberationem. Itaque

○ 4 totam

totam noctem in acerbissimo luctu uersatus sum.

GYLLII ACCESSIO.

De coitu Delphinorum.

CAP. XXVI.

**D**elphini similiter atque homines complexu uenerco iunguntur, atque horum penis perinde quasi hominum arrigitur: non enim semper patet, sed occultatur. Cum autem ad coitionem inflammatur, extra eminentem proferunt: horum foetus uel à partu recentes circum matrem natantes saluunt, modò in maternū os intrans, modò circum oculos erraticà natatione uersantur. Hæc uero eos incredibili gaudio perfusa circumplectitur, & mammas in singulos dispertit, eisdemq; iam admodum adolescentibus ad natandum dux existit, & docet quemadmodum pisces comprehendere oporteat; neque prius quàm confirmatori ætate sint, à parentibus discedunt: neq; hominum quisquam tam auersus est ab omni humanitate, quin ex natatione ipsorum summam uoluptatem capiat, cum mari tranquillo, uentisq; leniter flantibus, Delphinorum gregem uideat natos antegredientes, uarium & multiplicem pinnarum gyrum agere, atque à tergo parentes uenientes obseruare catulos suos, nèue in beluas incidant, nèue etiam piscatorum insidijs attententur.

GYLLII ACCESSIO.

De præstantia Delphini.

CAP. XXVII.

**I**n omne propemodum piscium genus dominatur; neque modo robore præstat, sed & formæ pulchritu



pulchritudine & celeritate excellit : nam tanquam sagitta neruo expulsa, sic ad natandum uelox est. Et similiter atq; uolucris aquila, terrenis leo imperat, & serpentibus draco, in piscium natione hic dominatur : neq; enim ad eum pisces appropinquare, neque intueri audent: quòd sanè eum regem suum timeant. Is cum cibum inquirat, multos piscium greges turbat, eorūdemq; longā & latam fugam facit, omnesq; maris meatus timore implet : nimirum optimum quenq; diripit & prædatur.

De mansuetudine & diuinatione Crocodilorum. CAP. XXVIII.

**D**E Crocodilis hanc etiam auditionem ex Aegyptijs accepi, sacros esse, & mansuescere, & à ministris se facile contrectari sustinere, & sibi frustra escula lenta in dentes insita, extrahētib; patulum os præbere, atque antiquiores & præstantiores diuinatione pollere, Aegyptij ferunt : idq; Ptolemæi testimonio comprobant: eum sane cum ex crocodilis antiquissimum & præstantissimū appellaret, non exauditum fuisse : cum cibaria ei comedenda obieciisset, reieciisset: inde sacerdotes collegisse, ex Ptolemæo idcirco crocodilum, quòd eum uicinum ad moriendum prænosceret, cibum capere noluisse.

De Crocodilo & Trochilo. CAP. XXIX.

**C**um his qui sibi adiumentum importare queunt, etiam acerrime fera animalia pacem gerunt, & foedere deuinciuntur, ingenitoq; sibi malo se exsoluunt.

uunt. Cuiusmodi Crocodilus censendus est, quē inter natandum hiantem hirudines in illius os innatantes referciunt, cum molestiam illi exhibent: id ille sentiens, Trochilo ad medicinam dolori suo faciendam eget. Itaque hirudinibus ubi confertus est, ad litus progressus, & solis radios intuens aduersos maxime hiat: tumq̄ trochilus in illius fauces rostrum inserēs, hirudines extrahit: quod facillime patitur Crocodilus, sentiens auxilium: ita fit, is hirudinibus ut prandeat, ille adiuuetur, proq̄ præmio Trochilo computat, quod nihil eum ledat. Ad hanc rationem de Nilo aquam haurientibus crocodili abstrusas insidias instruunt: nam per uirgulta, quibus sunt tecti: & intuentur, & subter ea ipsa natantes, & sic operti, se ad litus magnis saltibus incitant, confestimq̄ ex uirgultorum latebris erumpentes, aquatores dum aquam hauriunt uiolento raptu interceptos deuorant: quod quidem ipsum Crocodilorum malitiam & fraudem facile ostendit. Duo Crocodilorum genera Ganges fluuius generat. Horum alteri nihil nocent, alteri inexorabili atq̄ immisericordi in quilibet uoragine carniuori sunt. In eorum summo rostro, quiddam tanquam cornu eminent: his ipsis ad ministris ad ulciscendos maleficos, turpissimis iudicijs conuictos, Indi utuntur: nam eosdem rerum capitalium dānatos eis obijciunt: neq̄ ad percutiendos eos securi, laqueoue ad frangendam ipsorum ceruicem carnifice egent. In tam ualde magnā sæpe magnitudinem

rudinem excrefcit Crocodilus, ut Pſammithi Aegyptiorum regis tempore Philarchus uiginti quinque cubitorum dicat uifum fuiſſe: regnante Amalide, lex & uiginti cubita exceſſiſſe. Amometus in quadam Libyca urbe dicit Sacerdotes ex lacu quodam canitionum illecebris præſtrictos Crocodilos decem & ſeptem cubitorum educere. Ad comprehendendos homines, aliâſue beſtias, Crocodilo hæc eſt malitiâ & ueteratoria, ut quâ nouerit eos in flumen deſcendere, uel ad aquationem, uel ad conſenſionem in naues, uiam ore, quod quidem ipſum multa compleuerit aqua, de nocte madefaciât, præcipitem efficere ſuadens, quo faciliorem ſibi captu prædam reddat: ij ſane quoniã lubricum gradum ſuſtinere non queant, præcipites aguntur, & crocodili impetu cortipiuntur, & deuorantur. Iam tamen non pauca ſunt Trochilorum genera, & nomina, quæ ſane quidem quoniã durâ ſunt, & ab aure religioſa & terete auerſa, prætereo: haud quaquam cum ijs omnibus foedere deuincitur, amicitiamq; colit Crocodilus, ſed cû ſolo nuncupato Cladorincho ſocietatem, atque amicitiam facit. Enimvero nulla hic offenſione hirudines ei legere poteſt.

De Crocodilis & Accipitribus. CAP. XXX.

**C**rocodilus natura timidus, improbus, malitioſus, fallax cum ad rapinas faciendas, tum ad comparandas inſidias acerrimus, & promptiſſimus exitus,

P 2 ſtit,

fit, omnem strepitum perhorrescit, humanam uocem contentiorē extimescit: eos à quibus paulo confidentius inuaditur, reformidat. Tetryntæ, sic nuncupati Aegyptij, qua ex parte comprehensibilis, atq; expugnabilis sit, præclare intelligunt. Etenim eius oculos, quòd sint hebetes, planè sciūt peropportunos esse ad uulnus accipiendum: atq; etiam eiusdem uentrē, quia molli & tenui sit cute, idcirco commode feriri posse. Contra uero tergum, & caudā ab omni ictu inuicta ideo existere, quòd tecta sint, & quasi armata squamarum robore, testis, crustisue haud dissimilium. Ii igitur quos modo dixi populi, eos comprehendere soliti, tam ualde ijs ipsis inimico infensòq; animo sunt, ut illic fluuius à crocodilis tantopere conuiescat & liber sit, ut fidenter ibidem natatio exerceri possit. Non item in Ombitis, uel Coptitis, uel Arfinoitis tutum est aut pedes lauare, aut aquam haurire: sed neq; in ripis inambulare, nisi summa cautione, liberum est. Iam accipitrem Tetryntæ sanctissime colunt. Contra eos Coptitæ ut crocodilorum hostes odio adducti sæpe in crucem agunt. Porrò hi ob similitudinem quam cum aqua crocodilis esse affirmant, hos diuino honore afficiunt. Illi autem accipitrum genus adorant, propter comparisonem quam cum igne ijs esse affirmant: atque huius rei testimonium afferunt, quòd similiter atq; ignis hi ueloces & uiolenti sint, tum etiam aquam simul cum igne existere non posse afferunt.

Quemad

Quemadmodum erga Crocodilos Aegyptij  
sunt affecti. CAP. XXXI.

Crocodilorum colentes Ombitæ Aegyptij populi, sic hos dierum celebratione dignantur, quemadmodum magnificentissima celebramus Olympiæ certamina. A crocodilis suos liberos rapi mirifice gaudent, & matres ex eo magnam lætitiā voluptatēque capiunt: & simul magnificè, & amplè de se sentiunt, quæ nimirum deo cibaria pepererint. Contrà Apollonopolitæ comprehensos ex alto suspendunt, atque eos primum flebiliter gementes, permulta uerberatione affligunt: deinde ijs concisis uescuntur. Sexaginta dies uentrem ferunt, sexaginta oua totidem diebus ex sese pariunt, totidemque dies hæc fovent. Sexaginta uertebras in spina habent, quam totidem nervis alligatam esse ferunt. Curatio partus ab eisdem sexaginta diebus peragitur: annos uiuunt sexaginta: totidem dentes possident: totidem quotannis dies sine ullo cibo in latibulis quiescunt. Iam Crocodili qui in paludibus, manu Ombitarum factis, nutriuntur, eis domestici & uernaculi sunt, & se appellantes intelligunt. Capita idcirco hostiarum eis edenda obijciunt, quod ea ipsi non comedunt. Apollonopolitæ eiusmodi bestiam oderunt, quod dicant, Typhosnem eius formam induisse. Alij non ob eam causam, sed quod Psamnitæ regis iustissimi uiri filiam Crocodilus rapuerit, eius cladis recordatione suos posteros uniuersam eorum nationem odisse. Cum ex sese

P 3 pepc

pepererunt, hoc experimēto legitimū ab spurio interoscunt, ut si quid simul atque exclusus est, rapuerit, in reliquum tempus in Crocodilini generis numero lococq; à parentibus ducatur: sin ignavia eū ipsum tardauerit, ad comprehendendam alicunde aut muscam aut lacertulas, cum parens tanquā à se degenerantem, nihilq; ad se pertinentem lacerat, atque tanquā ad solis radios aquilæ suorum ingenuitatē experiuntur, sic celeri alacritate prædam capiēdi ij suos probant.

## GYLLII ACCESSIO.

De Crocodilorum pastu.

CAP. XXXII.

**A**D Arfinoen, ante Crocodilorum oppidū nuncupatum, Crocodili magnam religionem habent, ut eximie certo quodam lacu panis usu & carniū alantur, tum uini potione, quæ omnia à peregrinis, qui ad horum spectaculum ueniunt, afferuntur. Strabo dicit hospitem suum, honoratum uirum, secum placentas, & alias carnes, & plenum mulsi uasculum Crocodilo apportantem, ad lacum profectum fuisse, & beluam in ripa offendisse, eiusq; os partim ex sacerdotibus aperuisse, partim primum placentas in oris hiatum immisisse: post carnem, postremò mulsum iniecisse: Huncq; deinde in lacum insiluisse, & in contrariam ripam peruenisse. Atque etiam cum alius hospes dona eidem afferret, cum sacerdotibus lacum circumisse, inuentoq; crocodilo similiter obtulisse. Plutarchus commemorat quendam nomine Philinum

num, qui Aegyptum obiuerat, sibi narrasse, se in opido Antæo nuncupato, aniculum inspexisse, simul cum Crocodilo in lectulo dormire, eidemq; hūc portum adiacere. Si quando à petita præda oberrat, sibi ipse irascitur: animalia quæ caeperit, multa caudæ suæ uerberatione debilitat: nam in hac parte Crocodili præcipua uis est. Testudines & Crocodilos dicunt cum in terra partum ediderint, obruere oua, deinde discedere, ita & per se nascuntur, & educantur.

Est etiam admiratio in bestijs aquatilibus his quæ gignuntur in terra ueluti Crocodili, aquatilesq; testudines ortæ extra aquam, simulac primum niti possunt, aquam persequuntur.

FINIS LIBRI X.

P 4

# LIBER VNDECIMVS DE VI ET NATVRA ANIMALIVM

De Thynnīs.

CAP. I.



**T**EMPORVM commutationē Thynni sentiunt, Solstitia præclare noscunt, nihilq; ipsi ad hanc rem cœlestium rerum peritis opus est: ubi eos hyemis initium deprehenderit, ibi libenter cōmorantur, & ex eo loco ad uernum æquinoctium nō se commouent. Eisdem Aristoteles ait altero oculo acutius, altero hebetius uidere. In quem hoc idem cōsentit Aeschylus, cum inquit, Sinistrum oculū Thynni more intorquens, eocq; limi & obscuro aspiciens. Pontum ingredientiē, ad dextrum latus unde acrius uident, terram constituunt, egredientes ad contrariū littus se accommodant, & terram secundum eum oculum quo clarius uident, statuētes nauigant.

Cur uota nuncupent Neptuno Thynnorum piscatores.

CAP. II.

**C**VM Thynni circumretiti tenētur, Neptuno mariorum depulsori piscatores uota faciunt, ne Gladius piscis, neue Delphinus in captiuorum numero sit. Nam sepe Gladius, qui iam sit ætate confirmata, lacerato reti Thynnorum gregi irretito, ad se exuendum ex laqueis facultatem dedit, Delphinus etiam ad



ad moliedas retibus insidias acerrimus, ipsi perniciem affert. Quemadmodum in Propontidem Thynni innatant & enatant, supra scripsi: iam porro qui Hieracliam, Tion, Amasiam, ponticas urbes incolunt, planè sciunt quo anni tempore eiusmodi pisces èd accedant: Quare permulta contra eos instrumenta comparant, naues, retia, speculam in excelsum excitatam, quam in littoris eminenti loco, & circumspectum facilem habenti, defigunt: cuius conficiendi rationem molestum mihi non erit explicare: Tigna bisna excitant, intercepta & iuncta inter se, trabibus lateris & crebris immixtis, & facilem ascensum speculatori præstantibus, Singulæ naues utrinque sex iuvenes expedite remigantes habent, retia bene longa sunt, itaque uerno sole illucente, uentis placide & tranquillè flantibus, cælo læto & quasi ridente, conquiescente à tempestatibus mari, frequentes Thynnorum piscium greges in Pontum innatant: quod quidem ipsum simul ex specula prudenter & acute speculator prospexit, piscatoribus unde ueniant, denunciat. Hi ad uocis significationem retia tendunt, ac si intra retia ingrediantur, sicut dux exercitus, hoc ipsum signo dato edocet. Cum Thynnorum cohortes in altum sese incitauerint, is qui ex specula acerrima oculorum acie horum actiones obseruat, contenta uoce exclamat, rectè ad altum remigationem contendendam, illucque insequendos esse: hi porro alligato ad alterum tignum, quod speculum sustinet, perlongo retium fune, na-

Q ues.

ues ordine remis propellunt. Postquam enim singulis manibus rete distentum est, prima nauis, ubi suam retis partem cecit, discedit: hoc idem facit deinceps secunda, & tertia, & quarta: qui quintam remis impellunt, adhuc idcirco constantur, quòd hi nunquã laxare debent: Deinde alij aliò remigant, & pro se quisque retis partem trahit, postea quiescunt: Thygni circumuallati non se loco mouent, itaque comprehenduntur.

De Thygnis Bubonicis. CAP. III.

**A**D promontoriũ Bubonicum innumeræ Thygnorum gentes uersantur, eorũ maximè similiter ut fues soli, & separatim natant, alij more luporum bini proficiscuntur, alij quemadmodũ capræ, quæ in lactis passionibus gregatim pascuntur. Ex oriente Canicula & ingrauescente æstiuo calore, in Euxinum natant contendunt, & marinis fluctibus ab seruidè radiato sole calefcntibus, inter se uelut conferti contextique confertis turmis natant, & corporũ coniunctione ad perfruendam opacationem colligantur.

Quemadmodum Thygnorum piscationem Itali & Siculi nuncupant. CAP. IIII.

**T**hygnorum piscationem Itali & Siculi Cetiam appellare solent, tum loca quo hi abdi soliti sunt, tum magna retia, cæterumque instrumentum quo captari assucuerunt Cetotheria ideo nominant, quòd magnos Thygnos in numerũ reliquorum cetaceorũ referre uelint. Celtas audio, & Massilienses, atque omnem Africã maximis & firmissimis hamis ex ferro confectis

confectis Thynnos comprehendere solere.

GYLLII ACCESSIO.

De Thynnorum mathematica ratione.

CAP. V.

**A** Equinoctia & solstitia tam præclare Thynnus intelligit, ut ea etiam hominem doceat, neque ad eorum notionem Astrologicis canonibus eget: ubi enim cunctis terrarum hunc bruma comprehenderit, ibi tandiu commoratur, quoad æquinoctij tempus uenit. Nam quod ad cocundam societatem, & mutuam inter se amorem tuendum Thynnus arithmetice rationes opus sunt: idcirco mathematicam disciplinam exacte tenent, ut gregatim natantes, semper figuram quadratam efficiant, atque sex lateribus comprehensi, soliditatem ex semetipsis omnibus constituant, & quadratum ordinem ex omnibus lateribus in natando seruent, ut si speculator eminentes Thynnos probe numerare sciat, statim totius gregis numerum ineat, quod sane præclare teneat, altitudinem latitudini, & longitudini, æquali ordine respondere debere. Thynna nullum iniquiorem piscem censeo neque scelerationem in mari uiuere. Primum enim ut ex sese peperit, statim suam procreationem, quantacunque capere potest, immisericors deuorat.

De Siluris piscibus.

CAP. VI.

**I**N Bubasto Aegyptia stagnum est, ubi cicures per multi Siluri aluntur, & exultantes alij in alios saluant, & obiecto ad se nutriendos pane pascuntur: iidem etiam in fluminibus procreantur, ut in Cydno

Q. 2 Cilicis

Ciliciæ fluuiō: sed ij quidem idcirco minuti proueniūt, quòd eius confluens nitidus & frigidus sit, quo non ipsi delectantur, sed turbido potius, ac planè limoso, coctq; pinguescunt: & Pyramus quidem, atque Sarus Clices fluuij, eos longe pleniores ferunt, tum Orontes Syrorum fluuius eos progignit. Ptolemæus item fluuius, & Apamiense stagnum maximos generant. Permultis deniq; locis mansueti piscēs, & se appellantibus obtemperātes aluntur: ut in Epiroticæ, olim nuncupatæ Stephanepoleos, templo, atq; in Peloro Siculo olim Syracusiorū propugnaculo: tum in templo Iouis Labradei fons nitidus mansuetos piscēs habet, monilibus, & aureolis inauribus ornatos, quòd quidem templum septuaginta stadia ab urbe Milasa distat. Ex huius Iouis statua gladius, nomine Carius, appensus, ideo uenerationē habet, quòd Cares primi officinas belli instituerūt, pecunia militarunt, loris clypeos appenderunt, cristas galeis accommodarunt. Cares sunt appellati à Care Ioue Cretēsi: Iupiter Labradeus nominatus, quòd permultum pluisset. In Chio ad portum, nuncupatum *Ἰσπύριον*, cicurum magnus est piscium numerus, quos Chij ad solatiū senectutis exacta ætate affectis alunt. Inter Euphratē & Tigridē fons interesse prædicatur, cuius aqua usq; ad imā sedē perlucida est, & fluuius nomine Bura aquā albā emittit, ubi piscium mansuetorū greges exultantes errant.

Quemadmodum Istrianus Silurus capitur.

CAP.

VII.

Myſi,

**M**Ysi, non ij qui Telephi Pergamum incolunt, sed inferiores, qui ad Pontū prope Heracleam, & Tomin accedunt, quicūq; munitis natura locis Scytharum incursiones propulsant, talem piscandi rationem tenent, ut Istrianus piscator ad Istri ripam boum par impellat, non ad arandum, nam quemadmodum (ut in sermonem hominum uenit,) nulla boui communitas cum Delphino intercedit, sic piscatoris manibus unde amicitia cum aratro? Sed ad piscandum potius iugatos boues, aut equos in ea loca primum impellit, ubi commodam piscationem arbitratur, atq; ad ripam iumentis pabulum apponit, unde interea hæc complentur, postea funis bene robusti alterum caput ad medium iugum alligat, ex altero capite hamum appēdit, quem asso tauri pulmone instructum, ad illiciendum Silurum deiecit, ex linea ad quam hamus alligatus est, quantum satis est plumbi ad moderandum tractum appendit: ubi Silurus bubulæ escæ sensum percepit, statim escam appetens, hamum incaute deuorat, & transfixus ex eo euadere cupiens, omnibus uiribus funem exagitat, quod quidē ipsum animaduertens piscator, cum summo gaudio quàm mox à sessione exurgit, & boues equosue admotis stili incitat, ac iumentis cum cetaceo bene robusto lustratio est: Nam hic Istri alumnus omni uirium contentione in altitudinē deprimat, illa contrā retrahunt: sed piscis uincitur ex amborum tractu, atq; in ripam boum iugo expellitur.

**C**anicularum marinarum tria sunt genera, quarum maxime quædam inter cete robustissima numerantur, ex reliquis duobus generibus, aliud Galeos, aliud Centrina appellari solet: quod colore uasrium est, Galeos nominatur, reliquum genus, qui Centrinus appellatur, non errabit. His innati sunt aculei duri, & aduersus omnia resistentes: quorum alter in capitis summo uertice, alter in cauda atque uenentum quiddam habent. Postrema duo genera paruorum canicularum in cæno capiuntur. Piscandarum ratio hæc est, album piscem illecebriam ad eas captandas demittunt, ex his si qua capiatur, cæteræ omnes hoc uidentes in captam insiliunt, ac eam, nisi repellatur, hamo ex profundo extractam ad nauem usque insequuntur: inuidia quadam hoc eas facere existimantes, quasi illa quæ capta est, sibi uni escam aliquam prædata alicunde esset, atque ex ipsis nonnullæ in nauem insilientes, sæpe sua sponte capiuntur.

**C**anicula marina simul atque peperit, nulla mora interposita, suos paruulos simul cum ea natantes habet. Si quis uero eorum timeat, ingreditur rursus per genitalia in uentrem matris: ubi timor abierit, is prodit, tanquam rursus editus.

**M**ulta ante de Canibus marinis diximus: fluuiatiles caniculæ terrestrium canum paruulorum speciem

speciem similitudinemque gerunt. Pilosa sunt cauda: carum sanguis a qua & aceto mistus, intumescētes hominum nervos lenire existimatur: atque ex pelle ipsarum calcei conficiuntur, qui nervis salutare esse dicuntur.

## GYLLII ACCESSIO.

De Canicularum amore erga suum genus.

## CAP. XI.

**E**X studio & amore quo inter se mutuo ardent Caniculæ, & Centrinæ & Galei pereunt. Nam primū ut piscem ad hamum alligatum piscator eò ubi domesticam sedem habent, deiecerit, statim horum aliquis ore hians atque imminenti escam appetit, & simul subtrahitur: quem captum cæteri omnes tam avidè subsequuntur, ut simul volentes perire, non ante fugiant, quàm socium extractum uiderint: Quare maxima horum magnitudo tridente, uel hamo, uel alijs machinis facile comprehenditur.

Quemadmodum Canicula ex Fuci herbæ succo perit.

## CAP. XII.

**S**umma æstate Caniculæ & cæteræ maris bestię, quibus innata audacia est, ad prærupta maris litora accedunt, & in summos fluctus, atque in angustos & altos sinus innatant, pelagias sedes & commotiones fugiunt: & pelagiam pabulationem contemnunt, in faxis ad imam maris sedem adhærescentibus fucus herba nascitur, cuius magnitudo instar Miricæ est, similem fert papauci fructum, alio anni tempore

Q 4 conclusa

conclusa manet, post solstitium panditur ex inuolucro, quod quidem ipsum & tam durum, quàm testæ ostreorum, & aspectu flauum est, id uero quod intus est caruleum est. Ex hac perniciosum pharmacum manans, noctu igneum splendorem, & scintillas quaedam iaculatur. Sub caniculæ exortum huius pharmaci malitia magis magisque ingrauescit: ad eius floris speciem flammeam marinæ caniculæ incurrētes, partim huius pharmaco epoto, partim in brāchias influēti moriuntur, ac quàm mox in summa aqua fluitant: qui bene periti sunt, in hoc inuestigando pharmaco ex ijs cataceis aliud ex reliquis membris, aliud ex ore piscis colligunt, quod quidem ipsum cynosphastum appellant.

De Scolopendra & urtica. CAP. XIII.

Scolopendra marina, terrestri perquam similis est, quam primum ut homo contigerit, statim pruritu mordetur, & simili atque is qui ab urtica terrestri pungitur, doloris sensu afficitur: pisces item Vrticæ pruritum mouent, & uredinem concitant, sed non tam acrem quàm centipeda. Post æquinoctium Vrticarū genus esculentius est: Scolopendram terrestrem salis ua dirumpi ferunt.

De Scolopendra cetacea. CAP. XIII.

Scolopendræ uim & naturam quanto equidem maximo potui studio, cum multū ac diu perscrutatus essem: sic mihi persuasi, quoddam etiam maximum cetum marinum Scolopendram esse, quam de mari



mari tempestatibus in littus expulſam, nemo eſt tam male ſanus & audax, quin aſpicere horreat : ij qui res maritimas percallent, eas inquirunt ſpectari eminentes è mari, & narium pilos magna excelſitate apparere, & eius caudam ſimiliter atq; locuſtæ latam perſpici, reliquumq; corpus conferri poſſe cum triremi juſtæ magnitudinis : non enim intra aquam abditum, ſed per ſummum mare innatans perſpicuum eſſe, atq; permultis pedibus utrinq; ordine tanquàm ex ſcalamis appenſis natate.

## GYLLII ACCESSIO.

De Scolopendra. CAP. XV.

Scolopendræ marinæ tactio piſcatoribus infeſtiſſima eſt: poſtea enim quàm hamum hæc contigerit, nullus piſcis ad hamatam eſcam accedit, quod huius tetra odore procul pellatur.

De Scari libidine. CAP. XVI.

Scarus cum alijs herbis, tum alga uelſcitur : omnium piſcium ad uenerem inflammatiſſimus eſt. Cauſa cur capiat, eſt cupiditas inexplebilis in ſceminam, ea non ignorantes rei piſcatoriæ peritiſſimi, hoc modo ei inſidias ponunt, ut comprehenſæ ſceminæ ſummum os ad tenuem funiculum ex ſparto confectum alligent, eamq; uiuam per mare trahant, ubi eorum cubilia eſſe & in quem locum congregentur, norunt. Conſciunt etiam graue plumbum figura rotundum, longitudine trium digitorum, quo ex chordis ap-

R penſo,

penſo, trahitur Scarus foemina captiua: aliquis eorū naſſæ in piſcatorio nauigio accommodatæ os late di-  
 ducit, datq; operam ut naſſa in Scarum captum con-  
 uertatur, ea enim ſenſim demittitur, lapide ad certam  
 menſuram factõ: mares uero non aliter quàm homi-  
 nes ad cõſpectam amatã libidinis furore ſerũtur, cir-  
 cumq; eam concurſantes, alius aliũ præuerrere, eiq;  
 appropinquare & cõtingere ſtudet, ut ſolent iuuenes  
 uehemẽter amantes, aut oſculum, aut uellicationem,  
 aut aliud quodpiam furtum amatorium uenantes,  
 qui deducit foeminam ſenſim & pedetentim, inſidijs  
 collocatis, rectã ad naſſam, cum amata dices duce-  
 re amantes. Cum proxime ad naſſam hi acceſſerunt,  
 plumbum in interiorem partem à piſcatore tradus-  
 ctum, & linea decidens, foeminam in naſſam detra-  
 hit, quo ſimul influentes mares capiũtur: ac pœnam  
 dant Scari eiufmodi furentis libidinis.

Quemadmodum Scari ſuos gregales captos  
 liberant.

C A P.

X V I I.

Scari gregales ſuos optime uindicant, ac adentes  
 funem dentibus conficere conantur, ut ex hoſti-  
 bus ſeruent captum, & ſæpe funem cõcidentes, eum  
 liberauerũt, neq; ob id petunt redemptionis præmia:  
 ſæpe non aſſequuntur ſocij liberationem, tameti id  
 quod ſuum erat, promptiſſime præſtiterũt. Iam uero  
 in naſſam cum incidit Scarus, dicunt eum poſte-  
 riorem partem ſuam de naſſa eiicere, reliquos uero,  
 qui non

qui non sunt capti, circumnatantes eum morſu corripere, & foras ſocium proferre. Si uero in caput exierit ipſorum quiſpiam : qui foris eſt, caudam ei porrigit, ille comprehenſa cauda ſequitur. Hæc illi quidem faciunt, more hominum, qui tametſi libros de amicitia non didicerunt, tamen à natura hauſerunt leges amicitia.

## De Scarorum cibo, CAP. XVIII,

**D**E marinis piſcibus ſolum Scarum ſimiliter ut ouillum pecus & bubulum ruminare audio. Rei maritimæ periti, ut ait Leonides, Corianum eſcam Scaris obijciunt, ad cuius illeccbram allecti expedite capiuntur.

## De Sargis, CAP. XIX,

**S**Argis piſcibus idonea domicilia ſaxa & cauernæ ſunt, quæ non latis luminibus illuminantur, ſed tanquam fenestellas paruulas, habent tanto intervallo diſtantes, quo pertinere & permeare ſolis ſplendor earumq; diſtantiã lumen ſolis complere poſſit. Cum enim omni luce Sargi delectantur, tum uero ſolis maxime radios ſitienter expetunt : in loco multi eodem habitant, apud paludes & breuia uitam agunt, uicinam proximam continentem ſe habere gaudent. Capras uehementiſſime amant, nancq; cum caprarum proximæ & ſecundum littus paſcentium unius aut alterius umbra in mari apparuerit, protinus gaudio exſilientes, ſummo ſtudio adnatant, ac ſaltu non ad-

R : modum

modum ad saltandum idonei capras contingere affectant, sensum caprini odoris percipiunt, et si sub fluctibus natant, itaque uoluptate gessientes ad eas accedere student. Quòd autem tanta amoris infania in capras existunt ex his idcirco capiuntur quæ tanto pere desiderant. Nam piscator caprinam pellem extractam cum cornibus induens, insidias parat sole à tergo relicto, atque farinam caprino iure madefactam in eam maris partem spargit, ac abiicit, ubi habitare solent Sargi, quibus tanquam filtro quodam odoris supradicti allectati accedunt, farina uescuntur, pellis asimulatæ capræ conspectu permulcentur: ex his autem multos piscator hamo robusto capit: cuius linea alba non ex arundine appensa est, sed uirga cornea simulac ad hamum adhæserit, subtrahere expeditissime cõuenit, ne alios conturbet. Manu etiam capiuntur, si quis spinas, quas ad tuitionem sui excubant, à capite ad partem inferiorem reuocando & flexendo declinet, premendoque ex lapidibus, in quos ad latendum se compellunt, extrahat.

## De Sargorum piscatu.

CAP. XX.

SArgos hoc modo Cares capiunt: Cum enim molles & remissas auras auster afflat, & ad harenas moderate & leniter fluctus resonant, tum ad piscatum arundine piscator nihil eget, sed sping regiæ bene robusta uirga, ex qua summa lineam appendit, atque ad hamum ciscam muris piscis conditi accommodat: deinde

deinde in piscatorij nauigij puppe sedens, insidias tendit, easq; in mare demissas leuiter mouet, simul & ei puer probe tenens ut sensim pedetentimq; nauis impellenda sit, ad terram uersus remigat: tum Sargi permulti exultantes & gestientes, escam assequi sese ex suis latibulis incitant, & profiliunt, atque escæ illecebra allectati, in hamum congregantur, cumq; propius à terra sunt, cibi auuiditate capti, facile comprehenduntur.

De Ellope.

CAP. XXI;

**E**Llopem sacrum piscem à poëta uocari existimât, rarus inuentu creditur, in profundo Pamphilio capitur: Sed neque tamen etiam inde, nisi uix & ad modum raro: quòd si capiatur, coronis ob secûdam piscationem sese non modò piscatores ornant, sed & piscatoria nauigia fertis redimiri curant, & plausu, & tibiarum sono prædam testantes, ad terram nauem applicant. Alij propterea non hunc, sed Anthiam sacrum existimant, quia locus quem Anthias incolit, & beluarum expers, & urinatoribus tutus est, & cum piscibus pacem seruat. Cuius fiducia pisces confirmati, ibidem pariunt. Naturæ causam penitus retrusam & abditam non meū est explicare: non magis quàm exponere causas cur Gallinaceum Leo & Basiliscus timeant: cur Suillum pecus Elephanta horret: in quibus exquirendis, etsi qui permulto abundant otio, plurimum temporis consumant, nō tamen optatum assequuntur.

R 3 De

**Q**uicircum insulas Tyrthenicas nuncupatas in  
 maritimis rebus uersantur, cetaceum quempiam  
 piscem Aulopion appellant, cuius uim, & naturam  
 explicare non alienum est: magnitudine maximum.  
 Aulopion maximi Thyuni superant, & robore Aulo-  
 pios cum illis collatus, primas fert. Quãuis Thyuno-  
 rum natio fortissima est, & aduersarij Aulopij prom-  
 pte repugnantis primum impetum ui sanguinis cons-  
 sistētis sustinet, quo celeriter dispulso, uincitur. Aulo-  
 pios uero per diu pugnam tolerat, ac nimirum contra  
 piscatores decertat, & sepiissime uictoriam reportat,  
 sese ugens, & caput in profundum deprimens, sua  
 enim natura ore ac tanquam ceruice est robusta. Cum  
 est captus, eximia forma spectatur: oculis est patulis,  
 rotundis, magnis, cuiusmodi Homerus bubulos ca-  
 nit: Dorso est ceruleo, & uentre candido, à capite ad  
 caudam pertinens aurea quaedam linea in orbem  
 definit. Iam quàm insidiosis captionibus comprehen-  
 datur, mihi sicut auditione accepi, exponendum est.  
 Homines ad piscatum prudentes, loca ubi domesti-  
 cas sedes, & commorationes arbitrantur Aulopios  
 tenere, ex speculatione præcipiunt & præsumunt:  
 deinde postquam permagnū piscium Coracinorum  
 numerum ceperunt, & nauem suam anchorarijs inhi-  
 bitionibus in stationem compulerunt, strepitū quen-  
 dam more uesparum faciunt, & Coracinos ad illicien-  
 dos eos prætendunt: ubi uero ij strepitum exaudie-  
 runt

runt, & esculentam illecebram animaduerterunt, alij aliunde eò ire pergunt, & gregatim circum piscatoriã errant, atque eatenus & plausu & cibo ad piscatores mansuescunt, siue meo iudicio escæ cupiditate capti, siue quemadmodum piscatores inquirunt, suo permulto robore nitentes ut non ab hominum contactu refugiant, nonnulli ex eis cicures sunt, quos sane piscatores ut beneficos ab alijs internoscunt, fœdere cœp cum ijs deuinciuntur, pacemq̃ seruant, eos tanquam duces sectantur; alij feri Aulopij, quos ut piscatores & capiunt & occidunt, ita à mansuetiorum captura se abstinent quasi, fœdus quoddam cum ijs sancitum habentes. Nec uero piscator bene peritus, quantalibet inopiã prematur, mansuetum Aulopon prudens & sciens comprehendit, quinimo si eum ipsum imprudens cæperit non mediocri dolore afficitur. Capitur aut hamo transfixus, aut mortifero uulnere ictus.

De Acu.

CAP. XXIII.

**M**arinæ Acus quòd sunt pertenues, & minime tortuosam & sinuosam uterū foetuumq̃ capacem habent. Ideirco catulorum suorum non sustinentes incrementum disrumpuntur. Non igitur pariunt catulos sed expellunt atque eijciunt.

De pisce Adonide Exocæto appellato.

CAP. XXIIII.

**P**iscis aspectu flauus, è genere mugilum, saxa incolare, & simul in ijs uicitare solet: eius sanè duo in

R 4 uulgus

uulgus nomina minime ignota sunt: alij enim Adonin nominant, alij Exocetion, quod extra mare in arido cubet. Cum enim est tranquilla tempestas, is tum in siccum undarū impetu peruectus, ad saxa sese exponit, ibidemq; libenter & quiete altum somnum capit. Cum autem alijs omnibus animalibus tanquam federe deuinctus est, pacemq; habet, non similiter cū incolis maris auibus pace coniungitur, sed & eas perhorret, ac si earum quæpiam comparuerit, sese uersat, & tandiu saltatorio quodam facto tripudio saltat, dum de saxo in undam desiliens, salutem adeptus fuerit. Cum autem mare & terrā amicam habeat, ipsum idcirco Adonin, quemadmodum mea fert opinio, ij appellarunt, qui huiuscemodi nomen ei imposuerūt, quòd Adonidis, qui Cynaræ regis filius fuit, uitam inspexerunt: eum sanè duabus in amore deabus fuisse, alteri marinæ, alteri terrestri.

De castitate Aethnei piscis.

CAP. XXV.

**S**Vnt igitur & castitate præstantes pisces Aethneus, Sita appellatus, posteaquàm cū pari suo tanquam cum uxore quadam coniunctus eam sortitus sit, aliā non attingit: neque ad fidem tuendam sponsalium tabulis illi opus est, neque malæ tractationis pœnam timet. Neque Solonem ueretur, ex quo leges nobiles & urbes graues profectæ sunt, quibus libidinosi homines non parere nihil uerentur.

Gyllii accessio.

De Amiarum pugna cū Delphinis.

CAP. XXVI.

Cum



Cum Delphinis magnum & hostile certamen in-  
 ceunt solæ Amiæ, corporis magnitudine Thy-  
 nis inferiores, quibus et si carnes infirmæ & molles,  
 dentes acutissimi sunt, ijs maxime cōfidentes potentē  
 piscium regem, tam prædare contemnūt, ut cum so-  
 lum quempiam ab alijs segregatum obseruauerint,  
 undiq; tanquam signo dato, frequētes in eum ipsū  
 inuadant. Delphinus suo robore nitens, primum ho-  
 stium impetum negligit: pōst uero longe lateq; inse-  
 quens, partim earum lacrat, partim exedit & confis-  
 cit. Postremò harum magna multitudine circūfessus,  
 dolet, quòd se unum solum contra tantam multitu-  
 dinem uideat. Itaq; reuocatis omnibus uiribus, ab his  
 ingreditur se fortissime defendere. Hæ contrà Del-  
 phini membris circumfusæ, atq; ad eadem pertinaci-  
 ter inhærescentes, dentes defigunt, simul & partim  
 ex his illius latera conuellunt, partim rostrum & pin-  
 nas, partim uentrem acerbis moribus affligunt, par-  
 tim summam caudam comprehendunt, partim dor-  
 sum exedunt: tum aliæ ex uertice, aliæ ex collo pen-  
 dent. Is autem uario & multiplici dolore refertus, in-  
 star turbinis mare concitat, & permulto furore agi-  
 tatus in omneis partes sese uersat, & saltanti similis,  
 nunc tanquam procella fluctus summos concursat,  
 nunc in profundum defertur, sæpe magna maris in-  
 terualla defaltans, reijcere conatur examen audacium  
 piscium. Hæ uero nihil de uolentia remittentes, ma-  
 gis magisq; in eum incumbunt, & cum demergitur,

S eandem

eandem uiam ipsæ conficiunt: cum rursus extra aquã eminent, eadem quoq; tractę unã cum ipso in sublime feruntur. Diceres Neptunũ nouũ quoppiã monstrũ ex Delphinis & Amijs finxisse: adeo enim sanè dentium pertinaciã colligantur, ut ex illius corpore nunquam dentes tollant, nisi partẽ apprehensam abstrahant. Cum autem aliquod spatium ei dant respirandi à certamine, tum uideas rabiẽ ducis iratĩ, tum mortifera Amijs perniciẽ infertur. Hæ quidem in fugam se impellunt, ille uero fulmini similis, has acriter insequitur, & discerpit, & lacerat, simul & effuso multo sanguine, purpurefcit mare. Itemq; Amiæ hamo captræ, lineam exedunt, & consumunt.

Quemadmodũ Anguillæ captũtur. CAP. XXVII.

**H**omo piscandarum anguillarum usu peritus ad sinuosum locũ ubi latius confluens dilata tur uel in saxis ex aqua eminentibus uel in arbore radicitus uentorũ turbinibus extirpata & iam putrefcẽti sedẽs, per pinguis intestini orilli tria aut quatuor cubita patenti alterũ caput in aquam deijcit, quod aquę uorti cibus agitatũ uolutatũ, idemq; illius alterũ extremũ manibus tenet, in quod quidem ipsum arundinis frustum perinde longũ atq; gladij capulum insertũ est. Neq; uero diu anguillas elca latet, quin cõtinuo earũ prima quęq; fame stimolata hiante ore atq; imminẽti hamatos ac unciatos dentes suos in idipsum intestinum defigit, atq; hoc idem crebra insultatione detrahere conatur. At enim piscator anguillã intelligẽs, ad fluctuans

fluctuans intestinum in hærescere, arundinē ad quam alligatum est intestinū ori suo admonet, & quoad postest intestinū inflat, quod quidē ipsum defluēte hominis aspiratione & impletur, & penitus intumescit, & uentus in anguillam illapsus, illius fauces opplet, atq; anhelitum eatenus obstruit, ut ea non queat neq; respirare, neq; infixos dentes detrahere: quare suffocatur, & captiua subtrahitur. Ab alijs separatim piscibus uiuit, neq; cum ijs temere inuenitur.

De Anthias amore in suam nationem,

CAP. XXVIII.

**V**T homines fidi & commilitones ueri, perinde pisces inter se ulciscuntur, quos Anthias uenationis maritimæ periti nominare solēt, ex his quilibet cū nouerit conuictorē sociū captū esse, eclerrime adnare festinat, ac dorsi sui nixu ad eum in hærescit, in cursu impulsusq; pro uiribus prohibent captiuū abduci.

Quid capti Anthiæ faciant. CAP. XXX.

**A**Nthiæ cum sunt capti, miserabile præbent spectaculū, mortē suam lugere & quodāmodo supplicare uidentur. Ac nimirū quemadmodū homines qui in latrones in misericordes, & cædis auidos incur rerunt aufugere conātur, sic sane ij retribus insultātes, insidias transilire conātur. Qui hoc genus mortis euadunt, in terram pisciū hostem exiliūt, atq; hic ibidem mortem obire malunt, quàm gladio perire.

GYLLII ACCESSIO.

De Anthiæ prudentia,

CAP. XXX.

S 2 Anthiæ

**A**Nthiae Plutarchi testimonio cū gregalē quem-  
piam suum captum sentiunt, statim ei adiumēto  
sunt ad se eripiendū ex ferro atq; spinis inhorrescunt  
casq; erectas ad lineam admouēt, ut earum firmitate  
hanc discerpant & lacerent.

De procuratione Apuarum. CAP. XXXI.

**A**Puæ pisces ex sese nec procreāt nec procreātur,  
sed è limo enascūtur, cum enim ecenum in mari  
concreuerit, ualde & limosum & atrū efficitur, atq; ex  
sua quadam uoluptate, mirabili natura & uitali tepe-  
scit: Atq; in permulta animalia nimirū Apuas immu-  
tatur, eæ autem sic in putrido luto & sordibus tanq̃  
lumbriçi generati ad natanđū maxime ualēt. Tumq; mirabili  
causa quadā ad salutaria impelluntur, eò ni-  
mirum ubi ad tegendā uitam perfugia, & ad tuendā  
propugnacula habeāt. Hæc autem perfugia sunt sco-  
pulosā saxa è terra eminentia, ac in multiplices sinus  
tremebundorū fluctuū, & saxifragarū undarū uerbe-  
ratione multo tempore excauata. Hæc ideo abdita eis  
perfugia natura indicauit, ne fluctibus cōuellerentur  
ac labefactarent; debiles enim sunt ad resistēdum &  
infirmę cōtra fluctuū incursiones. Nullo cibo ad sese  
alēdas egēt, nanq; ad uitā eis satis est mutuo linctū se  
lambere, uerriculis tenui filo cōtextis cōprehendunē.

De Asello marino. CAP. XXXII.

**C**OR in ventre marinum asellum habere harum  
rerum periti asseueranter nos docent; Atq; in ser-  
monem hominum uenit huius partum nunquā de-  
prehen

prehensum fuisse. Ut cæteris quidē partibus interioribus non cum alijs differt, sic certe suo proprio quodam more nihil non solitarium amat, neq̄ se cum alijs sociari gaudet. In cerebro lapillos molari figura possidet, alijs quidem pisces tempestatibus perfrigidis occultantur, hic autem ex ortu caniculæ latet.

De Aspargis piscibus. CAP. XXXII.

**A**spargi pisces marini sapientes sunt ad diligenter penitusq̄ cognoscendam temporum mutationem, nam ineunte hyeme ad uitandam frigorum uim ex natatione conquiescunt, & consistentes ipsa comoratione & quiete æquabiliter & fraterne sese tepefaciunt. Postea uerno tempore ingrediuntur longiora itinera facere, neque modo obuijs, sed ijs etiã quos inquisierint & inuestigarint, cibis pascuntur.

De Aurata pisce. CAP. XXXIII.

**A**urata omnium piscium timidissimus est, nam sub arcturi tempus, cum maris accessus & recessus maxime fiunt, & eo altius exaggerata arena, ad litus relinquitur, ut naues sæpe ex omnibus aquis nudæ in terra iaceant. Tum piscatores postquàm arborum ramos frondibus cõuestitos paxillorum modo in mucronē acutos in arenam defixere, discedunt: post autem rursus accedēs mare secum imbellem Auratarum multitudinem attrahit. Quæ ubi æstus recis procauit & recessit, in exigua aqua concauis locis retenta relinquuntur, & uero ramorum metu quiescunt. Adco nimirum ramos uento agitados exhorrent, ut

S 3 ne loco

ne loco quidem se commouere audeāt. Quamobrem primo cuiq; magnum metuculosorum piscium numerum capere & ferire licet. Neque modo ab usu piscandi instructi, sed etiam totius piscationis rudes, atque adco pueri & sceminæ capere possunt.

De Callionymo pisce. CAP. XXXIII.

**D**E rei piscatoricæ bene peritis audire potes ex piscibus quendam esse nomine Callionymum. Huic Aristoteles ait in iccore fel sitū esse, pro portione corporis maxime omnium copiosum: Iecur autem ad dextrum latus collocatum esse. Cui quidem rei testimonio est Menæder in Mefenia: Facio, inquit, te habere fel Callionymo copiosius. Anaxippus item in Epidicazomeno, Nisi moueas & sic ut Callionymi feruere efficias omne fel. Sunt qui cum dicant esseulentum, alij pleriq; negant.

De Capitonis piscis cōtinentia. CAP. XXXV.

**C**apito est piscium genere est, qui in paludibus degunt continentissimus, ac in uictu temperatissimus esse creditur. Etenim nullam animantem inuadit, sed cum omnibus pacem seruare solet. Si uero in quempiam iacentē inciderit, hunc in suum prandium conuertit, non prius tamen eum attingit, quàm caudam mouerit, si immobilis sit, hunc prædam sibi facit, si uero moueatur, eo intacto discedit.

De Capitonis amore. CAP. XXXVI.

**V**lm & numen multa genera piscium nouerunt cupidinis, ne hos quidem qui in summa maris altitu

altitudinc degunt, contemnentis. Etenim Capito diuinum huius numen colit atque ueneratur. Non tamē omnis Capito, sed ille quē à faciei acumine nomināt, qui piscium genera & differentias nouerunt. In sinu Achaico multi quantum audio, capiuntur. Quare capiuntur, libido in causa est, maxime uero corū in res uenercas libidinis furorem captura testatur. Cum ex Capitonibus foemina piscator uenatus fuerit, alligatur utriusque aut longa arundine, aut sparto etiam longo, in littore pedetentim ingrediens ad natantem piscem & salientem pertrahit. Per eius uestigia quidam subsequens retia fert, obseruans ubi & quando diligenter accurrendum sit. Itaque agitur foemina, mares uero qui hoc uiderint: ueluti adolefcētes libidinosi formosae puellae praetereunti cupiditatis oculos adijciantes in eam feruntur, libidinis furore agitati. Ille autem retia deiecit & in ea quidem saepe piscium ueneris appetitione accedentium magna copia incidit. Tum uenator oportet curet, ut foemina captiua formosa sit & bene pinguis, ut plures ad eam accedant pulchritudinis illecebra, tanquam esca illecti. Sin macilenta sit & sine corpore, multi ea spreta discedunt, quicūque uero horum est uehemēti amore ductus, non discedit, mehercule non formae, sed coitus desiderio detentus.

De Capitonibus maris Ionij. CAP. XXXVII.

**I**N mari Ionio ad Leucadium & Actium Epirotica loca, Capirones uelut confertis turmis frequētes nant, ipsorum captura quae ad hanc rationem fit, miris

fica est. Piscatores bini obseruato tempore cum luna silet nauem cœnati conscendunt, & à terra soluentes, modo mare à tempestate conquiescat, silentio & moderate remigant, simul & eorum alteruter sensim ac leniter remo nauem impellit, alter recubans, suam nauis partem usque eo deprimit, quoad eius labrū proxime ad aquam accesserit. Capitones horumq̄ speciem similitudinemq̄ gerentes mugiles siue quod ex nocte lætitiā & uoluptatem percipiunt, siue etiam quia à tranquillitate maris delectantur, latebras relinquentes, sic ad summam aquam efferuntur, ut ex aqua summo rostro emineant, & natare usque eo pergant, donec ad litus propius accesserint. Quod quidem ipsum piscatores postquam perspexerunt, sedata remigatione & pedetentim accessu ad pisces factō, nauigant, ubi uero ex piscatoriae motione fluctus cieri ac agitari cepti sunt, à terra statim pisces refugiunt, & frequentes in partem nauis inclinantem & præcipitantem sine retibus innatant, & uero sub potestatem piscantium cadunt.

De marinis Cicadīs.

CAP. XXXVIII.

Est etiam Cicadarum genus marinum, quarū maxima parui Carabi similitudinē speciemq̄ gerit. Veruntamen cornua non similiter atque ille magna, nec aculeos habet, pinnæ ipsius exiguæ terrenarum alis similes sunt. Hominum pleriq̄ ab ea idcirco se abstinent, quòd sacram existiment. Scriphij in retia uel fortuito delapsam non sane retinent, sed mari reddunt



dunt, atq; etiam mortuam flentes & sordidati humanitate afficiunt, quod eam dicant Perseo Iouis filio, quæ ipsi summa religione colunt, consecratam esse.

De Citharo pisce maris rubri. CAP. XXXIX.

**I**N mari rubro piscis procreatur cuius corpus ita figuratum est, ut similitudinē Lingulacæ eius latitudo gerere seratur. Squammæ non magnam tangenti asperitatem habent. Cum sub aureo est colore, tum lineis à summo capitis uertice ad extremam caudam sic distinguitur, ut eas citharæ fidiculas contentas esse dicas, unde is Citharus appellat. Os ei pessum it & subidet, idemq; nigerrimum est, cinguloq; croceo circumligatur: uertex uarietate distinguitur, fulgore aureo & nigris quibusdam lineis, pinnas aureas habet, ruffo colore multipliciter uariatur: Cauda est nigra præter extrema, ea enim candidissimo colore asperguntur: alij item picti nasci dicuntur, toto corpore purpurei, certis interuallis aureolas lineas possidentes, eorum uero caput cingulis uiolaceis illustratur, uno (quod est ante oculos) ad branchias pertinente, altero secundum oculos usq; ad medium caput excurrente, alio autem tanquam monili sic collum circumplicante.

De Denticibus piscibus. CAP. XL.

**D**Entices tam congregatiles sunt, ut nec sibi esse à gregalibus suis æqualibus solitudinem & segregationem ferant. Ac nimirum peradulescentes sepa-

T ratim

ratim à reliquis natant, ij uero qui sunt confirmationi ætate etiam inter se uitæ communitate illo prouerbio coniunguntur, *Aequalis æqualem delectat, & præfentes præfentibus tanquam ijs quibus cum focietas aut amicitia coniunctio ex confuetudine ufufq; frequenti delectantur.* Aduerfus pifcatores fic machinantur, ut cum pifcator in eos cibum demiferit, congregati & in orbem confiftentes inter fe confpiciant, & quali figno dato inter fe, admoneant ne prope ad cibum accedant, neue demiffum cibum attingant, atq; in hunc ordinem inftrecti permanent. Sin autem foliuagus ex alio grege accellerit, hamumq; deuorauerit, ac fuæ folitudinis premio accepto fubtractus fuerit, confidentiores efficiuntur, quod non fint capti, ficq; ex fiducia fe tuendi negligentiores facti, capiuntur.

De marino Dracone.

CAP. XL I.

**M**arinus Draco alijs pifcibus reliquo corpore mafimilis eft, eius caput & oculorum magnitudo terreni Draconis fpeciem fimilitudinemq; gerunt, magni enim funt & uenufi, maxilla etiam fimilitudinem quandam habent cum terreftribus, & eius pellis non procul abefle à terrena palpanti uidetur, fimul & infefis & uenenatis armatus eft aculeis.

De Engraulis fice Engraficholis.

CAP. XL II.

**E**ngrauli pifces, quos alijs engraficholos, alijs Lycostomos appellant, paruuli pifciculi natura foecundi albi perfpiciuntur. Et quod ab alijs pifcium gregibus

bus exedi & confici ualde metuât, idcirco ad insidias quibus sunt opportuni uitandas eatenus cōfertis turmis densi natant, ut eorum quiscq; ad uicinum proximum adhærescat, ut ne scaphæ quidem incurrentes, eos dissolent, nec si quis remis dispergere conetur, eorum societatem dirimere possit. Ita inter se restricte & pertinaciter, tanquã contexti contrahuntur, ut tanquam ex aceruo frumētorum aut fabarum si quis in eos immiserit manum, accipere queat, non tamē sine ui abstrahuntur, quin per sæpe distrahantur, ut & eorum alteram partem abruptam capias, & alterã relinquant, & in plerisque caudam retineas, in alijs non assequaris, ex alijs caput reportes, & alteram partem in mari reliquam facias. Eorum conferta & continens natatio à rei maritimæ peritis bolos appellatur, qui per multas piscatorias nauis interdum implet.

De fluuialibus Equis. CAP. XLIII.

**F**luuiales equi Nili alumni, segetū ut maturitas uenit, & flauent spicæ, non eas continuo depasci ingrediuntur, sed extrinsecus coniecturis assequuntur quantum ad se explendos satis sit. Post talem considerationem pascere aggrediuntur, ac postquã sunt pabulo cōferti, auersis uestigijs retroq; uersus ad Nilum cedere properant. Hoc enim ipsum eo pacto machinatur, ut agricolas sese inuadentes aduerso corpore non à tergo excipiant. Summe impius est, parentem enim suum exest & conficit.

**C**um ad confirmatā ætatem peruenit, statim perditatur an uiribus superior parente suo euaserit, ac si pater cedit, eum uiuere permittit, ipse uero cū matre coit. Sin quo minus cū matre libere uenereo complexu implicari possit, pater obstitit, eū ipsum interficit. Ad quinque cubitorū excellentiā accedit, belua est quadrupes, eius ungułæ bubularū speciem similitudinemque gerunt, utrinque ternos dentes maxime omnium animalium extra eminentes habet, auris & cauda & uox equo similis, reliquū corpus non elephāto dissimile: Tergoris robore omnes beluas superat: In utraque sede uiuit, interdum quidem in mari, noctu uero in aridum egressus, segetes depascitur. Ea est fecunditate ut quotannis pariat. Hac arte ei insidias moluntur, ut tela ad funem alligata tandiu contentissime in eum iaculentur, quoad eorum crebra missione exanguis factus comprehenditur: carne est durissima, & ad concoquendum difficilima.

**G**lanis piscis, incola Meandri & Lyci Asianorum fluminum, & Europæi Strymonis, speciem siluri similitudinemque gerit. Ex piscibus suorum foetuum amantissimus est, nam simul ut foemina peperit, cura quidem illa de partu suo liberatur, ac nimirum cubitans suorum tuitione exsoluitur. At uero assiduū se præstans mas custodem ad conseruationē eorum, quæ procrea

procreauerit, aduigilat, & eos ab omnibus insidijs prohibet: atque sicut Aristoteles inquit, hamum deuorare potest.

De Glaucopisce.

CAP. XLVI.

**G**laucus piscis pater factus, quos sustulit ex consiuge diligentissime cauet, ne insidijs impetantur, néue pernicies ulla eis inferatur, & quoad grandes sint & robusti ac sine periculo natare possint, tandiu ille custodire non intermittit. Nunc à tergo cum eis natans, nunc uero non à tergo, sed adnata modo ad unum eorum latus, modo ad alterum. Si quis uero ex paruulis timere cœperit, ille timore cognito, ore hiantiparuulum excipit, deinde timore præterito, quem deuorauerat, reuomit qualem acceperat, ille rursus natat.

De marino Grue.

CAP. XLVII.

**M**arinus Grus Corinthiaci maris alumnus ad quindecim pedum iusta mensura dimetitorum magnitudinem procedit. Eius & caput & os alitis Gruis speciem similitudinemque gerit: squammæ peninis gentilis auis ei similes sunt. Tanto robore saliendi est, ut tanquam emissum à contento neruo telum feratur. In sermonem Epidaurorum uenit, hoc animal ex nullo pisce generari, sed cum uolucres grues Thracium frigus fugientes, tum foeminae ad coitum exardescentes, tum mares ueneris libidine confluentes, inter se complexu uenero iungi cupiunt, foeminas suspensum coitum sustinere non posse, idcircoque se

T 3 men

men emittere quòd uoti compotes fieri non possint, Ac si supra terram uolent, id ipsum ad nihilum recedere, sin supra mare, id delapsum tanquam thesaurum per manus traditū, sic à mari hunc foetum afferuari, animantemq̃ effici, neque uelut in altum sterilem illapsum perire, Demonstratus, cuius ante mentionem feci, Hunc, inquit, piscē uidi, & magnopere considerauī, cumq̃ ut alijs ostendere possem, sale cōdire uellem, atque coquis ipsum secantibus uiscera intuerer, tum ex utroq̃ latere spinas similiter atque tabulas legum triangulas esse, tum eius iecur in longitudinem procedere aspexi, tum iecori subiectum fel longum, follem tanquam scorteam habere, ut faba recēs uideretur. Vbi uero primum iecur & fel exempta fuissent, ambo statim intumuisse, ut iecur instar epatis maximi piscis uideretur, fel uero lapidem, super quem forte positum fuerat, consumpsisse.

## GYLLII ACCESSIO.

De pisce Hamerocita, siue Callyonimo  
nuncupato.

CAP. XLVIII.

**P**iscium partim prudentes, partim etiam (ut nobis hominibus non omnibus inest prudentia) incauti. Nam Hamerocita insigni ad tuitionē sui est temeritate & singulari segnicie, tum suam insaturabilem rabiem nunquam explere potest, imo uero usque eò procedit huius inexhausta cibi helluatio, quoad cibo onustus, in terram se abiecerit, & quispiam alius piscis hunc humi stratum occiderit, Eum autem esse insatiabili

bili abdomine hoc ipsum declarat: Nam si edendum cibum huic capto obieceris, suam satietatem tandiu superare conatur, dum cibus exaggeratus ad ipsum os redundat. Supra caput habet oculos, interdium in arenis semper iacet, noctu tantum excitatur, & errat, ex quo nomen traxit, ut *Vespertilio* uocetur. Ergo laboris inertiam procul omnes homines arceant, fruendæ uoluptati modum statuant, neque uarij & multiplicis cibi refertis mensis delectentur. Nam partim ex hominibus omnes edacitatis habenas remittunt, & uentris cupiditatibus omnem licentiam permittunt; partim prudentes sibi moderantur & finem fugiunt *Hamerocitæ*.

De maris rubri *Hygrophœnice* pisce, de *Lacerto*

& *Charace* & *Sagittario*.

CAP. XLIX.

**P**isces in mari Rubro nasci ferunt, cui nomen *Hypogros Phœnix*: is nigris lineis quas ceruleæ interssecant maculæ distinguitur. Eiusdem maris *Lacertus* est, cuius magnitudo ei qui nascitur apud nos, æqualis est, uirgatus spectatur, lineis nimirum aureolis circumdatur à branchijs ad caudam pertinētibus, quas media argentea distinguit. Ore est hianti, maxilla inferior eminet in superiorē, uirides oculos habet, quos aureo fulgore palpebræ ambiunt. Eius item maris sœtura est *Charax* nūcupatus piscis, pinnas habet, & utrinq; & à tergo auri similitudinem speciemq; gerit. Inferiores partes purpureis cingulis illustrantur, similiter eiusdem cauda auri colorem gerit.

T 4 color

color oculis pulchre adumbrat, Sagittarius in eo mari procreatur, & quoniam herinacci speciem & similitudinē habet, firmis & bene longis armatur aculeis.

De Hyena, Trachuro, Thunno, Torpedine & Pulmone piscibus.

CAP. I.

**S**I piscis marini Hyenæ nuncupati pinnam dextrā ad hominem somno confopitum admoueas, sane quā cum ipsum perturbabis. Etenim formidolosa secūdam quietem spectra uidebit, acerbacq; insomnia perpetietur. Item si postea quā Trachuri caudam abscideris ipsumq; in mare liberum remiseris, eam equæ uentrem ferenti appendas, nō multo certe post abortum pariet, iam uero si quis qui nondum excelsit ex extrema pueritia Thunni sanguine illinat, nō pubescet: hoc idem Torpedo & marinus Pulmo efficiunt, nam in aceto putrefactæ eorum carnes & mens to asperæ fugam pilorum facere dicuntur.

De Hippocampo.

CAP. II.

**R**Ei piscatoriq; bene periti homines dicunt Hippocampi uentrem in uino decoctum si quis dederit cuiuspiam bibere, eum primo ex ea potione acerrimo singultu affici, deinde tussire, & sicca quidem tussi uehementer torqueri. At enim nihil excreare, sed & superiorem ei uentrē intumescere, & calidas fluxiones in summum caput efferi, & uero per nares minutatim defluere, ac pusculentum odorem reddere, simul & oculos eius sanguine suffusos ignei coloris flagrantia laborare, & eorundem oculorum genas inflari, &

uomendi



uomendi quidem cupiditate ardere ferunt; uerum nihil emittere. Quod si natura euicerit, hunc tamen periclitata prius morte in obliuionem & dementiam incurrere: sin in uentrem inferiorem delapsus fuerit, ipsum omnibus iam membris captum è uita excedere. Ex morte porro qui euadunt, mente capti aquam summo studio persequuntur. Hanc enim ipsam idcirco expetunt aspicerè, tum stillantem audire, quòd sanè eis ægritudinis leuationem afferat, & somnum conciliet. Itaq; ad perennes fluuios, aut ad littora, aut iuges fontes, aut lacus commorationes eis gratæ sunt & iucundæ, cum tamen non magnopere desiderent bibere, sed & ipsum natàre, & pedes aqua alluere eis plurimum iucunditatis affert. Sunt qui non hæc mala dicant huius bestię uentrè creare, sed Hippocampū algam acerbissimam ex qua ita afficiatur, depasci. Veruntamen solertia ueterani piscatoris & ad res maritimas bene prudentis salutaris etiam repertus est Hippocampus, is & Cretensis erat, & filios admodum adolescentes piscatores etiam habebat. Accidit etiam ut hic piscator Hippocampus simul cū alijs piscibus caperet, & peradolescentes à rabida canicula morderentur. Cum eorū in Methyna Cretensi ad littus iacentium uicem dolentes spectatores interficiendam caniculam censerent, & illius iecur medicamentum ad rabiem edendum iuuenibus dandum esse: alij confulerent à Diana salutem petendam esse, senex piscator eos de consilijs quæ afferrent, laudatos dimisit, &

V Hippo

Hippocamporum exenteratorum alios alfos eis comedendos dedit, alios in acetum & mel cōtrivit, ijſq; morſus ulcera obligavit, atq; hominum adoleſcentiū rabiem uicit, eosq; ad incolumitatē tandem reſtituit.

## De Iulidibus piſcibus.

CAP. LII.

**I**ulides piſces ſaxatiles ſunt, quibus os ſcleratiſſiſi mi ueneri reſertum eſt, quemcunq; piſcem deguſtarunt, inhabilem ad edendum, pernicioſumq; ei qui poſtea guſtauerit, efficiunt. Piſcatores cum Squillam quam media ex parte Iulides exediſſent & confeciſſent, ſine ullo prætio parabilem offendiſſent, cumq; inopia preſſi guſtare ingreſſi eſſent, illorum aluos uehementes cruciatus exceperunt. In piſcatu urinatores & natatores infeſtiſſime perſequuntur, ac ut terrenæ muſcæ mordicus premunt, ſimiliter Iulides frequentes in eos quos dixi incurrentes, morſu affigūt, quas repellere neceſſe habent, aut ab his demorſi, cruciabantur, in quibus repulſandis totus urinandi & natandi labor perit.

## De Lepore marino.

CAP. LIII.

**L**epus marinus mortē ſæpe inferit, atq; uentrē acerrimis doloribus torquet, partum abigit, ſtomachum diſſoluit, in coeno gignitur, & ſæpe unā cum Apuis capitur ſpecie Cochleæ tegmine nudatæ cernitur. Magni maris Lepus (nam alterum qui in alio mari naſcitur ante dixi) ex omni parte ad terreni ſimilitudinem accedit, præter pilos; nam terreſtris pilis & molles

molles sunt, & ad tactum haudquaquam resistentes. Contrà, illius spinosi & erecti, hunc qui contigerit, læditur. Cum quidem ipsum in summa aqua maris natate, non in altitudinem demergi dicunt, celeri autem & concitata natatione uti, ex animalibus eò difficilissimum ad capiendum esse, quòd neque in rete incidit, neq; ad lineæ escam accedit. Cum ægritudine afficitur, natate non quit, simul & funditus expellitur atq; erjicitur. Quisquis tum manum ad eum admouet, nisi medicina adhibetur, perit, ac si hunc bacillo tetigerit, hoc idem periculū ei procreatur, quod Basiliscus baculo tactus affert. Radicem ad idem mare nasci ferūt, haudquaquam in uulgu ignotam, quæ animi defectionibus illius qui sic affectus fuerit medetur:

Ea enim animo deficienti naribus admo-  
ta, facit ut is reuiuifcat, & recreetur:

Sin negligitur, tam sane robu-  
sta perniciē hic præditus  
est, ut ad mortē usq;

homini mor-  
bus  
procedat.

FINIS LIBRI XI.

V :

# LIBER DVODECI

## MVS DE VI ET NATVRA ANIMALIVM.

De Lolliginibus & Sepijs. CAP. I.



**L**OLLIGINES & Sepiæ duabus sunt tanquã promuscidibus præditæ, quibus ad saxa cum est in mari tempestas, adhærescūt, & tanquam anchoris iactis firmatę, fluctuum incursionibus resistunt: post cum est tranquillitas, solutis promuscidibus rursus natant. Non contemnendam scientiam tenentes vitandi sane tempestates, atq; ex periculis salutem conseruandi.

GYLLII ACCESSIO.

Cur Lolligo significat tempestatem.

CAP. II.

**L**Olligines in summam aquam maris elatę ideo tempestatem præsignificant, quòd ab omni tegumento nudę tempestatis impatientes sunt, nec; enim testa nec; squammis obductę sunt, sed molli pellicula tectę, intus osseum quiddam habent. Quare temporum iniurijs opportunę celeriter præsentiuť mare inhorrescere. Polypus quòd sit è genere mollium, tum etiam in aridum exit, & cum venti impēdent, flagellis ad saxa se alligat. Lolligo exsilit, marini profundi commotionem fugiens.

De Po

De Polypi edacitate.

CAP. III.

**P**olypus cum alijs cibis pascitur, est enim edacissimus, ad fraudemq; & insidias callidissimus, tum uero suorum membrorum, cōficientissimus est, quorum argumentum est: Nam si uenatio eum deficiat, brachia sua deuorat, ac uentrem morsu uellicat, inopiamq; uenationis leuat, deinde renascitur quod defuit, hoc tanquam promptum prandium ad famē restringendam comparante natura.

GYLLII ACCESSIO.

De Polypi edacitate.

CAP. IIII.

**P**olypi acerrima edacitate sunt, persæpēq; inter se non abstinēt, sed à maiore minor editur: atq; in hunc modum insidias piscibus moluntur, sub saxa subiecti desident, & in horum colorem se conuertūt, ut saxa sane esse uideantur. Atque pisces ad eos tanquam ad saxa adnatant, & incauti sic ab eorum brachijs tanquam retibus comprehenduntur.

De inimicijs Polypi, Murenæ, &amp; Locustæ.

CAP. V.

**M**alum ingens & morbus agrestis & inhumanus inimicitiae atque odium inhærēs, penitusq; insitum, quod etiam ratione carentibus natura ingenuit inexpiabile, atque implacabile. Murena cum Polypo capitali odio dissidet, Polypus cum Locusta graues gerit inimicitias. Murenæ etiam teterrima hostis est Locusta, atque infestissima. Murena Polypo brachia abscondit, dentium firmitate: post autem in eius

V 3 uentrem

uentrem subiens his malis eum quibus uerisimile est, afficit. Hæc enim è genere nantium est, ille uero serpentium more graditur. Si Polypus in saxorum colorem se uertat, nihil ei astutiæ hæc fallaces profunt, Murena eius ueteratoriam plane tenet. Cum uero Polypus Locustas à se comprehensas occiderit, exprimit carnes, atq; earum succum exhaurit, ac nimirum Locusta cornibus erectis iracūdia furens, in eum modum Murenam lacepsit. Hæc igitur aculeos quibus hostis præmunita est, mordicus tenet, illa uero pedes acutos tanquam manus prætendens, utrinq; cuti inherere fortissime non intermittit, hæc discrutiat, seseq; huc & illuc uersat, & acutas testas amplectitur, quibus confixa remollefcit & succumbit; deniq; remissa iacet, locusta ex hoste instituit prandium.

## GYLLII ACCESSIO.

De pugna Polypi, &amp; Murenæ, &amp; Locustæ.

## CAP. VI.

**O**Dio inimicitiarum capitaliter inter se dissident Polypus, Murena, & Locusta, & mutuis inter se cædibus pereunt. Cum Murena ex saxo ad inquirendum cibum prodiens, Polypum inspexit, in summa aqua paulatim erraticis flagellis natantem, statim incredibili gaudio elata, hanc iucundam appetit prædam, is sentiens se in proximum discrimē adductum, sese in fugam impellit. At nulla machinatione tardus in natando effugere potest Murenæ, expeditissimo lapsu natantem, itaque mordicus cum premens, inuis-  
tum

tum pugnare cogit. Hic igitur coactus magnum & difficile inire certamen, primum uarium & multiplicem gyrum agens, brachia huc illuc uersat, conans horum iactatione ipsam à sese depellere, at enim nulla arte euadere potest. Contra Murena Polypi lubricis membris circumplicata, facile ex his tanquam aqua effluens elabitur. Is uero modo dorsum illius, modo collum, modo caudam circumplectitur, modo in os eiusdem incurrit, ac nimirum quemadmodum ad lustrationem imperiti homines inanes ostentant uires, sic Polypi acetabula non palæstrice iacta, Murena acutis dentibus discerpit & lacerat, & partim ex his mandit, partim semicomesta & palpitantia, huc illuc distrahit. Iam rursus magna fiducia Locusta Murenam ad pugnam lacepsit. Hæc irritata, in certamen descendit, at cæci animo infesto hanc contra uenit, tamen ipsam duro tegmento circummunitam parum lædit, & frustra ideo dentes defigit, quòd tanquam à silice repulsi, sic eius durissimo tegmine retusi, hebescunt & debilitantur. Veruntamen Murena magis magisque tantis per animo incitatur, dum suum collum tantopere strictè longis illius brachijs quam ferris forcipibus tenere sentit, nihilque remitti quantumlibet uiolenter sese in fugam impellere conetur, & summo doloris sensu affecta, quoquo uersum corpus suum intorqucat. Cum enim aculeatum locustæ dorsum circumplectitur, interea aculeis transfigitur, tandemque multis uulneribus acceptis, sua imprudentia conficitur. Iam porro

locustam filiceis forcipibus & robustis aculeis armatam & uelocem, tardus Polypus & mollissima pelle obductus expugnat. Hic enim cum eam in cauerna iacentemprehenderit, in eius dorsum latenter inuadit, & uincula circumijcit, & fortibus acetabulis fauces intercludit, ne spirare possit. Locusta uero illius circumplicatione uicina ad moriendum, nunc quiescit, nunc mouetur, nunc ad saxa alliditur, is uero non intermittit tandiu oppugnare, quoad exederit & confecerit.

De Polypi pugna cum Aquila. CAP. VII.

**C**um in saxum non admodum è mari eminens Polypus aliquando correpens ascensisset, ibidem explicatis alis summa cum uoluptate, quod frigida tempestas esset, à tepore solis calefceret, neque sane se in saxi colorem uertisset, quod quidem ipsum cum ad declinandas, tum magis ad moliendas piscibus insidias facere solet, Aquila acris & acuta in uidendo, prædam, si non sibi futura bonam, attamen paratam & promptam sibi & suis pullis perspicue cernens, quantum potuit maximo alarum impetu in Polypum insiuit: Sed & piscis hic circumplicantibus Aquilam & pertinaciter adhaerescantibus cirris, in profundum detraxit, hostem capitalissimam, simul & interfecit, quæ quidem Lupus hians (ut est in prouerbio) inani spe illusa, deinde in mari mortua fluitabat. Sed homines plura eiusmodi perpetiuntur, ut Cambyfes Cyri filius apud Massagetas, ab Herodoto decætatus, & Polycrates



Polycrates ad diripiendum aurum magno studio & diligentia in Oroetem profectus, decepti fuerunt. At bestia ea pericula ignorat, homines uero non cauent, quin etiam scientes & prudentes in haec ipsa incurrunt.

De Polypi libidine.

CAP. VIII.

**E**X piscibus libidinosissimum Polypum, eatenus flagranti ueneris cupiditate incendi ferunt, dum & omnibus corporis uiribus exhaustis debilitatus, & ad natandum & cibaria inquirenda tantopere infirmus factus fuerit, ut postea alijs praeda efficiatur. Cum enim paruuli pisciculi tum cancelli & cancri ipsum exedunt & conficiunt, quamobrem eum non amplius anno uiuere dicunt, foeminamq; etiam propter crebros partus ocyus consumi.

Quemadmodum Polypi & Osmyli adrepunt

ad arborum fructus.

CAP. IX.

**P**olypos & Osmylos in siccum egressos aestiuo tempore, ex maritimis arboribus frugiferis fructus subripientes, saepe agricolae & deprehendunt, & pro direptis fructibus poenas ex comprehensis sumunt.

Quemadmodum Polypi fiunt maximi & expugnati difficiles.

CAP. X.

**T**emporis longinquitate Polypi adeo magni euadunt, ut ad ceti magnitudinem accedant, cetateiq; generis numerum obtineant. Puteolis oppido Italiae auditum est, Polypum cum inuisitata ad corporis mole facta progressionem, ad maximam magnitudinem peruenisset, egregie spreto & neglecto maritimo uictu,

X in conti

in continētē processisse & terrena pleraq; uastasse,  
 & per subterraneam specum, Puteolanas sordes in  
 mare transmittentem, in maritimam domum ascensisse,  
 ubi mercatorum res, fallamentaq; in magnis  
 uasis essent, brachiorum circumplexione uasa pri-  
 mo stricte comprimentē corrupisse, deinde fallamen-  
 ta depopulatum fuisse. Mercatores uero ingressos,  
 ubi dolia disrupta inspexissent, & permagnū earum  
 rerum, quas naui aduexissent, numerum exhaustum  
 deprehendissent, stupuisse: Ac nimirum cum ab insi-  
 dijs fores integras, tecta ab omni irruptione intacta,  
 parietes non perfossos intuerentur, quis nam popu-  
 lator fuisset, nulla cōiectura assequi potuisse: At enim  
 cum reliquias conditorum piscium animaduernerent,  
 eos constituisse, ex domesticis audacissimum arma-  
 tum intus in insidijs ponendum esse: Polypum uero  
 noctu ad assuetas tanquam epulas adrepentem reuer-  
 tisse, & tanquam athleta aduersariū strictilsime cor-  
 reptum suffocat, sic flagellis uasa circumplectantē per-  
 fregisse: eum porrò qui insidias moliretur, etiam si lu-  
 næ fulgore domus illustraretur, omniaq; conspicua  
 essent, non tamen, quoniam solus esset, bestiae metu  
 perterritum, hanc aggressum fuisse, sed mane mercat-  
 oribus totam rem explicasse: quod quidem ipsum ij  
 audientes, ei fidem enarratarum rerum non habebāt.  
 Deinde tum negociatores ob tantum acceptum detri-  
 mentum, periculi memoria deposita, consenserunt si-  
 mul ingredi, & congregari cum hoste; tum alij inusitati  
 & incre

& incredibilis spectaculi studio sua sponte sese auxiliatores unâ in domo illa concluderunt. Postea uero quàm sub uesperam in solita dolia sur inuasisset, ex eis partim cloacam obstruebant, partim armis tecti in hostem irruentes, gladijs eius brachia abscindebant. Cumq; quemadmodum frondatores arborum robustissimos ramos secant, sic ij ipsius membra circuncis dissent, tandem uix non pauci eum ipsum consecerunt, atq; oppresserunt: & quod quidē admirationē habet, in terra piscem mercatores fuerunt expiscati, huiusq; beluæ propriam ueteratoriam nobis ostenderunt.

## GYLLII ACCESSIO.

De Polybi libidine.

CAP. XI.

**P**olypus in uenerco complexu extremū spiritum effundit: non enim desistit coire, priusquàm membrorum robore defectum humi stratum, quiuis qui ad eum appropinquat, siue sit is cancellus, siue cancer, siue alij pisces, quos antè deuorabat, ipsum tādīu membratim decerpunt, & lacerant, dum uitam amisserit. Fœmina item ex pariēdi dolore perire solet: non enim discreta oua, sed continentia inter se, & coherentia ex angusto foramine pariūtur: quamobrem non biennium amplius uiuit.

De Sepia.

CAP. XII.

**C**um se à peritis piscatoribus captari cognoscit Sepia, suum atramentum emittit, quo circumfusā, ab oculis piscantium remouetur, eorumq; pet-

X 2 stringit

fringit oculos: piscatores uero cum sit in eorum oculis, nihil tale uident. Et Aenæa tenebris circumsepto sefellit Achillem Neptunus, ut ait Homerus.

## GYLLII ACCESSIO,

De Sepiæ astu.

CAP. XIII.

**A**stute pisces Sepia capit, nam brachijs quæ à suo capite exoriuntur, tanquam lineis eos in arenam occultata imprudentes comprehendit. Iam ad eam capiendam neq; nassæ, neq; retium insidiæ opus sunt: sed amoris illecebris eam ad hanc rationem piscantur, ut Sepiam sceminam trahant, quam ut uel longissime mas uiderit, statim cupide in eam fertur, & amicam flexibilibus nodis etiam atque etiam diligenter circumplectitur: atq; interea cum sunt in hac implicatione, ambo piscatorum insidijs in piscatoriâ subtrahuntur. Ego Malsiliæ uidi in hunc modum capi: Specula nimirum in lignum incisa ex chorda appensa in aquam piscatores demittunt, & sensim fluctantia trahunt: Sepia ad sui simulachrum sese iaculatur, ac suis flagellis lignum circumplicans, dum se apparentem in speculo amatorie intuetur, interea reticulo circumuenta subducitur.

De pisce nancupato Luna.

CAP. XIII.

**D**emostratus uir à piscandi scientia catenus instructus, ut probe rem piscatoriam interpreteretur, piscem formæ pulchritudine eximium dicit appellari

appellari Lunam, exigua magnitudine, lata figura, Idemq; affert, cyanei coloris speciem similitudinemq; gerere, in dorso pinnas habere molles & lenes, eademq; in natando explicare, & ad similitudinem lunæ semicirculum efficere, simul & eum ipsum cum est plena luna, tum impleri, tum implere. Nempe arbores si ex his illum appenderis decrefcente luna, exficari, atque interire: ac si ad plantas admoueris, eas marcescere, & euanescere; si iam plena luna in id aquæ, quod in perforsis puteis reperitur, quis hunc piscem iniecerit, aquam iugem & perennem fore: si extrema luna, aquam exarescere. Quod si hunc eundem in fontem scaturientem conieceris, quomodo dixi de puteo, is ad rationem lunæ modò euanescet, modò implebitur.

De Lupo marino,

CAP. XV.

**L**Vpus piscis à Squillis superatur, quanquam piscium maxima uorago est. Cum autem se ipsas ulcisci Squillæ non queunt, pro ultione extremum spiritum in uictoria effundere non dubitant. Equidem earum astutias & fraudes non grauabor narrare: Cum se interceptas sentiunt, fastigium quod eminet à capite, quodq; simile est acutissimo triremis rostro, atque in summa parte lecturas habet, modo seræ rulæ uncinatæ. Hæ itaque non humili spiritu, sed plane regio, cum sese hoc mucrone instruxerunt, summa leuitate saliant, & tanquam saltatorium uersant orbem. Lupus ore maxime hiantæ atque imminenti cum sit,

X 3 pelle

pelle tenera & molli Squillam ex lassitudine uiribus defectam comprehendit, atque prandium fore arbitrat. Squilla primum in gutturis laxitate saltat, post aculeos in miscrum uenatorem defigit: huic interiora exulcerantur, tumescentiâq; plurimum sanguinis mittunt: deniq; suffocatione Lupum interficiens, interficitur.

## GYLLII ACCESSIO.

Quemadmodum Lupus & Mormylus ex retibus euadunt.

CAP. XVI.

**L**upus & Mormylus, cum piscatorum insidijs se lirretitos sentiunt, scrobe facta sub arenam aut cœnum subeuntes, sese occultant, ut ne cum piscatores euerricula in littus expellunt, atque eijciunt, ipsi quoq; euerrantur, & abripiantur: atque etiam Lupus hamo captus sese in excelsum iaculatur, & huc illucq; tandiu lineam uersat, dum luculentiore facto uulnere ex hamo elabitur: quamobrem ab Aristophane omnium piscium sapientissimus appellatur.

De Melanuro.

CAP. XVII.

**T**imidissimi piscium Melanuri, suæ timiditatis testes habent piscatores: neque enim capiuntur nassa, neque ad eam accedunt. Siquando eis saginam circumdedcris, imprudentes comprehenduntur. Cum autem placidum & quietum est mare, ij ad imam maris sedem in petris aut algis quiescunt, tegumentoq; proteguntur, quocumq; corpus occultari potest. Cum in alto aduersa tempestas est, piscesq; alios uident in altitu

altitudinem ex fluctuum impetu descendere, hi tum fiducia implentur, simul & ad litus appropinquant, atque spumam super se fluctuantem, sciplosq; cooperientem, satis esse ad se tuendum arbitrantur. Vix dici potest quàm pernoscent, eo die, nocteue cum feritas maris & immanitas efferverescit, tum à piscatoribus nō adiri mare. Ac cum maris tempestates sunt, ex his uiuunt cibus, quos è saxis partim eruunt, partim è terra euellunt: nec tamen nisi sordidis pascuntur, & abiectis quibus non facile alius piscis, nisi fame oppressus, uelceretur. Cum maris tranquillitas uiget, in solo sabulo pabulum inquirunt, hincq; pascuntur.

De Merula marina.

CAP. XVIII.

**M**erula marina domiciliorum & sedicularum loco in petris & cauernis stabulatur. Eorū quisq; cum multis complexu uenereo iungitur: etsi hoc genus matrimonij contemnendum, multarumq; esse studiosum, delicatorum ad res uenereas dicerem esse Barbarorum. Et tu qui Xenophonticæ Cyri pædiæ studuisti, diceres esse Medorum, & Persarū. Omnium autem piscium est maxime Zelotypus, cum semper aliās, tum maxime cum eius uxores pariunt. Cum enim parturiendi doloribus ex tenentur, domi quiescunt: mas autem, nempe maritus, soribus incubans, cauet ne extrinsecus insidie inferantur, metu paruulorum: uidetur nondum genitos amare, metuq; paterno motus, his timere: & totos dies in eorum custodia permanet, nihil gustans. Cura ipsum alit. Sub cre-

X 4 pulcu

pusculum uespertinum intermittit hanc custodiendi necessitatem, cibumq; exquirit, singulisq; coniugibus, quæ sunt intus, siue sint in partus doloribus, siue iam enixæ cubent, algas multas in cauernis, & circum petras ad uictus comparisonem affert. Experiens piscator cum insidias Merulæ molitur, hamū Squilla implicatum deijcit, atque is idem submouet lineam, excitans & exacuens piscem ad cibum. Squilla uero mota speciem quandam sui præbet ingressuræ in cauernas Merulæ, hoc enim ipsum capitaliter odit. Quamobrem cum id fieri sentit, inuadit, existimans eam hostem esse; non enim tum cibus curæ illi est: cumq; Squillam dentibus lacerauerit, discedit, cibo præstabiliorem & antiquiorem curam uigilandi ducens. Cum porrò quiddam ex obuijs comesurus est, primo perfringit, deinde iacere sinit, uidensq; hoc idem non palpitare, & iam mortuum esse, comedit. Fœminæ uero quandiu marem uident propugnantes, domi manent, formamq; tuendæ familiæ seruant. Cum uero perijt, eæ præ moerore acquiescere nequeutes, errant, eas enim tristitia foras educit, tumq; capiuntur. Quid ad hæc poëtæ dicunt, Euadnem, & Alcestin dudum nobis gloriose lugentes.

## GYLLII ACCESSIO.

De Mugilis iustitia.

CAP. XIX.

**E**X omnibus piscibus Mugiles mitissimi & iustissimi sunt, nullius enim neque sui generis, neq; alterius piscem lædunt; sine damno cuiusquã pascuntur: à sanguinis



languinis & carnis usu se abstinēt, algis & cœno uiuunt: mutuo inter se linctu corpora permulcent: neq; horum quisquam suos fœtus excedit. Alij pisces hostilem in modum inter se infesti sunt: itaq; assidui uigilant, qui semper à maioribus periculum sibi creati timent. Neq; enim modò ad moliendas alijs piscibus insidias prudens est piscium natio, uerum etiam piscatorum artibus illudit, & naturæ solertia humanum ingenium uincit. Mugiles irretiti, non se insidijs circumuallatos esse ignorantes, in sublime efferuntur, & nituntur retia transilire, neq; à prudenti consilio aberrant: nam sæpe retium excelsitatem traicientes, ex mortifero periculo euadunt, ac si primi saltus aberratione in rete rursus dilabuntur, non postea amplius tentant transilire, sed anxij quiescunt, & prostrati à prædone cædem expectant.

## GYLLII ACCESSIO.

De piscium ingenio &amp; Mugilis astutia.

CAP. XX.

**R**erum expetendarum fugiendarumq; prudentes uniuersos pisces esse, cum ex alijs eorum actionibus patet, tum quòd non tam paruo negotio capiuntur quàm à Lupis, Asini: & Meropibus, Apes: & Hirundinibus, Cicadæ. Omnium enim piscium prudentissima periculorum præsentio, & incommodorum summa cautio atque prouisio est. Quamobrem uariorum & multiplicium instrumentorum insidijs piscatorijs attentantur: quod quidem liquet, è re  
Y      haud

haudquaquã in piscatorum vulgus ignota. Etenim piscatores, etsi ad captorum piscium tractum robore opus est, tamen omni sprete crassitudine, tenuem calamum deligunt, ut ne huius ampla umbra piscibus insidiarum suspicionem injiciat; neque item lineam multis funiculis contexunt, neque horridam atque asperam efficiunt, ne fraudes prænoscant, atque etiam ut setæ quæ ad hamum pertinent, exalbescant, iidem piscatores machinantur: sic enim marini coloris speciem similitudinèque gerentes albæ setæ piscium astutiam fallunt. Atque idcirco angustis hamis contra Mugiles, & Amias utuntur, quòd huiusmodi pisces cum paruum os habeant, latos hamos fugiant. Quare Mugilum genus suspectum habens hamum latum, circum ipsum erratica natatione versatur, & cauda hamatam escam conuellit, ac si eam excutere non queat, os primo contrahit, deinde summis labris de hamo escam detrahit. Iam quod singulare quiddam iactatur de Gruibus, eas porro uolatum obuertere contra uentos, id ipsum omnibus pisces præclare intelligunt: semper enim contra fluctum natant, & cauent neue retro spirante uento squammæ explicentur, neue his denudatum corpus affligatur. Itaque contra uentum ueniunt, ut & branchiæ contrahantur, & undæ undique corpus, ne squammis inhorrescat leniter premant.

De Mullo pisce.

CAP. XXI:

Mullus

**M**Vllus piscis edacissimus est, omnia sibi obuia promiscue immodesta quadam intemperantia belluari cupit. Horum nonnulli saxatiles appellantur, à locis quæ incolunt nomen trahentes, quæ quidem loca habent minuta & rara saxa, crebrasq; algas inter hæc interiectas, ac intermedias, ubi subidet limus vel arena. Hominum & piscium cadaueribus vescitur, & sordidissimis maleq; olentibus delectatur.

Eleusinae sacris initiati, idcirco Mullo pisci honores habent, vel quòd is ter anno parit, vel quia mortiferum homini leporem exest, planeq; conficit.

Cur non edunt sacerdotes Mustellum & Mullum pisces. CAP. XXII.

**M**ustellum piscem aiunt nunquam sacerdotes edere: non enim, quoniam ore parit, mundum cibum esse. Quidam non ipsum ore parere ferunt, sed insidiarum timore percussum, ut occultet catulos suos deuorare. Deinde cum nihil ab insidiarum comparatione timet, uiuos euomere. Itemq; Mullum nunquam attingunt, nec sacerdotes, nec foemina Argolicæ lunonis sacerdos. Causas cur ab eo abstineant, quodam loco antè me dixisse memini. Ab ijs qui artem culinæ callent auditione accepti, Mullorum uentres non rumpi, sed integros permanere, si prius eorum os coci osculentur.

Quemadmodum Murena coit cum Vipera.

CAP. XXIII.

Y : Cum

**C**um libidinis impetus plena est Murena, in aris  
 dum progreditur, sponsi iniquissimi desiderio  
 permota, latibulum Viperæ intrat, ibique ambo inter  
 se colligantur, atque coitu implicantur. Vulgo hominum  
 opinio ait, Viperam stimulis libidinis concitatam, ad mare  
 accedere, & ut adolescens in amoribus dissolutus, cum  
 lyra fores pullat amatae: sic Vipera sibilo edito ama-  
 tam euocat, ea è mari exit, natura diuersorum locorum  
 incolas in cupiditatem unam, & cubile idem cogente.

De piscium mansuetudine & de Murena.

C A P. XXIIII.

**P**isces ad hominum mansuetudinem mansuescunt,  
 & cum appellantur, egregie intelligunt, & è ma-  
 nu largientium cibos capiunt, ut Anguilla in sacra  
 Arethusa. Murena Crassi Romani omnium prædi-  
 catione celebrata, sic in auribus & gemmis distincto  
 monili tanquam sane eximia formæ pulchritudine  
 puella ornabatur, & appellantis vocem Crassi agnos-  
 cebat, atque ad eum adnatabat: cumque quippiam ei por-  
 rigebat, gaudio exiliens, propterea & parato animo acci-  
 picbat. Hanc ille mortuam fleuit uberius, atque honore  
 sepulturæ affecit. At enim cum aliquando aspere &  
 acerbe Domitius in hunc dixisset, Stulte Crasse, Mu-  
 renam fleuisti mortuam. Ad hæc respondens Crassus:  
 Equidem, inquit, de bestiae morte fleui: Tu uero nul-  
 los ne ex trium quidem uxorum interitu, quas ad se-  
 pulturam dedisti, luctus percepisti.

De Viperæ & Murenæ coitu.

C A P. XXV.  
 Cum

**C**um proximum est ut Vipera complexu uenero iungatur cum Murena, uenenum uomitione eijcit, atque expellit, ut suavis decorusq; sponsus uideatur. Postea edito sibilo, tanquam Hymenæo quodam ante nuptias missio, sponsam appellat: atq; ubi mutuam ueneris libidinem inter se expleuerunt, hæc quidem ad mare regreditur, illa uero exsorpto uenero & recollecto, ad domesticam sedem reuertitur.

De Muribus marinis.

CAP. XXXVI.

**I**Neolæ domorum Mures cum ad cætera omnia timidi & perimbecilli habentur, tum maxime strepitus timore afficiuntur, sed nihil peius quam Felis uocem perhorrent. Timidi etiam agrestes, sed domesticis audaciores: non item marini. At enim etsi nõ magno sunt corpore, inexpugnabili tamen septi sunt robore atque muniti: quippe qui ad propugnandum duplici confidunt armaturæ, præduræ nimirum pellicis, & dentium robori: cum enim ualentibus piscibus, & rei piscatoriæ peritissimis hominibus pugnant.

De Mustello & Mustella, terrestri & marina.

CAP. XXXVII.

**T**errestris Mustella fera bestia atque insidiosissima, in defunctos homines inuadit, & nisi arceatur, eorum oculos diripit & exsorbet. Mustella breuis piscis, nullam cum Mustello communitatem habet: Nam hic quidem chartilagineus est, & pelagijs, & magnitudine præstans, simul & canis speciem similitudinemq; gerit. Mustellam uero diceres esse Ico-

Y 3 rinum

rinum, Pupillæ oculorum ad Cyaneum colorem accedunt, eius mentum quàm Iecorini maius est, & minus quàm Chremytis, Algas depascitur, & saxatilis est, atque similiter ut terrena omnium cadaverum, in quæ incurrit, oculos exest, & conficit.

De Myrone pisce.

CAP. XXVIII.

**P**iscem esse accepi nomine Myronem, unde nomen duxerit, haud equidem scio, cum ipsum esse dicunt marinum serpentem: ac si illius utercunq; oculus erutus tanquam amuletum gestetur, oculus improbe affectum, ad uidentium curabit, & simul huic alterum renasci loco eruti aiunt: ac oportet uiuum dimittere, uel frustra illius oculum geris amuletum.

De Orcyno.

CAP. XXIX.

**O**rcynus cetaceus piscis, rerum suarum prouidens est. Hamum quo transfixus fuerit, in maris altitudinem sua impulsione deprimens, ad solum allidit, eumq; oris pullatione expellere cupit: quòd si id minus fieri queat, ab hamo exceptum uulnus luculentius infert, dilatatq;, atq; exsiliendo id quod sibi molestiam exhibet, expuit abijcitq;: sæpe id non affecturus, inuitus ad piscatoris prædam subtrahitur.

De Orpho.

CAP. XXX.

**O**rphum piscem marinum si postquam cæperis, dilices, statim non moritur, sed motum non parum diu retinet. Hyberno tempore cum in speluncis se tenet, tum uero ad continentem libenter commoratur, quòd magis littoralis sit, quàm pelagijs.

De

## De Orphis sacris piscibus Myrensiū,

CAP. XXXI.

**I**N Myrensi Lyciæ sinu Apollinis templum est, ad cuius sacerdotem vitulinas carunculas distrahentem Orphi adnatant, & tanquam sanè conuiuæ ad epulas inuitati, carnes comedunt: & uero immolantes ex eo magna uoluptate afficiuntur, quòd pisces sua sacificatione pascantur. Quod quidem ipsum res suas bene & feliciter sibi casuras esse significare persuadent, idcircoq; propitiū esse sibi Deum dicunt, quòd suis cibis pisces expleantur. Quòd si caudis carnes in terram eijciant tanquam sordidas à se detestantes, inde sibi iram Dei protendi arbitrātur. Itemq; huiuscemodi piscium genus sacerdotis uocē & agnoscit, & si ad eos à quibus appellatur, accesserit, sic incredibilem ipsis lætitiā affert, ut si contrā fecerit, magnum dolorem eisdem inurit.

## De Oue &amp; Epatho piscibus marinis.

CAP. XXXII.

**I**N specubus abditæ latent maris incolæ Oues & Epathi, & à piscatoribus Præpentes nominari solent. Si quidem quanquam natura maximi uideantur, tamen ad natandum segnes sunt: non enim à suis lætibulis longe aberrant, imo uero circum ea ipsa semper uolutantur. Infirmioribus piscibus adnatis insidias faciunt. Asellus inter eos numerari potest, hic exortum caniculæ extimescit.

## De Oxyryncho maris rubri.

CAP. XXXIII.

Y 4 Oxy

**O**Xyrynchus, quem mare rubrum profert, ore est prælongo, oculis ad similitudinem auri fulgentibus, eius dorso signa pallore insignita sunt, pinnæ priores ei nigrae existunt, eæ uero quæ sunt in dorso albæ: caudâ proluxa & uiridis, quam mediam aureo la linea intersecat.

De Oxyryncho Nili pisce. CAP. XXXIIII.

**O**Xyrynchus Nili alumnus, ex acumine rostri nomen trahens, illic uenerationem & religionem habet, ut piscatores ualde timeant, nequando is piscis apud eos sacer, & magna religione præditus hamo traiciatur: quem si fortè hamo ceperint, nunquam tamen edere audent, atque cum pisces retibus comprehenduntur, diligenter etiam atque etiam perscrutantur, nunquid horum piscium imprudentes unquam cum alijs ceperunt: Malunt enim nihil piscium exire, quàm hoc retento maximum piscium numerum assequi.

De Oxyrynchis Caspijs. CAP. XXXV.

**I**N maximo Caspiæ lacu Oxyrynchi ab acumine rostri nuncupati, magnitudine octo cubitorum procreantur. Eos Caspij captos distrahunt, & muria conditos atque exsiccatos Camelis Ecbatana uehunt, simul & adipe detracto, farinas ex ijs conficiunt, & huiusmodi salamenta quidem uendunt. Oleo uero pinguisimo & suaueolenti unguuntur, atque etiam exempta ex ijs uiscera excoquunt. Vnde ad permultos usus accommodatum fit glutinum: nam non modo  
ad



ad quæcuncq; applicatum fuerit, adhaerescit, sed & firmissime retinet, ut & decem diebus madefactum nunquam postea dissoluatur: & eo ad Elephantos comprehendendos uenatores utantur, & pulchra facinorosa edant.

De Pagris & Meotis piscibus Nilii.

C A P. XXXVI.

**A**egyptij Syenitæ sacros pisces Pagros ducunt: atq; Elephantinam sic nuncupatam incolentes; eadem existimatione Meotas pisces ornant. Causa uero cur huiusmodi piscium genus hanc apud eos populos uenerationem habet, & magnam religionem possideat, ex eo profecta est, quòd aduentantem Nilum hi præcurrentes, futuram aquam prænunciant, & mirifica quadam uis eius accessionem præsentientes ex sua antecessione suspensas Aegyptiorum mentes optima spe recreant. Idcirco etiam eo honore afficiunt, quia in eo permanent nullum ut sui generis comedant.

De Pardali pisce. C A P. XXXVII.

**P**ardalis piscis, ut ij qui ipsum uiderunt, dicunt, in mari rubro nascitur, colore & maculis orbiculatis, similis est terrenæ Pardali.

De captura Pelamidum. C A P. XXXVIII.

**R**ationem piscandi Pelamides haud sanè peruulgatam non à seria consideratione alienum est explicare. Decem iuuenes ad summum ætatis uigorem florescentes expeditã nauem & ceterem conscendunt;

Z & si

& simulatq; se cibo expleuerint, pariter continuo æqualiterq; in utrunq; nauis latus distributi remigare contendunt, atq; huc illuc errant: eorum unus alius quis ad puppim sedens, armatas hamis lineas ad utranq; nauis partem demittit, tum ad singulos hamos escam ex Purpura pisce confectam stricte religat, tum Lari marinæ auis pennam ad hamū quencq; alligat, ut ab occurrente aqua sensim & leuiter agitur, Pelamides autem escæ sic instructæ illecebra delinitæ in hamos innatant. Cum autem ex his aliqua liguratione apprime stimulata, os in escam impegetit, tum reliquæ consequentes hamis configuntur, ut hami ob multitudinem uno eodemq; tempore transixorum piscium uexentur. Iuuenes uero remigare desistentes, de transtris surgunt ad subtrahendas lineas multitudine piscium onustas, quos posteaquam in nauem subduxerūt, secundissima piscatio ex permagno piscium numero aperte ostenditur.

## GYLLII ACCESSIO.

## De captura Pelamidum, CAP. XXXIX.

**P**elamides ubi Cyaneas transierunt saxum quoddam ex littore Chalcedonio eminentis sic ex albescit, ut his ipsis immanem injiciat terrorē, & euestigio in ulteriora littora se conuertant. Deinde fluctuum impulsu præcipites actæ Byzantium deferantur, ubi earum permagna uis comprehēditur. At Chalcedonij, quòd saxi metu ad Chalcedonis littus omnino non

non accedant, nullas capere possunt.

De Persæo pisce maris rubri. CAP. XL.

**I**N mari rubro piscis nascitur quem Persæum Arabes nominant, Græci quoque eodem nomine appellant: nam utriusque Iouis filium Persæum uocant, ex cuius uocabulo nomen traxisse piscem hunc prædicant. Is pari magnitudine est cum Anthia maximo. Aspectus similitudo illi etiam est cum Lupo: naso est leuiter adunco, cingulis aureis distinguitur, quæ à capite ex orientia oblique feruntur, & ad uentrem usque pertinent, frequentibus & permagnis dentibus munitus est. Ex omnibus piscibus qui in eo mari uersantur robore & audacia maxime excellere dicitur.

De Physa pisce. CAP. XLI.

**P**HYSA Aegyptius piscis admirabili natura præditus est, nam cum notionem habere ferunt, quando luna augeatur & diminuatur, eiusque icur cum luna pariter decrescere pariterque recrescere, corporisque habitu modò esse opimo, modò gracili & tenui.

De Phyllalo pisce maris rubri. CAP. XLII.

**I**N mari rubro, sinu Arabico, piscem Leonides Bizantius gigni ait, Gobio ætatis perfectæ non magnitudine inferiorem: nullos oculos, nullumque os habentem, more tamen piscium branchias his innatas esse: capitis figuram etsi minus expressam coniectari possit: infra imum uentrem formam quandam leuiter contractam in sinum apparere, quæ smaragdi coloris

Z z rcm

rem reddit, hanc ei oculorum loco & oris esse idem ait. Quisquis hunc gustauerit, sentiet se magno malo suo expiscatum illū fuisse: nam statim ut gustauerit, acerrimis doloribus premitur: deinde illius uenter cum extrema uitae perniciē disrumpitur: ueruntamen & is tanti mali si semel capiatur, poenas pendit. Cum primum est extra aquam, inflatur: & si eum tetigeris, magis magisque intumens exardescit. Turnēq; si quis eum assidue moueat, praē siti totus perlucet, & tanquam morbo inter cutem deniq; disrumpitur. Si quis hunc etiam nunc uiuentem in mare uelit reijcere, is supernatate more inflatae uento uesicae, quocirca ex affectu Leonides ait Phyllalum appellatum esse.

De Pompyliis piscibus. CAP. XLIII.

Pompylii pisces pelagij in ima sede maris uersari soliti, uel omnium piscium quos auditione accipimus, maximopere cognoscendi sunt. si siue terram male oderunt, siue haec ipsa illorum odio tenetur. Hi autem sic circum nauis altum secantes, tanquam amicas concurrant, easq; stupant saltantes. Et nauae quidem quantum absint à terra ignorare solent, at Pompylii, tanquam canes magna sagacitate propius quam praedam praesentientes, sic terram non longe abesse ante multo sentiunt: idcirco non tanto amplius studio nauium tenentur, longius eos ut persequi committendo uelint, sed quasi signo ad abeundum sublato, frequentes in altum redeunt. Vnde nauae contententem,

nentem, tametsi fascibus non eam assecuti, sed à Pampylis eruditi, propinquam esse sentiunt,

De Pampylis piscibus. CAP. XLIII.

Pompylum piscem dicunt non modo Neptuno, sed etiam incolis Samothraciæ Dijs sacrum & charum esse. Ob eamque causam piscatorem nomine, sicut dicitur, Epopeum, ex Icaro insula profectum etate iam affectum, quod aliquando cum nihil aliud piscium præter Pampylos cepisset, eosdemque cum filio comedisset, protinus huic pisci meritas poenas persoluisse. Etenim cetacea belua facta in eius piscatoriâ impetu, ipsum deuorauit. Pompylum hostili odio Delphini persequuntur: neque hoc ipsum tamè impune faciunt: Cum enim hunc gustauerunt, inefficaces, stupidiisque continuo redduntur, & quod furore inflammati consistere non queunt, idcirco in littora expelluntur, atque fluctu eiecti, à Coruis, Gaijs cæterisque maritimis auibus exeduntur, & conficiuntur. Apollonius Rhodius siue Naueratites, dicit, hunc aliquando hominè fuisse portitorem, qui cum puellæ Apollo amore teneretur, quacum etiam complexu uenero iungi conaretur, hæc autem effugiens Miletum uenisset, & Pompylum precibus obsecrasset, ut se trajceret, is quidem paruit: at uero Apollo sese ostendens, hanc quidem rapuit, nauem autem in lapidem, Pompylum uero in piscem conuertit.

De Remora. CAP. XLV.

Z 3 Echencis

**E**Chencis pelagius piscis, aspectu niger, longitudine cū mediocri, Augulæ æquandus. Nomen à rebus quas agit habet, ab inhibendis nauibus. Echencis da Græcè scientes appellarunt. Nauis secundo uento, & plenis uelis propulsæ extremam puppim mordicus premens, tanquam indomitum atque effrenatum equum freno robusto inhibens, uiolentiſſime ab impetu reprimi, & constrictam tenet: frustra quæ uentis uela dantur, frustra uenti afflant: quæ res uectos res angit, & sollicitos uehementer habet.

De Scombris piscibus.

CAP. XLVI.

**I**N mari Ionio prope Epidamnū infula est, quæ Atheinas appellatur, eam piscatores incolunt, & lacus est, ubi Scombrorum, qui ad piscatorum consuetudinem assueuerunt, & mansuefacti sunt, greges aluntur, his sane cibaria edenda piscatores idcirco obijciunt, quòd cum iisdem scædus quoddam sanctum habent, atque adeo firma pace deuinciuntur. Nam hoc pisciū genus ab omni captura tum liberum est, atque ad errandum sine ulla exceptione solutum: tum uero eatenus ætate procedit, ut uiuat ibidem ad summam senectutem. Nec tamen ætatis tempus ignauiter trahit, neque in suos altores ingratum est: at enim de piscatoribus pastum cum mane acceperit, piscationē capescit, ut se nutricantibus præmium pro nutrimento persoluat. Quare ex portu soluens, ad feros Scombros gentiles suos natate cōtendit, ac simul ut ad eos peruenit, cum ipsis ita continuo tanquam cum aliqua phalange

phalange suorum popularium errat: & nimirū cum eiusdem generis sint, non inter se fugiunt, sed simul natant: post autem cicures circum feros concursantes in orbem consistunt, & suorum corporum obstructione eos fuga exituq; intercludentes, suorum nutritiorum (ut pro ijs quibus expleti cibus fuerint, illos remunerentur) aduentum acerrime tandiu expectāt, dum piscatores eò profecti, captorum permultas cædes effecerint. Deinde cicures properātes ad portum regrediuntur, atque ibidem intra cauernas abditā, à piscatoribus cibaria expectant, quæ quidem ipsa eis cotidie largiuntur, si ipsos ad piscatum adiutores atque amicos fidos habere uelint. Quòd si hominibus ex icore laborantibus, atque ex arcuato morbo ægrotantibus Scombrum edendum dederis, quemadmodum rei piscatoriæ bene periti docent, ad sanitatem redibunt.

De Simia maris rubri.

CAP. XLVII.

**E**st etiam in mari rubro Simia, non piscis quidem hæc, sed bestia cartilaginea, & uelut squammarū expers, eaq; ipsa non magna. Colore est terrestri similis, tum aspectu speciem similitudinemq; eiusdem terrenæ Simiæ gerit. Non pisceo tegmine reliquum corpus, sed illiusmodi circumuestitur, cuiusmodi testudinis inuolucrum est. Eadem similiter atque terrestris resima est, eius reliquum corpus instar torpedinis latum est, ut dicas auem esse alas explicantem. Cum natat, uolare uidetur: cum igitur terrestri partim differt,

Z 4 partim

partim conuenit : maculis distinguitur.

De Thrissis Aegyptijs. CAP. XLVIII.

**Q**ui Maræotim lacum accolunt, Thrissas illinc cantu & pulsibus testarum concrepantium consonantibus piscantur. Etenim eæ tanquam saltatrices saltantes in piscatoria, ad se comprehendendas explicata, instrumenta incidunt, atque cum saltatione & lusione Aegyptij splendidam prædam consequuntur.

De Thymo pisce. CAP. XLIX.

**P**iscem Thymalum, sic nuncupatum, Ticinus fluiuius Italiae procreat : Is ad cubiti magnitudinem accedit, & Lupi & Mugilis communem & mediam speciem similitudinemque gerit. Eius capti odor non indignam admirationem habet : non enim ut cæteri pisces pisculentum quædam mittit odorem, imo uero existimes te eius gentilem herbam recentem ex terra lectam manibus tenere. Tanta odoris suauitate fragrat, ut qui eum ipsum non uidet, gratissimam Apibus herbam, unde nomē duxit, intrus esse putet. Non quidem hamatis escarum aliarum illecebris, sed solo culice, bestia noctes & dies homini infesta, quòd hæc sola delectetur, comprehenditur.

De Torpedine. CAP. L.

**V**T Remora, quòd naues remoratur, ex eo nominatur, sic id quod à torpedinis piscis tactione obtorpuisset, ei nomē dedit. Ex matre mea, cum essem puer, audiui, si quis eam contigerit, manum obtorpescere. Itemque de sapientibus uiris hanc auditionem  
accepi



accepit. Quòd si quis rete in quo fuerit capta attigerit, torpere: sin autè quis eam uisum in uas imposuerit; & marinam aquam infuderit, eamq; aquam quis ex uase in hominis aut manū aut pedem infuderit, membra hæc non dubitāter obtorpescere. Theophrastus in eo opere quod inscripsit de Latentibus, dicit, propter frigus in terram se abdere.

## GYLLII ACCESSIO.

De Torpedine.

CAP. LI.

**P**iscibus non est iustitiæ pudor quisquā, neq; amicitia, imo odia atq; inimicitias inter se omnes crudeliter gerunt. Robore enim firmior debiliore exedit, & conficit: alius qui dentibus præstat, infirmioribus uim infert: alius aculeo uehemens, atq; pestiferū uulnus infligit: alij quibus neq; uires neq; aculei natura tributi sunt, ingenij armis teguntur: astutia nimirum & fraude, qua læpe piscem & robustiore & maiorem perdunt: Torpedini uirium experti, & pelle molli obductæ, hanc uim ingenuit naturā, ut tametsi corporis debilitate in natando tam tardos motus habet, ut cum natat, ad iudicandum difficile sit moueatur nec ne: tamen eius tactus dolosum robur habet. Primum enim ut quispiam ipsius membra contigit, continuo obtorpescit, cuius quidem muneris præclare intelligens Torpedo, sese supinam in terram abijcit, & humi strata iacet immobilis tanquā mortua: Ac si quis ex piscibus ad eam appropinquat, hic primū tanquā uinculis constrictus tenetur, & tanquam arcuissimo

a a somno

sonno opprimitur. Post uero hæc quanuis non leuis sit, tamen celeriter ex latebris erumpens, piscem mortuo similem edit: Et sæpe ita in natantes pisces incurrens, eorum celeritatem tardat, & uel properantes suis uinculis astringit, & debilitati, fugere obliuiscuntur. Illa uero eos à fugiendo retardatos torpore, exedit & consumit.

## GYLLII ACCESSIO.

Quemadmodum Torpedo hamo capta se liberat.

CAP.

LII.

**T**Orpedo cum se piscatorum insidijs captam sentit, sese ad lineam admouet, statimq; per lineam & calamum huius torpor ad manum piscatoris permanat. Qua quidem machinatione sæpe ex piscatoris manu obtorpescēte calamus defluit, & ipsa elabitur.

De Trocta pisce.

CAP.

LIII.

**P**iscis Trocta, cuius naturam nomen & os declarant, dentes habet frequentes & continentes, quibus quicquid inciderit, perfringere potest. Hamo captus solus ex piscibus non se ab hamo retrahit, sed impellit sese in ferrum, chordam consumere cupiens. Piscatores contrà machinātūr longas ansas: ille uero quoniam quodammodo ualet saltu, ansas sæpe transilit, ac linea qua agitur concisa, ad piscium domicilia reuertitur. Hic etiā sui generis grege coactio, Delphinus inuadit, & ij quidem si quem segregatū circumuentre possint, fortiter inuadunt: plane enim sciunt Delphinum suis morsibus uerberari asperere solere.

Itaq;

Itaq; Troctæ ei acerrime instant. Delphinus contra resilit, subfilit, atque indicat ut ex dolore torqueatur, idcirco tenaciter urgent, simulq; ad saltum Delphini tolluntur. Hic eos repellere conatur, illi uero nihil remittentes, uiuum lacerant: postea uero quàm pro se quisq; aliquam eius partem uulnerauit, discedit. Delphinus uero libenter enatat cum conuiuas (ut ita dicam) minus inuitatos cum suo dolore exceptit.

Vbi Vituli marini pariant. CAP. LIIII.

**V**ituli marini primum in arido fetus suos pariunt, deinde in lucem editos paulatim cum in humidiora loca subducunt, atq; ad degustandū mare eos introducunt, tum in aridum natalem locum reducunt, inde rursus in mare deducunt, & quàm mox educunt. Sæpèq; numero cum id fecerunt, aptissimos ad natandum efficiunt, partim doctrina institutos, partim natura ad mores & sedes maternas amandas impulsos.

GYLLII ACCESSIO.

De Vituli marini studio in suam prolem.

CAP. LV.

**E**orum quæ procreauit Vitulum marinum maxima cura attingit. Non in mari, sed in arido parit. Totos duodecim dies in sicco commoratur: decimo tertio die catulos tanquam ulnis complexa, in mare demergitur. Neque enim modo homines suam procreationem charam omniq; luce dulciore habent,

aa z sed

sed & uolucres, & crudelissimæ feræ foetuum suorū  
 charitate tenentur. Neq; pro ijs quicquam supplicij  
 sustinere, atq; uitam ipsam amittere recusant. Iam pas-  
 tor sæpe in pastionibus Leonem aspicit pro catulis  
 acerrime propugnantem, & præclarè contemnen-  
 tem factam saxorum lapidationem, & crebram mis-  
 sionem telorum, neq; uel infinitis uulneribus confes-  
 ctus, inuicto robore animi prius omittit eos tueri,  
 quàm omnino moriatur: neq; enim sanè tantopere  
 sua morte mouetur, quàm ut ne ab antro sui catuli  
 abripiantur. Neq; item pastor ad canis à partu recens  
 tis cubile appropinquare audet, & tametsi antea cum  
 ea quasi societatem tuendi gregis coiuerat, tamen il-  
 lius iracundia, qua de suis catulis ea permouetur, is  
 deterritus, abscedere cogitur: neq; quenquam agnos-  
 scit, at difficiles omnibus aditus habet. Arreptam ui-  
 tulam grauius mater luget, & longe lateq; magno  
 gemitu uagatur, ut pastoribus ipsis acerbum dolorè  
 moueat. Vituli marini exeunt quidem de nocte  
 magis, sed & interdiu & extra mare dormiunt: quod  
 quidem ipsum narrantem Menelaum Telemacho,  
 & Pisistrato Homerus facit in Odyssæa, cum de Pros-  
 tæo & eius diuinatione, qua is uteretur, ipsis narra-  
 torem inducit.

## De Vituli marini amore.

CAP. LVI.

**V**itulam marinam, Eudemius ait, in hominem  
 Spongas piscari solitum, amore flagrasse, eoque  
 ubi

ubi subterranea petra esset, extra mare progressum cum spongiatore uersatum fuisse. Quòd autem, cum is deformissimus esset, uitulo formosissimus uideretur, nihil forsitan mirum uideri debet: cum sæpenus micro homines in mulieres turpissimas amore inflammentur, contrà ab elegantibus ualde abhorreant.

## GYLLII ACCESSIO.

Vitulus marinus quemadmodum capitur.

## CAP. LVII.

**V**itulus marinus robusto corio obductus, neque hamo, neque fuscina comprehenditur: At primum ut irretitus tenetur, piscatores statim magno studio rete in littus expellunt, atque eijciunt. Nam crsi uarijs & multiplicibus retibus illaqueatus est, ea tamen unguibus facile laceraret, & piscibus simul captis adiumento ad exitum esset. Quamobrem magna celeritate ad terram subtrahunt, ubi & tridente & fortibus hastis secundum tempora eius caput percutiunt, sic enim celeriter necatur.

## GYLLII ACCESSIO.

De piscibus Vitulorum similibus. CAP. LVIII.

**Q**ui nouum orbem obiuerunt, in flumine Gamabra nuncupato, testantur piscem procreari Vituli marini speciem. similitudinemq; gerentem, præter caput, quod equinum existit. Nam quemadmodum uitulus partim aquatilis, partim terrenus habetur, sic is in utraq; sede uiuit, eademq; est qua bos corporis uastitate, præterquam quòd cruribus est longe

gracilioribus : Itemq; bifulcis pedibus, cum duobus dentibus extra eminentibus, atque adeo magnitudi-  
ne ad duos dodrātes accedentibus, sicut *Aper armaf.*

Quemadmodum ex piscibus *Hirundines &*

*Accipitres uolant.*

CAP.

LIX.

**A**ccipitres marini, *Hirundo pelagia*, cū quippiam metuunt, ex mari exsilire dicuntur, ac *Hirundines* quidem pinnarum longissimo & sublimi tractu gregatim more auium efferri, *Accipitres* uero paulo supra summam aquam maris tolli solent, ut ad iudicandum sit difficile, natent ne an uolent.

De marina *Vulpe.*

CAP.

LX.

**Q**uemadmodum *Vulpes* terrena animal fraudul-  
entum existimatur, ita etiam marinæ *Vulpi* ma-  
chinatio quædam atq; solertia ad declinādas insidias  
attributa est. Principio enim ad hamū nō accedit, aut  
simul ut hunc deuorarit, statim tanquam uestē inuer-  
tens, & interiora sua euomit, & ad hunc modum fer-  
rum expellit.

GYLLII ACCESSIO.

Deiusdem insidijs.

CAP.

LXI.

**N**on modo terrena *Vulpes* dolosa, sed & marina  
astuta est. Ea igitur non escam ob auiditatem ui-  
tat, imo uero & hamum egregie cōtemnit, & antequā  
piscator lineam subtraxerit hæc subito exsilens ab-  
scindit lineam, & rursus libera natat, ac sæpe duos  
tresue hamos deuorat.

De *Mustello* pisce.

CAP.

LXII

*Mustellus*

**M**Vstellus marinus cum timet de suis, eos recipit intra seipsum, ac rursus eadem uia eosdem reuolvens, iterum uiuos & incolumes parit.

Quemadmodum nouerunt animalia in quo habent fortitudinem ut Xiphias, Pastinaca,

Murena.

CAP. LXIII.

**I**N qua parte insitã uim habeat, præclare nouit unũ quodq; animal, cuius cum insidias facit, fiducia nititur: Ut Gladius piscis, ea parte unde nomen traxit, tanquam gladio utitur: Pastinaca aculeo se tuetur: Murena dentibus eo commodius se defendit, quòd eorum prædita sit duplici ordine.

De Xiphia, & alijs piscibus Danubij.

CAP. LXIIII.

**I**Nitium Europeorum fluminum maximi Danubij, ad Septentriones uentos sub alpiũ radices subiectum contra solis exortum à non magno fonte nascitur: deinde simul permulti, tanquam stipantes indigenarum fluminum regem exoriuntur, & eorum cõflucens continuatus & perennis est: quorum nomina qui huiusmodi fluuios accolunt, planè sciunt, ij postquam in Danubium influxerunt, primogenio nomine appellari desistentes, Europæ fluuiorum regi de suo nomine decedunt, atque ex eo nominati, simul in Euxinum defluunt. In hoc flumine permulti & diuersi pisces nascuntur, Coracini, Autacei, id est, ingentia cete, & nigri Cyprini porci, Percæ, & Gladij, qui conuenientissimum nomen habent, cum enim omni

aa 4 tempore

tempore teneri sunt, & tactu suaues, & grati, tum omnino nec obliqui dentes, neque immanes spectantur, nec sic horret spina in dorso, quemadmodum Delphinorum, nec in cauda: sed quod magnam uel audientium uel legentium admirationem moueat, in mucronem rostrum procedit, & rectum porrigitur, sensimq; & leniter in longitudinem & crassitudinem augetur: & cum ad cetaceam magnitudinem peruenit, illius mucro triremis rostro similis est: neque modo cum sibi inopia urgetur mucronati rostri incursum pisces interficit atque exest, sed etiam maxima cete propellit & ulciscitur, non quidem armis ex ferro confectis, sed natura comparatis, ut ij qui magnitudine processerunt, contra nauem mucronem in eam defigentes, uenire audeant. Quidam gloriantur se spectauisse nauem Bithyniae in litus expulsam atque eictam uctustate aut uacuitate oneris, atque in eam Gladij caput inspexisse, cuius, cum in nauem mucronem suum defixisset, & nullis uiribus ipsum retrahere quouis uisset, corpus colli neruis retentum fuit, & rostrum infixum, ut à principio inciderat, remansit. Capitur in mari & Danubio, quod & salsa, & dulci aqua delectetur.

## GYLLII ACCESSIO.

De Xiphiae Gladio.

CAP. LXV.

**X**iphiae Gladium Oppianus ait acutiorem ferro existere, cuius horribilem mucronem haudquamquam durus lapis ferre possit, neque priusquam speculo



culo transfixerit, quidquam comedit. Idemque scribit, extincto pisce, simul etiam corrumpi gladium, armaque una cum domino extingui, & deinde os manere inefficax, neque cum eo quidquam effici posse. Ego tamen cum ad portum Moneci Herculis, à pisce huius Gladij iam abscissi robur tentarem, dura saxa mucrone excuabam.

## De marinis Cantharis, CAP. LXVI.

Pugnans de sceminis iuxta ac uiri de pulchris mulieribus, hirci contra hircos, tauri contra tauros, de ouibus arietes depugnant cum procis. Intuentur etiã sceminas Canthari maritimi. Quod uero in amatores suarum coniugũ odium acerbum habent, acerrimas pugnas edj uideres, nec tamen illis more Sargorũ piscium de multis certamen instituitur, at non aliter quàm Menelaus cũ Paride pro una uxore decertant.

FINIS LIBRI XII.

bb

# LIBER TREDECI

## MVS DE VI ET NATVRA ANIMALIVM.

De Rana Piscatrice.

CAP. I.



**L**GENERE Ranarum quædam Piscatrix appellatur, nomen ex ijs actionibus rerum quas molitur trahens: hæc ante oculos, has sanè pisciculorū capiendorum illecebrositas habet, longuolos nimirum pilos eos sibi conscia à natura comparatos esse, dandæ ansæ ad illiciendos in escam pisces, sese in turbidissima et referta limo loca abdit, atq; illic ibidem silentio delitescens, porrigit pilos & præterdit: paruuli igitur pisciculi ad eos adnatant, & extremum quod propilatum est escam esse putant: ea uero in abstrusis insidijs manens, ubi illos propius accessisse perceperit, pilos ad se subducit, subducuntur enim occultis quibusdam uis: pisciculi autem qui heluatione & liguratione allekti proxime accesserint, comprehenduntur, & ei esca fiunt.

De Ranae marinae partu.

CAP. II.

**N**ON animatos partus edit, sed similiter ut aues ex sese Rana marina ouum parit: cuius quidem foetus, uel à partu recentes capite præditi sunt, tum magno tum aspero, eamq; ob rem cum quippiã metuunt, ipsa intra se recipere non quît, nam illam etiã  
rursus

rursus subeuntes, exulcerant non modò cum in aspectum lucemq; profcruntur in exeundo lædunt; non ergo faciles partus habet, nec fortibus bona perfugia præstat. Huius ouum non naturæ ouaræ speciem sibi militudinemq; proprie gerit, cum sit squamosum, asperum, & ad tactum resistens, & durum.

GYLLII ACCESSIO. De eadem. CAP. III.

**R**Anæ marinæ, inquit Cicero, dicuntur obruere se se arena solere, & moueri prope aquã, ad quas quasi ad escam pisces cum accesserint, conficiuntur à Ranis, atq; consumuntur.

De Raia & Squilla Indicis. CAP. IIIII.

**N**on maiores Argolico clypeo Raiæ gignuntur in India, itemq; Squillæ Locustis maiores Indicæ sunt: quæ autem ex mari ueniunt, in Gangem forcipes maximas & tangentibus asperos habent: quæ uero ex mari rubro in Indum excidunt, leues audio habere spinas, & forcipibus carere.

De aculeo Pastinacæ. CAP. V.

**E**x omnibus bestijs infestissimo ac periculosissimo mo aculeo Pastinaca prædita est: cuius rei testimonio est, si cum quis in arborem uirentem & florentem infixerit, nō longo interuallo emarcescere differt, sed potius euestigio exsiccat: id ipsum facit in animalibus, nam si quod contigerit, necat. Ab omni medicina inuictus existit aculeus, etenim primū ut pupus git, statim interficit: quæ quidē ipsius arma uel rei maritimæ peritissimi perhorrent; necq; enim alius quisq;

bb : neq;

neq; uulneratrix ipsa medicinam facere potest.

De eiusdem natatione, siue uolatu. CAP. VI.

**P**astinaca marina cum natandi est cupiditate affecta, natare potest: cum rursus uolandi studio tenetur, sursum uersus sublimis uolat. Aculeum, cuius antè mentionem feci, mortiferum habet, ut uel celeriter non modò homines, sed etiam animalia alia perdere queat. Quod quidem ipsum ut non admirabilitatem facit, certe id stupendam admirationem habet, quòd si ad maximã arborem, & uegetam, & summe uirentem, aculeum admoueas, & deigas, non multo post amittit folia, quæ postquam defluerunt, totus truncus similis est arboribus, solis ardoribus exsiccatis, ætate cum est maxima siccitas.

De piscibus uenenatis.

CAP. VII.

**G**obio, Draco, pisces marini pungendo uenenum gemittunt, minime tamen mortiferum: Pastinaca serpe aculeo mortem infert. Leonides Bylantius hominem piscium naturam & discrimina ignorantem, è reti aut pastinacam arripuisse, putabat infelix ille Rhombū esse, simulq; ut ille rapuisset, in sinū suum abdidisse, clamq; se subduxisse, tanquã quiddã lautū & pretiosum nactus fuisset: ubi Pastinaca ex cōpressionē dolere cepisset, aculeo eum, qui se diripuisset, confixisse, atq; infelicis furis uiscera perdidisse, furem autem prope Pastinacam proiectum iacuisse, quod maximo argumento fuit illum naturæ imprudentem fuisse

fuisse piscis, quem contigisset. In mari rubro Gobij duorum & sæpe trium cubitorum nascuntur.

Quemadmodum Pastinaca saltatione &  
Musica capitur.

CAP. VIII.

**C**Um Pastinacam subnatantem piscator intuitus fuerit, ridiculum quiddam in piscatoria saltat: & ad tibiã, quam tanquam illecebram fert, canere incipit: hæc ex ea re magnam lætitiã, uoluptatẽ cepit. Etenim, sicut ferunt, aures habet, tum musicæ, tum saltationis oculos intelligentes, atque hac permissiõne illecta sensim ad summam aquam effertur. Interea cum is qui cantu & saltatione illecebras egregie machinatur, alter quispiam piscatorio captu imprudenter subducit.

GYLLII ACCESSIO.

De eadem.

CAP. IX.

**N**equè uulnere, quod Pastinaca infligit, quicquã pestilentius, neque bellica tela quæ fabri machinantur infestiora existunt: neque iacula, quæ ueneno Persæ imbuunt, tantopere pernitiõsa sunt, quàm uiuentis Pastinacæ aculeus. Iam quod dicam, quis audire non horreat? Extincta Pastinaca, non tamen aculeus extinguitur: imo uero inuictum seruans robur, non modo animatis nocet, sed & inanimatis, perniciem affert, & saxa corrumpit. Quod autem Aclias nus eam posse uolare ait, falsum existimo.

Quemadmodum suorum conuictorum Astacus memor est,

CAP. X.

b b 3 Si

**S**I quem Astacum comprehendisti, cum longissime Sexportes, relicto ibi signo, unde ipsum cepisti, eodem eum ipsum unde comprehensus fuerit, arrepsisse reperies: si inquam modò ita ex mari exportaueris, ut deinde sic prope deposueris, ut in mare adrepere queat.

## GYLLII ACCESSIO.

De Squatina,

CAP. XI.

**E**T si summa cura eorum quæ procreauerit, Squatinam attingit, non tamen similiter atq; Canicula in uentrem ea recondit, sed in hiatus sub pinnas subiectum eos metuentes occultat.

De Locustæ &amp; Polypi inimicitijs.

CAP. XII.

**L**ocusta ideo inimicitias cum Polypo graueis habet, quòd hic cum illius brachia circumplexus fuerit, aculeis, quos in dorso insitos habet, præclare contemptis, & pro nihilo habitis, illam ipsam circumplicans, suffocat. Cuius sanè rei haud inscia Locusta, à Polypo summe refugit, cū nullius rei metu afficitur, tum ante uersus progreditur non prætensis quidem, sed obliquis & demissis in latera cornibus, partim ut ne aqua contra natationem ueniens reprimat cornua, partim uero ne ultra progredi prohibeatur: sin fugit & retrocedit, tum longe lateq; sua cornua & porrigit, & tanquam remis scapham propellens, sic sese commouens, multum conficit itineris. Quòd si Locustæ inter se pugnant alij contra alios, ita erectis cornibus ueniunt

ueniunt, ut incurrentes arietes allidunt, & conferunt frontes.

De Polypo & Locusta. CAP. XIII.

**T**Am uehementer Polypum Locusta extimescit, ut si quando uno & eodem reti ambo comprehendantur, hæc continuò moriatur. In Thurijs fluuius Lusias appellatur, tametsi perlucidos liquores habet, nigerrimos pisces tamen procreat.

De marino Leone. CAP. XIIIII.

**M**arinus Leo, cum Locusta similitudinẽ habet, præterquam quòd maiori habitus tenuitate & gracilitate est. Cæruleo colore est, & subnigris maculis distinguitur, forcipes illius maximæ & cancerorum speciem similitudinemq; gerunt: à piscatoribus bene peritis, membranas quasdam habere dicitur appēsas ex testis & colligatas, sub quas subiectæ sunt molles carunculæ & teneræ, quæ Leonis adeps appellatur. Is ad hoc ipsum homines adiuuat, ut squalidam atq; horridam faciem ad nitorem adducat. Rosaceo delibutus, & in unguentum confirmatus, formæ pulchritudinem conciliat, & candorem enitere facit. Id etiam auditione accepit, terrenum Leonem summè timere marini aspectum formidabilem, neque eiusdem odorem ferre: itemq; illum ipsum dicunt marini extritarum crustarum puluerem in aquam infusum bibentem à uentris morbo liberatum iri.

De Cancris cursoribus. CAP. XV.

bb 4 Inter

**I**Nter Cancrorum diuerſa & multa genera, quidam appellantur Curſores, quòd longe lateq; uagetur, modo circum littora errant, modo longius proficiſcuntur. Cauſa ſæpe erroris ut uel in loca ſaxoſa, uel cœnoſa perueniant: uel argumentum tantæ errationis, quòd plus quiddam allequi cupiant, in Thracio Boſphoro, ubi fluctus rapidi ex Ponto deferuntur, & anguſtijs diffringuntur, ut Cancros contrà uenientes facile euertere poſſint: quod ipſum Cancrì præſcietes, poſtquam eò peruenerunt, ſinguli in ſinuoſo quodam loco ſe tenent, ſimul & reliquos expectant. Deinde in eundem locum congregati adrepentes, per præcipites crepidines in ſiccum aſcendunt, & fluctuum uim euadunt, iter pedibus conficientes. Cum autem hanc uiolentiam pedibus prætergreſſi ſunt, ruruſ per crepidines in mare recurrunt.

De metropoleos Ephēſiæ Cancris hoſibus  
ſerpentium.

C A P. XVI.

**A**D paludem, quæ iuxta Ephēſiam metropolim exiſtit, aiunt cauernam eſſe maxima magnitudine, ſerpentium plenam: ut magnum acerbittatis uirus habent in mordendo, ita tamen ex cauerna prodentes uſque ad circumiectam paludem ſerpunt, tamen natate conantes, ad primam aquam conſiſtunt, Cancrorum, qui eas extenſis forcipibus comprehenſas interficiunt, metu deterritæ: itaque conqueſcunt, atq; à tranſmittendo ſe ſuſtinent, cancrorum cuſtodias formidantes, & pœnarum metum exhorreſcētes: ac niſi mirabili



mirabili naturæ dono paludis fauces Cancris incoerent, & tuta illic omnia præstarent, dudum pestiferis serpentium moribus incolæ perissent.

De Cancris. CAP. XVII.

**C**ancrorum genus Lutarium colore alijs albius spectatur: hi in luto nascuntur: cum incepsit eis timor, humo se excitant ad uolatum, & perparuis alis subleuantur, quibus quidem gradientes uti minime necesse habent. Cum autem iniectus eis est metus, nonnihil in his subsidij, non tamen admodum firmi habent, enimvero comprehenduntur quod sursum subleuare non queunt. Quidam eos comedunt, & ex coxarum uertebis laborantibus remedio esse ferunt.

GYLLII ACCESSIO.

De Cancrorum astutia. CAP. XVIII.

**Q**uicunque perspexerit qua machinatione cancer Ostrea capiat, illius laudabit & diliget solertiã. Ostreum interea suas conchas cum patefacit, is suis brachijs sublatum calculum in concharum hiatum inijcit: quo interposito, Ostreum testas claudere non potest, quare à Cancro exeditur & conficitur.

De Cancellis & Turbinibus. CAP. XIX.

**A**Conchis quidem inopes & nudi primum Cancelli nascuntur, deinde eas tanquam domicilia ad habitandum deligunt. Cum enim uacuas & inanes offenderunt conchulas Purpuræ aut Turbinis, primo intra eas ingrediuntur, deinde cum in ampliore

cc magni

magnitudinē exereuerunt, quàm ijs ut capi queant, in testam laxiorē tanquā domum alteram demigrāt, neq̄ modo in supradictorum conchas immigrāt, sed & in permultas alias capaciores transeūt, & ampliorē rem nacti, ea tanquam maiore domicilio gaudent, ac sæpe de spolijs multo certamine inter se contendunt, uiribusq̄ inferiore repulso, uictor exuitas allequitur. Turbines regem habent, cui se faciles ad obtemperandum præbent. Rex non modo magnitudine præstat, sed longe etiam & multum pulchritudine cæteris omnibus antecellit. Quòd si commodum ei uideatur demergi, hoc quidem ipsū primus facit: si emergere, idem incipit: itemq̄ si commigrandum sit, ipse primus tentat, cæteri subsequuntur. Quicumque hunc regem habet, bene rem geret, omniac̄q̄ ei commode cadent. In urbe Byzātio drachma Attica ei qui hunc comprehenderit, præmium proponitur.

Quemadmodum musica Paguri capiuntur.

C A P.

XX.

**P**Aguros musicæ illecebræ machinatione piscatores capiunt: ij enim in latibula abditi, primum ut ad instrumentum quoddam musicum piscatores suauiter canere ingressos audiuerint, statim tanquā amatorio quodam ad exeundum non modò inducuntur è latebra, uerum etiam uoluptate allecti, extra mare egrediuntur: hi quidem retro, ad tibiam canentes, cedunt: illi autem sequentes, in arido comprehenduntur.

Crusta ipsis rumpitur, & senectutē quemadmodū  
serpens

serpens, sic integumēto se ipsi exuunt, Cuius circum-  
 plicatione suum corpus cum obductum esse sentiunt,  
 tum huc & illuc tanquam surijs incitati feruntur, ple-  
 niorem uictum inquirentes, ut tumoris accessione &  
 corporis mole inflati, inuolucrū suum rumpere possint,  
 ex quo ubi elapsæ sunt, atq; se explicauerunt, in  
 sabulo iacent, mortuorum similitudinē speciemq; ge-  
 rentes. De nascente porrò pelle, etiam nunc molli &  
 tenera, maximo afficiuntur timore. Vt autem ex disso-  
 lutione & diuulsione se paulatim collegerūt, & quo-  
 dammodo reuixerunt, primum sanè gustant sabulū.  
 Tandiu timidi sunt, & uiribus suis diffidētes, quoad  
 tegumento circūuestiantur: id simul ut coeptum fue-  
 rit conglutinari atq; ad naturam testæ traduci, tum  
 continuo tegmini tanquam armaturæ confidentes,  
 adsunt animis, & omittunt timorem.

De Chamis.

CAP. XXI.

**C**hamæ marinæ & uariæ & multiplices sunt, nam  
 Calix asperæ, aliæ leues; & hæc quidem digitorum  
 compressu confringuntur, illæ uero uel ægerrimè saxo  
 conteruntur. Quædam ipsarū nigerrimæ sunt, non-  
 nullæ argentei coloris similitudinē gerere uidentur, ac  
 quemadmodū earum est uarium & multiplex genus,  
 sic multas & diuersas sedes habent. Quædam enim  
 in littoribus dispersæ, tacent in arena, nonnullæ sub  
 algam subijciuntur, aliæ in limo commorantur, aliæ  
 in saxis & stabulantur, & præfulciuntur. Aestiuo tem-  
 pore cum sit melsis, in Istrico mari gregatim natant,

cc 2 Euri

Euri & Austrī idcirco fugiētes sunt, quòd eos uentos ferre non possint. Contrà ex tranquillo mari mirifica uoluptate afficiuntur, & Fauoniꝝ mollibus auris afflari gaudent, eamq; ob rem in latebras abdita, cum à tempestatibus mare sentiunt conuiuiscere, & Fauonium flare, tum relictis sedibus, ad summam maris aquam natant, & explicatis brachijs, sic tanquam uel sponsæ prodeunt, uel rosæ ad solis radios exporrectæ, ex inuolucris erumpunt, alteram concham substernentes, alteram erigentes: simul & altera pro uelo, altera pro nauī ad nauigandum utuntur, ut si eas procul uideas, classē nauium existimes. Quòd si nauem ad se accedere sentiunt, aut beluæ impetum, aut ualentioris piscis natationem, metu percussæ, contractis testis, frequentes delabuntur, & occultantur.

## De Cochleis Ponticis.

CAP. XXII.

**P**ersarum regem Cochleæ Ponticæ imitatur, æstiuos dies Sulis agentē, hybernīs uero Ecbatanis: etenim ad nuncupatā Propōtidem calidam hyemāt, æstiuum autem tempus ad Aegialum agitant, propter molles auras quas hoc mare eis afflat.

## De Nerite.

CAP. XXIII.

**C**ochlea marina magnitudine exigua, formæ pulchritudine eximia spectatur: eò maris, ubi foridum uacuitas est, & tranquillitas uiget, & in saxis ad imam maris sedem adhærescentibus, nascitur: hæc Nerite appellatur.

De Con

De Conchis maris rubri.

CAP. XXXIII.

**I**N mari rubro quædam Conchæ nascuntur, quæ tum testas scabras, cõcauas, & secturis plenas, tum extremas partes acutas habent, tum coeunt inter se sic alterno incurfu coniunguntur, ut tanquam duarum serrarum coeuntium dentes uideantur inter se conuenire: unde fit, ut si piscatoris natantis quæcunq; partem, etiam si sub eam os subest, mordicus apprehenderint, amputent.

De Polypo pisce Nauta nuncupato.

CAP. XXV.

**N**Autilus è genere Polyporum Concha una præditus est, cum ex ima maris sede ad summam aquam effertur, inuertit & mutat Concham deorsum uersus, ut ne hausta aqua rursus demergatur: ubi ad summam æquoris peruenit, & mare ab aduersa tempestate conquiescit, supinam Concham uertit: hac enim tanquam Scapha navigatione fertur. Is autem duo brachia in utrumq; latus demissa, sensim, atque moderate mouens remigat, domesticamq; & natiuam nauem propellit: ac si uentus flat, brachia quæ tanquam remos prius longe lateq; porrigerat, gubernacula constituit, atque cæterorum brachiorum longe lateq; passorum remigatione utitur, inter quæ media est membranula pertenuis, ea passa, & intenta pro uelo utitur, sicq; cum est sine metu nauigat, sin quippiam à ualentioribus beluis metuit, se demergens Concham aqua complet, & simul ex pondere in profundum

fundum delabens, sese occultat, atque ita hostem effugit. Post ubi mare est tempestate uacuum, & à beluis quietum, de imo maris gurgite se extollens, rursus per summum mare nauigat, unde nomen habet.

De Margaritis & Conchis. CAP. XXXVI.

**I**Nfano hominum uel pretio uel sermone celebris est atq; illustris Margarita, & simul mulierum admirationem habet. Maris foetura est, hunc ad partum deduci aiunt, cum in apertas Conchas fulgura affulserint. Bona tempestate, & tranquillo mari Conchæ, huius genitrices, capiuntur: eas posteaquam piscatores comprehenderunt, ab illis Margaritam animorum libidinosorum illecebram eximunt. In maxima Concha, paruam inuenire est: contra in parua, magnam. Alia inanis est, alia non plus quam unam habet, pleræq; adeo multos uniones possident, ut sint qui dicant, in una Concha uiginti procreatos fuisse. Quòd si quis ante legitimum pariendi tempus Conchas aperuerit, carnem quidem reperiet, huius autem palmam piscationis non assequetur. Humoris nec minime quidem in se continet. Iam uero qui uendunt, aut emunt, earum pulchritudinem & precium ex candore & magnitudine estimant: & quidem hæc artem factitantes, pleriq; ex eis locupletati fuerunt. Non etiam illud me fugit, auulsis his lapidibus, quasi redemptionis præmio persoluto, Conchas liberas dimitti, iterumq; uniones renasci. Quòd si priusquam lapis eximitur, huius altrix bestia moriatur, unà cum carne

carne putrefcerc, & perire dicitur. Suapte natura rotundus & leuis est, probetq; circumscriptus. Si quem ex cis uelis affabre aliter quàm natus est expolire, is artificium prodit: non enim cedit, sed asper fit, & se fraudibus atque insidijs ad speciem indicat attentari.

De Indica Margarita.

CAP. XXVII.

INDICA urbs est nomine Perimuda, cui eo tempore. **I**cum in Baëtris Eucratides regnaret, Soras ex generis regij stirpe profectus imperauit, hanc quidē ipsam Ichthyophagi incolentes, Margaritas reibus comprehendunt. Margaritiferæ Conchæ magnorū turbinum similitudinem gerentes, gregatim natant, & quemadmodum Apium examina duces, sic eæ reges habent, tum formæ pulchritudine, tum magnitudine præstantes. Summa autem contentione urinatores ideo certant ad capiendum gregis ducem, quòd eo capto, cunctum gregem rectione orbatum, non loco se mouentem, allequuntur: quàm diu rex fugiendo elapi potest, sapienter eas regit & conseruat. Iam porò captas in paruulis dolijs tale condiunt, cum erosa caro fuerit, & defluerit, unio solus relinquitur. Optimus Indicus, & in mari rubro procreatus existimatur. Itemq; in occiduo Oceano, ubi existit Britània, nascitur. Indicus terrenus dicitur naturam habere nō propriam, sed foeturam esse crystalli, non gelu concrecentis, sed fossitij.

Inaniora sunt testacea & crustacea, & infirmiora iumenta, luna decrefcente.

CAP. XXVIII.

cc 4 Testa

**T**esta crustæue interiorum hoc etiã proprium est, ut ad decrefcentem lunam ex inanitate & exilitate corporis laborent : quod quidem ipsum, declarant testacei generis Purpuræ, Buccinæ, & his affines : itemq; crustacei generis Paguri, Locustæ, Astaci, Cancræ, & id genus. Itemq; imbecilliora, infirmioraq; decrefcente luna, iumenta fieri dicuntur: eamq; ob causam harum rerum prudentes, in hac mensis parte genita, quòd minus laboriosa sint, consulant non alenda esse.

De Patellis.

CAP. XXIX.

**P**atellas non sanè à saxis auellas, ne Milonis quidem digitis, qui Punicum malum cum apprehendisset, arctè adeo comprimebat, ut non aduersariorum quisquam posset extorquere è manu. Eas autem quicunq; de saxo, ad quod adhæserint, abstrahere aggreditur, magna quidem uoluptate ex earum comprehensione afficitur, quòd eas uersans, sperat se præda potiturum esse, ueruntamen illarum compos quarum fieri studet, nequit : tandem aliquando ferro abraçæ abscinduntur à saxo.

GYLLII ACCESSIO.

De Ostreis,

CAP. XXX.

**O**strea neque coitu, neque parente procreantur, ac nimirum omnia ex cœno nascuntur: illorum neque scemina, neque mas distinctus est, sed eiusdem naturæ sunt, atque adeo inter se similia, ut non mare à scemina internoscere possis.

De



De Pinna. CAP. XXXI.

**P**inna belua marina, è genere concharum est, pandit sese hiatu testarum, & carunculam extra conchas eminentem, ex sese præterdit, tanquam escam circûnstantibus piscibus. Cum Cancro comparandi cibi societate facit, tamq̃ ob rem Cancer tum piscem quempiam adnatate uidet, illam leuiter morfu admonet, tum Pinna magis ac magis suas conchas patefacit, ac piscis innatantes conchis compressis edit, partemq̃ socio tribuit.

GYLLII ACCESSIO.

De Pinna. CAP. XXXII.

**P**inna, inquit Cicero (sic enim græcè dicitur) duabus grandibus patula conchis, cum parua Squilla quasi societatem coit comparandi cibi. Itaque cum pisciculi parui in concham hiantē innatauerint, tum adinonita Squillæ Pinna morfu comprimit conchas: sic dissimilimis bestiolis communiter cibus quæritur. In quo admirandum est, congressione aliquo inter se, an iam inde ab ortu naturæ ipsæ congregatæ sunt.

De Purpura. CAP. XXXIII.

**P**urpura uehementer edax est, longam linguam habet, ea attrahit quæ comedit, eadem etiam capitur. Capiendi modus eiusmodi est. Paruam nassam densò contextu, exiguis maculis purpurarij piscatores contextunt, intus in media nassa Strombus piscis illecebra appenditur, ad eam allicendam; Purpura

d d maio

maiolem in modum linguam distendere contendens eò pertinere, & Strombum ipsum assequi conatur: & ne ab esca quam ligurit, aberret, omnem eam necesse habet exerere: itaque ipsam eatenus exprimit, quoad intumescens retrahere non quit: unde fit, ut eam piscator liguritione irretitam comprehendat.

De Purpura. CAP. XXXIIII.

**P**urpurarius infector, si postquã purpurã non in hominum cibum, sed ad tingendas lanas comprehenderit, in exhaustum uelit fieri colorem, & perfecte tinctum, uno saxi ictu purpurã interimit. Quòd si leuior plaga inferatur, & etiam nunc spirans relinquatur, atq; iterũ lapide percutiatur, ad tincturã fit inutilis, nam ex eo dolore tincturam amittit. Quod quidẽ ipsum præclare Homerum intellexisse dicunt. Idcircoq; uno ictu celeriter morientes purpurea mortefici ait, peruulgatum suis uersibus illud canens, Cepit hunc purpurca mors, & fortis Parca.

GYLLII ACCESSIO.

De Purpuris. CAP. XXXV.

**P**urpuræ congregatiles, sicut apes, quasi communitalitatem coeunt fingendorũ fauorum, in quibus foetus suos procreant, & cõmuniter uiuunt. Tyrq; hæc de purpuræ inuẽtione dicunt: Cum canis Hercules in saxo adrepentẽ purpuram uidisset, eminentem extra cõchas, carnem exedisse, & illius sanie sua labra Phoeniceo colore tinxisse: ut autem uenisset heros ad puellam nomine Tyrum, quam in amore habebat,

ipsaq;

ipsaꝝ canis labra insolito colore purpurascere animaduertisset, dixit se non fore amplius in Herculis amore, nisi sibi uestem ex eadē tinctura, qua canis os efflorescebat, cōficeret. Quamobrē Hercules ex bestia studiose cōquisita tabem collectā puellæ attulit. Iam poriò Phœnices Purpurarū captarum testas cōfringunt, & carnes ad tincturā condiunt, & aqua dilutas, & sordibus expurgatas, succensis ignibus in lebetē coquunt: carum sanguis ut ab igne incalescit, fluit, & efflorescit, partimꝝ flauescit, partim Cyaneo colore fit, partim in alium colorem conuertitur: aciam quicquid imposueris, in illius colorem commutatur. Purpuræ tinctura in sole uersari gaudet, ipsa enim sole radiata illuminatur, & magis illustratur.

De Testudinis prudentia. CAP. XXXVI.

**T**estudinum amor circa curam foetuum suorum ex eo perspicitur, cum parturiunt, ex aqua egrediuntur, atꝝ in arido ex sese secundum mare oua pariunt, quæ cum uel ad incubāda infirmæ sint, uel diu in terra uersari non possint, ea primum leui & molli arenarum cumulo obruunt, deinde, notam pedibus imprimunt, qua post reuersionem locum recognoscunt. Alij uero dicunt foeminam triginta dies oua perseuerare custodire, eademꝝ interea à mare nutriti: posteaꝝ libenter & promptè sic suos foetus, tanquam aurum defossum homines, refodere. Caput marinæ testudini abscissum, non continuo moritur, sed & uidet, si ante oculos ei manus obuersetur, illos

dd : clau

claudit; & paulo etiam propius si manum admoucas mordet: longe lateq; fulgorem eius oculi iaculantur, quorū pupillae candidissimae ac splendidissimae cum existant, eruuntur, ut uel auro includantur, uel monilibus imponantur: quamobrem mulierum admiratione plurimi aestimantur.

De Indica & fluuiatili & terrena Testudine.

C A P. XXXVII.

**T**estudinis Indicae & fluuiatilis testa non minor est quam scapha iustae magnitudinis: decem enim leguminū modios capit. Ac illie quoq; terranae Testudines gignuntur, magnitudine maximarum glebarum, quae in altis arationibus terrae non difficilis excitantur, bene penitus intrante aratro, & sulcum facili lime profcendente, & glebas in excelsum excitante. Eiusmodi Testudinum genus aiunt testas exuere, ac sanè easdē ab agricolis sic ligonibus abstrahi, quem admodum uermes ex uerminosis locis: eademq; nō amarae, ut marinae sunt, sed & suauis, & pingues habentur earum carnes.

De Testudinibus maris magni.

C A P. XXXVIII.

**I**N nuncupato mari magno Insulam esse nomine Taprobanem peruagatum est, longitudine septem mil. stadiorum: latitudine uero quinq; mil. Vrbes autem non habere, sed quinquaginta & septingentos uicos: testa ex ligno facta non esse, sed ex integumentis maximarū Testudinū, quae in eo mari procreatur:

Vniuersu

Vniuscuiusq; superficies integrum tectum præstare potest, nam singulæ testæ ad quindecim cubitorum magnitudinem procedunt, ut sub eis non pauci habitare queant, ac nimirum uehementissimos solis ardorē descendant, & prolixam umbram efficiant, sicq; ad perferendos imbres resistūt, ut melius quā omnes tegulæ pluuiarum uim repellant. Neque enim sic eas habitatores, quemadmodum tegulas fractas sarcire habent necesse, nam totum tectum ex solida testa constat, ut suffosso saxo & cauernoso & natium tectum efficienti, similis esse uidetur. In Gange Indiæ fluuio, Testudines nascuntur, quarum testa non minori magnitudine est, quā dolium capax uiginti amphorarum.

De Testudinibus Troglodytici. CAP. XXXIX.

**N**ymphes librorū quos conscripsit de Ptolemæis nono, Troglodydis dicit Testudinum tegmēta ea esse magnitudine, ut sex modios Atticos singula capiant.

GYLLII ACCESSIO. CAP. XL.

**T**estudines ideo incredibiliter timent, & oderunt maritos suos, quòd haudquaquam eis similiter ut cæteris bestijs iucundus coitus sit, imo maximum dolorem eis affert: nam maris os & durum, & aculeatum, & inflexibile sceminam intolerabili doloris sensu afficit. Quamobrem dentibus inter se pugnant, quod hæc infestum coitum effugere contendat, ille inuitam tandiu cōuellit, quoad robore uictā subeges

dd 3 rit

rit, & tanquam longi belli præmium exceperit, & pulchram rapuerit in bello puellam: eorum coitus terrenorum Canum, & Vitulorum marinorū similis est.

De Echinis piscibus.

CAP. XLII.

**T**urbo & tempestas ad terram Echinos allidens è mari funditus in aridum expellit: hi eius periculi metuentes, cum sentiunt mare inhorrescere, & uentorum acerbitate procellas cieri, suis spinis lapillos ad gestandum faciles tollunt, ut libramentum ac firmamentum habeant, ut ne procellarū incurfui, ad evertendum opportune periculum, à quo sibi timent, uehementer iubeant. Eos obductos testa, atque aculeis communitos, si quis contriuerit, & alia separatim ab alijs frustra in mare abiecerit, hæc tamen coherensiam & coitionem inter se faciunt, & affinem partem recognoscunt, & applicata cohærescunt, uelut conferuntur, simul & naturali rursus quadam cõciliatione integrantur.

Quibus rebus commodus sit Echinus marinus  
& terrestris.

CAP. XLIII.

**A**d stomachum hebetantem non parum proficit Echinus marinus, etenim uel omnium ciborum fastidio laborantem, in pristinae ualetudinis statum restituit, atque uesicam (quemadmodum harum rerū bene periti affirmant) uacuam facit: etsi corpus scabie infectum eo perungatur, ad sanitatem redit: uulnerum sordes cum testis crematus extergit: Cinis terreni herinacci cremati ad picem admixtus, & locis à pilo

pilo nudis illitus, pilum (ut sic dicam) à suis sedibus fugitiuum reducit; in uini autem portione sumptus remedium ad dolores renum adhibetur: ad aquam intercutem datus, medicinam efficit: ex eiusdem icore ad affum solem exsiccat. Elephantialis morbi sanatio efficitur.

## GYLLII ACCESSIO.

Quemadmodum prudenter à tempestatibus sibi  
cauet Echinus.

CAP. XLIII.

**E**Chini haudquaquam à consilio inopes, etenim uentorum turbines & procellas cum sentiunt exoriri, dorso quisque lapidem quem suis spinis possit ferre accommodat, ut contra tempestatum incursions, ne ad littora expellatur, firmamentum ac robur habeat.

De Stellis marinis.

CAP. XLIII.

**S**tellæ marinæ crusta intractæ, Ostreis tam crudeliter inimicæ sunt, ut hæc ipsa cedant, & conficiant. Ratio insidiarum quas eis moliuntur, eiusmodi est: Cum testacea suas patefaciunt Conchas, ut & refrigerentur, & si quid quod pertineat ad uictum incidit, compressis Conchis exceptent: eæ suo pede intra testas insito, eos claudi prohibentes, Ostreis explentur.

De Spongiâ.

CAP. XLV.

**S**Pongiam dirigit pusilla bestia, non specie quidem. Cancro, sed magis Araneo similis, neque enim in anima hæc est, nec sanguinis expers, sed partus maris animans saxi innascitur: & quemadmodum cætera animalia motu prædita sunt, sic hæc ipsa suum quens

dd 4 dam

dam motum habet: ueruntamen animalculo ad se sensu afflicendam, atque illud admonendam quod sit animata, eget. Nam propter quandam raritatem ingenitam & mollitudinem pertusam non se commouet, sed cum quippiam in sua foramina incidit, ab ea bestiola quam dixi Araneo similem excitata, id cōprehendit & exedit: cum autem ad euellendam eam è saxi hamo accedit, ipsa ab eo animali cōuictore suo stimulata inhorrescit, & contorquens se arctissime contrahit, quæ causa hercule est, cur piscatori plurimum negotij facessatur.

## GYLLII ACCESSIO.

De Spongijs.

CAP. XLVI.

Certamen ineunt magnum & difficile piscatores. Cum spongijs ad scopulos adhærescentes inter se iunctas tanquam messorum uibrata falce à saxo abscindunt, atque abiecta omni cunctatione fune socios admouent, ut ex ima maris sede celeriter subtrahantur. Nam ab spongijs cæcis sanies ad piscatorum nares manans, non modo tetrum odorem redolent, sed ad nares adhærescens, sæpe eos suffocat.

De Castore.

CAP. XLVII.

Elber in utraq; sede uiuit, nam die quidem in fluuios abditus ætatem agit: nocte in terra uagatur, casu & fortuito obiectis uescitur. Quòd autem causam ab insequentibus uenatoribus cur tam cupide peratur non ignorat, idcirco mordicus premens usque incumbit ad elidendos testes, quoad ab se abscederit, & sic



& sic eos abiecerit, tanquã homo summa prudentia in latrones incurrens, quæcũq; portat ad se redimendum exponit. Quod si postea quàm exsecutus & ex periculo seruatus fuerit insectantibus iterum urgeatur, hic sese alleuans, atq; quamobrẽ insequi ulterius pergere non debeant, causam ostendens, ad reuertendum quod iam ea parte quam expectunt careat, uenatores inducit. Persæpe etiam nunc testiculis præditus cum à uenatorum conspectu se longissimo cursu remouerit, eam partem desideratam ita astute comprimit, & occultat, ut insectatores fallat.

De Verme Indico. CAP. XLVIII.

**I**ndus fluuius bestiarum ferarum expers est, solum in eo nasci uermem aiunt, speciemq; eorum qui ex ligno gignuntur, & aluntur, gerere, ad septem cubitorum longitudinem & eo amplius procedere, eius crassitudinem decem annos natus puer, manibus uix complecti queat. Is in superiori oris sede unus dens inest, in inferiori alter, ambo quadranguli cubitalem longitudinem habent: quod enim cunq; siue animal, siue lapidem comprehenderit, facillime conterit. Interdiu ima in sede fluminis uersatur, cœno gaudens: noctu ad terram procedit, & in quodcunq; incidit uel Equum, uel Bouem, uel Asinum, conficit, atq; in suas sedes trahit, & in flumen abstrusus, membra omnia, excepto uentre, exedit: ac si de die fame premittur, & siue camelus siue bos in ripa bibit, uiolentissimo impetu summa labra mordicus comprehendit,

ee & ro

& robusto tractu in aquam abreptum edit. Eius pel-  
 lis duorum digitorum crassitudine est, eiusmodi au-  
 tem machinatione capitur: Hamum robustum ad fer-  
 ream catenam alligatum dericiunt, & ne ferrum de-  
 uoret, agnū aut hœdum ad illecebram in hamum  
 implicant: deinde in fluuium demittunt. Triginta  
 uiri hasta & ense accincti, & corneis sudibus bene ro-  
 bustis, si percutere sit necesse, adsunt: deinde hamo  
 captum trahunt, & abstractum, interficiunt: Triginta  
 dies appensum tenent, atq; ex eo in fictilia uasa cras-  
 sum oleum stillat: singuli uermes quinq; olei sexta-  
 rios reddunt, quod quidem ipsum regi Indorum ap-  
 portant. Huius ea est uis olei, ut sine ullo igne eius in-  
 fusa hemina quencunq; lignorum aceruum combus-  
 rat. Ac si uel hominem uelis uel aliud animal exure-  
 re, primum ut hoc infuderis, funditus statim defla-  
 grauerit. Eodem ipso Persarum regem aiunt capere  
 hostium urbeis: neq; arietes, testudines, aliaq; bellica  
 tormenta ad eas capiendas opus esse: nam cum fictilia  
 uasa unius heminae capacia eo impleta & obstructa  
 in portas iaculatur, uasa quidem ad portas allisa rum-  
 puntur, at oleum delapsum ignem circumfundit, ut  
 restingui non possit, & flamma insaturabilis combus-  
 rit homines pugnantes, Hæc Ctesias Cnidius.

DIVISIO PISCIVM. CAP. XLIX.

**C**artilaginea uocantur, quæ squammis carent, ut  
 Murena, Conger, Torpedo, Pastinaca, Bos, Mu-  
 stellus,

stellus, Delphinus, Balena: hæc enim sola sunt de aquatilibus uiuipara. Mollia appellantur, ex aquatilibus ofsium expertia: ut, Polypus, Sepia, Loligo, Vrtica: quæ etiam sanguine, & uisceribus carent. Crustis tenuibus tecta: Astaci, Squillæ, Cancri, Paguri, hæc senectutem exuunt. Siliceis testis conclusæ, Conchæ, Murices, Buccine, Turbines, Echini, Locustæ. Iam dentibus serratis prædita esse dicuntur, quæ dentes teretes & acutos habent: ut, Lupus, Canis, Leo, Panthera, hæc eadē sunt carniuora. Vtrinque dentati, Homo, Equus, Asinus, & sanè adipem habent. Dentes continuos possidet, Bos, Ouis, Dentes exertos habent, quæ extra dentes eminentes ostendunt, Aper: nam Elephanti potius quàm dentes cornua appellanda sunt. Insecta: ut Vespe, Apes: hæc enim spiratione carere dicuntur. Ambigentia: Equus fluuiatilis, Natrix, Castor, Crocodilus. Latibulis teguntur, Lacertus, Salamandra, Testudo, Crocodilus, Serpens: hæc etiam senectutem exuunt, præter Crocodilū, & Testudinem. Bifulca: Equus, Asinus, Bos, Elephantus, Capra, Ouis, Sus. Multifida: ut, Homo, Canis. Planipeda: Cygnus, Anser. Cuius alis prædita, Vesperulio. Vincinatis unguibus sunt, quibus incuruum est rostrum: ut Accipitres, Aquilæ.

De Piscibus Nili.

CAP. I.

**M**aximis æstatis caloribus cum in Aegyptiorum  
Magros Nilus redūdat, & dilabitur, atque explicat

c c : tus mā

tus marini æquoris speciem similitudinēq̄ gerit, tum Aegyptij ibi piscātur, ubi antea arationes essent, & nauibus ad fluuij accessiōnem accommodatis nauigant: Postea uero quā Nilus redit ad se, atq̄ ad prisinā modi rationem à natura sibi attributā, pisces à parētis fluuij decessu deserti, ad breuia limosa adhærescunt, atq̄ agricolis ad prædā relinquunt. Quamobrē huius scemodi alluuiō Aegyptijs pisciū melsis dici potest.

De Piscibus Hieropolitanis. CAP. LI.

**A**D Bambicem, olim sic appellatam, nunc uero Hierapolim à Seleuco nuncupatā, pisces & sacri habentur, & confertis turmis natant. Duces item habent, & cibos quos eis uorandos obijciunt, exedunt, & conficiunt, maximeq̄ ex omnibus piscibus amicitiā inter se seruant, perpetuaq̄ pace deuinciuntur, siue quòd dicitur hunc animorū consensum eis afflat, siue etiam quia obiectis escis cum abunde expleantur, necesse non habent aliorum attingere escas.

De Piscium coitu. De Lupo & Mullo. CAP. LII.

**N**ON uno eodemq̄ tempore pisces habent libidinem procreādi: uerum alij uerno tempore se ad uenerem rumpunt, alij æstiuo ad coitum impelluntur, alij autumnō amoris flamma conflagrant, complures hyeme uenerem complexum expetunt: plurimi, ut semel peperere, deinde toto anno à pariendo conualescunt. Lupum unius anni spatio binos partus edere audio: Mullum ter singulis annis uentrem ferre, eius nomen significare aiunt.

De coitu

De Coitu animalium.

CAP. LIII.

**V**igente uerno tempore, & efflorescente terra, libidininis ardore bestiae terrenae, aquatiles, & uolatiles flagrant. Ex piscibus alij frequentia oua, atque alia ex alijs nexa, arenis atterunt: alij interea cum natant, infinitatem quandam ouorum expellunt, atque eijciunt, quorum non pauca à tergo nantes exsorbent. Enimvero mares antecedunt, & semen spargunt: foeminae uero sequentes insaturabiliter hiantes atque eminentes explentur. Iam quòd piscium quidam sic cum foeminis uersantur, tanquam cum uxoribus, easque custodiunt: quòd etiam ex piscium genere aliqui riualitate laborant, atque obtrectatione, antea dixi. Ex eis plurimi in uenerem magis uerno tempore exardescunt, & magis in Pontum secedunt, quòd illic cubilia naturae munere piscibus sint à feris bestijs, quas mare alit, libera: soli Delphini minuti illic errant. Polypis, Paguris, Astacis caret, qui sanè paruulis pisciculis perniciosi existunt.

GYLLII ACCESSIO.

De partu piscium.

CAP. LIIII.

**Q**uid dicam, inquit Cicero, quantus amor bestiarum sit in educandis, custodiendisque ijs, quae procreauerint, usque ad eum finem, dum possint se ipsa defendere: etsi pisces, ut aiunt, oua cum genuerunt relinquunt, facile enim illa aqua & sustinentur, & foetum fundunt.

Non omnes pisces muti.

CAP. LV.

cc 3 Qui

**Q**uoniam pisces silentij condemnant, eos multos affirmantes, ij in eorum natura indocti sunt & rudes: nam ex ijs nonnulli editis sibilis strident, & grunniunt: Lacerta enim, Chromis, Aper, grūniunt: Chalcis sibilat: Cocyx similiter atque avis sua gentilis, unde nomen traxit, uocem emittit.

Quemadmodum ad pariendum pisces enantant  
in uicina flumina.

CAP. LVI.

**P**isces cum uicini sunt ad pariendum, ex falsilagine ad flumina lacusue mari suo propinquos sese incitant, aquam à tempestatibus conquiescentem cupide amplexantes: tranquillitas probe affecta est, ad excipiendos piscium partus, & conseruandos ex damni contractione, atque insidiarum comparatione, propter beluarum quietem & paucitatem: cuiuscemodi libertatem & immunitatem flumina & lacus habere solent: atque ideo Euxinus pontus plurimis piscibus abundat, quòd non solitus sit beluas procreare: & sicubi autem Vitulos marinos profert, minime ij quidem grandes euadunt: à cæteris autem omnibus beluis maleficis pisces ibidem tuti sunt.

Quemadmodum pisces diuersas sedes & cibus  
habent.

CAP. LVII.

**P**ermultas sedes commorationum pisces habent: alij enim in saxis uersantur, alij ad harenas adhærescunt, nonnulli ad herbas commorantur: Nam permultæ herbæ marinæ & uariæ habentur. Earum quædam musci, quædam algæ appellantur, quædam  
ampeli,

ampeli, quædam staphyliné : sunt etiam quæ fuci uocentur : est quædam nomine brassica , quarum aliæ alijs pastus ministrant, nec piscium quisquam aliam atque eam quam assueuerit depasci attingit.

Dulci aqua in mari pisces aluntur. CAP. LVIII.

**A**Ristoteles , & ante hunc Democritus, ex hisq̃ Theophrastus dicit, non aqua salsa, sed dulci pisces qui mare incolunt ali ; idemq̃ , quod propemodum incredibile uidetur, ex ipsis operibus confirmare uolens, quandam potabilem in omni mari aquam esse, id experimento docet : nam si quis concuum è cæra uas tenui opere finxerit, atque in mare demiserit inane, alicunde appensum , ut aquam transmittere queat, die ac nocte una dulciculo & potabili humore completur. Empedocles Agrigētinus aliquam etiam ait dulcem non omnibus notam in mari aquam esse, qua pisces nutriantur : causamq̃ affert, cur in salso dulcis sit, quam ex eius scriptis cognosces.

GYLLII ACCESSIO.

De fossili & uario piscium genere. CAP. LIX.

**T**heophrastus pisces ait fossiles in Heraclia & ad Tium Ponticum Milesiorum coloniam nasci. Idemq̃ pisces hyberno frigore congelantes narrat, non sensu prius affici, quàm in patinam coniecti fuerent ignibus coquuntur. Simul & in Paphlagonia pisces nuncupatos fossiles, mirifica natura esse, nam bene penitus effodiuntur ex locis neque fluuiorum influxiones, neque calidas aquas habentibus, ex

eisq; uiui exciduntur. Mnascas Patrensis in Clitore fluuio tradit pisceis loqui. Philostephanus Cyrenus, Callimachi familiaris, in eo opere quod inscripsit, De mirabilibus fluuijs, dicit pisces quosdam in Aorno flumine similiter atque Turdos loqui. Nymphodorus Syracusanus mugileis & anguillas tantopere inquit cicures esse, ut de largientium manu cibum susmant. In Arethusa Chalcidensi mugiles etiam mansueti & anguille in auribus tum argenteis, tum aureis ornati accipiunt à largientibus cibos, à sacerdotibus uiscera, & caseos. Polybius quarto & tricesimo libro historiarum, inter Pyrenos & Narbonem dicit agrū esse, per quem Illiberis, & Ruscyno fluuij præterfluentes, urbeis gentiles suas ferunt à Gallis habitatas, esse autem agrum illum capanum, tum tenui & rara terra, tum multo gramine uestitum, in eo pisceis fossiles esse. Cum enim sub gramine terra ad duo triaue cubita arenosa sit, & subterlabatur errans aqua, pisces etiā simul cum aqua sub terram cibi gratia subeunt. Nam quod graminis radice delectantur, ideo agrum subterraneis fossionibus implent: eiusmodi autem pisces refossi capiuntur. Theophrastus item commemorat pisces, qui sic ex fluminibus in terrā tanquam Ranæ exeant, & rursus in aquam redeant. Postea autem quam (sicut ait Nicolaus Damascenus, quarto & centesimo libro) ad Apameam Phrygiæ urbem, Mithridatici belli temporibus è motu terra discessisset, lacus qui antè ibi nulli comparuissent, repente extitisse, fluuiosq;



uiosq; & fontes nouos ex eisdem locis terræmotu excitatos fuisse, ueteresq; exaruisse, ac nimirum plurimam aquam tum dulcem, tum salسام, tametsi ab eis locis mare longe abesset, ex uisceribus terræ sic emanasse, ut tractum uniuersum illum tum Ostræis, tum alijs piscibus marinis refererint. Multis etiam locis constat piscibus pluuisse. Phanius treis dies scribit in Cheronesso piscibus pluuisse. Philarchus libro quarto, testatur se uidisse sæpe pluere piscibus. Heraclydes altero & uicesimo historiarum in Pæonia scribit & Dardania Ranis pluuisse, tantamq; multitudinem delapsam fuisse, ut & uitæ earum plenæ essent, ac nimirum primos dies partim necantes, partim domos ocludentes, tolerasse: ueruntamen nihil profecisse, nam non modo uasa ijs replebantur, sed & cum cibus simul uel elixæ uel assæ reperiebantur. Itaq; cum ex aggeratis Ranis impediti, nō possent neque aqua uti, neque in terra pedem ponere, neque mortuorum tetrum odorem ferre, ex ea regione excesserunt. Scio etiam Palsidonium Stoicum, cum loquitur de piscium multitudine, hæc scripsisse, eo tempore cum Sarpedon ad Ptolemaidem deuictus, in mediterraneanam regionem, cum reliquis copijs cederet, & Tryphon uictor cum exercitu secundum mare iter conficeret, subito marinos in sublimē elatos horribili murmure ad terram accessisse, & eos omneis alluione oppressisse, pisciumq; ingentes acruos cum mortuis simul maris recessu relictos fuisse. Quod ipsum

ff postea

postea quàm Sarpedon audiisset, eò profectum, & hostium clade delectatum fuisse, & piscium copiam Neptuno uictori sacratione facta asportasse. Neq; præterea silentio prætereundi, qui piscibus in Lycia diuinant, de quibus Epicharmus secundo libro *Lysiacarum* historiarum ita scribit: Cum ad mare accesserunt, ubi Apollini lucus consecratus est, cuius in medio excauatus sicca in arena locus *ἄστυ* appellatur, qui oraculum petunt, gemina uerua ex ligno facta, decem assarum carniū frustis implicata portantes, eò accedunt, & sacerdote quidem in luo lesitante silentio uerua in *ἄστυ* conijciunt, & quid inde euenturum sit, expectant. Post obeliscorum iactum, locus ille maximis impletur aquis, ac nimirum ea piscium multitudo accedit, ut rei spectaculū stupidum spectatorem detineat. Cum autem consultor piscium quos uiderit genera uati denunciauerit, ab eo eorum quæ postulauerit, responsum fert. Apparent autem Orphi, Balenæ, Pristes, & multi alij ad aspectum nostrum insoliti.

De uaria & multiplici Piscium natatione,

C A P.

L X.

**V**Agantur pisces atq; errant, alij quidem frequentes, similiter atq; uel greges porcorum, uel ordines militum turmatim euntium, uel acies longior quàm altior, à fronte nimirum ad tergum porrecta: alij ordinibus à fronte ad tergum sigillatim explicatis, cum ornatu proficiuntur, alij cohortum similitudinem

rudinem speciemq; gerunt : nonnulli uelut decuriati natant, tum quidam instructis ab uno cornu ad alterum ordinibus natant: sunt qui in cauernis se tenent, ibidemq; æuam agitant.

Quemadmodum in summa hyeme se pisces tepesfaciunt.

CAP. LXI.

**H**yeme summa & teterrima, cum mare maximis turbatinibus & acerrima tempestate furit, tum ad imam maris sedem pisces adhærescunt, horrentes perfrigidam maris tempestatem. Itaque ex ipsis sunt qui arenas pennis exaggerent, & his tecti seipsi tepesfaciant, alij in saxorum angustias compulsi atq; compressi, ibi in protectione à frigore libenter quiescant, alij in pelagi cauernas abditi atque abstrusi summam maris inhorrentem uitant, neque enim in mari imo tam aiunt furentes & inflatas, quàm in summo tempestates cieni & agitari. Incunte uere, cum coelum serenum est, & dies læti illueant, & herba prata conuescunt, plantæ uirere incipiunt, tum pisces maris tranquillitatem sentientes, ad extimum & summum mare efferuntur, uagos & saltatorios agunt motus, & tanquam peregre redeuntes, propè à continenti natant.

Quemadmodum in sinibus uadosis pisces capiuntur.

CAP. LXII.

**S**ine nasis, hamis, ac euerriculis hoc pacto pisces comprehenduntur, ut homines in piscatorio artificio callidi, ad maris sinus uadosos & minime inaccessos

ff : cessos

cellos eo tempore cum ij à procellis & tempestatibus conquiescunt multos mortales adducant, eosq; iubeant arenā eatenus proterere, & conculcare, quoad ex uehementi pedum impressione, bene alta uestigia faciant, ne ipsa tamen uestigia concidens arena cōfundat, néue uentorum perturbatione aqua concitetur: non longo interuallo eò ingressi in uestigijs impressis amplos pisces consopitos, Passeres, Rhombos, Torpedines, & plerosq; alios eiusmodi capiunt.

De acrimonia piscium in audiendo Lupi, Salpæ,  
Mugilum, & reliquorum. CAP. LXIII.

**S**ensu audiendi acerrimo esse Lupum, Chromin, Salpam, Mugilem, ex Aristotelica præceptione patet. Lupum præterea præclare intelligere se in capite possidere lapidem hyberno tempore perfrigidum, sibiq; infestissimum. Itaque illo ipso anni tempore cum lapidem calefacere haudquaquam inscium cōtra lapidis frigus remedium esse ipsum tepescere. Similem etiam lapidem Chromin, Pagrum, Vmbrā habere, eandemq; uitādi frigoris, quā Lupum sequi rationem. Itemq; esse in piscium genere parasitos, cuiusmodi Peduunculum appellatum, quæ Delphinus cæperit deuorantem, itaque ex eius præda tanquam ex locupletati mensa refertum pinguescere, eo nimirum Delphinum tantopere delectari, ut cum ipso libenter quæ comprehenderit, communicet.

De piscibus qui uiuant in feruenti aqua.  
CAP. LXIIII,

In Africa

**I**N Africa feruentis aquæ lacus esse existimatur, in quo pisces & ui uere, & natate dicuntur, & ad obiectum cibum assilire: ac si quis in frigidam eos iniecerit, auditione accipi ipsos interire,

De piscibus paludis Pæonidis, CAP. LXV.

**Z**Enothenus scribit in Pæonide palude quosdam pisces procreari, quibus adhuc palpantibus si eos bubulo pecori edendos obijcias, expletur libentius, quàm cæteri boues sceno. Contrà ab eorundem mortuorum usu, sicut idem ait, tantopere abhorret, ut non attingat.

De Ranis Seriphij. CAP. LXVI.

**I**N Seripho Ranæ prorsus mutæ sunt, si uero has aliò importes, acre quiddam & tragicum sonant. In Picrium lacum qui non perennis est, sed hyeme tantum existit, ex aquis in eum confluentibus Ranas si quis inijciat, silent: alibi tamen uocales. Seriphij de his Ranis gloriantur, hoc uidelicet fieri munere quosdam Perseo diuinitus dato: qui cum rediret cum capite Medusæ, & terram lustrasset permultam, cum quædam par erat fessus prope lacum illum somnum capere uoluisset, Ranas strepentes interpellasse: itaque Perseum molestia affectum, à patre loue deprecatum fuisse, ut Ranas clamare prohiberet: Patrem uero eius precationem exaudisse, ac Ranas illius loci perpetui silentij condemnasse. Theophrastus tamen hanc explosens fabulam, & Seriphiorum uanam gloriationem redarguens, aquæ frigiditatem affert causam esse, cur

ff 3 hæ

hæ mutæ sint. Lacus in Pheneo est qui nullos piscis affert. Cicadas propter frigidam corporis constitutionem non canere idem ait, quoad sol iam procedente die incaluerit. Cum ex Italia Neapoli Puteolos iter facerem, Ranas perspexi, quarum pars quæ ad caput pertinet, repebat, & duobus pedibus agebatur, altera nondum conformata concrecioni limosi humoris similis trahebatur.

Quemadmodum ex Ranis ad coitum mares  
alliciant sceminas.

CAP. LXVII.

**V**T hominum illecebræ quædam amoris esse dicuntur, sic Ranae amatorium quiddam in uoce usurpant. Etenim quemadmodum ad captandos amores suos, homo amans lasciuam cantunculam cantare solet, sic suæ cuiusdam emissione uocis quam ologynem uocant, coitus significationem mas sceminae dat, atque ut eam allexerit, ambo noctem, quod in aqua non queant coire, expectant. Interdiu uenero complexu implicari horrent, at noctu in magna securitate ueneri dant operam. Cum uocalius quiddam quam sint solitæ, sonant, pluuiæ aduentum denuntiant. Quod Natricem Rana male oderit, atque in credibiliter pertimescat, ipsum ideo contra summa uocis contentione exterrere conatur. Ranae sine pedibus nascuntur, deinde ætatis progressu subcrescunt.

GYLLII ACCESSIO.

De Ranis Aegyptijs.

CAP. LXVIII.

Aegyptia

*trix oule bon  
gen.*

**A**gyptiarum genus Ranarum sapientia excellit, Nam si in Natricem inciderit, arundinis frutum obliquum mordicus tenet, & nihil de robore remittens, firmissime retinet. Is igitur eam non potest deuorare, propter arundinem: non enim ore arundinem complecti potest: ex quo fit ut Rana Natricum uim prudentia superet,

De piscibus Armeniæ, CAP. LXIX,

**I**N Armenia excellum saxum auditione accipi per multam aquam emittere, atque sub ipsum subijci fontem quadrangulum treis passus altum, singulaque eius latera stadij dimidium occupare, & simul cum aqua piscis frequentes excidere, cubiti magnitudine, tum maiores, tum non multo minores: & ex ijs partim delabi semimortuos, partim adhuc palpitantes ad mortem præcipitare. Et peruagatum est eos colore esse nigerrimos, & non aspectu insuaueis. Verum tamen si quid eorum uel homo uel fera bestia gustarit, statim mori. Propterea Armenios quod ferarum multitudine redundant, primum eos collectos ad solis radios exficcare. Deinde ne hausta piscium aspiratione graui & pestilenti pereant, ore & naribus obturatis hoc piscium genus disseccare, quod quidē ipsum in farinas redigunt, & ad ficus admittas in ea loca, quæ maxime abundant feris, disseminant. Bestiæ primum ut eas attigerunt, statim moriuntur, atque ea fraude Apri, feræ Capræ, Cerui, Vrsi, Asini syluestres necantur, nam eiusmodi animalia ficuum & faris

ff 4 narum

narum avidissima sunt. Iam uero alio modo tollunt Leones, Pardales, Lupos. Nam in domesticarum Ouium & Caprarum discidium latus farinas ex his piscibus temperatas abduunt. Post uero hanc escam ad eos alliciēdos obijciunt, ac cum eiusmodi quippiā Pardalis, Leo, Lupus gustarint, continuo moriūtur.

Quemadmodum Lycij per pisces diuinant.

CAP. LXX.

**A**Vspicijs quidam diuinant uolatus auium & sedes considerantes. Et in hac sapientia clari habentur Tiresias, Polidamas, & pleriq; alij, qui uiscerum situs & naturas præclare tenent: alij farinis, & cribris, & caseis futura præmonstrant. Audio item Lyciæ uicum nomine Syrrhum esse, inter Myram & Phellum, ubi sunt qui ad pisceis selsitando, sciunt quid sibi uelit appellatorum piscium accessus, & recessus: quid item ostendunt, cum non parent: quid cum frequenteis ueniunt portendant facile intelligūt. Atque eius diuinationis periti sciunt, quid cum lalit piscis, demonstrat, quid cum mortuus fluitat, quid cibum fumens, quid etiam recusans præsignificet.

De uarijs piscibus Taprobanæ insulæ.

CAP. LXXI.

**T**aprobanæ Insulæ mediterranei mare incognitum habent: Maritimi uero Elephantorum uenationem, nisi auditione & fama, haudquaquam acceperunt: omne studium atque operam ad piscationem conferunt. Id mare magnum eam insulam ambiens



bians, infinitos pisces procreare ferunt, habentes capita Leonum, Pantherarum, & Arietum, aliorumque animalium: & quod magnam admirationem habet, Satyrorum speciem similitudinemque pisces nonnullos gerere, ac cete existere muliebri facie, eisque pro crinibus spinas esse, quorum genera tam monstrosa, exacte explicari non queunt. Ac in eodem mari beluas in utraque sede uiuentes audio, & noctu segetes & herbas depasci: quodque palmarum fructu iam maturiscenti gaudeant, idcirco eas arbores amplexu suo concutere, & excussos uiolento impetu exedere, & conficere, easdemque, cum iam incipit dilulescere, in mare abdi. Tum etiam permultas Balenas Delphinis insidiantes ibidem esse aiunt. Tum duo Delphinorum genera illic nasci, alterum ferum & inexpiabili immanitate, piscatoribus infestum: alterum natura mansuetum, circum homines natate, & more canum blandiri, & se contrectari sustinere, atque obiectum cibum libenter sumere.

Quemadmodum in Eridano & Tenaro pisces  
capiuntur.

CAP. LXXII.

**V**bi insignis Eridanus, & ignobilis Tenarus conuersionem faciunt, ibi hoc piscandi genus accolæ exercent, ut hyberno quidem tempore arationibus operam dent; deinde incunte uere, nondum confluentem frigoribus congelare desinente, qui antea agricolæ essent, nunc piscatores facti, sinosum locum deligunt, quem peracutis securibus circūcidunt, & quidam

gg dam

dam lacui simile efficiant : non tamen glaciem prope ripam secant, sed in suo statu consistere sinunt, atque locum à glaciē nudatum circundant amplo uerriculo. Quod quidem ipsum piscatores in ripa consistentes trahunt, ac nimirum permulti etiam piscatoriæ artis imperiti piscium captionē animi causa spectant. Cum autem ij qui adducunt prope ripam uenerunt, tum piscatores extrinsecus glaciem ripæ continentē frangunt, atq; in prædam incumbentes in rete piscis extrinsecus, retrudunt. Ex quo fit, ut ij duplicem fructum percipientes, alterum ex terra, alterum ex flumine, & nautæ & agricolæ censendi sint.

Quemadmodū ex Istro congelante pisces capiuntur: & de natura Antaceorū, CAP. LXXIII.

**E**st etiam Istro sinus adeo profundus & latus, ut mare esse uideatur, in quem onerariæ naues mare transmittētes ad usum accolentium insinuantur, atq; appellantur. Itaque tempestatibus cum is quatiur, quemadmodum mare inhorrescit. Sunt etiam in eo insulæ & recessus quidam, in quos refugere licet, & crepidines riparum bene eminentes, quibus cū ælius recipitur, fluctus refringuntur, atque eodem uelut in angustias compulsi, in mare retunduntur. Hoc ipsum incunte hyeme fieri solet, tum enim hunc augeſcentem Boreas impellit & concitat. Hic adeo duram glaciem defert, ut hæc uecturas omneis sustineat. Contra acerrimus Boreas flans huic resistit, & sic in altitudinem deprimit, ut bene penitus congeliet, & eius

eius confluentis uis occultis infra delabatur, glaciis campi patentis æquor esse uideatur. Ac nimirum homines uel equis insidentes, uel iugata iumenta agentes, iter faciunt. Nauem onerariam in confluyente uersantem tantopere aqua frigoribus concrefcens circumligat, ut nec passa uela, nec gubernatores opus sint, quòd ea glaciæ uinculo constricta tenentur: nec sanè nauis esse uidetur, non enim amplius fluctibus uerbatur, sed in magna planicie tumuli, aut cuiusdam speculæ similitudinem speciemq; gerit. Vbi nauæ exiliunt, in flumine excurrentes, plaustrisq; onera transeunt, tum glaciem in orbem perfodientes, puteum excauant, ut uel putei uel maximi dolij os esse uideatur. Permulti pisces lucis desiderio ex glaciæ tanquàm ex tecto effugere cupientes, in apertum os innatant, eodemq; frequentes congregantur, ut inter se trudent. Vbi ut in stricto scrobe cum permulti alij pisces facile capiuntur, tum plurimi Cyprini, & Coracini, & Percæ, & Xiphizæ, qui nec dum confirmata ætate, nec mucronato rostro existunt, & Antacæ, & ij quidem teneri; nam qui ætate procefferunt, ad maximi Thunni magnitudinẽ accedunt: ij sane pinguisimo abdomine sunt, ut eius uentrem lactantis Scrophæ fœtus ubera dicas: sicq; aspero corio teguntur, ut eo perpoliãtur hastæ. Ab illius capitis uertice ad causdam mollis & stricta membrana pertinet, quam ad assum solem exsiccata, flagellum ad concitanda iumenta efficere possis. Cum est iusta magnitudine, sub

glaciem subiens, nunquam ad caucam peruenit, sed aut sub saxa subiicitur, aut in imam harenam ad uitandum frigus abditur. Nam id temporis cum gelidum est flumē, & perfrigida tempestas, nullis nec herbis nec piscibus uesci necesse habet: tantum in inertia laboris gaudet, & alitur ex pingui suo succo. Et quēadmodum Polypi, cum præda destituuntur, brachia sua circūduunt, sic is suam pinguetudinē excedens uiuit. Ineunte uere, iam libere fluente Istro, odit ignauiam: itaq; sese ex latibulis ad summā aquam incitās, aquæ spuma expletur: Vbi magno murmure rapidus fertur, ibi frequens uersatur, & à piscatoribus ad hunc modū insidias ei molientibus facile capitur, ut hamus cum linea in spumā demissus, sub alborē occultetur, & ferri splendor minime perspicuus sit: is tum ore hiante atq; imminēte, liguriens insidiosam escam deuorat, ex eoq; perit, unde prius alebatur.

Quemadmodum in Macedonia non admodum usitate pisces capiuntur. CAP. LXXIIII.

**H**uiuscemodi Macedonicam piscandi rationem auditione comprehensam habeo: in fluuio nomine Astræo, qui inter Beroeam & Thessaloniceū medius fluit, distincti uarijs coloribus pisces gignuntur, qui indigenis muscis in fluuio uolitantibus pastū sibi comparant. Eæ nec simile de specie quicquā aliarum muscarū habent, quæ ubiq; sunt, nec ad Apum similitudinem accedūt, nec Vesperū speciem gerunt: harum tamen aliquam cuiuscq; propriam particulam referunt,

referunt, tum in audacia quiddam simile cæterarum muscarum habent, tum magnitudine Apibus similes sunt, tum Vespærum colorem reddunt, & similiter quidem atque Apes bombitatione strepūt, eas Equites appellant indigenæ, cæ ad summam aquam uersantes, Piscium nationem non latent. Nam ut ex his quispiam earum aliquam per summa apparentem cõspexit silentio sub aquas subiens, ne prædam aquæ agitatione loco moueat, proxime ad illius umbram accedit, & quemadmodum uel de grege ouem Lupus, uel anserem ex cohorte Aquila rapit, sic is ore hianti atque imminente eam devorat. Quod quidem ipsum etsi piscatores haudquaquam ignorant, non tjs tamen muscis ad inescandos pisces utuntur, simul enim ac hominis manu continguntur, & natium colorem perdunt, & pennæ euanescent, & inepti ad escam piscium omnino redduntur. Quæ causa est, cur earum odio incensi, ipsas à se detestentur. Verum tamen qui piscandi scientiam cognitionemq; præclarè tenent, captiosâ quadam machinatione atque solertia eiusmodi pisces circumueniunt: Purpurascens enim lana hamum circũuestiunt, & ad eandem lanam gallinacei pennas duas eerei coloris speciem similitudinemq; gerentes, accommodant, & conglutinant, quaternum cubitorum est arundo, ad quam alligatum est ferrum, totidem est linea, atque has abstrulas insidias in flumen deiciunt: pisces colore illecti, cupide pergunt contra uenire, ac nimirum lautum cibum

se habituros ex pulchro aspectu arbitantes, hamatis  
 cecis configuntur, ij idemq̄ acerbis captiui fruuntur.

GYLLII ACCESSIO.

Quemadmodum piscantur in insula Ecuba.

CAP. LXXV.

**N**Equē uero in superiore piscatione cuiusquā ad-  
 miratio existet, qui uel de bonis autoribus no-  
 ui orbis auditionem acceperit, uel ipse insulam Ecu-  
 bam peragrauerit, ubi ad cymbam, quæ ex concava  
 arbore tota constat, piscem fune alligatum uectores  
 post se trahunt, cuius formam qui inspexerunt, dicunt  
 Anguillæ speciem similitudinemq̄ gerere, excepto ca-  
 pite, quod tum grandius est, tum pelliculam habet  
 crumenæ non dissimilem, qua primū ut Testudines  
 aut alios pisces extra aquam eminent, statim exsolu-  
 tus, telo infestior, omniq̄ aue uolucrior in eos fertur,

& proiecta pellicula inuolutos comprehendit,  
 neque sane ante mittit prædam, quàm  
 in summam aquam ad pisces  
 peruenerit: ij postquam capti  
 uos pisces legerunt, hunc  
 rursum ad nauis  
 culam relin-  
 gant.

FINIS LIBRI XIII.

## LIBER DECIMVS

QVARTVS DE VI ET

NATVRA ANIMARVM

LIVM.

## DE VOLVCRIBVS.

De Aquila.

CAP. I.



QVILA uiolentum animal & tyrannicum, neque modò in assequendis ad uiuendum necessarijs rapinas facit, sed etiam usu carniùm delectatur, nam ad se explèdam Lepores, Hinnulos, Anseres ex cohorte, & alia pleraq; rapit. Vna tantum ex Aquilarum genere, quæ Iouis appellatur, carnes nò attingit, sed & ad uictum ei herba satis est: etsi Pythagoram Samium non audiuit, nullam tamen animantem edit. Ex auib; maxime acres & acutos oculos habet, in quam Homerus hoc consentit & testimonio est, in morte Patrocli similem huic aui inducens Menelaum, cum requireret, quem ad Achillem mitteret nuntium, tristem quidem, sed tamen necessarium de morte eius amici. Aquila non solum sibi, sed hominum oculis utilis habetur. In melle Attico eius felle sumpto si cui hebescunt oculi ungantur, plane uidebit, habebitq; oculos acutissimos. Non modo presentem & uiuentem reginam auium Aquilam ceteræ

gg 4 omnes

omnes uolucres extimescunt, atque eius conspectum exhorrent, sed & pennæ eiusdem si quis cum aliarum pennis commiscuerit, in corruptæ atque integræ manent, aliæ cum illis communitatem non ferentes, putrescunt. Aquila nunquam fontium ad potionem eget, nec puluerulentas uoluationes quærit, sed & contra sitim superior est, & laboris alleuationem extrinsecus obiectam non expectat: uerum & aquas & quietem præclare contemnens, sublime fertur, sursumq; in cœlestem locum uolans, maxime procul ex alto æthere acutissimè inferiora uidet. Cuius alarum crepitum ubi primum Draco auribus perceperit, in latebras statim abditur. Hoc autem indice suorum pullorum ingenuitatem legitimã Aquila experitur, eos adhuc implumeis ac ex ætate infirmos solem intueri aduersum cogit, ac si quis illorum solis radios ægre intuens, niçtatione oculos obnubat, nido expellit, & uelut adulterinum abdicat. Sin autem solè sine niçtatione respiciat, extra suspicionem est, atque idcirco inter legitimos adscribitur, quòd cœlestis ignis est generis incorruptus index.

De Aquila quæ Gordio regnum præsignificauit,  
& de Lupo qui Gelonem Syracusanum seruauit.

CAP. 11.

**EX** Aquilæ significatione filiũ suum nomine Misdam, Gordias regem fore coniecit: cum supra huius caput arantis primo uolasset, deinde totũ diem in iugo sehsitare nõ prius destitisset, quàm is ad uesperam

ram



ram arationem dimisisset, Lupus item maxima magnitudine cum in ludum inuasisset, & de manibus Gelonis Syracusani pueri tabellas rapuisset, Gelon de sella surrexit, & sane quidem feram non timore perterrens, sed tamen acerrime tabellarum suarum retinens, cum insequeretur. Postea autem quam hic extra tabernam ludi literarii fuisset, hæc quidem labem fecit, & repentina ruina concidens, pueros unam cum præceptore confecit, & oppressit: solus Gelon diuinæ prouidentiae munere sodalibus suis superfuit. Quod ipsum non eum à Lupo occisum, sed potius seruatum fuisse, magnam profecto admirationem habet. Non igitur rationis expertia Deus negligit, imo uero chara habet, cum diuino instinctu partim ex his regnum præsignificarit, partim ex impediendo periculo seruasuerit. Ergo bestiarum etiam hæc est uis, in amore ut sint diuino numini.

De contentione Aquilæ & Cornicis. CAP. III.

**E**T si Aquilas conflictationibus Cornices eludere studet, has tamē illæ præclarè contēnunt, & deorsum ferri sinunt: ipsæ uero sursum subuolantes, æthereum locum secant, quod quidem ipsum non Cornicum timore agunt. Quisnā hoc dicat, qui plane sciat Aquilarum uim; sed potius propria quadam animi magnitudine earum infra se uolantium lapsus facile patiuntur.

De Aquila Chrysaëto nuncupata. CAP. IIII.

**A**Quilarum genus quod alij Chrysaëton, alij Stellarem appellant, non sæpe apparet: eius ge-

h h ncris

neris Aquilam Aristoteles uenari ait Hinnulos, Lepores, Grues, Anseres ex cohorte. Aquilarum maxima hæc existimatur. In Creta ui tauros inuadi ab ea solere in hunc modum narrant. Interea Taurus se cum abijcit ad pastum, ex insidijs Aquila in ceruicem inuolans, crebras illi ac acerrimas plagas rostro infligit: Ille tanquam asilo excitatus, primum incenditur ad cursum, deinde quâ potest se in fugam confert. Quandiu in plano & stabili loco fertur, ab Aquilæ molestia requiescit, ea nimirum quoad in planiciem excurrit, nihil ei negotij exhibet, at quæta uolans illum acerrime obseruat, quacunq; ingreditur. Cum illum proxime ad præcipitem locum ac decliuem accessisse uidet, explicatis in orbem alis, illius oculos quatit, & ea quæ ante pedes sunt, nihil illum prouidentem, magna ui præcipitem agit, laniatq; uentrem appetens, quantum eius cupiditas fert, nullo deinde negotio præda potitur. Ab aliena præda se continet, nihil enim tale etsi humiliaret attingit, sed ex suis laboribus gaudet, atq; à comunicando cum alijs se sustinet. Posteaquam expleta atque exsaturata est, sua aspiratione graui & tetra reliquias imbutas relinquit, alijs iam ad usum ineptas. Aliæ ab alijs longissime nidificant, ne mutua ex loci propinquitate inopes prædæ pereant.

De Aquilæ amore erga suos nutritios & suos pullos.

C A P. V.

Vnum

**V**Num genus Aquilarum est, quod in nutritios suos admirabilem charitatem retinet, cuius rei exemplum est Aquila Pyrrhi, quam ab omni cibo se prorsus abstinente, mortuo domino suo immortalis fuisse ferunt. Quod idem alumna uiri privati fecisse dicitur, sese nimirum in medios rogos, cum dominus cremaretur, immisisse: sunt qui dicat non uiri, sed mulieris alumnam fuisse. Ex omnibus animalibus maximo studio in fetus suos exiit: quare acerrimo odio eum persequitur, quem in nidum inuasisse conspexerit, non inultum, impunitumque dimittit, nec ad repetendam poenarum moderationem quandam rostro utitur, sed illum alis uerberat, & unguibus lacerat.

Quemadmodum ab Aquilis terrestres Testudines occiduntur.

C A P. VI.

**T**errenas Testudines à se comprehensas ex alto deiicientes Aquilae ad saxa allidunt, & ex cōtrita Testudinū testa extractā carnem exedunt, conficiuntque. Itaque Eleusinius Aeschylus tragicus poëta de uita migrasse dicitur. Cum enim is in saxo sedens, ex consuetudine institutoque suo & philosophare, & scriberet, eius caput à pilis nudū, Aquila saxum esse arbitrata, Testudinē, quam in sublime extulerat, in idipsum deiecit, & sine aberratione ictum dirigēs, uirū interfecit.

Quemadmodum Lepores uenantur Aquilis.

C A P. VII.

**L**epores & Vulpes ad hunc modū Indi uenantur, neque enim ad capturam eorum canibus egent:

h h : A qui

Aquilarum & Coruorū & Miluorū pullos educūt, ad uenationemq̄ instituunt. Instituēdi ratio hæc est: Primum ut ad Leporē & Vulpem mansuefactos carnem appenderūt, eos de manibus dimittūt, ad quos à tergo insequēdos auibus emissis fruendæ carnis ad eos ipsos alligatæ potestatem uenatores concedunt. Aues autem acriter insequūtur, & simul ut uel hanc, uel illam cæperint, præmium pro captura carnē consequuntur. Hæc nimirū apud eos prosequēdi has bestias maxime illecebra est. Postea uero quàm eas exacte ad uenandi scientiā erudierunt, in montanos Lepores, ac feras uulpes emittunt: aues consueti prandij spe quæ ex obiecta præda eis ostenditur, & insequūtur, & celeriter comprehendunt, atque, ut Ctesias ait, quod cæperunt, dominis reportāt, non plane insciæ pro carne illa prædæ domesticæ antea appensa, sed ex fera præda nunc uiscera habituras esse.

De Aquila redamante puerum. CAP. VIIII.

**P**Verum auium studiosissimum, Philarchus memorix prodidit, Aquilæ pullum quem dono accepisset, uario & multiplici cibo aluisse, & studiose diligenterq̄ curasse. Nam cum ipsum nō tanquam rem ludicram alebat, sed tanquam uel amores suos & delicias, uel natu minorem germanum fratrem, sic sane is Aquilam magna cum cura & diligentia tuebatur. Cum autem progressu ætatis in mutuam inter se amicitiam uehementer exarsissent, atq̄ accidisset ex morbo ut puer laboraret, tum ei Aquila assiduitate officij assidebat.

alsidebat. Cum enim is quietem caperet, ipsa quoque quieti se dabat: cum uigilaret, eadem assisistebat: cum non ederet, ipsa pariter cibum non admittebat. Postea uero quàm è uita excelsisset, atque efferretur ad monumentum sepulchri, cum prosecuta est: postquam ubi cremaretur, in medios rogos se immisit.

Quemadmodum Aquila ab homine auxilium  
assècuta, statim sibi benefacta retribuerit.

## CAP. IX,

**D**ECem & sex uiri frumentum in arca baculis excutientes, uastissimis solis ardoribus cum ardentissime sitirent, unum ex suis ut aquam de proximo hauriret fonte, miserunt: Is messoriam falcem in manibus habebat, & in humeris situlam gestabat: ubi uero ad fontem uenit, Aquilam ex trictissime offendit serpente circumplicatam, iam iam proximam ut stragularetur: in eam, ut sæpe solet, inuolauerat: uerum tamen non suarum fraudum compos in ea ipsa expugnanda euaserat, at enim spiris illius circumuenta, uicina erat ad pereundum. Agricola uel quòd nò ignoreret, uel quòd auditione accepisset Aquilam louis nuntiam & ministram esse, & item quòd egregie teneret feram bestiam esse, falce serpentem ab Aquila absceidit, & uinculis eam, unde effugere non poterat, exsoluit. Cumque his obiter gestis reuertisset, atque hausta aqua uinum temperatum omnibus ministrasset, ij quidem audissimè bibere ingrediuntur: is autem qui aquam haussisset, iam post illos bibiturus erat (nam

tum famulus non compotor erat) ad labra poculum cum admouisset, seruata Aquila circum locum illum etiam nunc uersans, sic in poculum inuolauit, ut portio effunderetur. Ille quòd grauitèr sitiret indignatus ait: Hanc ne gratiam, cum sis illa (nam auem recognoscebat) tuo conseruatori refers? ità ne louem gratiarum inspectorem & præfectum uereris? Cum hæc elocutus se ad alios conuerteret, uidet ex uenenata portione palpitantes, extremum spiritum efflari. Serpens, ut conijcere licebat, suo ueneno fontem imbuerat, Itaque redemptionis præmium ei qui se conseruasset, Aquila cum pari salute compensauit. Hæc dicit Crates Pergamenus, & Stefichorus in quodam poemate graui & antiquo, & in uulgus haudquaquam per uulgato.

## GYLLII ACCESSIO.

De eadem,

CAP. X.

**A**Lix aues uolandi idcirco diuerticulis flexionibusq; in cœlum, quòd rectà non possint, efferruntur: sola Aquila directo uolatu in sublimè fertur. Aliæ item rectam uiam flectunt, cum ad terram delabuntur: Aquila deorsum uersus rectà defertur: eam Aegyptij non aquam, sed sanguinem testantur bibere. Quòd si in pugna uicinari se ad succumbendum sentit, sese supinam ad terram abiicit, & in hostem unguis dirigit, quod ipsum cum hostis præstare non possit, in fugam facile impellitur. Aliorum animalium non semper maribus foeminæ ad coitum obediunt,  
Aquilæ

Aquilæ coitum nunquam recusant: nam ter & decies, quamuis initæ sint, si tamen mares præterea eas appetant, parent. Vnguibus lapidem in suum nidum supportant, ut eo depressus nidus, firmiter constet.

De Gryphibus.

CAP. XI.

**G**Ryphem Indicum animal audio similiter quadrupedem ut Leonem esse, robustissimis item existere unguibus, Leonum similibus: tum esse posticis partibus nigrum, anticis uero rubrum: alas autem ipsas non item eiu smodi, sed albicantes ferunt. Ctesias eos ait Aquilino ore esse, & capite cuiusmodi pictores fingunt: oculis autem igneis, nidosq; in montibus facere, utq; ætatis processu grandes non capi, ita earum pulli comprehendendi posse. Bactri autem Indis finitimi eos illic auri custodes esse, aurumq; effodere aiunt, & simul eo ipso nidos construere: quod uero auri in terram deciderit, Indos homines auferre. Contra Indicos auri, quod ueri quidem simile uidetur, custodes esse negant: neque enim Gryphes auri egerre: at contra ipsos cum ad colligendum aurum homines accesserunt, hos de pullis suis maiorem in modum timentes, pro eis pugnare, atque cum alijs etiam animalibus concertare, eaq; funditus uincere. Contra autem Leones & Elephantos non stare: idcirco Indigenæ, quod ab huiusmodi animalium robore timeant, non interdium, sed ad collectionem auri noctu proficisci, quod se tum melius latere arbitrentur. Locus ubi Gryphes uersantur, ac ubi aurum effoditur, desertissi-

mus est. Quocirca aurum uenari studentes, mille, aut bis mille armati eò perueniunt, simulq; saccos afferunt, silentem lunam obseruantes. Quòd si Gryphes fallant, duplicem commoditatem assequuntur, quòd & eorum uita ab illorum atrocitate seruatur, & quòd etiam aurum Indi domum auertunt. Sin in furto deprehendatur, perierunt. Cum semel eò profecti sunt, domum non nisi triennij, aut quadriennij interuallo reuertuntur. Aristeas Proconesius in suis uersibus dicit eiusmodi aues cum Arismaspis de auro pugnare.

De Vulturibus,

CAP. XII,

**I**N hominum cadauera Vultures infestissimi feruntur, in quæ incurrentes tanquam hostilia inuadunt, ac hominem uicinum ad moriendum quando supremum uitæ diem agat, diligenter obseruant. Expeditos in bellum exercitus præsentione quadam cõsequuntur, plane scientes & quòd ad bellum proficiuntur, & quòd omnis pugna strages edere solet. Vulturem non nasci marem aiunt, sed fœminas omnes generari: quam rem non ignorantes hæ bestia, pullorumq; solitudinem ac inopiam timentes, ad gignendos pullos talia machinantur. Aduersæ Austro uolant, uel si Auster non spirat, ad Eurum uentum oris hiatu se pandunt; spiritus uenti influens, ipsas implet. Dicunt Vultures non nidificare: Vultures uero, qui sunt medij inter Vulturum genus, & Aquilarum, esse tum mares, tum nigros colore, quorum quidem nidos reperiri audio, attamen oua eos excludere non existimo



existimo, sed pullos potius parere, eosque statim à partu uolatiles esse intellexi. Vulturibus unguentum perniciem infert. Barcei gens Hesperia ex aliquo morbo mortuos, ut muliebriter & ignauiter defunctos, ad notandam mortis ignominiam igni cremant: Eos uero qui in bello morte occubuerint, ut summa uirtute ornatos, Vulturibus deuorandos obijciunt: quòd eas aues sacras existiment. Romulus in Palatino colle ex duodecim Vulturibus optima auguria egit: Nam ex auium numero commutatione in duodecim homines facta, principes totidem Romanos, quot aues perspexisset, uirgis antecedere iussit. Eiusmodi uolucres Iunoni sacras Aegyptij ducunt, atque earum pennis Isidis caput, & uestibulorum fastigia ornant.

GYLLII ACCESSIO. De eisdem, CAP. XIII.

Vulturum genus cum sit acris oculis atque acutis, longo interuallo quod edendum sit, despicit, ac futuro bello septem ante dies, quam pugna committitur, locum praeuidet, in eamque partem in qua alterutra pars succumbet, respectat. Quamobrem res ges olim speculatores solebant praemittere, qui res nunciarent ad quam nam partem oculos uultures referrent, iam porro trecentos & sexaginta quinque dies quibus annus conficitur ad hanc rationem eiusmodi auis partitur: centum & uiginti in terra commoratur, nusquamque humo tollitur, quòd sane totus & animo & corpore in alendos pullos sit: ducentos  
 ii      & qua

& quadraginta neq̄ concipit quicquam, neque alit, sed sibi tantum uiuit. Quinc̄ reliquos dies in conceptionē consumit. Quòd autem nihil in amore ardentius quàm pullos habeat, ex eo satis liquet, quòd totidem dies quot modò commemorauī, sic in alendā prolem incumbat, ut non se ex pullorum loco cōmoueat, ac se quando nutrimenti facultas desit, ne fame pulli pereant femori suo uulnus infligit, & manantē sanguinem eis ipsis exsorbendum dat.

GYLLII ACCESSIO,

De Accipitre.

CAP.

XIIII,

**V**arium & multiplex genus accipitrum: *Thynnunculus*, *Buteo*, *Aquila* *Vulturi* similis, quæ *Cymindis* appellatur. *Perdicotheros* *Apollinis* minister esse dicitur: *Offifragam*, & *Harpam* *Mineræ* attribuunt: *Columbarium* *Mercurio* dicunt sacrum esse: *Iunoni* *Tanypteron*: *Buteonem* *Dianæ*; *Matri* *deorum* *Morphnon*: item alios alijs *Dij*s consecratos esse. Accipitres non minus quàm *Aquile* ad aucupandum habiles, neque magnitudine *Aquilis* inferiores, de aibus longe hominum studiosissimī habentur. Eos in *Thracia* auditione accipi ad hanc rationem cum hominibus per paludes societatem aucupandi coire: homines explicatis retibus quiescere, accipitres autem superuolantes exterrere auceis, ac intra retia compellere. *Thraces* si quas cæperint aues, cum accipitribus partiri, eosq̄ tum ad aucupij societatem fidos habere; Sin cum his earum partem quas cæperint

caperint auum, non communicauerint, dissociari atque distrahi. Iustæ magnitudinis accipitres & intergræ ætatis cum Vulpibus pugnaciter certare, & sæpenumero contra Aquilas & Vultures pugnare: à cordibus tanquam sacro quodam initiatis se sustinere. Nunquam enim auum corda ueluti religione quadam cōstrictos edere. Hominem mortuum si inhumatum perspexerint, iniecta gleba humare dicuntur: etsi illos hoc ipsum Solon, sicut Atheniensis, non facere instituerit. Quòd si corpus attigerit, ieiunus manet, nec; si unus tantū aquam in sulcum deriuet, aquam gustat: quòd sanè existimet illi unico homini incommodare, sua nimirum portione aquam ex illius usu auferens. Sin plures homines irrigant, uis dens affluentis aquæ copiam, uelut ab eis inuitatus, libenter bibit.

De Accipitribus tinnunculis.

C A P. XV.

**A**ccipitrum genus quod nominatur Cenchris, nulla eget portione. Ardenti in sceminas amore inflammatur, moreq; hominum amatoria leuitate flagrantium, semper sectando eas in oculis fert. Si quò clàm scemina abscesserit, ex eo maximum capit dolorem, & clangorem fundens uastum exclamat: utique homines uehementer amantes ex amore uexantur, perinde amatorijs molestijs affligitur. Cum ex oculis laborat, syluaticam lactucam euellit, eiusq; acerrimum succum expressum suis oculis imponens, ad sanitatem restituitur. Hoc uti medicamento ad sanans

ii 2 dos

dos oculorum dolores medici dicuntur, unde oculorum medicina Hieracia, quasi Accipitraria appellatur. Vnde uidere licet homines se auium discipulos profiteri, atq; etiam præ se ferre non uereri. Sacilegum medicum Delphis, cum in eum incurrisset Accipiter, eius caput conuellens, indicauit. Itemq; nonnulli Accipitres esse creduntur qui censentur in genere Aquilarum. Incunte uere delecti ex omnibus duo in Aegyptum allegantur, ad speculandas insulas quasdam desertas quæ Libyæ adiacent. Ii autem ubi res uerterint, præeuntes eò alios deducunt: quibus duobus cæteri peregre illius profectionis festum agunt. Cum ad eas insulas peruenerunt, quas illi duo speculati commodiores sibi indicarunt: hic in multa quiete, & tranquillitate pariunt, & excludunt, passereseq; & columbas uenantur: pullos cum magna redundantia alunt, deindeq; firmos ad uolandum in Aegyptum abducunt, tanquam ad paternas sedes,

Vt meminerunt beneficij accepti etiam fere bestiarum, & de Accipitre. CAP. XVI.

NON tam immanes beluæ existunt, quin liberaliter acceptæ, beneficiorum acceptorum memoriam studiose diligenterq; seruent. Nam eas in eos ipsos à quibus beneficium acceperint, uehementer gratas esse, testimonio sunt uel Aegypti admodum fera animalia, Feles, Ichneumones, Crocodili: & Accipitrum genus est quod eicæ illecebris capitur, isdemq; mansue

manusfactum, postea nūquam abscedit ab eo quem experitur in se benignum. Homo autem & rationis particeps & munere prudentiæ ornatus : tum etiam, quod uel rubor ipse facillime indicat, uerecundia præditus, qui modò amicus erat, nunc repente hostis, uel leuissimis de causis, grauissimus fit : & quæ illi credita sunt, uel tenuissima suspicione iniecta, euomit.

Interea accipiter quoad uiuit, cum apud Aegyptios egregie charus deo esse existimatur, tum post excelsum è uita futura ostendere, ab eodemq; somniorum significationes proficisci, atque apud eosdem populos tripoda accipitris aliquando fuisse, unde oracula consulentibus diuino instinctu afflata funderentur. Perdices Paphlagones duplici corde Theophrastus confirmat. In Bisaltia duplex iecur lepores Theopompus ait habere : Apion uero nisi nugatur, Cereus uos locis quibusdam quatuor renes habere. Idemq; affert, Oeneo in Menide regnante, bicipitem Gruem apparuisse, tumq; Aegyptum feracem extitisse : atq; sub alio rege quadricipitem auem uisam fuisse, & quanta antea nunquam Nilum alluione redundasse, frugumq; ubertatem mirificam fuisse. Quadricornem Ceruum Nicocreon Cyprius habuit, quem Pythio consecrauit. Ego Bouem quinq; præditum pedibus uidi, sacrum & dedicatum deo, qui colitur ad Alexandriam in luco ubi Perseæ arbores consistæ, perspulchra umbra opacant : pedem is in armis appensum habebat cum ad ingrediendum adiuuātem, tum

absolute factum.

Quemadmodum Aegyptij Accipitrem colunt.

CAP. XVII.

**A**ccipitrem Apollini consecrant Aegyptij, & uenerantur. Oron sua lingua Deum hunc appellant. Auem autem eiusmodi Thaustum nominant. Cum Apolline idcirco conuenientiam habere aiunt, quòd de a uibus soli Accipitres semper nullo negotio aduersos solis radios intuentur, neque intentis oculis sursum uersus iter suscipere grauantur, nec diuina flamma offenduntur: ijdem ipsi serpentibus & ueneratis bestijs inimicissimi sunt, nec enim ipso serpens, nec Scorpius, nullàue alia mala bestia latere potest: nullas fruges exedunt & conficiunt, sed & carnes uorant, & sanguinem exsorbent, ijdemq; suos alunt pullos: ad libidinem sunt inflammatissimi: os tibi illorum si ad aurum admoueatur, sic ipsum illecebra quadam mirabili ad se allicit, quemadmodum Heraclotem lapidem sua ui prædicant quasi præstigijs & captionibus ferrum ad se attrahere.

GYLLII ACCESSIO.

De eodem.

CAP. XVIII.

**A**ccipiter cum ex sese tria oua peperit, unum solum selectum alit, alia duo frangit, quod ipsum eo tempore facit, cum ungues amisit, quòd tres pullos tum alere nequeat, Accipitris natura tota sanguine & spiritu constat: hominis misericordia mouetur,  
eidemq;

eidemq; iacenti mortuo ingemiscit, illiusq; oculos terra obtegit.

De magna Struthione, quam Sextus Pompeius  
& Aufonius Passerem marinum appellant.

CAP. XIX.

**T**Ametsi alis penna frequentibus magna Struthio prædita est, à terra tamen nec tollitur, nec in sublimem fertur, at celerrime duabus alis explicatis graditur, quas uentus tanquam uela implens propellit; uolare autem nescit. Et si permulta oua parit, non tamè omnia ad frugem perducit; ad secunda ab infœcundis sæcernit, tantumq; frugiferis incubat, simul & ex ijs pullos excludit, & sterilitate affecta, eis ipsis editis pupillis alimenta præbet. Quòd si quis eam insectetur, propter corporis grauitatem uolando effugere nequit, sed duntaxat explicatis alis, gressu ipso effugere aggreditur: sin propior facta est, ut capiatur, obuios lapides sic pedibus retro ad hosteis uersus tanquam funda iaculatur.

Ex minima origine in maximam crescunt magnitudinem Crocodilus, Struthio magna Elephantus.

CAP. XX.

**H**æc tria ex minimis euadunt maxima animalia, ex aquatilibus, Crocodilus; ex uolucris, magna Struthio; ex quadrupedibus, Elephantus. Iuba rex Elefantum scribit patri suo fuisse, qui multa sæcula uixisset, nempe qui emanasset, & per manus traditus fuisset, usque ab huius alta stirpe. Et Ptolemæo

ti 4 Phila

Philadelpho Aethiopem Elephantum fuisse, qui uel multas ætates uixisset, uel ex hominum consuetudine, uel institutione mansuetissimum: atque idem ipse ait, se uidisse Elephantum Seleuci, cognomine Nicænoris, qui usque ad Antiochorum postremam expugnationem uixisset.

De eiusdem natura.

CAP. XXI.

**I**N Struthionis uentre, cum is à sordibus expiatur, lapides inueniuntur, quos hæc postea quàm deuorauit, in omaso prope reticulum diu asseruatos concoquit: ij sane ad efficiendam oculorum medicinam salutares sunt: atque illius adeps & nerui auxilium & salutem neruis hominum afferunt. Eademque in cursu deficiens lassitudine, comprehenditur ab equitibus, etenim in orbem currit: uerum equites ei orbem precipitantes, currendo defessam assequuntur. Ad hunc etiam modum capitur, pedibus sanè nidum ex sabulo architectans, in solo humilem nidum fingit, & construit, cuius medium concauum efficit, labra ambitia alte exaggerat, ac tanquam muro circummunit, ut munitio eminens pluuiam in nidum influere, & pullos etiam num teneros alluere prohibeat. Amplius octaginta oua ex sese parit: non tamen uno eodemque tempore ex ouis pullos excludit, sed ex his partim iam in lucem proferuntur, partim intra oua informantur, & conglutinantur, partim etiam fouentur. Cum autem ipsam sic incubantem uir eius uenationis bene peritus animaduertit, peracutas ex ferro cuspides



cuspides spiculorum more rectas circum nidum defigit, & alicubi prope in occulto latens, ex insidijs rei euentum acerrime expectat. Struthio uero quoniam amore, quem erga fetus suos acerrimum habet, flagrans sitienter cum eis uersari cupiat, ex inquisitione passus reuertitur, ac nimirum priusquam in nidum introcat, huc illuc uersans oculos, circūspectat, quòd metuat ne quis sese speculetur. Deinde ardentissimo pullorum studio uicta, etsi ferrum splendescit, ita tamen alis passis, tanquam uelis contento fune explicatis, intra nidum mirabiliter ingreditur: nam cuspidato ferro transfixa, acerbam mortem afficitur: Venator uero repentinus eò accedit, simul cum matre pullos capit.

GYLLII ACCESSIO. De eadē. CAP. XXXII.

**E**T si Struthiocamelus quandam similitudinem Cameli gerit, tamen inter uolucres numeratur. Non tamen iisdem insidijs quibus aliæ aues attentatur, sed Equis, & Canibus, & uinculis comprehenditur. Ea magnitudine est, ut in lato dorso infantem puerum ferre possit. Illius tibiæ procerissimæ, & Camelorū similes frequentibus compactæ sunt squamis: excelsum item caput, & paruum: longum etiam collum, & Cyanei coloris: oculi magni: rostrum breue, acutumq;: molles plumæ: ungula fissa. Cum effugere non quit, intra arbuta aut umbrosā loca caput abscondit, quòd ea corporis pars cæteris debilior sit.

**H**ominibus Cyenus præstat, non modò enim inouit quando ipse appropinquat ut moriatur, sed ut placatissime & lenissime mortem ferat, à natura est præclarissimum donum consecutus: in morte enim nullum acerbi doloris sensum inesse se in optimam spem induxit. Homines autem quod nesciunt, id & exhorrent, & summum malum existimant. Olori tanta animi est tranquillitas in extremo uitæ spiritu, ut sibi tanquam næniam canat. Quod autem non angore atq; molestia implicatus eum extremum cantum edat, Socrates testatur: sed potius alacri animo affectus. Neq; enim qui animo dolorē capit, bilem ducit cantu: Neq; modò ad mortem, uerum etiã ad pugnam fortis est. Iniuria item non læcessit, tanquam sanè moderatus & uir prudens, sic læcessenti & insidiantī de animi robore nihil cōcedit. Cæteræ quædam aues cum eo pacem habent, & quasi fœdere deuinciuntur: ab Aquila uero sæpe hostiliter appetitur, nunquam tamen uincitur, sed eam prouocantē animi non solum robore, sed iure etiam optimo uincit.

In mari Aphrico, Aristoteles ait Olorum gregem sæpe apparere, & cantum tanquã ex choro quodam consonãti, suauem quidem, at lugubrem, & uelut ad misericordiam inclinantem à præternauigãtibus exaudiri. Fontes, lacus, paludes, aliãue loca aquis redundantia incolere solent, ubi earum rerum periti dicunt eos musicas rationes exercere.

Cyenis sedes & com

mora

morationes sunt in lacubus, paludibus, stagnis, & perennibus fluuijs, quorum confluens moderate & sedate fertur. Suapte natura pacati sunt, ad senectutemq; perueniunt non sibi grauem. Robori quo magno præditi sunt, confidentiores existunt: non tamen ut inique in cæteras aues dominantur, sed ut laceßiti iniurias propulserint: facile Aquilas prouocati uincunt.

De Anser.

CAP. XXXIII.

**I**N Aegio Achaia urbe præstantem forma puerum, in nomine Amphilocum, sicut Theophrastus refert, Anser amauit. Nam cum in Aegienfi custodia is puer cum perfugis ab Olenio teneretur, ei Anser dona afferebat. Nihil igitur mirum in Chio Glaucem citharædam homines, cum ea esset pulchritudine eximia, adamasse, siquidem ab Ariete, & Anseri etiam eandem audio amatam fuisse. Anseres Taurum montem transmittentes Aquilarum metu singuli mordicus lapidem tenent, ut ne clangorem fundant: tanquam enim silentij frenos sibi iniicientes, montem transuolant, atque sic suppressa omni clangoris significatione, per sepe Aquilas fallunt. Quod autem natura calidissimi sunt, idcirco lauacionum cupidissimi existunt, etenim natam gaudet. Et quemadmodum cibarijs summe humidis, quibus interius refrigeretur, delectantur: sic nec lauri folia, ne siquidem fame opprimantur, attingunt: nec rosam laurina sua sponte, nec adhibita ui, edunt. Præclare enim intelligunt, siquid tale comederint, se uita priuatum iri. Contra homines non modo in cibo & potione, sed per somnum

kk 2 insidijs

insidijs attentantur: sexcentiq; partim uenenata positione perierunt, ut Alexander: partim cibo, ut Claudius, & Britannicus eius filius, ac ueneni ui sopiti, de lecto non surrexerunt.

De beneuolentiã Anseris erga altorem suum.

C A P.

X X V.

**C**VM Lycadem peripateticum altorem suum Anser tantopere amaret, ut & cum ipso simul ambularet, & cum ille sederet, hic quoq; ab ambulãdo quiesceret, & ipsum nunquã relinqueret, eum ipsum Lycades mortuum non minus ambitiose, quã aut fratrem aut filium sepulturæ honore affecit. Anseres acrius quã canes ad custodiam aduigilare, Romani planè & explorate perceperunt. Cum enim acerisimum bellum Galli eis intulissent, simul & ui atq; imprefione intra urbem irupissent, Romamq; præter arcem Capitolinam, ad quam difficilis ascensus erat, cepissent: quam etiam fidei suæ permiffam custodiebat M. Manlius consul, qui filium suum, etsi rebus præclare gestis, & pugna strennuè pugnata, tamen quòd iniussu imperatoris pugnasset, morte multatus uit: Eam Galli undiq; sibi inaccessam uidentes, & noctem intempestã ad inuadendos ex insidijs artissime dormientes, accommodatã rati, qua non custodiebatur, ac silentium à custodibus erat, non arbitrantibus inde Gallos inuasuros esse, aggrediuntur: ac tum capta arx fuisset, nisi anseres interfuissent. Nam Canes obiectum cibum silentio edebant. At enim  
Anseres

Anseres, cum ex eorum natura sit ad obiecta cibaria clamores tollere, & minime ab strepitu conquiescere, editis clangoribus, M. Manlium, & circumfusas custodias è somno excitarunt. Ex quo factum est, ut nunc iam quotannis Canes suæ fraudis pœnas Romanis dent, cum ad memoriam ueteris eorum proditiōis. Anser certis diebus in honore est apud Romanos, & magna pompa in foro incedit.

Quemadmodum libertatem in uolando amant

Attagenes,

CAP. XXVI.

**A**ttagenes aues ferunt ex Lydia in Aegyptum deportatas, & in syluam demissas, primo Coturnicis uocem misisse: post cum fluminis alluione eelum pestilens factum esset, quo multi passim mortales perierunt, eiusmodi aues non intermisisse maiori oris expressione, quàm quernuis explanatissime lingue puerum loqui, & dicere, *τῆς τῆς κακῆς τὰ κακὰ*, id est, Ter mala malis. Item ceteræ aiunt eas captas neque mansuescere, neque idcirco amplius pristinas uoces edere, quòd seruitute conticescunt, & obmutescunt. Quòd si ex potestate in libertatem uolandi dimittantur, & in suas sedes perueniant, rursus loqui, pariter ceteræ cum libertate uocem recipere. Huius Aristophanes meminit in comœdia inscripta auibis: suum proprium nomen loquitur & canit.

GYLLII ACCESSIO.

De eadem,

CAP. XXVII.

kk ; Alexan

**A**lexander Myndius dicit Perdice paulo maior  
 rem esse Attagenem, eius uersicoloribus pictum  
 maculis dorsum, figulinæ testæ coloris speciem simi-  
 litudinẽq; gerere: præterquam quòd magis ruf-  
 sum est. Quòd autem graui corpore sit, & breuibus  
 alis, ideo facile comprehenditur: puluatione gau-  
 det, tum fœcũda est, & sicut Gallinacei grano utitur.

De Gallinaco.

CAP. XXVIII.

**G**allinaceum ex oriente luna quasi diuino quos-  
 dam spiritu afflatum bacchari atque exultare fes-  
 runt. Oriens autem sol ipsum nunquam fallit, tum  
 uehementissime uocem contendens, semet magis ma-  
 gisq; cantando uincere conatur. Latonæ in amore  
 esse aiunt, & quòd ei assuerit parienti, & quòd etiam  
 nũc parietibus adsit, & faciles partus efficiant. Matri-  
 ce Gallina extincta, is ipse incubat, & pullos ex ouis  
 excludit, ac tum silentio utitur, quòd sane sibi con-  
 scius sit se muliebri munus obire, & parum uiriliter  
 facere. Ac si cum altero pugnans uincatur, idcirco nõ  
 canit, quòd ex illa mala pugna spiritus fracti illi uo-  
 cem supprimant. Cuius offensionis uerecundia con-  
 fusus, in primam quamq; latebram sese occultat: Is  
 autem qui ex certamine uictoriam reportarit, tum  
 oculorum eminentia, tum ceruice erecta simul & can-  
 tus contentione insolenter effertur, & triumphanti  
 similis est. Illud item in eo mirificum, cum limen in-  
 trat, tametsi superum altissimum existit, is tamen sese  
 inclinat: quòd quidem ipsum superbia inductus fas-  
 cere

cere uidetur, ne uidelicet crista usquam offendatur. In locis ubi cæli status uuidus est, Gallos non cantare Theophrastus inquit. Si sceminarum facultas non sit, omnes subigunt in cohortem suam recentem uenientem. Leo ab eo magno timore afficitur: eodem timore est Basiliscus, cum enim eum uidet, tremit animo: cumq; eundem audit canentem, terrore concussus, propemodum emoritur. Quam rem non ignorant qui per Africam iter faciunt, Gallum itineris comitem sibi adiungunt, qui eos à tam pestilenti malo Basilisci prohibeat.

De Gallo qui uini ministrum amauit: itemq; de  
Graculo & Apibus. CAP. XXXIX.

PHilon dicit, cum qui Nicomedi Bithyniæ regi pocula administraret, à Gallinaceo adamatū fuisse: cum Graculo formosum puerum in amore fuisse: tum etiam Apes amatorio affectu flagrare: ob eamq; causam à pungendis hominibus quos amant, aculeos sustinere.

De Gallinaceis Indicis. CAP. XXX.

IN In dia Gallinacei nascuntur maximi: nō rubram habēt cristam ut nostri, sed ita uariam & floridam, quemadmodum coronam ex floribus contextam. Pennas posteriores non inflexas habent, neque in orbem reuolutas, sed latas, quas cum non erigunt, ut Pauones trahunt: eorum pennæ smaragdi colorem gerunt,

De Gallinaceorum certamine. CAP. XXXI.

**A**thenienses post uictoriam eius belli, quod cum Persis gesserunt, legem constituerunt, quotannis ut certo die Galli in theatro publice certarēt: unde uero initium lex duxerit, dicam. Contra Barbaros cum Themistocles exercitum duceret, & Gallos non ignauiter pugnantes animaduertisset, exercitum confirmauit, his uerbis ad milites usus: At hi neque pro patria, neque pro penatibus, neque pro sepulchris maiorum, atque libertate, neque pro pueris mala sustinent: sed ut ne uincantur, neuter cedit alteri. Quæ cum dixisset, Atheniensibus animum auxit. Itaque id factum, quod eis fuisset significatio ad uirtutem, ad similitum factorum monumentum seruari uoluerunt.

Theophrastus scribit, ex Gallinaceis libidinosiores domesticis agrestibus esse, itemq̃ mares statim à cubili uelle coire, fœminas autem magis procedēte die.

GYLLII ACCESSIO.

De Gallo peregrino. CAP. XXXII.

**I**s quem ex nouo orbe deportatum uidi, eadem est qua Pauo colli proceritate, quod ipsum simul cum capite à plumis omnino nudum est: tantum purpuralescente pelle obducitur, & tam ualde crassum est, ut pellem quæ antea laxa & uacua spectabatur, cum uocem mittit, sic contendat & inflat, ut ad brachij crassitudinem accedat. Vox cum fragore per collum longe lateq̃ uagans redditur, ut liquorem in dolium infusum



fusum dices strepere : in sua tamen uoce quiddam gallinaecum recinit. Eius capitis uertex colore partim albo, partim cæruleo, partim purpureo distinctus: crista caret: quædam rubra appendicula carnea ex eius summo rostro per superiorem rostri accliuatatem, tantopere eminent, ut digiti longitudine inferius dependeat, quàm rostrum ipsum, quod quidem ipsum ea superintegitur, ut hoc nisi è transuerso uideri non queat. Hanc quidem appendiculam cum partum capessit contrahit, ut quæ antea digito longior, quàm rostrum propendebat, modò contracta ad rostri longitudinem non accedat. Huius plumæ tum Accipitris speciem similitudinemq; gerunt, tum extremæ albæ uisuntur: cruribus est procerissimis, eiusdemq; ungues similiter ut nostratium aduncitatem habent, & distinctionem. Illius quem uidi corpus & rotundum erat, & Pauonis excelsum superabat: oculorum ambitus cæruleo & purpureo colore efflorescebat, & perinde ut Accipitres acri atque acuto uisendi sensu uigebat. Cum quispiam ad gallinam appropinquat, totus inhorrescit, plumis & gradu superbo exterrere accedentes conatur: gallina illius alba erat, & Pauonem cum plumas caudæ amisit, referebat.

## GYLLII ACCESSIO.

De Gallina.

CAP. XXXIII.

GALLINA ardet studio & amore pullorum: primum  
 Genim ut Circū auem rapacē supra tectum gyros  
 II agere

agere cognoscit, statim uehementer uociferatur, & cr  
uicem iactans, atq; in gyrum contorquens, caput in  
altum tollit, ac omnibus plumis inhorrescit, tum ex  
plicatis alis timidos pullos, & sub alato tegmine pipi  
pientes protegit, auemq; procacem retrocedere cog  
git: Deinde eos ex latibulo plumeo prodeuntes stu  
dio se pascit. Tantum nimiru erga filios amorem, non  
modò in hominũ, uerum etiam in serpentiũ, atq; im  
manium ferarũ corda inseruit deus, ut uipera uisã fue  
rit, quos peperisset, lingua lambere, & tanq; expolire:  
ut prudẽter dictum sit, procreationẽ suam tam charã  
omnibus animalibus quàm animam esse. Gallina  
item, auesq; reliquæ, si cut Cicero ait, & quietũ requi  
runt ad pariendũ locum, & cubilia sibi nidosaq; con  
struũt, eosq; quàm possunt mollissimè substernũt, ut  
quàm facillime oua seruẽtur: è quibus pullos cũ ex  
clu serũt, ita tuentur, ut & pennis foueãt, ne frigore læ  
dantur, & si est calor à sole, se opponãt. Cum autem  
pulli pennulis uti possunt, tum uolatus eorũ matres  
prosequũtur. Contra homines sæpe non modò alũt,  
sed etiã cũ plurimos liberos susceperunt, ut ne multi  
plicentur, eos de medio tollunt, ac nimiru cũ matris  
bus etiã uenereo complexu iungũtur. Quod sanè ut  
uel ipsis beluis scelestum ac nefariũ facinus putatur:  
ita Cyro & Parysatidi Persæ pulchrũ & legitimũ uis  
debat: nam Cyrus matrem nefariè & turpiter ama  
uit, & uicissim ab ea impie redamabatur.

De Pauone.

CAP.

XXXIIII.

Non

**N**on modò Pavo se non ignorat ex aibus for-  
 mosissimum esse, uerum etiam ubi formæ sita sit  
 pulchritudo, præelare tenet, atq; ea elatus & ceruicis  
 lam iactat, & ex pennis, quæ ei non mediocre orna-  
 mentū afferunt, maximos spiritus sumit: his enim spe-  
 ctatoribus metū iniecit, & æstiuo tempore natiuū &  
 non accersitū habet tegmentū. Quòd si quem uelit  
 exterrere, pennas primū explicat, deinde ad inieciens  
 dum terrorem his concrepat, capitisq; elatione, ac sus-  
 perbo supercilio uelut triplicem cristam iactat. Cum  
 refrigeratio ei necessaria est, tum pennis & in  
 anteriore partem reflexis, ex sese corpus suum opa-  
 cans, caloris uim frangit, & propulsat. Si retro atq; à  
 tergo uentus fiat, alas paulatim pandit, atq; uentus  
 interspirans auras & molles & suaves ei afflat, unde  
 is refrigeratur. Quòd si laudatur tanquam formosus  
 puer aut mulier pulchra, corporis præstantiam belle  
 ostentat, sic is ipse pennas ornatè & ordine erigit, ut  
 uel florido prato, uel uariæ picturæ similis esse ui-  
 deatur. Ac uero ante pictorum oculos se ad imitan-  
 dum exponens, abunde sui pingendi potestatē facit,  
 & spectatorem conspectu suo expleri facile patitur:  
 Et quaqua uersus conchatam caudam intorquens,  
 & gemmatiore & uariam magis quàm sint Medo-  
 rum Persarumue uestes, suam stolam ambitiose ad-  
 modum & clate ostentat. Ex Barbaris ad Græcos ex-  
 portatus esse dicitur. Primum autem longo tempo-  
 ris intervallo rarus, deinde studiosis elegantix & pul-

chritudinis pretio spectatus fuit Athenis, & uiros & mulieres admittentes ad huiusmodi spectaculū, ex eo quæstum fecerunt; atq; ut in oratione contra Erasistratum Antiphon inquit, marem & foeminam mille drachmis æstimarunt. Hortensius homo Romanus cœnam primus Romæ sacerdotij adijciale cum Pauone dedit. Alexander Macedo eiusmodi aues apud Indos uidens, earum admiratione commotus, in eos qui has occiderent, grauem pœnam constituit. Id Pauonis proprium, etiam notione dignum est: quòd treis annos incipit ex sese parere, & uarios colores fundere: non continenter quidem, sed duorum dierum interuallo ouis incubat, & simul sic irrita & uana quemadmodum cætere aues oua parit. In India omnium maximi qui ubiq; sunt, Pauones nascuntur.

De Porphyryone aue,

C A P. XXXV.

**P**ORPHYRIO animalibus excellit, & formæ pulchritudine, & nominis cōuenientia: ex puluerulentis uolationibus in satiabili gaudio cōpletur: in locis ubi columbarū lauatio esse solet, lauatur, nec prius tamē se uel in puluerem uel lauatiōem dat, quàm in ambulationem ueniens, certa spatia confecerit: cum parscitur, se testes sui prandij habere dolet: itaq; secedit, & latens in occulto comedit: acerrima riuallitate ardet, & mulieres quæ sunt sine uiro obseruat: si cum matrefamiliàs stuprum fieri cognouerit, se strangulat. Volans non sublimē fertur. Quòd autem ex eo ipso

eo ipso homines magnam lætitiã, uoluptatẽq; capiunt, ideo circa ipsius curam cibariorum perspicuunt, diligenterq; illum alunt. In magnificis splendisq; domibus Porphyrio ludicra delectatio est, quarum intra claustra facer & solutus errat. Pauonem, ut formosus sit, luxuriosẽ tamen uiuentes homines comedunt: cuius pennæ magnum quidem ornamento habent, sed is sine corpore existit. Porphyrionem cibi gratia in cœnis apposuisse hominem scio neminem, nec Calliam, nec Ctesippum uiros Athenienses, nec Hortensium Romanum, quos è multis lurconibus paucos mihi commemorasse satis fuit.

De amore Porphyrionis erga suos contubernales.

CAP. XXXVI.

PORPHYRIO præterquam quod & riualis est, & obtreçtator, ea sanè etiam naturæ indole præditus est, ut eorum, quibuscum usu coniunctus est, amantissimus esse dicatur: eum ipsum & Gallum in eodem uersari domicilio percepi, easdemq; ambulationes & æqualia spacia conficere solere, eisdem uesci cibus, cõmuniter puluerulentis uti uolutionibus, mirificumq; ex his rebus amorem inter se mutuum contraxisse. At enim cum utriusq; dominus festo quodam die cum sodalibus, ut epulare sacrificium faceret, Gallum occidisset, Porphyrio conuictore priuatus, tantum doloris accepit, sibi ut inedia mortem conscisceret.

De libidine Perdicum.

CAP. XXXVII.

II 3 Ex

EX auibus Perdices, quòd ad libidinem ueneris inflammatilissimi sunt, idcirco cum fœminis alsidue uersantur. Homines autem qui Perdices ad certamen alunt, cum eos ad pugnam inter se incitare uolunt, suam cuiq; uxorem præsentem esse curant: hac enim machinationis commentatione Perdicum timidas repellitur, & mala pugna uitatur: nam male pugnando uictus nunquam in conspectum, nec ad amatam, nec ad coniugem audet uenire, ac potius morte occumbit, quàm commissam pugnam non summa contentione pugnatam amica uideat: quocirca nequid à se turpe commissum illa uideat, atq; ut amicæ suæ probetur, omnes neruos contendit. Tale quidam Cretenses de duobus amantibus prædicant: Sic enim audio amatorem Cretensem cum alijs rebus præstantem, tum bellicis strenuum, habuisse amatorium hominem peradulescentem summa indokuitutis, liberali forma, uirili animo, quod clarissime eius illud pulcherrimum factum ostendit: eum ipsum aliquando in pugna uersantem, hostium frequenti cohorte toto impetu in eum irruente, ad humi strati cadueris offensionem allapsum fuisse, quod illi egregie ad nobilitandam eius uirtutem cecidisse, Cretenses aiunt: nam cum hostium proximus quispiam gladio stricto plagam ei auersam illaturus esset, retro ad hostem uersus intuens, nequaquam inquit turpe, & imbelle uulnus posticæ parti imponas, at aduerso potius pectori infligas, cum ut ne timiditatis me meus

amator

amator condemnet, tum ne me turpitudinis notis iniustum aspiciat. At uero hominem rationis participem in se turpe facinus admittere uereri, non admodum mirabile uideri debet; at Perdicem rationis expertam turpitudinis uerecundiam retinere pergrauedonum naturæ uidetur. Eudemus cum sese in fugam dedisset, & Cleonymus cum clypeum abiiecisset, timoreque lapsus esset Pylander, non ueriti sunt neque patrias, nec uxores, nec filios se habere testes timiditatis suæ.

## GYLLII ACCESSIO,

De Perdicum libidine, CAP. XXXVIII.

Carchus scribit Perdices, & Passeres Caturrices non modò cum uidēt foeminas, semen emittere, sed etiam cum earum uocem audiunt: causam esse in animo impressionem, quod ipsum coitus tempore cognosces, si contra eos speculum posueris: Nam ad imaginem suam, quæ inaniter in speculo repræsentatur accurrentes, semen emittunt; eos uocat Caccabas Alcmenes, qui genus cantuunculæ composuit Caccabidum, proficens se id à Perdicibus cantare didicisse. Itaque Chamæleon Ponticus dicit antiquos musicam excogitasse ex auibus in solitudine cantantibus. Non omnes tamen Perdices caccabant. Theophrastus in eo opere quod conscripsit de uaria uoce eiusdem generis, Athenis inquit eos caccabare, ulterius autem *trudifap*. Meneles primo libro dicit, Pygmeos cum Perdicibus & Gruibus belligerari. In Italia Perdicum

II 4 genus

genus infirmo uolatu utitur, & tenui habitu est. Circei Perdices carnem minime esculentam habent. Bœotia Perdices propter passionem aut nō transeunt in Atticam, aut si transmittunt, uocem mutant, & caccabant. Pariunt ex sese sæpe quindecim aut sexdecim oua.

De Perdicum partu.

CAP. XXXIX.

**P**erdicum foetus intra ouum etiam nunc circumplexione testarum comprehensi, à parentibus sui exclusionem ex ouis minime expectant, sed per se ipsi tanquam fores pulsantes, oua elidunt, & iam foras eminentes seipsos impulsu suo impellunt, ouis etiam nunc tegumento circumuestiti, currunt, atque ex dimidia testæ parte, si adhuc tergo adhærescat, se met expellentes, uelocissime ad cibi inquisitionem profiliunt, ac postquam pedes extra ouis testam posuerunt, statim cursu maxime ualent, ut Anatolicarum pulli, primum ut lucem aspiciunt, continuo à partu natant.

De astutia Perdicum.

CAP. XL.

**E**X Perdicibus qui uocis contentione & cantu ualent, & linguæ facultati confidunt, quicquid pugnares & ad certamen habiles sunt, se minime dignos credunt, qui ad extruendas mensas capiantur: unde fit, quia minus contra uenatores de sua libertate depugnent, ut comprehendantur, sibi præfidentes, quod à cæde studiose ad cantus & certamina seruabuntur. Reliqui autem Perdices, & potissimum qui nuncupantur



pantur Cirrhei, sibi conscij, quòd nec ad certamina ualent, neque pulchre cantare sciunt, qui si capiantur, erunt his prandium qui cæperint: itaque naturali quadam machinationis commentatione seipso macie conficiunt: nimirum cum ab omni alia esca, quæ ad pinguitudinem eos perducere queat, se sua sponte abstinent, tum ut ne idonei sint ad hominum mensas, cupide alijs uescantur: cuius rei experientes, his præteritis, aliò uenationem conuertunt, Qui uero hoc ipsum ignorant, eos uel si facultas sit non capiunt, quicumque autem ipsos captos decoxerit, eorumq; insuaues carnes expertus fuerit, se iam & tempus & operam cognoscit in his uenandis perdidisse.

De Perdice uenatore.

C A P. X L I.

**P**ERDICES recenti aduentu nouum & nondum ciue rem eodem modo incunt, ijdemq; suos altos res remunerantur, feros enim & non captos comprehendunt. Producitur & Perdix uenator in capturam, ad illiciendos feros, ante retia propositus, cansum edit eos laessentem ad pugnam, eosdemq; ut ex insidijs in laqueos inserat incitantem, contra canstans: syluestrium dux suum gregem præcurrrens, obuiam procedit, cum hoc luctaturus: cieur autem per malitiam semper insidias instruens, pedem refert, se timere simulans: alter uero spe atque animo inflatus, simul & sibi iam uictoriam despondens, impetum facit, sed mox captiuus compage tenetur.

mm Quòd

Quòd si uenator Perdix, qui ad illecebras uenatorio instrumento afsidet, mas sit, cæteri gregales ei ipsi captiuo opem ferre conantur : si qui positus est in insidijs fœmina est, captiuum ipsum omnes feriunt, ut qui libidine incensus, in seruitutem ceciderit. Nec uero illud prætereundum, quando etiam auditu dignum est, si pugnans sit fœmina ne mas incidat fœminæ quæ sunt extrà illum ex casu in compagem propinquo seruant suo cantu tanquam amatorio quodam retractum.

Quemadmodum suos foetus tuentur Perdices.

C A P.

X L I I.

**P**ERDICES cum sunt uicinæ ad pariendum, aream molliter puluere substernunt, atque fruticibus & furculis circumsepunt. Contextus areæ cauus est, & ad incubandum accommodatus, cum enim pulues rem infixerunt, & molle quiddam uelut cubile effecerunt, in idipsum ingrediuntur, post se se desuper fruticum inuolucris occultantes, contra auium rapacitatem, hominumq; insidias in multa pace incubant non uni loco oua committunt, sed quasi migrantes ea in alium locum important, in magno enim timore sunt, nequando deprehendantur si in eodem loco diu commorentur. Itaque alio loco nidificantes, rursus pullos etiam nunc teneros inuehunt, fouentq;, & suis alis tepesciunt, pennisq; tanquam fasciis quibusdam inuoluunt; non eos quidem lauant, sed  
 puluere

puluere respergentes nitidos efficiunt. Si quem *Per-*  
*dix* ingredientem sibiq; insidias & suis molientem  
 conspexerit, ad illius pedes se prouoluens, spem osten-  
 dit, sic abiectum se capi posse, tum quidem auceps  
 inclinatur, atque in prædam, quam se putat habere  
 in manibus, incumbit: ille uero sese conuoluens, pes-  
 detentim elabitur, cumq; illum à nido auertit, ac ab-  
 duxit, scq; uanum illius laborem elusisse sentit, ma-  
 gna iam fiducia uenatorem oscitabundū relinquens,  
 euolat, atque ab insidijs tuta, pullos appellat: hi ma-  
 ternam uocem agnoscentes, eò aduolant. Cum ex  
 sese oua pariturus est, occulte latens uspiam mari-  
 tum fallere conatur, ne eius oua frangat, qui eo ille  
 usque libidinis infania flagrat, ut matrem alendis li-  
 beris operam nauare non permittat, adeo *Perdis*  
 cum genus libidine furit, ut cum foeminae incubatus  
 ræ ipsos reliquerint, mares animo inflammato con-  
 cupiscentes res uenereas, uehementer inter se ira in-  
 cendantur, mutuaq; uerberatione acerbissime affli-  
 gantur, uictusq; foeminarum uice uenerem patias-  
 tur, turpiq; libidine usque quasi pædicetur, quoad  
 ipse quoque uictor alterius eandem flagitiosam li-  
 bidinem in uictum exerceat. *Perdices* aiunt, & *Cico-*  
*nyas*, & *Palumbos* uulneri accepto origanum impos-  
 nentes, ad sanitatem redire, neque hominum ulla me-  
 dicina uti habere necesse. Septem diebus nidum con-  
 textunt, septem consumunt in pariendo, septem pul-  
 los nutricantur.

De Perdicum uaria uoce. CAP. XLIII.

**P**erdicum alij caccabant, alij strident, nec eadem ubique uox est, sed uaria, & multiplex; alia Athenis, alia alibi; harum uariarum uocum quæ sint nomina, Theophrastus explicat. In Bœotia & Eubœa idem sonant, ac (ut sic dicam) eiusdem sunt linguæ.

GYLLII ACCESSIO.

De Perdicum &amp; Damarum amicitia.

CAP. XLIIII.

**C**um Damas Perdices amicitia coniunguntur, & consuetudine deuinciuntur, & tanquam contubernales sunt. Etenim utriusque prope alteros cubant, & simul pascuntur, quorum coitio etsi amore instituta, utriusque tamen perniciem affert, & breui societate tristius amicitia fruuntur. Nam ad uenationem calidi homines Perdices Damas ad fraudem ponunt, æ rursus eodem modo Damas Perdicibus.

GYLLII ACCESSIO.

De Perdicum magnitudine. CAP. XLV.

**O**nesicritus Perdices conscripsit in India Anserum magnitudine esse. Nicolaus Damascenus se Antiochiæ Indorum legatos, qui ad Cæsarem Augustum uenissent, ait uidisse, ab ijsque munera donata fuisse Viperas inusitata magnitudine, fluuiatilẽ trium cubitorum Testudinem, Perdicem uulture maiorem.

Gillij

De alia Perdicum astutia, &amp; de amore erga pullos,

CAP. XLVI.

PERDICES docent pullos cum nondum fugere possunt, ut insectantibus pressi se supinos in terram abijciant, ut etiam gleba pedibus apprehensa aut festucis suum corpus ad uenatorem insidias tegant, ipsi autem eos qui se insequuntur, aliò seducunt, & detrahunt: tum uenatoribus ob oculos uersantes, tandiu sui capiendi spem ostendunt, quos ad à nidis longe eos abduxerunt.

FINIS LIBRI XIII.

# LIBER DECIMVS

## QVINTVS DE VI ET

### NATVRA ANIMARVM.

#### L I V M.

De Syroperdice Phrygio. CAP. I.



**SYROPERDIX** in Antiochia Pisi-  
diæ lapides exest, & conficit: Perdix  
minor est, niger item est, excepto ros-  
stro, quod rufum spectatur: non man-  
suescit, sed semper perseverat ferus  
esse: eius carnes & densiores sunt quàm cæterorum,  
& suaviorem cibi usum præstant.

GYLLII ACCESSIO.

De Coturnice. CAP. II.

**A**lexander Myndius, secundo libro de animalibus, Coturnicem inquit fœminam graciliore collo quàm marem esse, nec nigras partes sub mentum subiectas possidere, ingluviem non magnam spectari, cor & magnum & tricuspdatum habere. De eorum procreatione Phanodemus secundo Athidos scribit insulam Delum ab Achæis idcirco Ortygiam nuncupatam, quòd eiusmodi uolucres gregatim ex mari proficiscuntur in hanc insulam portuosam. Eudoxus Cnidius, primo libro de circuitu terre, Phœnices dicit Herculi Coturnices propterea sacrificare solitos fuisse, quòd Hercules ex Asteria & Iouenanus

natus, in Libyam profectus, à Typhone interfectus reuixit, cum olfecisset Coturnicem quem Iolaus attulisset: nam eo animali cum uiuebat delectabatur. Coturnicum matricem Alexander Myndius ait esse magnitudine Turturis, cruribus longis, tum eandem timidam esse. Clearchus Soleus, in eo opere quod inscripsit de dictis mathematicis in Rep. Platonis, Coturnices dicit si coitus tempore speculum ipsis aduersum, & ante hoc ipsum tenticularum insidias posuerint, accurrentes ad Coturnicem in speculo apparentem, in laqueos inferuntur.

De Ciconijs.

CAP. III.

Ciconiæ ouis suis perniciem molientes, Vespertilioes sapientissime uindicant. Cuni hæ itaq; solo suo contactu oua ipsa sterilia efficiant, hoc remedio utuntur Ciconiæ: Platani folia in nidos suos inferunt, ad quæ accedentes Vespertilioes, torpore comprehensæ, perniciem afferre non queunt. Hirundinibus hociem natura largita est, nam cum blattæ earum ouis perniciosæ sint, matres apij folia ante pullos projiciunt, ob idq; ab illis ad pullos accessus fieri nequit. In Polypos si quis rutam iniiciat, immobiles manere in sermone hominum uenit. Serpentem si arundine contingas, à prima plaga nõ se commouet, torporeq; constricta quiescit: sin iterum ac tertio plagam infixeris, colligit ac confirmat sese. Murena que plagam unam accepit, torpescens perstat: sin plures inferas, funditus ira inceditur. Piscatores dicunt Pos  
mm 4 lypum

lypum in terram progredi ad oliuæ germen in litto-  
re positum.

De Ciconijs, & Herodijs, & Pelecanis,

CAP. IIII.

**M**agna cura Ciconiæ exacta ætate parentes alūt,  
Meti humanis hoc facere legibus nullis iubentur,  
sed sola bonitate naturæ ad id impellantur: ijdem pa-  
rentes amanter suos fetus curare dicuntur. Cuius rei  
hoc testimonium est, quòd pullos qui per ætatem è  
nido nondum euolare queunt, cum aliunde ad eos  
alendos cibum comparare nequeunt, esculenta quæ  
prius ederant, euomunt, atque in educandos fetus  
conuertunt, & ad uolandum pullis imperitis duces  
sunt. Herodios & Pelecanos similiter facere audio,  
pariterq; Ciconias cum Gruibus iniurias frigoris sus-  
gientes, mutatione cœli solum uertere, ac rursus hy-  
berno tempore exacto, ad patriam sedem remigrans  
tes, cum illas, tum has, sicut homines domum, probe  
nidos suos recognoscere. Alexander Myndius Cico-  
nias scribit exacta ætate decursatq; circum Oceanitis  
insulas uolantes, hoc præmium pro pietate, quam  
gesserint aduersus parentes, assequi, ut ex auibus con-  
uertantur in homines: quod existimo confictum, ob  
pietatem, & sanctitatem hominum illarū insularum,

De Ciconia quæ beneficij accepti Tarentinæ  
mulieri gratiam retulit.

CAP. V.

**G**ratiam accepti beneficij memoriam ipsæ etiam  
bestiæ retinent. Tarentina mulier, nomine Hera-  
clis



deis, & cæteris in rebus ex maxime raro sceminarum genere fuit, & uero ab omni stupro integrâ castamq; se marito conseruauit; quippe quæ ut uiuentem eum studiose & diligenter coluisset, sic posteaquam è uita excelsisset, se fidissimâ & ab omni libidine continentem humato cõugi præstans, urbanas commorations, & domum, in qua mortuum uidisset maritum, adeo male odit, ut præ merore ad sepulchri monumentum, ubi sepultura affectus ille esset, miserime commoraretur. Hæc igitur scemina cum æstiuo anni tempore Ciconijs pullorum suorum uolatum experientibus, unus & infirmissima ætate, & alarum debilitate delapsus, alterum crus fregisset, eiusmodi casum intuita, se cognito morbo, misericordem pullo præbuit, nam & uulnus obligauit, & medicamentis & cibo potioneq; adhibitis cicatricem obduxit, & ad incolumitatem perduxit, atq; iam ad uolatum confirmatum, è manibus dimisit. Hic admirabili quadã naturæ intelligentia non ignorans se conseruatæ uitæ præmium mulieri debere, anno post cum ad uernum solem fortè apricantē eam, quæ sibi benigne fecerat, perspexisset, demisso atq; humili uolatu proxime ad ipsam profecta, in eius sinum lapidē euomuit, deinde in tecto subsedit. Cuius facti admirationē cõmota Heracleis, dubitabat quid istuc esset. Cum igitur lapidē intus alicubi deposuisset, nocte in sequenti somno soluta, cum fulgere, & radiatâ domum tanq; immisisis facibus ex eo splendere perspexit; ubi uero Ciconiam

comprehēdit, & uulneris cicatricē percepisset, hanc agnouit eam esse quā miseratione cōmota curauisset.

Quemadmodum Ciconia obtrectatrix est.

C A P. V I.

**D**E Porphyrionis & Canis rivalitate, & obtrectatione suprà mentionem feci: nunc de Ciconia agam, ea enim etiā rivali inuidia laborare fertur; Nam cum in Crannone Thessaliæ eximia forma mulier, cui nomen esset Alcinoë, à coniuge peregre profecto domi relicta, stupri consuetudinē cum seruo quodā fecisset, hoc quidem ipsum Ciconia intelligens, seruiles iniurias in dominū nō sustinuit, quominus quàm mox factō impetu eum sensu oculorum orbans, iniuriam in dominum illatam ulcisceretur.

De Cuculo.

C A P. V I I.

**C**OCCIX sapiens est, nam cum ei pullos excludēdi facultas non sit, tamen machinatio quædā data est, atq; solertia ad hanc rem utendi aliena opera. Es enim cum sibi conscius sit se neq; incubare, neque ex ouis pullos excludere posse, ob frigidā corporis constitutionem, nec nidum ad pariendum construit, nec paruulos foetus alit, sed ubi animaduernerit, quando aues ex nido suo absint, eò profectus, in alieno domicilio parit: non tamen in cuiuslibet auis nido, sed Alaudæ & Luteolæ, quòd non ignoret, ab ijs oua suis persimilia pari solere: si autem illarū nidos ouorum inanes & uacuos repererit, non eò diuertit, sed in eos ubi intus oua sint, atq; ad ea ipsa admiscet sua, si autem

si autem illarū oua complura offenderit, ex ijs quædam perdit, ac in eorum locum sua supponit, quæ non ab illarum ouis internosci possunt, ob similitudinem. Iam uero aucs quas dixi aliena oua excludūt, pulli uero Cuculi cum ætate procedenti ad uolatum firmi paululum existunt, sibi conscij se esse illegitimos factus, ad parentē suum euolant, iam succrescentibus pennis alieni deprehendūtur, atq; acerrime uerberantur. Ab ineunte uere ad caniculæ ortum apparent, pòst rarissime cernuntur.

De Gruibus.

CAP. VIII.

CUM Thraciam Grues relinquunt, defugiendo iniurias frigoris, frequentes congregantur in Ebrum fluuium, lapidemq; pro se quæq; deuorat, ut & unde prandere possit habeat, & aduersus incursiones uentorum firmamentū assequatur. In Nilum hiberni illic uictus desiderio incensæ, cum proximum est, è Thracia ut semigrari ingrediātur, ultraq; progrediātur. Grus quæ est extremo tempore ætatis affecta, ter circum uniuersum gregem uolans, discedit, supremumq; uitæ diem conficit, quam primo sepultura reliquæ afficiunt, rectà deinde in Aegyptum iter faciunt: neq; immensa pelagi spatia alarum robore transmittētes usquam interquiescunt, Aegyptios fermentem facientes offendunt, & mensæ (ut ita dicam) in armis ciborū redundantia extructæ interueniunt, ac tametsi minus inuitatæ, hospitalis tamen mensæ iure fruuntur.

nn 1 De

GRues in Thracia nascuntur, ubi hyems solet esse Gatrox, & tēpestas perfrigida, idcircoq; eā, quod ibi ortæ sint, amore prosequuntur, in qua æstiuo tempore patriæ sedis studio captæ, ætatem ducūt: medio autumno salutis ergò, frigoris vim non sustinentes, tanquam terræ ambitum, cœli mutationem temporumq; uarietatem scientia & cognitione comprehenderit, frequentes in Aegyptum, Libyam, ac Aethiopiā proficiscuntur. Cum illic hybernū tempus traduxerint, lætissimiq; dies ac tranquillū illucescere cœperint, retro ad Thraciam uersus gradiuntur. Itineris iam experientes duces ad uolatum constituūt, eas natu grandiores uero proximum est ad regendum extremum agmen deligunt, minores natu mediæ sunt. Secundos uentos & retro flantes obseruari norunt: trianguli figuram efficiunt, ut hac forma facilius aëra aduersum secent: ex triquetra figura sexangulam aliquando edunt, atque more regis Persarum æstiuā ac hyberna conficiunt, cuius homines admirabilem sapientiam ad deprehendendam cœli commoditatem existimant, illiusq; ultro citroq; suis migrationes ad Batana peruagatas prædicāt. Cum sese ab Aquila impeti perspiciūt, in orbem cōsistunt, & cōtractæ in sinum, falcataeq; existunt, atq; ordinatim tanq; in aciem structæ, speciē pugnæ ostendunt: quare Aquila regreditur, eæ autē ad tergum peruolantū collis & capitibus adnitētes, nonnullā requietē labo

laboriosi uolatus capiunt. Itaque laborem facilem efficiunt. In longissimis terræ tractibus noctu reliquæ omnes somnum capiunt, tres aut quatuor ad reliquarum custodiam aduigilant: et ne somno oppressantur, cum operoso labore ac molesto stant, ne se lapillum summa cautione sublimi pede continent, ut si quando somnus obreperit, edito strepitu ex lapilli casu, expergiscuntur. Lapis quem deuorant, ut eo tanquam saburra firmentur uolantes, auri index est: quem postquam eò ubi habitant se applicauerunt reuoluunt. Eas nauta cum uidet gyros agere, subinde reuolutare in medio maris intelligit, contra riujs uentis impellentibus illas, ab itinere instituto abistere, auium discipulus factus, ad portum renauigat, et nauem incolumem seruat. Earum gubernandi rationem hominibus regendi Resp. doctrinam dedisse ferunt. Earum clangores pluuias accersere fama est, earundemq; cerebrum quippiam amatorium habet, utile ad conciliandam mulierum gratiam, si modo bene animaduertent, qui hæc primi obserauerunt.

GYLLII ACCESSIO. De eadem CAP. X.

**C**um uehementi uento cœlum infestum est, non quemadmodum cum sunt bonæ tempestates fallacæ, sed triquetrae uolant, neue circumflante uento, ordo conturbetur, neue etiam funditus de suscepto itinere depellantur. Grues, sicut Cicero ait, cum loca calidiora petentes maria transmittunt, trianguli,

nn 3 formam

formam efficere: eius autem summo angulo aër ab ijs aduersus pellitur. Deinde sensim ab utroq; latere tanquam remis, ita pennis cursus autum leuatur: basis autem triânguli quam efficiunt Grues, ea tanquam à puppi uentis adiuuatur, eaq; in tergo præuolantium colla & capita reponunt: quod quia ipse dux facere non potest, quia non habet ubi nitatur, reuolat, ut ipse quoq; quiescat: in eius locum succedit ex consequentibus: eaq; uicissitudo in omni cursu conseruatur.

GYLLII ACCESSIO. De eadem. CAP. XI.

**A**Ristophanes Byzantius Grues scribit deuorare lapides, ut cum bene sublimes uolantes, & rectà ad conficiendum iter attendentes, aspectum ad inferiora impeditum habent, de uia fessæ eos deiciant, & ex lapidum casu percipiant, supra marè an terram subuolent: nam si ad mare lapides deferantur, iter susceptum facere pergunt, sin ad terram decidant, à uolando requiescunt.

De Asteria.

CAP. XII.

**A**Vis nomine Asterias mansuescit in Aegypto, atque adeo præclare humanam uocem intelligit, ut si quis huic conuicium faciens uel appellauerit seruam, ex ea contumelia irascitur: uel eandem ipsam uocauerit pigram, ea sic dolenter tanquam ignobilitatis & segniciæ arguta indignatur.

De Caprimulgo,

CAP. XIII.

Capri

**C**Aprimulgus inter animalia audax est, paruas enim aucs aspernatur, fortiterq; audet capras impetere, atque earum uberibus aduolans, lac suggit nec pœnas à pastore timet: quin etiam pro saturitate Capris sceleratissimum præmium reddit, eis cæcitatē afferēs, uberisq; lacteas fontes funditus exsiccans.

De coitu, & uisus recuperatione Hirundinum.

CAP. XIII.

**A**Versæ Hirundines coeunt, contrà atque cæteræ aues: cur id faciant causa retrusa est, atque abditâ: aliquorum tamen sermone in uulgus peruagatum est, eas sic coire, quòd Tereum regem horreant, nequando latenter irrepens, nouam tragicœdiam efficiat. Hirūdinibus à natura donum meo iudicio summum tributum est, si acu eorum oculi puncti excæcentur, uisum recipiunt. Quid igitur Tiresiam amplius admiramur (tametsi hic & apud inferos) Homeri testimonio sapientissimum Hirundo significatione sua pulcherrimi temporis ostendit aduentum: ea hominis studiosa est, cuius contubernalem se esse gaudet: cum ei rursus bonum uidetur, discedit. Homines Homeri lege, hospitalitatis eam tecto recipiunt: qui præcipit, hospitem præsentem esse diligendum, discedere uero uolentem dimittendum.

De iustitia Hirundinis.

CAP. XV.

**I**ustitiam mater Hirundo aduersus filios suos seruat, in distributione cibariorum suam cuiq; tribuēs dignitatem: non enim unica tantum cibi uestione

nn 4 omnes

omnes pascit, neque enim posset, cum ea quæ affert pusilla, & paucillula sint: primum in lucem editum primò pascit: deinde ab illo secundum: tertium, tertio loco partum alit: sicq; deinceps usque ad quintum progreditur. Neque uero amplius quinq; ferre in utero atque parere solet. Huius pulli, similiter atq; Canum catuli, tardum uisum accipiunt. Veruntamē eadem mater admota herba quadā uisum eis affert: ac adhuc ex ætatis infirmitate alis hæsitantibus tremebundos, parumq; ad uolandum habiles, è nido ad cibi inquisitionem profert. Huius herbæ homines quamuis compotes fieri summo cupiant opere, nunquam tamen in hac parte eorum studio satisfactum est. Si luti facultas sit, id Hirundo unguibus fert, nidumq; ex eo fingit: sin minus luti facultas ei detur, aqua se conspergit, atque in puluerem se abiiciens, alas luto mergit, idq; post alis agglutinatum rostro excutiens, nidificat. Pulchrè etiam intelligit quòd si teneros, ex pennisq; nudos in duris fruticibus pullos requiescere sineret, non ferendis doloribus premerentur: quamobrem in ouium tergo consistens, floccos lanarum euellit, indeq; suis pullis nidum quàm mollissime substernit.

De Hirundine alba.

CAP. XVI.

**A**Ristoteles in Samo ait albam nasci Hirūdinem, cuius oculos si quis pupugerit, statim quidem excæcatur, post uero uisum recipit: & sic, sicut ille dicit, sic acute quemadmodum à principio uidet. Apparēt aliquando



aliquando, sicut dicit Alexander Myndius, albæ Hirundines. Nam in Pyrrhi pueri tabernaculo nidificans Hirundo, rerum actiones quas susceperet, non bene & feliciter euenturas esse significauit. Et item Cyro altera nidum in huius tectis construens, quæ ei male casura essent prænuñciauit. Contra enim Medos profectus, non reuertit ad suos: sed rebus male gestis, de loco quopiam se præcipitem deiecit. Dionysio priori arcem relinquenti nidificantes ibidem reditum præmonstrarunt. Hirundinum genus Dijs penatibus, & Veneri, quæ ipsa quoque est numero penatium est, charum esse dicitur.

## GYLLII ACCESSIO.

De Hirundinum mundicia. CAP. XVII.

**L**ynes ex domesticis sedibus egrediuntur, ut urinæ bene penitus occultent. Hirundines docent, paruulos pullos excrementa extra nidos emittere, uicinæ ad moriendū, se in lutum abijcientes, pullis latebram parant. Hirundinū antequam ex sese pariunt apparatus uidemus, ut ad fundamentorū stabilitatem primū robustiores festucas subiiciunt, deinde debiliores superimponunt: neque angularū nidum construunt, sed rotundum, quod eiusmodi figura non maiore modo firmitatem & constantiā habeat, sed & capaciorem laxitatem, & minus insidijs patentem. In quodam Mauritanicæ flumine Hirundines septenum cubitorum sunt, & gulam ad respirandum perforatam habent. Ex animalibus duo, quæ hominum hospitio

o o utuntur,

utuntur, Musca & Hirundo, nulla arte ad hominum tractationem mansuescere possunt: neq; nobis quicquam officij cum quapiam animi grati uel minima significatione compensant. Nam Musca, quòd sibi timeat negotium exhiberi, prehensari perhorret: Hirundo uero sic homini diffidit, ut neq; mäsueſteri possit, neq; quicquam non periculi plenum ab homine expectare. Carnem depalci solita, sacras illas Musis canoras Cicadas uenatur, & tandiu hominum hospitio abutitur, dum pullos ex seſe pepererit, ac aluerit: deinde ingrata in desertos recessus abstrusa latet: quamobrem Pythagoras minime tecto recipendam cenſebat.

De Carulo & Halcedine.

CAP. XVIII.

**C**arulos ſenectute affectos Alcedines uxores ſuæ in dorſo geſtantes circumferunt: mulieres contra maritos atate prouectos & præclare contemnunt, & peradoleſcentibus adijciunt oculos: tum etiam mariti in foeminas admodum adoleſcentes Veneris inſania feruntur, & uetulas aſpernantur, à ratione remotius beſtijs iſtis uiuentes.

De Halcionibus.

CAP. XIX.

**H**alciones ſuam grauiditatem ſentientes, nidum ad excipiendos pullos machinantur, ex Belonæ ſpinis, quas partim rectas, partim ut mulieres ad textrinam eruditæ obliquas intertexunt uinculo quodam mirifico, & rotundum efficiunt, deinde in mare deferunt, ubi fluitans ab incurſantibus undis earum  
opus

opus probatur, & partes quas aqua incidens ostēdit nō firmas esse, ita sarcinūt, ut neq; si percutiatur saxo, rumpatur, neq; ferro discindatur: os nidi non plane conspicuum & inaccessum, solam illam suscipere potest, neq; per idipsum quicquam ex mari intro influere potest: ibidemq; undis circumlata, pullos nutrit. Pariente Alcione mare subsistit, pacem & amicitiam inter se habent uenti. Parit uero media hyeme, & tamen cœli temperatio Alcedinibus largitur, eo tempore dies esse tranquillos.

De Ibe.

CAP.

XX.

**A**Egyptij non ex humano inuento Clysteres se didicisse, sed Ibim horum ad deiciendas aluos usum sibi, & medicinam docuisse prædicāt: eam cum luna decescit atq; recrecit cognoscere audio: accretione uiuendi rationem augere, ex decessione diminuerē. Lunæ sacra est, ad lunæ rationem oua fingit, extra Aegyptum nunquam progreditur. Cur ex Aegypto nunquam se commoueat causa Aegyptus est, ubi cœli status uuidus est, & luna omnium maxime stellarum inerrantium humida. Si quis ui atq; impetu eam ab Aegypto exportet, illa quidem ex insidiatoribus ultionem capit, uel cum magna sua pernicie: mortem enim sibi fame consciscens, raptoribus studium in se exportanda extra Aegyptum uanum esse ostendit. Graditur autē magna tarditate: nec eam ocus quispiam ingredi uideat, quàm molli gradu, & tardo, more lautarū mulierum, Ibes nigræ anguium

uolucrum cateruas pestilētes intra Aegyptios fincis & ingredi prohibent, & pro terra sibi amica propugnantes, illud uniuersum agmen interficiūt, atq; consumunt. Aliæ uero Ibes ex Aethiopia Nili alluuiōibus serpentes Aegyptum appetētes conficiunt, eorū conatibus obuiam euntes: quæ causā prohibet Aegyptios ex accessu serpentiū perire. In Aegypto sacerdotes non omni aqua se aspergunt, sed ea duntaxat, ex qua Ibis bibisse credūt: nam planè sciūt hanc nunq̄ sordidā aquam bibere solitā esse. Illam Ibis etiam uim de Aegyptiorū libris accepit: ea nimirū cū in penas, quæ sub pectus existunt, collū & caput abdidērit, cordis figurā exprimere, Eandem Aegyptij ferunt ore coire, & parere: ueruntamē ea de re mihi nō facile persuadent. Qui Tarichæ bestijs præsumt, Ibis intestinū sex & nonaginta cubitorū esse affirmāt. Quod idem in Lunę defectiōne cōprimitur: Iccircoq; orationis parēti Mercurio eiusmodi auē aiunt in amore esse, quia orationis speciem similitudinēq; gerat: nanc; eius nigre pennæ cū tacito, & nondū emisso sermone cōparari queūt: nec dum uero prolatae orationi; intus morum sensuū enūciatrici, candidæ possunt cōferri. Apion eam ait longissimæ uitæ esse. Atq; in eam rem Hermopolis sacerdotes citat sibi sanè immortalem Ibis ostēdisse, quod quidē ipsum huic nō minus procul à uero abesse uideēt, q̄ ab omni ratione abhorrere existimo. Quod autē calidissima sit natura, propterea uel pessimarū rerū conficiētissima uorago est: siquidē

Serpentes

Serpentes & Scorpios exest, & conficit, atque ex his partim facile & calore, quo permulto abundat, exterrit, & concoquit; partim nullo negotio excrementa excernit, atque expellit: ægritudine perraro afficitur. In quidlibet uel sordidissimum, quamuis immittit rostrum, ut quippiam illic inquirat, ex inquisitione tamen cibi, cum se quieti tradit, cubile lauat, & purgat. In palmis, ad cuitandos Feles, nidificat: non enim facile in palma ob eminentem & cutellatum trunci corticem nisi sæpe repulsi & reiecti, sursum correpere possunt. Iam porrò si pennis Ibis Crocodilus contingatur, immobilis redditur.

De pullis Lucinæ.

CAP. XXI.

**L**ucinia uisa est, quæ pullos suos cantiunculas doceret, & uersiculos quos imitarentur, traderet: quòd si capiatur iam confirmata ætate, & inclusa asseruetur in cauea, idcirco se & cantu & cibo abstinet, & pro seruitute uenatorem silentio ulciscitur, quia omnium uehementissime auium libertatis retinens est: quarum rerum experientes uiri, iam ætate grandes capere omittunt, & pullos comprehendere student.

Quanta gloriæ cupiditate Luscinia laborat.

CAP. XXII.

**C**harnidem Malsiliensem audio dicentem, non modò musicæ perstudiosam esse Lusciniam, uerum gloriæ etiam cupidam. Cum enim in deserta solitudine sibi tantum canit, tum simplicem cantum & illaboratum edit: cum autem captiua tenetur, & non

caret auditoribus, cantum uariat, contendit, remittit, exprimit, obscurat.

GYLLII ACCESSIO. De eadē. CAP. XXIII.

**L**aciniae pullos docent canere, ac si qui capiuntur adhuc cantandi rudes, inter se homines aluntur, ideo peius canunt, quod ante legitimum tempus à magistris parentibus subducti fuerint: cum igitur aluntur cum parentibus, erudiuntur & discunt, non ob quæstum, sed quod ex cantu mirificam uoluptatem capiant.

De Lutea & Vireone. CAP. XXIIII.

**L**utea nulla alia re quam herba, Symphito nuncupata, quæ magna difficultate & reperitur, & effoditur, nidos construit, eosque uillo & lana substernit. Vireo autem in Luteæ genere mas, uitæ munerum sciens est, simul & aptus ad quiduis discendum, ideoque & laboris in discendo patiens. Hyeme, nisi est captiuus, non apparet: Aestiuo autem solstitio in lucem nostram prodit, ex oriente Arcturo sydere, eò unde huc uenerat, reuertitur.

GYLLII ACCESSIO.

De Cincidela. CAP. XXV.

**C**incidela per paruula bestiola, tantum noctu uolans splendescit, & scintillæ speciem similitudinemque gerit, & tanquam nouus fulgor ad puerorum oculos fulgens infirmas mentes perstringit, & quasi ignescentem personam sustinens, eos in iugam compellit, quocumque uolatu procedit, sibi & circumstantibus

tibus uel in densissimis tenebris illucceat. Enimvero in tempesta nocte, uel luna ipsa silente, lucis usura fruitur; & tametsi omnibus tenebræ offunduntur, non huic tamen lux eripitur. Qua in re mihi lupo præstantior uidetur, qui etiam si id temporis quod appellat Homerus Lycophos lucem naturæ munere oculis perceptam habet, tamen sibi soli, non uicinis, lucet.

De Charadrio, siue Gulgulo. CAP. XXVI

**C**haradrius auis eximio naturæ beneficio affecta est, nam si quis ictericus in eam acerrime intueatur, illa contra sine nictatione ex animo respiciat, sic affectum hominem suo obtutu ad sanitatem reducit.

De aue Cyano. CAP. XXVII.

**A**vis, cui Cyanus nomen est, natura sua ab hominum consuetudine abhorret, urbanas commorations odio persequitur, locorum agrestium ubi homines uersari soleant insolens est; eis locis in quibus est ab hominibus solitudo, & montium iugis, & præcipitijs delectatur. Epirum & insulas hominum frequentia habitabiles, haud sanè in amore habet; Scyro, & si qua est eiusmodi alia sterilis, & ab hominibus inops, delectatur.

De Cinclo, quam Motacillam appellare possemus.

CAP. XXVIII.

**C**inclus uolatilis bestia quòd posteriore sui parte debilis sit, ideo suapte natura, & per se dicunt nō posse nidum fingere, & construere, sed in alienis parare; eamq; ob rem bonorum inopes in rusticorum

proverbio Cinclos appellari solere, Hæc semper caudam mouet.

De Cīnamomo aue,

CAP. XXXIX.

**C**īnamomum auem auditione accepi ex plantæ gentilis suæ furculis nidus construere, ac nimis rum qui eiusmodi ramulos ambiunt, iacula grauiā robusto & contentissimo neruo expulsa, magno impetu contra ramos quibus nititur nidus mittere, itaq; rumpuntur, & festucæ decidunt.

GYLLII ACCESSIO.

De Dacnadibus auibus,

CAP. XXX.

**A**ves Dacnades nuncupatas Aegyptij ideo ad potantium coronas alligare soliti sunt, ut uellendo, morsitando (sicut Sextus Pompeius ait) & assidue cantitando potantes à dormiendo sustineāt.

De Columbīs,

CAP. XXXI.

**I**n urbibus Columbæ cum hominibus frequentes habitant, sæq; ad pedes horum huc & illuc magna mansuetudine & facilitate uersant. In locis autem, ubi ab hominum frequentia solitudo est, propinquitatem hominum minime expectātes, aufugiunt. In multitudine hominum confidentiores sunt, sæq; nihil ibi graue passuras planè sciunt; ubi auceps uenatoriæq; instrumenta uersari uident, non amplius sine summa ibi formidine habitant. Columbas ex auibus maxima esse pudicitia, ab omniq; adulterio castissimas esse percepi; nunquam enim ex societate inter se instituta, neque mas nisi morte ipsa uxoris distrahitur, neque



neq; foemina diffociatur, nisi uidua fuerit. Aristoteles inquit, testis locuples, foemine parturienti mare adeste & cultu omnium officio fungi: saepe etiam foemina errantem, & uagantem compellere ad nidum: & cum pepererint oua, eas cogere ut incubent: eundemq; pariter cum foemina pullos fouere, pariterq; alere: & primum nutrimentum, ne a cibus abhorreat, exclusis iam pullis, terram saluginosam in os indere: quam ut gustauerint, deinde facillime reliquis cibus uesci queat. Cum rapacibus caeteris auibus foedere deuinciuntur, pacemq; gerunt. Aquilas marinas, & Circos horret. Contra Accipitres quo astu utantur, audire conuenit. Cum eas Accipiter, qui natura sua in sublime ferri potest, persequitur, ex deorsum uersus elabuntur: cum ille in inferiori sede aeris uolat, illae contra sublime feruntur & supra Accipitrem, in sublime impetum facere non ualentem, uolantes, bene sperare incipiunt, fiduciaq; implentur.

De Liujs Columbjs.

CAP. XXXII.

**I**N India Liuix Columbæ uirides pennas habent: ut his primo aspectu, qui sit rudis in scientia auium, Psittacum, non Columbã dicat: earum labra & crura colore Græciæ Perdicibus sunt similia.

De Erycinis Columbjs.

CAP. XXXIII.

**I**N Eryce Siciliæ festi dies aguntur, quos Erycini & Siculi omnes profectorios appellant. Cur autem sic appellentur, causam asserunt, quod id temporis

pp

Vene

Venerem Indi in Libyam proficisci dicunt : idcirco nullas eo tractu Columbas uideri, nimirum quæ abeuntem uenerantes deam, cum illa peregre profectæ sint : nam Veneri sacrum esse genus Columbarum omnes existimant. Nouem diebus lapsis unam forma insignem ex pelago Libyco spectari reuolantem, quæ non sit quemadmodum reliquæ gregales Liviæ Columbæ, sed rubra, qualem nobis Anacreon canit esse Venerem, quum eam quodam loco purpuream, & auro similem canit. Hanc cæterarum columbarū greges sequuntur, & rursus ex earum reditu Erycini reuersionis dies celebrant.

## GYLLII ACCESSIO.

De Columbis.

CAP. XXXIIII.

Vicissim aiunt incubare Columbatū genus, atq; omni anni tempore parere, Liviā diuersa est à Columba: hæc maior, illa minor est: hæc mansuecit, altera non item. Non prius coeunt, quàm fœminam masculus fuerit osculatus, necq; enim sine osculo coitū ferre consuevit : ac fœminæ inter se ineunt, cum maribus carent : etsi nihil emittunt, pariunt tamen oua, ex quibus pulli non nascuntur. In sermonem hominum uenit, apud Indos esse Columbas giluo colore. Charon Lampsacenus dicit circa Athonem montem Columbas apparuisse, quum ibi Persarum triremes perierūt. Fascinantū oculos, & rationis expertes bestię natura quadam mirabili cauent: Columbæ fascinationis amuletum propullationemq; laurinos ramulos

mulos tenues primum colligunt, deinde ad custodiam pullorum in nidos imponunt: Milui autem, rhamnū: Circi, amaraginē: Turtures, gladiolum: Corui, amerinam: Vpupæ, capillum Veneris: Harpæ, hæderā: Ardeolæ, canerū: Perdices, harūdinis gramen legunt: Aquilæ, gentilem suum lapidē Aëtem: hic mulieribus cōmodus, abortibus aduersatur. Cum ad ætatem confirmatam columbus peruenit, ut cum matre Veneris societatem coeat, patrem expellit.

De castitate Palumbium. CAP. XXXV.

**E**X aibus castissimi ab omni stupro palumbes: ut enim mas & femina tanquā nuptijs alligati sunt; mutua consensione adeo ad stabile & certum connubium per summā castimoniā adhærescunt, ut neuter alienum cubile attingat: si autē impudico amore capti ad alienam Venerem libidinis oculos adiecerint, eos reliqui circūsedentes marem quidē mares discerpunt, feminas vero sceminæ disperdūt, Huiusce etiā modi lex castitatis ad Turtures pertinet, sanctaq; & synce-  
ra permanet, tum etiā ad columbas albas manat, præterquā quod non utranq; occidunt: nam marem duntaxat perimunt, sceminam vero illius misericordia permoti impunitam atq; inultam in uiduitate reliquam ætatem ducere permittunt.

De amore Cornicis, & eius repugnantia cum

Noctua.

CAP. XXXVI.

**A** Manter mutuā inter se fidem seruant Cornices, cum semel societate inter se coierunt, quam non

pp z temere

temere ac licenter inter se instituunt: quòd si alterutra moriatur, alterã quæ ei superest usq; ad extremũ uitæ diem uiduam permanere, harum rerũ absolute periti dicunt. In nuptijs olim ueteres, audio, post hymenũ Cornicem inuocare solitos fuisse, hocq; concordiaë signum dare ijs, qui liberũm quærendorũ gratia conuenissent. Qui uero sedes auium & uolatus obseruare solent, eas inauspicatas aues, captantibus auguria portendere res tristes dicunt. Quibus Noctuaë infestissimæ, noctu illarum ouis insidias moliuntur: Cornices contra interdium eodem modo Noctuarium ouis insidias faciunt, non ignorantes earum oculos ad uisendum de die hebetes esse.

De sepulchro Cornicis apud Aegyptios,

C A P. XXXVII.

**A**D nuncupatum lacum Mirida in Aegypto, ubi Crocodilon oppidum est, Cornicis sepulchrum ostenditur, cuius causam Aegyptij eam afferũt, quòd cum eorum rex, cui Marres nomen esset, Cornicem ualde cicutẽ haberet, quæ postquã audisset quòd uolatus dirigendus, & quænam regio transeunda, & ubi terrarum requiescendum esset, eò regis literas ocys quàm quiuis nuncius perferret, eam mortuã & sepulchri honore affecit, & cippo ornauit.

G Y L L I A C C E S S I O.

De eisdem.

C A P. XXXVIII.

**P**Enelopes castitatem mille Cornices docent præclare contemnendam esse, quarum singulæ extincto con-

cto coniuge, non parum diu, imo potius nouem æta-  
tes in summa castimonia uiduæ perseuerant uiuere.  
Quare mihi quælibet Cornix pulchram Penelopem  
continentiæ gloria longe multumq; superare uide-  
tur. Cornix cum pullos pascit, assidue cursitat,

De Coruis.

CAP. XXXIX.

**A**Egyptij Corui, Nilum accolentes, nauigantibus  
quasi supplices esse uidentur, sibi quippiam lar-  
giri efflagitantes, quòd eis si quid dono detur, petere  
cessantes, nihil molesti amplius sunt: sin autem ho-  
rum quæ postularint nihil impetrauerint, in nauis ro-  
stro insidentes, insequuntur nautas, funes arrodunt,  
ac uinacula conscindunt. Corui Libyci sese inclinantes  
rostrorum aduncitatem quo ad possunt in uasa intru-  
dunt, atque inferunt, quæ homines sitis metu aquæ  
compleuerant, ac (ne rumperentur) supra tecta ad ser-  
uandum aëris beneficio aquam posuerant, itaque po-  
tione fruuntur. Cum aquam deficere uident, calculos  
ore & unguibus apportantes, in uasa inferunt,  
atque calculi quidem in fundum detruduntur, ac de-  
sident, aqua uero de uasis fundo ex subsidentium oc-  
cupatione calculorum alleuata, superiorem uasis ua-  
cuitatem replet: qua solerti machinatione Corui aquã  
contingentes, potione refertiuntur: non ignorantes,  
quæ sunt penitus in mediã philosophia recõdita atq;  
abdita, unum & eundem locum duo corpora capere  
non posse. Quantum cum sterili ferax ager differat,  
planè noscunt: in uberrimo enim gregatim feruntur,

per sterilem agrum & infructuosum bini uolare assolent. Fœtus suos nutritos, & ætate procedente firmos, acriter insectantur nidoq; expellunt. Quamobrem filij Corniculi deinde ea quæ sunt ad uiuendum necessaria inquirunt, genitoresq; suos minime alunt.

De Corui audacia.

CAP. XL.

**C**ORUUS Aquilæ nihil de animo concedit, quominus quàm hæc audax sit, non enim contra pusilla animalia uenire audet, sed & contra Asinos & Boves pugnat, quorum in ceruicibus confidens, eos percutit, ac multorum effodit oculos. Cum etiam robusto Aesalone decertat. Si quod animal contra Vulpem pugnare animaduernerit, subsidio ei uenit, amicitia adductus quæ illi cum Vulpe intercedit, atque ulciscitur. Maxime omnium auium multos clangores & uarias uoces fundit, nam institutus cum humana uocem mittit, tum eius locutio alia quædam est ludentis, alia longe serio agentis. Si enim quod pertineat ad Deum agit, hic tibi sacrum quippiam & diuinationis plenum loquitur. Et quòd æstiuo tempore alui relaxatione se laborare plane sciat, idcirco ab humidis cibis se continet.

De sene Coruo.

CAP. XLI.

**C**ORUUS iam ætate affecta cum non pullos alere potest, seipsum eis cibum præstat, hi autem comedunt patrem, unde prouerbiū esse natum ferunt, Mali Corui malum ouum.

De

## De Coruo.

## CAP. XLII.

**P**er æstatem Coruus exarefcit fiti confectus, cum clamore ultionem testari fama est, cuius causam afferunt, quòd cum ad aquationem eum famulum suum Apollo misisset, ille magna segete inuēta adhuc uiridi, inuestigare uolens granum frumenti, expectās ut maturuisset, mandatum domini neglexit: quam ob rem siccissimo anni tempore fiti affectus, suæ moræ dat penas. Hoc fabulæ simile uidetur. Aliud tamē dicitur de Coruo, ob Apollinis reuerentiam, hunc sacrum & Appollinis pedissequum esse dicunt, idcirco diuinationibus præditum fatentur, eiusq; clamori dant operam, qui auium sedes, & clangores, & uolatus ipsarum à dextra ac sinistra cognoscunt. Corui oua audio nigros efficere pilos. Qui capillitium suum adulterat, oportet oleum in ore compressum habeat, nam nisi id fiat, simul cum pilis ei dentes nigri redduntur, uixq; elui possunt.

## GYLLII ACCESSIO. De eodē, CAP. XLIII.

**M**l uo quia est quoddam bellum, sicut Cicero ait, quasi naturale cum Coruo, ideo alter alterius, ubicunq; nactus fuerit, oua frangit.

## De Passeribus.

## CAP. XLIIII.

**C**onscientia uel suæ infirmitatis, uel sui corpusculi exiguitatis, Passeres in ramorum cacuminibus, modò ab ijs sustineri queant, nidos cōtexunt, sæpèq; numero ea machinatione sibi factas à uenatoribus

insidias declinant : eò sanè ij propter rami tenuitatem ascendere non queunt.

GYLLII ACCESSIO. De eisdē. CAP. XLV.

**P**asseres quòd lasciui sint, idcirco Terpsicles eos, qui Passeribus utuntur, ad res uenereas ait procliuiores fieri, Alexander Myndius duo Passerum genera esse dicit, alterum mansuetum, alterum ferum : eorum foeminas cum cæteris in rebus infirmiores, tum ore esse neq̃ ualde albo neq̃ ualde nigro.

De Plateis.

CAP. XLVI.

**P**elecanes, quæ alio nomine Plateæ, siue Plataleæ appellantur, fluuiatilibus Conchis se complent, easq̃ cum stomachi calore concoxerint, euomunt, atque testis iam alui calore diductis, eligunt ex his quæ sunt esculenta. Lari aues, ut Eudemus scribit, sublimis cochleas surripiunt, ac ex alto deijcientes, magna uii ad saxa allidunt, itaq̃ esculenta testis seiunctis eligunt.

GYLLII ACCESSIO.

De Pelicane, siue Platea.

CAP. XLVII.

**C**um ut aliæ aues in locis à terra altis Pelecanes Cnidum construere possit, ea tamen quadam imprudentia in scrobe, quem in terra facit, oua ex sese parit, quod ipsum non ignorantes aucupes, bubulo stercore locum circumlinunt, ignemq̃ succendunt, ea uero fumum aspiciens, aggreditur ignem alis restinguere : ueruntamē ei tantum abest ad extinguendum astutia, ut magis magisq̃ sua tanquam uentilatione



tione incendat, idcircoq; alis exustis capiatur. Iam Aegyptiorum sacerdotes ideo eius carnibus, quòd filiorum causa in uitæ periculum se proijciat, uesci nephas ducunt. Cicero dicit se scriptum legisse, esse auem quandam, quæ Platalea nominaretur, eam sibi cibum quærere aduolantem ad eas aues, quæ se in mari mergerent: quæ cum immerfissent, piscemq; cepissent, usq; eò premere eorū capita mordicus, dum captum illæ amitterent, id quod ipsa inuaderet. Eademq; hæc auis scribitur Cœchis se solere complere, easq; quū stomachi calore concoxerit euomere, atq; ita eligere ex ijs quæ sunt esculenta.

De Venatrice aut.

CAP. XLVIII.

**M**erulis affine genus quoddam est uenaticum & captiosum, colore atrum, splendide canorum, recte ex eo uenaticum appellatum, quòd ex auibus multas sui cantus permullione ad se allicit, & capit: cuius ingenitæ sibi præstantiæ hæc auis non ignara, eo naturæ munere ad se uoluptate & cibo explendam uti uidetur: nam ex sui cantus auditione & belissimas oblectationes habet, & aucupio & uenatione proxime ad se accedentium auicularum exsaturatur. Quòd si quando quisquam hanc captam concluderit in caueam, non modo canere omittit, uerum etiam pro seruitute sua à uenatore poenas silentio sumens, muta permanet, atque elinguis.

De Turturibus.

CAP. XLIX.

¶¶ Ad

**A**D hanc rationem aucupātur Turtures, qui ab absolute perfectēq; carum aucupium tenent, nec longissime ab experimento aberrant, ut saltent, ualdeq; suauiter præclareq; canant, quorum auditu hæc delectantur, saltationisq; conspectu permulcentur, accedūtq; propius, aucupes sensim & pedetentim eò secedunt, ubi retium explicatorum positæ sunt insidiae, in quas incidentes, capiuntur, captæ primum saltatione & cantuunculis.

De loquacitate Turturis.

CAP. LI.

**T**urturem loquaciorem dicunt, quòd nō modò toris inexhausta assiduitate uocalis sit, uerum etiam ex posterioribus sui partibus quàm plurimū, ut serunt, loquatur. Menander huius pro uerbij mentionē facit in comœdia quæ inscribitur Plotius: atq; eandem etiam Demetrius in Dramatico opere, quod Siciliā inscripsit, meminit postica corporis parte clamare. Qui accurate tenent uim & naturā Turturū, auditum est, albas sæpe apparere, easdemq; cū Venere & Cereri, tum uero Parcisi & Furijs sacras esse.

De Vulpansero.

CAP. LI.

**R**ecte Vulpanseri nomen inductum est, quod ex ingenitis naturæ suæ rebus trahit. Cum enim Anseris speciem habet, tum probe cum Vulpe callida improbitate comparari potest: atque etiam si corpore quàm Anser inferior sit, animi tamen robore superior, & ad inuadendum præstantior habetur: ab Aquilæ & Felis & cæterorum hostium suorum iniurijs se

rijs se descendit, & propulſat. Pullos ſuos uehementer amat, eandemq; operam quàm Perdix in eis tuendis ponit: nam ante ſuos foccus ſeſe prouoluens, auſcupi ſpem ſui capiendi oſtendit: hi uero interea cum uenator illuditur, elabuntur: quibus fuga elapſis, iſ ſeſe aliſ alleuans diſcedit, ac ſæpe ut pulli facilius elabuntur, capiendum ſe uenatoribus præbet.

## De Spino,

## CAP. LII.

**A**D notionem auium periti Spinum auem dicunt ex ſpinis, ubi uiuit, nomen traxiſſe. Hæc cum non ſit à muſis auerſa, ſplendide canora eſt. Quod ſi, ſicut Ariſtoteles ait, Spini & Sali ſanguinem in eodem uaſe permisceas, & ſimul temperes, non coire nec commiſceri: hunc ſacrum eſſe aiunt genijs, qui præſunt hominibus itinera ingredientibus. Spini aues in poſterum longiſſime prouidentes, hominibus ad rerum futurarum coniecturam ſapientiores ſunt. Etenim hyemem futuram præſentiunt, & niuem prænoſcunt, & multa cautione obſeruant, ne ijs opprimantur: itaque earum acerbitates metuentes, tanquam ad perſugia, ſic ad loca nemoribus frequentia confugiunt.

## De Pico martio,

## CAP. LIII.

**I**Ncuruato roſtro & adunco eſt Pico martius, quo Iquercus percutit, unde à Græcis Dryacolaptes appellatur, hoc eſt quercus percuffor. In ea locum ex-

qq 2     cauat,

cauat, in quem tanquam nidum pullos suos imponit: ad nidi instructionem non ferulis inter se connexis eget, neq; ædificatiunculis. Si quis lapide immisso ei foramen obstruxerit, ille ex his coniectura allecutus insidias sibi oppositas esse, herbam lapidi contrariam affert, eamq; contra lapidem ponit: lapis uelut offensus, & non facile ferens uim herbæ, exsilit, atq; rursus foramen Pico aperitur.

## GYLLII ACCESSIO.

De Pica.

CAP.

LIIII.

**A**Nte nuncupatum Forum Græcorum tonfor Aquispian Romæ in officina, sicut Plutarchus inquit, Picam alebat, quæ uariâ & multiplici uoce cum hominum uerba, tum & bestiarum, & organorum sonos nullo coactu reddebat, sed sua sponte sese exercens, nihil relinquebat quod non imitaretur, & pronunciaret. Post uerò elinguis & muta fuit, quàm accidisset illâc multis buccinis circumsonantibus diuitem efferrî magna frequētia. Quod quidem ipsum non modò magnam nonnullis, qui antea eius uocem libenter audirent, admirationem excitauit, uerumetiam ijsdem ipsis suspicionem attulit, ne qui similiter tondendi artem factitarent, auem ueneno sustulissent. Plurimi etiam idcirco huius aures obscuruisse, simulq; cum auditu uocem amisisse arbitrabantur, quòd buccinatorum sono diu multumq; obstrepitæ fuissent. At neutrum fuit, sed quia animi in seipsum secessione facta, secum meditaretur, & tanq̃  
organum

organum, sic uocem instrueret, atque appareret, ideo miro silentio utebatur: quod ipsum facile declarauit cum postea repente in uocum explanatione sic eniuit, ut non amplius ex solitis & pristinis imitationibus, quicquam imitaretur, sed eisdem periodis buccinatorum cantum eloqueretur, & uariorum intervallo-  
lorum percussiones sonorumque numeros exprimeret, ut eius per se conatus ad dicendum præstantior, quàm docilitas esset.

De Miluo, & Harpa.

CAP. LV.

**M**iluus in rapinas faciendas eminentissimus si superior extiterit, carnes è macello rapacissime aufert, ex Olympiæ tamen aris eas nunquam attingit, Harpa auis montana impetens oculos effodit.

De Monedulis, *græcè*

CAP. LVI.

**M**onedularum se beneficiarios existimant Thesali, Illyrij, Lemnij, ob eamque rem his uictum urbes publice præbendum esse decretum fecerunt, qui locustarum fruges uastantium oua perderent, earumque sobolem perimerent, unde magna ex parte locustarum multitudo ueluti in nubem coacta minuebatur, frugesque incolumes ad tempestiuitatem perueniebant.

De amore Monedularum in suas gregales, & earum captura.

CAP. LVII.

**S**væ nationis aues uehementer Monedulæ amant, quæ quidem res eas sæpe in perniciem inducit: quemadmodum id accidat explicandum. Cum enim

¶¶ 3 quis

quis Monedulas uenaturus est, talia machinatur, ut cas ubi nouerit cibaria inquirere, & in quem locum congregentur perspexerit, ibi pelues olei plenas disponat, curiosa belle auicula eò profecta, in uasis labro confidet, & simul sese inclinans, suam ipsius umbram despicit, & quòd existimet aliam se Monedulam uidere, ad eam ipsam festinat descendere, eòq; ut est delapsa, olei crassitudine circumfusa, sine laqueis, sine retibus constricta tenetur. Theopompus Venetos inquit Adriam accolentes cum sementes faciunt, Monedulis farinas oleo temperatas muneri idcirco mittere, ut eos permulceant, & cum ipsis tanquam foedus sanciant, ne sementes refodiant, & grana sparsa legant. Lupus cum hæc uera esse fatetur, tum eodem addit loros rubros eis proponere, & Monedularum greges extra fines manere, ac nimirum duos aut tres ex urbibus tanquam legatos ad eos mitti solere, exploraturos hospitem multitudinem, qui ut eam perspexerunt, inuitant & reuertuntur, cæ autem inuitatæ gregatim proficiscuntur, ac si offas obiectas comederint, se pacem & foedus habere Veneti intelligunt; sin contempserint, & tanquam uilia non dignentur comedere, indigenæ sibi persuasum habent, illorum contemptum famem ostendere, & tanquam muneribus incorrupti, nec ex obiectis escis quippiam gustantes, in arationes inuolant, & cum maxima animi acerbitate inuestigantes, semina prædantur.

De Anate.

CAP. LVIII.

PRIMUM ut Anas peperit, parit enim in terra extra aquam, prope aut stagnum, aut paludem, aliumve aquosum locum, statim eius factus recondita quadam natura & propria aquam prosequitur. Quinetiam Anatum oua Gallinis sæpe supponimus, ex quibus pulli orti, primū aluntur ab ijs ut à matribus, à quibus exclusi fotici sunt, deinde eas relinquunt, & effugiunt, sequentes quàm primum aquam quasi naturalem domum: præclare enim intelligunt, se cum naturæ non sint ad uolandum aptæ, participes cœli incolas non esse posse: neque terrenæ, cum non sint bestię, in terra uersari oportere: quocirca à partu statim natatiles ad aquam assiliunt, neq; tamen natate discere necesse habent: at tanquam temporis longinquitate cruditas, & sapienter emergunt, & merguntur. Nam cum Aquila in eos ipsos rapiendos inuolat, se intra aquam submersione abdunt, atque infra aquam natando, ex alio loco extra aquam emittunt. Quòd si Aquila illuc quoq; incumbat, & insitet, ij iterum demerguntur, atq; tandiu sursum deorsum commeant, dum Aquila fuerit submersione suffocata, aut discesserit in aliam prædam: tum enim hi deposito hostis suæ metu, ad summam aquam elata rursus natant. Anatum, sicut ait Alexander Mynsdius, mas tum maior tum uersicolorior, id quod est cæsum in oculis, paulo minus quàm fœminæ existit.

De Noctua.

CAP. LIX.

qq 4 Mulie

**M**Vlieribus ueneficia & cantiones exercentibus similis est Noctua, captiosum animal. Hęc enim capta, suos in primis aucupes sic captionibus suis in se elicit, ut eam uelut ludicrum quoddam in humeris circumgestent. Noctu quidem uigilat, & uoce quasi quibusdam præstigijs ac illecebris aues allicit, easq; sibi alsidere facit. Interdum uero alia aucupij inductione utitur, aibus illudit, nimirum in aliam atque aliam speciem uultum conuertens: quibus aues peradolescentes in admirationem raptæ, manere apud eam perseverant, maximo eorum in quæ se format timore percussæ. Accedenti ad seriam actionem homini occurrentem Noctuam inauspicatam significationem dare aiunt. Cui quidem rei testimonio fuit Pyrrhus Epirotarum rex; cum in illius Argos proficiscentis hasta quam erectam ferebat, hæc auis sedisset, ei malum auspicium dedit: nam Argos ingressus, ualde ingloria atque ignobili morte occubuit. Quare mihi Homerus præclare intellexisse uidetur, auem hanc mali auspicij esse, cum Diomedis, ad castra Troianorum exploranda proficiscenti, Mineruam facit auspicato mittentem Erodium, non Noctuam. In Creta noctuam aiunt omnino non nasci, ac si extrinsecus importetur, mori: in eademq; nullam maleficam bestiam neque gigni, neque aliunde deportatam uiuere, quod quidem ipsum si quis uult experiri, uenenatum animal quodpiam foris assumit, quod primum ut hanc terram attingit, statim perit. Itaq; circulatores



latores qui uenantur in Africa serpentes, talia machinantur, ad mouendam hominum admirationem eas mansuefactas circūgestant, & simul ipsis terræ Africæ quantum satis sit ad earum usum comportant, quod ipsum prouident, ne serpētes pereāt, ob eamq; causam cum ad hanc insulam peruenerūt, non prius feras bestias exponunt, quàm terram peregrinam, quam secum portāt, substrauerint: ex quo fit, ut multitudinem imperitam congregent, atq; stupidam detineant, & tametsi eæ quidem sese incitant, non loco tamen se mouent, neq; ex domestico & uernaculo puluere excedunt, Sin in externum & hosticum solum egrediantur, è uita quoq; exeunt.

De Otide siue Tarda.

CAP. LX.

**O**Tis ex omnibus auis equorū studiosissima censetur, cuius rei hoc testimonio est, quòd cætera animalia uel in pratis, uel in collibus pascentia aspersionatur: equum uero ut aspexerit, magno statim cum gaudio ad ipsum aduolans, appropinquare pergit, more hominū equini generis amantissimorum.

GYLLII ACCESSIO, Decadem CAP. LXI.

**X**enophō Otides dicit breui uolatu uti, ut si quis celeriter instet, eas capere possit: nam uolāt exisquo tractu, & celeriter fatigantur, ac nimirū ad hanc rationem comprehenduntur: Cum huiusmodi uolucres omnium quæ homo agit imitari conentur, uenatores contra ipsas stantes, certa quadā re oculos sibi un-

rr glutina

glutinantibus, quæ quidem ipsa non ab eis procul in paruis peluibus ponunt: Otides ubi uiderunt uenatores se ungere, hoc idem effingunt, ex pelui uiscum fumentes, quare cito capiuntur. Equo delectantur: Si quis equinam pellem induerit, quotquot uolet uenabitur, nam equorum studio captæ eò accedunt.

De Oto.

CAP.

LXII.

**O**Tus uolueris similis est Noctuæ, præterquam quòd nocturnus non est: secundum aures duas pennulas habet: imitator hominum est, quos saltantes cum imitari conatur, capitur. Quare qui facile decipiuntur, Comici Oros appellant. Qui maxime idoneus est ad eos comprehendendos, saltat, & simul ipsos contra aspicientes ad saltationem inducit, alios à tergo latens uoluptate æmulandi captos comprehendit.

De Vpupa.

CAP.

LXIII.

**V**Pupa auuū inimicissima est, & mihi uidetur odio hominum nidum in desertis locis construere, & ne homines ad pullos suos aspirent, luti loco hominis stercore circumlinire, ut intolerabili odoris foeditate homines à nido depellat. Cum autem in parietis diruti & deserti rima uetustate acta huiuscemodi auis peperisset, id ipsumque parietis curator animaduertisset, luto rimam expleuit, & obstruxit: ubi Vpupa rediens uidet recessum, & latebram suam clausam, hanc affert, qua ad lutum admota, dissoluitur lutum, & defluit, illa intra caueam ad pullos suos ingreditur, ac

tur: ac si interea ad inquirenda cibaria rursus profecta fuerit, homo ille iterum parietis cauernam obliuens obstruxerit, eadem ipsa herba rimam aperit, quod ipsum tertio ac sæpius facit. Cuius factum parietis curator intelligens, herbam illam è luto aufert, non quidem ad eos usus ad quos Vpupa utebatur, sed ad resignandos thesauros ad eum nihil pertinētes.

Indicam Vpupam duplo maiorē nostra & formosiorē Indorum rex amores & delicias suas circūgestat, & eius uenustatē summa admiratione frequenter intuens, magnam lætitiā uoluptatēq; capit.

De aibus Diomedis. CAP. LXIIII.

**I**Nsula quædā nomine Diomedea, aibus Diomedis abundat, hæc hominibus natione barbaris neq; quippiā nocent, neq; eos aduunt: Sin Græcus aduena eò diuerterit, diuino quodam munere ab his aibus aditur, alis explicatis, tanquā manibus, ad prensationem & complexū, Græcos se pertrectantes non refugientes, intrépide se palpari sustinent: in accumbentiū sinu aduolant, uelut ad mensas hospitaes inuitatæ. Vulgò socij Diomedis esse iactantur, qui unā cum eo contra Ilium arma tulerunt. prima eorum natura in auium speciem immutata, etiam nunc se esse Græcos & Græcorum studiosos perseverare. Herodius Ostreorū uoracissimus est, & quemadmodū Cōchas Pelecanes exforbent, sic is Ostrea: testis obducta uorat, & in ea sede, quæ ingluuies appellatur, concalefaciens, tandiu custodit, quoad calore stomachi discul-

rr : duntur.

duntur. Post ubi is ipse diductas senserit testas, eas euomit, & carnem ad sustentandum se retinet.

De Merope.

CAP. LXV.

**M**erops auis contrà uolat atq; cæteræ: aliæ enim omnes quasi sursum ad oculos uersus: illa uero retro ad caudam uersus uolat. Et profecto naturam uolatus, admiratione & insolentia pleni, quem facit hoc animal, summopere miror.

De Meropis pietate aduersus parentes suos.

CAP.

LXVI.

**M**erops eo iustior Ciconijs existimāda est, quòd non in senectutē parētes alere differt, sed statim ut per ætatē uolare potest, hoc ipsum exequitur, iustitia enim & pietate omnibus auibus præstat.

Scopes, quos Theodorus uertit Añionos, saltatione capiuntur.

CAP. LXVII.

**S**copes aues, quarum Homerus in Odyssæa mentionem facit, cum eas circum Calypsus antrū uersari scribit, uiri saltandi bene periti tradunt cum saltatione comprehendi, tum genus quoddam saltationis esse, quæ si adhibenda ijs fides sit. Scops appellatur: nam quòd ijs auibus iucundissimū sit quosdam ridicule imitari, ex eo profectum est uerbum *σκόπῳ*, id est, effingere, & non aberrare ab eis imitādis, quos ludicra alsimulatione imitātur: omneis aues oris expressione, & articulata uoce longe superat: & quem admodum Pſitacus & Pica, sic hominum & aliarum auiū uoces exprimit. Minor est quàm Noctua, plumbei co

bei coloris speciem similitudinemq; eius pennæ gerunt, & albis maculis distinguuntur : à supercilijs secundum utraq; tempora duæ plumæ existunt. Calimachus duo genera ponit, Scopas, & Aiscopas, id est, semper Asiones : quorum alterum uocale sit, alterum mutum. Alexander Myndius dicit, apud Homerum non Scopas per sigma, sed Copas legi oportere. Aiscopes omnibus anni temporibus patent : cæ sane esculentæ non sunt, propter carnis uitium. Scopos aliquando apparent, neque tamen uno aut altero plus die commorantur, quæ esui accommodatæ sunt, & ualde probantur, & differunt à perennibus illis uelocitate, & Turturis & Palumbis similes sunt.

De Horione aut Indica. CAP. LXVIII.

**C**Litarchus in India scribit uolucrem amatorio affectu flagrantem, nomine Horionem, nasci, magnitudine Herodio similem, rubris cruribus, oculis cæruleis, sic à musica instructam, ut naturæ munere tam suauiter canat, ut ipsas Sirenes lassellere possit.

FINIS LIBRI XV.

## LIBER DECIMVS

SEXTVS DE VI ET

NATVRA ANIMAS

LIVM.

De Pſittacis Indicis, &amp; reliquis auibus.

CAP. I.



**I**N regijs aedibus Indiae, ubi regum maximus illic regna tenentium ætatem degit, cum alia permulta & magnam hominum admirationem, & nullam comparationem habent, quibus cum sanè nec Memnonia Susa, neq; tota eorum Reip. administratio est conferenda, neque Ecbatanorum magnificentia cum his in comparatione coniungenda est. Etenim illa Persici fastus uanitas, si cum ijs comparentur, uideri possint: tum porrò in hortis Indiae Pauones & Fasiæ mansueti aluntur, & plantæ quidem summa regionum procuratorum cura elaboratæ sunt. Enimvero umbrosa sunt nemora, & passiones arboribus consitæ, & rami sapienti quadam frondatorum colligatione conferti, & contexti: alij enim ex alijs nexi sunt, alij in alios implicati, arbores semper uirentes nulla senectute folia amittunt, ex eisq; partim sunt indigenæ, partim ex alijs locis Indiae magno studio importatæ, quæ & regionem ornant. Oliuam terra India non gignit, neque aliunde importatam fert, Sunt item aliæ aues ab nexu liberæ, nullaq;

nullaęq; seruitutis conditione astrictę, quę sua spon-  
te eò uentitantes, nidos fingunt, & construunt, ubi  
etiam Psittaci aluntur, & sursum deorsum, ultroci-  
troęq; circum regem uersantur. Nec Psittacum idcir-  
co Indorum quisquam, & si eorum magna illie multi-  
tudo sit, edit; quòd eos sacros putent, & Brachmane  
quidem ex aibus plurimi hunc existiment. Quod  
quidem ipsum non abs re se facere profitentur, quòd  
solutus Psittacus humanam uerborum appellationem  
explanata oris expressione, & uocis conformatione  
imitando consequatur. Atque etiam in ijs hortis per-  
bella stagna sunt manu facta, ubi maxima magnitu-  
dine pisces cicures æuum agitant; nec eos quisquam  
alius piscatur, quàm regis liberi, qui nondum ex pue-  
ris excessere: ij enim in aqua tranquilla, & non peri-  
culosa, ludentes, & captant pisces, & uero natare dis-  
cunt.

## De Psittacis Indicis.

## CAP. II.

**Q**uemadmodum pueri erudiuntur, sic ex tribus  
Indię generibus omnes humanę uocis usum  
addiscunt. In syluis inconditã uocem cuiusmodi aues  
indoctę edere solent, mittunt; non autem expressum  
os & explanatum habent.

## GYLLII ACCESSIO.

## De Psittacis.

## CAP. III.

**Q**ui memoria nostra terras antiquis ignotas per-  
agrarunt, mirifica animi solertia in construendo  
nido Psittacos esse affirmant. Etenim procerissimam

inuestigant arborem, tenuibus ramis, & intolerabilibus ad quiduis graue sustinendum, ad quarum cacumina pensilem sarculum alligant, ex quo nidum altissime & callidissimo artificio factum suspendunt, pilae modo rotundum, saepequam exiguo ad aditum & exitum relicto foramine. Quod quidem ipsum eos moliri afferunt, ut serpentium insidijs uiam obstruant: non enim ex tam subtilibus ramis pensilem nidum serpentiū natio corpore grauis inuadere audet. Graechana insula eiusmodi uolucres procreat, Fasianis multo maiores, eam habentes à cæteris dissimilitudinem, ut uersi coloribus alis sint, & reliquo corpore rubro: ibidemque tanta est eorum multitudo, quanta apud nos cicadarum: ac tanquam nos Cappos, sic eos sagina curatos ad pinguitudinem perducunt, eisdem suauissime uescuntur.

De aibus quæ nascuntur in insulis Caspij maris.

CAP. IIII.

**I**N maris Caspij insulis cum alias aues nasci ferunt, tum maxime unam ea uel & natura affectam, ut magnitudine quidem uel egregium Anserem superet: pedes autem habeat grui persimiles, dorso sit uehementer rubro, uentre uiridi, collo albo, & disseminatis maculis croceis distincto, non minus quam duobus cubita longo, capite itē tenui & longo, rostro nigro, uocem ramis similem mittit.

GYLLII ACCESSIO.

De aibus Ceruorum magnitudine.

CAP. V.

In



**I**N Struthiophagis aues Ceruorum magnitudine esse dicuntur, quæ ut uolare nō possint, certe quàm Struthiocameli uelociter currunt, ex uenatoribus partim arcu eas capiunt, partim dextram manum colli pelle Struthionis tectam, similiter ut huiusmodi uolucres collum mouent, sinistra uero semen ex suspensa pera spargentes, alliciunt, atq; in conualles detrudunt, ibi circumuallatæ comprehenduntur.

Manifecta animalia, quibus animalibus non  
confidant,

CAP.

VI.

**H**anc etiam uim naturamq; animalium non ignorare oportet, aues cicures & domesticas audacter contemnere Equos, Asinos, Boues: ac si cum mansuefactis Elephantis aluntur, non modò eos non timere, uerum per eos etiam ipsos gradi. Iam enim Gallinacei, ut in eorum dorso confidere audet: Sic magnum eis metum Mustella uel præteriens injicit, & qui uocem uel mugientium, uel rudentium præclare contemnunt, eius illius clamorem uehementer horrent. Anseres item, & Canes, & magnas Struthiones nihili faciunt. Contra Accipitrem uel multo minimum formidant. Gallorum cantus Leones exterret, metu Basiliscos exanimat, Miluos extimescit. Clangorem quidem aut Aquilarum aut Vulturum facile Columbæ spernunt, non item Circi & marinæ Aquilæ.

De Autumpugna,

CAP.

VII.

SS

Sicuis

**S**i eius belli quod cum mare committit fecmina, uis  
 Storiā reportet, eius collum uoluptate effertur,  
 atque inflatur, tum maximis spiritibus impletur, &  
 longo tiliarum tractu graditur.

De Castoridibus.

CAP. VIII.

**C**Astorides marinæ ad littora & saxa eminentia  
 Cululatum diritatis plenum edunt, & grauissime  
 rugiunt: earum sonitum quicumq; audierit, non effu-  
 giet, quin paulo post excedat e uita.

De Caspia uolucere.

CAP. IX.

**F**ama quædam uenit in sermonem hominū apud  
 Caspios auem procreari magnitudine maximi  
 Gallinæ, uersicolore uarietate florentem: atq; audi-  
 tione accepit eam supinam uolare, & sub collum ex-  
 tensis cruribus subleuare, tum catelli uocem mittere,  
 neque in sublime, sed circum terram idcirco uolare,  
 quod in altum non queat sese attollere.

De Catreo aue.

CAP. X.

**C**Atreum auem, ita nuncupatam, cum eximia for-  
 mæ pulchritudine Clitarchus ait, tum Pauonis  
 magnitudine esse, tum pennarum eius extremitates  
 smaragdi similitudinem gerere: ac si alios intuetur:  
 eius oculi nescias quo colore sint: sin te aspiciat, pur-  
 pureos dices. Quod in aliorum oculis album, in ill-  
 lius pallidum est: acri atque acuto uidendi sensu præ-  
 dita est: Capitis plumæ partim candidulis ocellis,  
 partim guttis quibusdam alijs in alias implicatis dis-  
 tinctæ

stinctæ sunt : Eius pedes Sandaricini, & uox canora, & sicut Luscinia sic eadē acuta & concisa est. Eam in delicijs maxime omnium auium Indi habent, ut aspectu illius expleri non possunt. Ex oculis facula splendet, lucidissimæ ut flammæ similis sit : tantoq̃ opere gregatim uolant, ut nubes esse uideantur. Cantandi suauitas & oris expressio tanta est, ut comparationē nullam habeat, ut crassum sit, Sirenes quasdam alatas eas dicere.

De aue Caspia, uel potius Indica. CAP. XI.

**A**vis Caspia, uel potius Indica (nam in India etiā nascitur) Anseris magnitudine, & lato quidem, sed tenui capite, cruribus paruis est : uario colore distinguitur, nam eius dorsum purpureum est, uenter maxime coccineus, caput & cutis exalbescunt, uocem caprinam mittit.

De aue quam Indi Celam uocant.

CAP. XII.

**A**Vem in India nasci accepti, magnitudine triplo maiorem Otide, ore permagno, & longis cruribus, absouum quiddam sonare, eiusq̃ summas alas pallidas, cæteras uero pennas cinericias esse.

De aue quam Indi uocant Cercionem, eam Latini

Motacillam appellare possent. CAP. XIII.

**I**N India auis ad Surni magnitudinem accedens, uarijs coloribus picta, nascitur, quæ & humanam uocem effingit, & Psittacis uocalior, & maiore est docilitate & ingenio, non tamen humanum uictum

æquo animo sustinet, sed libertatis desiderio famem potius quàm seruitutem cibus refertam amplectitur, Vrbes quas Alexander in India excitauit, ideo Cersionem appellant, quòd similiter caudam atque Cincus mouet.

De Indicis auibus Sandaricino colore.

C A P.

XIIII.

**P**Arularum quarundam auium Indicarum natio in excelsis rupibus nidificat, quarum magnitudo accedit ad ouum Perdicum, Sardaricino colore est: Indi sua lingua Dicærum solent nominare: Græci, sicut audio, Dicæum: eius steruus si quis milij magnitudine sumpserit in potionem dissolutum, ad uesperam morietur: mors suauis somno similis est, & nullum omnino sensum doloris habet. Quamobrem summopere Indi id assequi student, ipsum enim malorum obliuionem existimant inducere. Quod quidem ex India muneri missum rex Persarum omnibus rebus antefert, & asseruat, insanabilium malorū remedium, si sumere sit necesse: neque apud Persas quisquam alius quàm rex id habet.

De Meleagridibus.

C A P.

XV.

**H**istrus in Olero ait, Meleagridas à nullis auibus quæ unguibus sint uncinatis, uiolari. Clytus Milesius, Aristotelis discipulus, primo libro scribit, Meleagrides ad templum æreum locum palustrem commorantes, suos pullos uel à partu recentes negligere, itaque sacerdotes habere necesse illos curare.

Idemq̃

Idemq̄ affert, tum generosarum auium magnitudi-  
ne esse, tum paruo & tenui capite, eisq̄ apicem car-  
neum durum turbinatum ex capite tanquam clauum  
lignum eminere, tum auium barbula carere, rostro  
acuto & maiore quàm pro aue, & collo nigro & cras-  
sioe & breuiore quàm auium, præditas esse.

De auibus Memnonis.

CAP. XVI.

**T**Erram Mariandyneam aues aspectu nigras inco-  
lere ferunt, quæ figura corporis & forma Accipis  
tribus similes esse uidentur: eæ usu carnum cum se  
abstinent, tum in omni uictus ratione se continent, eis  
enim ad cibum semina satis sunt. Cum autumnus esse  
cepit, illium gregatim aduolant. Eas autem idcirco  
Memnonias uocant, quòd rectà ad Memnonis sepul-  
chrum proficiscantur: id enim uel etiã nunc à Troa-  
dis incolis ad ornamentum Memnonis conditum ibi  
fuisse dicitur, atq̄ Memnonis cadauer ex cæde à ma-  
tre in Susa tantopere decantata exportatum fuisse,  
ut humatione afficeretur, eiq̄ dignitate illius exes-  
quiarum iusta ei persoluerentur. Aues igitur Memno-  
nis gentiles quotannis eò proficisci, ibiq̄ primum in  
contrarias partes distrahi, deinde pugnam commit-  
tere, eamq̄ summa cõtentione tandiu pugnare, dum  
ex his media pars pereat, altera uictrix discedat. Iam  
de causis cur hæc accidant philosophari, nec mihi li-  
bet, neq̄ etiam uacuis sum ad scrutanda naturæ ab-  
strusa atque abdita.

De Parnopibus Galatarum.

CAP. XVII.

SS 3 Eudo

**E**Vdoxus ait Galatas, qui ad orientem solem pertinent, eiusmodi facere, quæ si cui credibilia uidentur, fidem adhibeat : sin minus, rejciat. Cum maximi Parnopum greges, ut nubes esse uideantur, in Galatiæ agros inuolantes, frugibus incommodant, tum Galatæ quibusdam precationibus & obsecrationibus utuntur, simul & sacra conficiunt, quibus aues implorant : eæ autem illorum precibus obsequentes, frequentes ueniunt, & Parnopes perdunt. Ac si quis è Galatis eas ipsas comprehenderit, hoc supplicium in eum ex legibus illius gentis cõstitutum est, ut morte mulctetur. Ac si huic qui eas cæperit ignotum fuerit, aues tantopere offenduntur, ut iterum inuocatæ, propter impunitatem illius, non ipsorum precationibus obtemperant,

De Phattage Indica.

CAP. XVIII.

**I**N Indis nascitur bestia, quæ Crocodili terreni speciem similitudinemq; gerit, magnitudine est Melitensis canis : eius pellis adeo asperis squammis quibusdam scatet, ut more ferræ æs dissecet, & ferrum exedat & conficiat, eam Indi Phattagen uocant.

GYLLII ACCESSIO.

De Stympthalidibus.

CAP. XIX.

**D**esertam Arabum regionem Pausanias aues scribit procreare, nuncupatas Stympthalidas, quæ hominibus non minus immanes, quam aut Leones sint, aut Pantheræ : nam in eos, qui insidias sibi moluntur, inuolantes, rostris uulnerant, atque adeo interficiunt

terficiunt, simul & quod homines gestāt ferrum, perforant: & ad corticeam uestem, quam crassam sibi uenatores accommodant, eiusmodi auium rostra sic adhærescunt, tanquam ad uiscum paruularum auicularum alæ. Iam uero ad Gruum magnitudinem accedunt, atque Ibidum similitudinem gerunt, præter rostrum, quod & robustius, & haudquaquam incuruum est.

## GYLLII ACCESSIO.

De Tetrace auæ.

CAP. XX.

**A**Pud Athenæum libro nono *Dipnosophistarum*, hæc de Tetrace legi: Quam quidam, inquit, auis genus esse dixisset, more grammaticorum, qui de omnibus dubijs dicere solent, genus herbæ, genus auis, genus lapidis. Tum Larenlius, uir Romanus inquit, uirorum optime, scio Aristophanem, in *Auibus*, mentionem fecisse *Porphyrionis*, *Pelecanis*, & *Tetracis*. Tum Alexandrum *Myndium* secundo de *auibus*, non magnam auem, sed inter paruas commemorasse *Tetracem*, magnitudine auis frugilegæ, colore *figulinæ testæ* distinctam, fruges comedere: cum oua pepererit, uoce *τρυγέω*. *Epicharmus* in *Nuptijs Hæbæ*: *Cipientem*, ait, *Coturnices*, *Passe-res*, *Galeritas*, *Purpureas*, *Tetragas frugilegas*. Postquam, inquit, nihil habetis, ut ex silentio intelligo, uobis auem demonstrabo. Ab Imperatore enim præfectus eram *Misæ*, hanc auem ubi uidi, & sic appellari à *Misjs* & *Pæonibus* didici. At *Tetracem* esse ex di-

ētis Aristophanis recordatus sum. Cum autem existi-  
marem dignam avem esse, de qua mentionem Aris-  
toteles faceret, tractatum illum eius tot talentis aesti-  
matum (nam ipsum octingenta talenta ab Alexan-  
dro ex historia animalium accepisse peruagatum est)  
legens, non de eiusmodi aue quicquam inueni. Itaq̃  
gaudebam me habere Aristophanem, qui recens ab  
illius ætate fuit. Ac nimirum cum hæc dixisset, in-  
gressus quispiam est, qui in calatho Tetracem ferret:  
hæc maximum Gallinaceum magnitudine supera-  
bat, & Porphyriionis speciẽ similitudinẽq̃ gerebat,  
ac quemadmodum Galli barbularas propendentes, ha-  
bebat, eius uox grauis erat. Cum autem floridam &  
pulchram avem admiratĩ fuisset, cocta nobis non  
multo post allata fuit, cuius carnes magnarum Stru-  
thionum non dissimiles sæpe comedimus.

De ætate Apium.

CAP. XXXI.

**A**Pium quisquam ætatem ad hũc modum inter-  
noscere poterit: quæ anno non excesserunt, ni-  
tescunt, oleĩq̃ similitudinem & speciem gerunt: ue-  
tulæ uero & aspectu & tactu horridulæ euadunt, atq̃  
ex ætate affecta rugis plenæ uidentur: eæ tamen sin-  
gendorum fauorum experientia & industria præcel-  
lentiores sunt, ex longitudine nimirum temporis ad  
mellis scientiam eruditæ. Eædemq̃ tanta diuinitate  
præstāt, ut & pluuias, & frigora futura præsentiant: &  
quando horum alterum, uel utrumq̃ impendere cõ-  
iecturis assequuntur, non longissime ab alueo uolatu  
procedunt



procedunt, sed circum operaria uolantes, ueluti foribus incubant. Ex his rebus alueorum custodes futura augurati, agricolis turbulentæ tempestatis aduentum prædicunt. Longe autem magis frigoris, quàm pluuiæ, aut niuis intuètes sunt. Sæpe uero uento aduersæ uolant, paruulum lapillum pedibus portâtes, quantulus inter uolandum commode gestari possit: itaq; in hunc modum contra uentorû incursionés, & afflatus auræ, ne ex itinere deducantur, eiusmodi firmamentum ac robur sibi machinantur.

De Apibus inertibus.

CAP. XXXII.

**E**X Apibus quædam sunt inertes, non tamen moribus fuci sunt, neq; enim fauos corrumpunt, neq; melli insidiantur, sed ex floribus aluntur, ac cum alijs compascentibus ad pastiones uolant: tametsi mellis conficiendi & condendi industria carent, non tamen prorsus otiosæ sunt: earum enim quædã aquã Regi, & Apibus uetulis apportant, nam seniores apud Regem ad eius stipationẽ selectæ permanent: aliæ uero hoc munere funguntur, ut mortuas ex alueo efferât, mundos enim & puros fauos eis esse oportet; mortuã apem intra alueum fauorum non esse patiuntur: aliæ uero ex his nocte excubât, substructiones, non secus ac paruam urbem uigilijs asseruantes.

De ratione ædificandi Apium.

CAP. XXXIII.

**S**eniores Cyrum de regia quam in urbe Persarum ipse ædificasset magnam gloriã adeptum fuisse fama celebratû est. Darius lautæ ædificationis substru-

ctione,

ctione, quam Suis omnium sermone decantatā struxerat, efferebatur. Cyrus minor ex hortis, quos puræ puræ nitore, & gemmarū fulgore ornatus in Lydia sua manu conseruisset, gloria magnā, cū apud omnes Græcos, tum apud Lyfandrū Lacedæmoniū, cum is in Lydiā ad eum uenisset, fuit. Sed hæc plusquā satis historici prædicarūt. Apium non item domos, solertiori ratione ædificatas, scripserunt: cum illi tamen in regijs ædificandis permultos uexarunt: apibus uero, ut nihil minus molestū, sic solertius nihil esse potest. Primum regum cellas eminentiore loco, magna laxitate amplas ædificant, easq; sepimento tanquā muro quodā, ad maiestatem regiam tuendam, circumuallant: ac ut ætate & conditione triplices sunt, sic tripartito suas cellas diuidūt. Quædam enim summa senectute affectæ, regie aulæ uicinæ, proximæ tanquam satellites sunt: post quas habitant natiuæ minimæ, & quæ annum non excederūt, adolescentiores uero, & ætate cōfirmatori, extimæ manent, ut illæ exacta ætate, satellites lictoresq; regum sint. Eæ autē quæ ætatis firmitate robustiores existunt, tanq; murus quispiā illarum natiuæ minimas sepiāt. Opinio una est, Apium reges non aculeatos esse: est rursus altera, eos robore aculeorum peracutorū armatos esse: nunq; tamen eo neq; contra hominē, neq; contra Apes uti, quoniam non fas sit tantæ nationis imperatorē malum admittere. Reliquas autem Apes, harum rerum prudentissimi testantur, in conspectu suorum imperatorū aculeos sum

leos summittere, quasi fasceis, ueluti imperio, potestas  
 tēq; his cedentes. Iam uero hoc utrūq; in illis regibus  
 quispiam admirari possit, siue aculeo careant, ad infe-  
 rendam iniuriam, siue quia habentes, ab iniuria aculeos  
 abstinerere queant.

De Apium insidiatoribus. CAP. XXIII.

**H**ostilem in modum Apibus insidias moliantur  
 pari auiculæ Vespæ, Hirundines, Serpentes,  
 Aranei, à quibus omnibus Apes de uita sua incredibi-  
 liter timent. Apiarj pulicariæ suffimento, aut uiridi  
 papauere, locum ante alueos sternendo cum eiusmodi  
 animalia ab eis depellunt, tum Vespas hoc modo  
 comprehendunt: ante earum nidos nassam, in quam  
 prius paruulam Mænam aut Membradē, cum Chal-  
 cide imponi conuenit, appendunt: eæ uero sua natu-  
 ra edaci esca allec̄tæ, frequētes in nassam incidūt, quibus  
 nassa comprehensis, non amplius retro regredi li-  
 cet, simul & eas aqua cōspersas facilius interimūt, aut  
 igni cremant. Lacertæ item insidias in Apeis faciunt,  
 ac terreni Crocodili pestē perniciemq; illis instruunt,  
 farina ad ueratrum admista, aut in aluæ succo suffusa,  
 ante alueos dispersa, gustantibus illis omnibus modo  
 commoratis perniciem affert. Aranei ante alueos ad  
 lumen accensæ lucernæ, cui uas aqua plenum subie-  
 ctum sit, uolitātes, in oleum decidunt, ac sic pereunt,  
 alia ratione non facile tolli queunt. Soboles Ranarū  
 lutariarum, si quis in earum lacum uerbasci nucisue  
 folia iniiciat necatur, pari aues gustatu farinae uino

t t z dilutæ

dilatæ, primum cbræ factæ capite grauantur, deniq; cadunt, & abiectæ uolare non queunt, & facile tolluntur. Hirundo musicæ reuerentia permotis non ab apiarijs occiditur, alioqui ad necandum facilis, satis enim est eas prope alueos nidificare prohibere. Tetro odore non modò Apes offenduntur, sed unguento odorato, tanquam enim puellæ urbanæ & modestæ teterrimū odorem præclare contemnunt, & ungueti suauitatem à se detestantur.

Quod ex Bubus Apes nascuntur. CAP. XXV.

**G**ENUS Bubulum plurimas commoditates habet, homines enim ex eo infinitis commodis afficiuntur. Primum cum hominibus Boum societas rei rusticæ, & uectionis uariorū onerum cōmunitas intercedit; deinde lactis ex hoc magna utilitas percipitur, arg exornatur, ac hominū conuentibus epulum copiosissimum præbetur. Bos mortuus generosa quædā res, & dignitatis plena existimanda est, quòd Apes ex illius reliquijs enascuntur, animalis operosissima, fructumq; utilissimū & suauissimū homini comparātia.

De Apibus. CAP. XXVI.

**Q**Vædam ex apibus duces appellantur, quædam sirenes, aliæ operariæ, aliæ figulæ. Nicander ait Cephenas fructum afferre, atque in Capadocia mel sine fauis Apes conficere serunt, idq; ut oleum perinde pingue esse. In Trapezunte Pontica ex buxo mel nasci accipi, hocq; cum esse odoratu graue, tum eos qui deducti sunt de mente, ad sanitatem restituere, atq; co

atque comitali morbo laborantes sanare. Itemq̄ in Media mel ex arboribus stillare, ut ait Euripides in Bacchis: in Cithærone dulcis ex ramis guttas manare: in Thracia ex plantis mel nasci dicitur: in Mycono non gignit Apis, quin etiã importata moritur.

De studio Apum erga regem suum.

CAP. XXVII.

**R**egem suum Apes lenitudine imperij dulcem, & mansuetudine morum suauem, nulloq̄ spiculo armatum, cum is defugiẽdo ipsas reliquit, accersunt, & fugitiuum à regno insequuntur: ipsum autem sagacissime odorantur, ac nimirum ex eius odore deprehensum, sua sponte moderationis amantes, de fuga in regnum reducunt. Athenienses de ciuitate Pisistratum expulerunt, atque principatu exuerunt. Dionysium Syracusani regno eiecerunt: Alij alios tyrannos iniquos, & regnandi artem, quæ humanitas & subditorum moderatio est, factitare nescientes, ex tyrannide deiecerunt, & omnibus fortunis funditus euerterunt.

De earum rege.

CAP. XXVIII.

**A**pum Regi curæ est, modũ alijs statuere, ordinẽ afferre: alias enim aquari iubet, alias intus mella fingere, extruere, expolire, suggerere: alias uero ad pastiones proficisci, mutationem operarum & uicissitudinem munerum faciunt: prouecta ætate probe ad id delectæ sunt, ut domo se teneant: Rex ipse satis habet illa curare quæ ante dixi, leges nimirum, perinde

ut

ut fummi principes, dicere : quos philosophi uel politicos , uel ad moderanda regna aptos esse scribunt. Cæterum munerum operosorum immunitatem habens, ab laborando quiescit. Quòd si migratio potius ad usum sit, quàm mansio, tum Rex pergît emigrare, ac si ab ætate firmus sit, antecedit examen, dux ad proficiscendum , reliquæ eius ductu sequuntur. Sin ætate affectus sit, cæteris Apibus uehitur. Signo dato somnum capiunt , cum tempus est ad quietem proficisci, una quæpiam à rege iubetur somni significationem dare, quæ simul ut ad dormiendum signum sustulit, statim eæ somnum accipere pergunt. Quoad Rex uiuit, tandiu examen pace fruitur , omniq; ordinum perturbatione caret : Fuci suis cellis libenter se continent, seniores suum locum habent , natiu minores item suum. Et Rex separatim à reliquis habitat, soboles Apum post manet. Excrementa in locum separatum congeruntur. Rege extincto, omnia perturbantur, & funditus peruertuntur. Fuci in Apum cellis pariunt atq; miscent, omnia deniq; regis defectio-  
ne ac inopia pereunt. Tum etiam purè & mundè uiuunt, nullius animalis carnes edunt : neque tamen ad hanc cautionem Pythagore symbolum ijs opus est : satis habent floribus uelci, quòd maxima temperantia sint : libidinem & delicias odio persequuntur, cuius rei testimonio est, quòd unguento delibutum insectantur, & tanquam hostem qui nefarium quipiam admiserit, exagitant : à complexu uenero rescentem

centem cognoscunt, atque illum sicut hostem infestantur: fortibus nihil concedunt, neque ab animalium ullo refugiunt. Cum ijs qui sibi molesti non interueniunt, quicquid nec malitiose, nec dolose alueos adeunt, pacem seruant, foedereque deuinciuntur. Contra inexpiabile bellum cum interpellantibus & uexantibus gerunt: mellis populator in hostium numero locoque ducitur. Vespas acerrime uerberant, eas alis quando equum Aristoteles affirmat, non modo fortissime inuasisse, sed etiam interimisse. Atque inter se contendunt, & potentiores uincunt debiliores. Eis nocent Rubetæ, & Ranæ lutariæ, Meropes, Hirundines, & Vespæ, quas quicumque uicerit, Cadmeam reportat uictoriam: nam ualde afflictus, aculeis discedit uictor, non enim animi robore minus quam aculeis armatae sunt.

Quemadmodum Apes hyeme ex alueis non  
se mouent.

CAP. XXXIX.

**H**Oc quidem ipsum Apum sedulitati & operoso labori testimonio est, ab occasu Vergiliarum ad uernum æquinoctium in locis hyberno frigore infestissimis non se ab alueis commouent, sed temporis desiderio, & frigoris fuga intus manent: reliquo anni tempore segniciam & otium odio habentes, diligentissime & laboriosissime operantur: nec quispiam extra hyemale tempus, ac morbum, uideat Apem otiosi.

De Geometria Apum,

CAP. XXX.

tt 4 Geome

**G**ometriam, figurarum pulchritudinem, fingendi elegantiam, sine arte, sine regulis, sine circino, simul & figuras sex angulas, & sex laterum, & æqualium Apes conficiunt. Cum autem ex sobole alueus Apibus redundat, tanquam maxime urbes hominum multitudine redundantes, sic illæ colonias deducunt. Ingruentis pluuiæ aduētum præsentiant. Cum in fugam se erumpunt, & ab alueo aberrare cœperūt, tum apiarū crepita culis sonoris concrepant: cæ uero tanquam Sirenibus retrahuntur, atq; adeo in consueta domicilia reuoluant.

## GYLLII ACCESSIO.

De Apibus.

CAP. XXXI.

**A**Pes solitudine gaudent, hominum autem accessu offenduntur, consuetas passionem amant, nec libenter loco se movent, ut ad alienas proficiscantur. Cum omnibus ad se appropinquantibus infestæ sint, tum maxime uinum, aut unguentum olentibus, & ueneris libidine flagrantibus.

De Fuce.

CAP. XXXII.

**F**Vcus, qui inter Apes nascitur, de die in mellarias cellas abditus manet, nocte uero cum Apes dormire obseruauerit, eorum opera inuadit, uastatq; alueos. Hoc illæ cum intellexerunt, plurimæ enim Apium dormiunt, nempe defesse, paucæ uero excubant. Cum uiderint furem, uerberant eum, modice & leniter, expelluntq; alis, & in exilium proijciunt. Iste uero non ob id corrigitur, sua natura piger, &

uorax



uorax est, duobus malis præditus intra fauos se abs-  
dit. Vt uero ad passionem Apes profectæ sunt, ille  
rursus opus inuadens, quod suum est, facit, confercit  
se melle, & depopulatur thesauros dulcæ Apum: eæ  
ex passione redeunt, cum ei occurrerint, non am-  
plius leniter eum uerberant, neq; tanquam essent in  
exilium eum eiecturæ, sed asperè aculeis inuadentes,  
percutiunt latronè: nec amplius mulctatur increpation-  
ibus, sed uoracitatis & gulæ nimie pœnas uita per-  
soluit. Apitarij hæc dicunt, ac mihi persuadent.

De Musca.

CAP. XXXIII.

**M**usca, etsi ad omnia audax existit, si tamen in  
aquam decidat, nec natate scit, nec ex submer-  
sione se seruare quit, si eam humore exanimatam ex-  
trahas atque in cinere condas, ad pristinam uitam re-  
uiuiscit.

De Asilo &amp; Tabano.

CAP. XXXIIII.

**A**Silum maxime similem Muscæ esse ferunt, robu-  
stum, & bene compactum, habere quoq; aculeum  
durum & ualidum ex ore appensum, sonumq; tumul-  
tuosum edere. Tabanum autem similem uideri Mu-  
scæ caninæ, sonum ut Asilo maiorem edere, sic acule-  
um minorem possidere.

De Locustis.

CAP. XXXV.

**A**D Arridophagos desertæ regionis confinium ac-  
colentes maxima macie ac nigrore infuscatos ho-  
mines uerno tempore Zephyrus & Libycus uenti ex  
deserto maximam Locustarum uim conferunt, Aethio-

uu pes

pes ad fruendas eas affueti in conuallem longe lateqꝫ patentem ex proximis locis materiæ plurimum comportant, ac cum Locustarū tanquā nubes uentis supra uallem feruntur, congestam materiā & concisam antea loci herbā funditus incendunt, Locustæ ingēti fumo suffocatae, paulo ultra uallem ad terrā tanta copia decidunt, omni illi nationi ut abunde suauē uictū sufficiant: eas enim sale conditas, ad uescendum seruant: non enim in omni uita quiequam aliud, neque pecorum carnes quibus carent, comedunt, neque pisces, à mari longe remoti.

De Vespa.

CAP. XXXVI.

**E**qui cadauer proiectum Vespas gignit: ex huius putrescentis medulla euolant Vespæ, nimirū uolucris progenies ex equo animali uelocissimo.

Vespæ regno, non tyrannide reguntur.

CAP. XXXVII.

**S**ub regnum & potestatem Vespæ etiam subijciuntur: non tamen sicut homines tyrannide tenentur, cuius rei testimonio est, & quòd sine spiculo sunt, & quòd earum principes, quanquā duplo maiore corpore sunt, & mansueti tamen sunt, & qui neqꝫ uolentes, neqꝫ inuiti molestiam exhibere possunt. Quis igitur non oderit in Sicilia Dionysios, in Heraclea Clearchum, Apollodorum, Cassandrinorum prædonem. Siquidem hi gladiatorum confidentia regnarunt? Reges uero Vespæ, sine aculeo mansuetudine nituntur.

De acu

## De Aculeatarum Vesparum malitiâ.

CAP. XXXVIIII.

**A**culeatæ Vespæ illud facere dicuntur, in Viperam quam mortuâ perspexerint inuolâtes, ueneno aculeû imbuunt: unde mihi homines, disciplinâ nõ eam quidẽ bonâ, ueneno inficiendi sagittas haussisse uidentur: quod quidẽ ipsum Homerus in *Odyssæa* testatur, eum ait, Venenû quærens, ut iacula ærea obliuaret. Ac sanè Hercules ut hydræ ueneno iacula tinxit, sic Vespæ uiperina acerbitate aculcos afficiunt.

## De Cicadâ,

CAP. XXXIX.

**C**acteræ aues Indiæ os expressum habent, ac ore ualent ad cantû, moreq; hominû lingua loquuntur. Cicadæ non ita, sed mēbranulæ uerberatione loquuntur: Rore uescuntur. A prima luce, donec impleantur hominû cōuentu fora, silent: uigore solis progre diēte, cantare aggrediunt: & tanq; laboriosi cantores supra caput mellorum stantes, aures ipsorum, & pastorum, uiatorumq; demulcere student. Hoc autem cantandi studium, solis maribus à natura tributû est: Cicada scemina muta est, ac more sponsæ, uerecundæ silentium sibi conuenire existimat.

## De Cicadâ Rheginensibus &amp; Locrensisibus.

CAP. XL.

**R**hagini & locri pacem inter se habēt, atq; utrisq; ad alterorû agros accedere & agriculturionē exercere liberum est. Cicadæ tamen cum ijs non sentiunt: nam Locrenses in Rhegino agro silent: Rheginæ uis

uu : cissim

cissim Locris mutæ sunt. Huiusce silentij nec ipse causam, neque quisquam alius, nisi ad discernendum sit temere audax, intelligit: sola natura nouit. Fluuij igitur etsi inter Rheginos & Locros medij ripæ non iugeris spatio distant, tamen neutræ transuolant Cicadæ. In Cephalaria fluuius est, qui inter Cicadarum sterilitatem & copiam medius interfluit. In Macedonia etiam Cicadarum genus mutum habetur.

Cicadarum nomina. CAP. XL I.

Cicadarum genus multiplex à peritis harum rerum & collectum & nominatum est. Vnum appellatur ex colore Cinereum, alterum Membrax, quod quidem nomen nescio cur huic generi impositum sit: aliud argutum, aliud Cercopam, aliud Achariam nuncupant: tot Cicadarum genera me audisse memini, cui plura ueniunt in mentem, explicet.

De animalibus unum diem uiuentibus. CAP. XLII.

Animalia Ephemera idcirco sunt appellata, quod ad ætatis uiuent, ut uno die cursum uitæ conficiant, ex fece uini acescenti originem trahunt, aperto dolio ut in lucem suscepta sunt, è uita excedunt, ea facilitate prædita, ut ingredi quidem in uitam natura illis det, malis quidem quibus uita referta est, celerrime liberet, ne nimirum quam partem suarum calumnitarum sentiant. Aristoteles ait bestiolam apud Hypanium fluuium, unum diem uiuentem, sub lucem matutinam nasci, post autem ad solis occasum extingui.

De Py

De Pyrausta.

CAP. XLIII.

**E**X ignis fulgore Pyrausta, quod uehementi afficitur uoluptate, idcirco cum flamma uel maxime uiget, ad lucernas aduolat, atque non nihil apprehendere uidetur, at enim delapsus uiuus comburitur.

De Pyrigonis.

CAP. XLIIII.

**T**erra maricę nasci animalia nihil mirum: nam materia nutrimentum, & natura horum causa est. Ex igni uero generatas bestias uolucres existere, nuncupatas Pyrigonas, & in eo ipso igni uiuere, & alii, hucę & illuc uolare, hoc admirabilitatem facit. Illud item admirationem excitat, cum extra ignem nutrimentum egrediuntur, & frigidum cœlum attingunt, statim exeunt è uita. Quę autem causa sit, exigui ut nascantur, contraę aëre temperato elemento extinguantur, alijs dicendum relinquo.

De Musicis auibus.

CAP. XLV.

**C**antu ualent Hirundines, Merulę, & Cicadarum genus. Scimus etiam Picas loquaces esse, & bombis strepere locustarum nationem, & musicas esse Halcedines, Pittacos. Item auium alias flebili & muliebri, alias acri & contenta uocalitate uti, alias se migrantes de ramo in ramum, tanquam ex priore domo in aliam, occinere: alias in pratis cantantes, tanquam festos dies agere, & uitam (ut ita dicam) floridam & mollem degentes, ueris aduentum canoris omnibus, & lætis acclamationibus excipere. Pica cum alias uoces, tum maxime humanam imitatur:

uu 3 Florus

Florus, equi hinnitum : Salpinx , tubæ sonitum : & Torquilla, obliquam tibiam imitatur. Imbrium guttas Coruus effingere conatur,

De auiibus cantum mutantibus, itemq; de marino  
Lupo & Ceruario terrestri. CAP. XLVI.

**L**Vscinia colorem & uocem per æstatem in aliam speciem immutat, neque enim sic cantum uariat, distinguit, inflectit, acuit, quemadmodum uerno tempore. Merula æstate quidē canit, at enim hyeme strepit, & quasi uestis mutatione facta, ex nigro colore in ruffum conuertitur. Turdus uere inspicitur muris no colore, æstate uarietate circa collum coloris distinguitur: Et uero pisces ex alio colore in alium mutabiles sunt, ut Turdi, Merulæ, Fucæ, Mænenæ. Lupi item ceruarij æstiuo tempore à pilis nudi, hyberno contra hirti efficiuntur.

Quemadmodum plantæ ramus alienæ arbori inseritur opera auium. CAP. XLVII.

**V**Nius plantæ ramus sæpe inna scitur & succre scit alienæ arbori. Causam cur id fiat Theophastrus, abstrusas rerum naturas perscrutatus, affert: Aues enim arborum fructum comedentes, posteaq; in arboribus confidentes, excrementa gerere, semenq; in cauernas delapsum pluuiâ irrigatum enasci & pullulare, itaq; in oliua ficum, in alijsq; alias ingenerari.

De Arabiorum animalium uarijs coloribus & de rubri maris Ostreis, CAP. XLVIII,  
Arabiorum

**A**Rabiorum animalium uariis color & multiplex, omnem picturam longe multumque superat, neque modo magna animalia & generosa hac permulta colorum uarietate picta, atque ornata sunt, sed etiam ignobilia: etenim Locustæ & Serpentes, aurei coloris similitudinem speciemque gerunt, tum maris rubri ad Arabiam pertinentis Ostrea huius splendoris expertia haudquaquam sunt: imo uero flammeis illustratus zonis, ea ut diceret uarij coloris temperatione ad Iridis similitudinem accedere: adeo lineis perpetuo ductu æque inter se distantibus distinguuntur, atque describuntur.

Animalium diuersi soni.

CAP. XLIX.

**Q**uemadmodum homines uarijs linguis loquuntur, sic animalibus rationis expertibus natura comparauit ut diuersum quiddam & uarium sonent. Ex hominibus aliter Scythæ, aliter Indus loquitur, aliter Græcus. Animalium alia fremunt, alia mugiunt, alia hinnunt, quædam rudunt, quædam latrant, alia rugiunt, nonnulla clangunt, aut strident, alia suauiter cantant: sunt etiam quæ balbutiant: & sexcenta naturæ dona alia alijs animantibus propria existunt.

Quemadmodum aliena hortatione non egent bestię ad fortitudinem, sicut homines.

CAP.

L.

**H**omines ut boni uiri sint, hortatione egent, & sua sic nis oratione plena, quæ & metum tollat, & addat animos. Athletæ quidem ad stadia hor-

uu 4 tandi

tandi sunt, milites ad arma. Robore non item extrinsecus assumpto bestiae egent, at ex sese potius vires incitant, & semet confirmant, Aper quidem pugnaturus, lapidibus (Homero teste) dentes exacuit. Leone quid ignaue faciat, flagellans semetipsum cauda excitat. Elephanti autem ad certamen ut incendantur, promulcide sese uerberant: neque tamen ad hoc ipsum cuiusquam egent praecipis. Taurus gregis dux, cum ab altero fuerit duce superatus, se in quendam locum ab alijs segregat, & semetipsum non alieno impulsu, sed sua sponte exercet, atque omni contentione cornibus, calcibus, unguibus certat: Cornua quidem in arbores infligit, pedibus puluerem spargit, caeterisque exercitationibus sese accommodat: à uaccis se continet, sicque à uenere abstinet, & libidini suae moderatur: Quemadmodum Ictus palestrita Tarentinus, quem Plato toto certaminum tempore omnis coitus expertem permanisse affirmat. At enim Ictum ratione praeditum, atque Olympiorum cupidum, simul & gloriae sensu affectum, nihil admodum mirum uideri debet, emendatè, & summa corporis castimonia uixisse. Nam ei praemia proposita uidebantur illustria, Pinnus Ilinica, Laurus Pythica, Oleaster olympicus: tum uero sperabat se quoad uiueret circumspiciendum esse, & cum è uita excessisset, magnam laudem ex ea re adepturum. Amcebaeum citharcedum accepti uxorem duxisse, omni tamen tempore cum in certaminibus uersaretur, ab ea se abstinuisset, Diogenes, tragicodiarum



gædiarū actor, uniuersum omnino ueneris usum abiecit. Clitomachus Paneratiastes Canes siquādo complexu uenero iunctos perspiceret, oculos ab eorum conspectu remouēs, & totum se auertebat: & si quod in conuiuio uerbum lasciuum, libidinosum audisset, à confessu exurgens, discedebat. Atqui homines ratione ualentes, hæc uel ad quæstum, uel ad gloriā fecisse, non magnam admirationē habet: At tauro suum aduersarium uincenti, quæ præconia à Plato laborum deferuntur: aut quæ decernuntur præmia?

De animalibus quæ in Plutonis hiatum  
deiciuntur.

C A P. L I.

**A**Pud Arianos Indos hiatus Plutonis est, in cuius profundo occultæ cauernæ, & recessus immensi, & hominibus incogniti. Quemadmodū autem sit in tantam altitudinem depressus, neque Indi explicant, neque id cognoscere admodum laboro: Amplius tria millia diuersorū animalium Ouium, Caprarum, Boum, eò agunt Indi, ac nimirum secundū quietem quicūque perniciosæ rei metu percussus fuerit, malie auspicij auem inspexerit, pro facultatibus suis se redimens, deiciēda curat animalia, quæ quidem ipsa nec constricta uinculis, sed sua sponte uiam conficiūt, tanquam illecebris quibusdā alleccta: postea uero quā ad barathri fauces accesserūt, non inuita defiliūt: neque sanè postquā in hiatum immensum & cæcum inciderunt, amplius hominibus comparent: Boum tamen mugitus, & Ouium balatus, Caprarū uox, Equorū

x x hinni

hinitus exaudiuntur: ac si quis aures illius faucibus admouerit, diutissimæ eiusmodi audiet, neque enim sanè promiscuus sonus cessat resonare, quòd eò quotidie præcipites bestix aguntur. An ne uero solæ recentes deiectæ exaudiuntur, an etiam ne ex primis quædam, haud equidem scio.

Quemadmodum pinguescunt animalia.

CAP. LII.

**R**Ei pastoritix peritos audio, cum ad pinguitudinem uolunt animalia perducere, cornua eis amputare: ad coitum uero procliuiiores. Hirco cum efficere student, horum nares & mentum odorato unguento perungere, contraq; eisdem medijs caudis limo alligatis, à uehementi coitus appetitione reprimere. Abortum Equa facit, si paulo uehementius fumantis funiculi odorem extinctæ lucernæ senserit. Itemq; ut ne Canes aufugiant, audio hac machinatione ac solertia retineri: eorum caudam primum arundine, quæ butyro sit oblita, dimetiuntur: deinde hanc eis ad lambendum concedunt: eo fit, ut postea tanquam ligati permancant. Vis etiã hæc est Canis, ut cum non latret, qui Mustellæ caudã secum habeat, modò abscessã cauda uiuam dimittat. Aiunt etiã Asinum, si ex eius cauda lapidem appendas, non rudere.

Vbi crebrius abortus fiant. CAP. LIII.

**I**N Austrinis uel regionibus uel tempestatibus partus magis relaxari, atq; a deo excidere, Democritus ait, quàm Septentrionibus. Quod quidem ipsum cur fiat,

fiat,causam affert: Quia uentrem ferentibus corpora Austro laxentur, & dissoluantur; idcirco receptaculo dilatato, & longe lateq; diffuso, & male compacto partus errare, & uagari; eosdemq; calefactos huc & illuc dilabi & diffuere, ac iam locis disclusis & remissis facilius excidere. Contrà si tempestas sit frigida, & Septentriones uenti sint, locorum astrictione foetus contrahi, & comprimi, ut de locis dimoueri ac depelli non queant; nec sane dissolutione & laxitate quasi tempestate quati, præsertim cum ab perturbatione conquiescant & firmissima sede distringantur, & ut facile ad pariendi tempus durare possint.

Quænam facile capiantur à quibusdam,

C A P. L I I I I.

**N**ullo negotio Lupi Asinos comprehendunt, & facile è uita tollunt. Meropibus, Apes; Hirundinibus, Cicadæ sunt faciles captu; à Ceruis serpètes expeditè capiuntur, & interficiuntur; Pardalis cursus celeritate cum alia pleraq; assequitur, tum uero maxime Simias assequitur.

Quemadmodum diuersæ nationes uario modo bestijs utuntur.

C A P. L V.

**H**Aec etiam non à cognitione, scientiaq; animalium abhorrent; Scytæ ligni inopia quæ Dijs immolant, eorundem ossibus succensis coquunt. Apud Phryges, si quis aratorem Bouem occiderit, morte mulctatur, Sagarense quotannis summa aduersus

xx : Miner

Mineruam obseruantia ei celebrant Camelorum certamen : enimvero uelocissimi apud eos procreantur. Saracori Afinis ad ferenda onera nec utuntur : neqꝫ tamen otiosos, sed bellatores habent: & quemadmodum in Equis Græci sedentes, sic Afinis hi bellica pericula excipiunt. Clearchus peripateticus dicit solos de Peloponnēsibus Argiuos certis quibusdā diebus, quos illi sacros agunt, serpentem non interimere. Sin Canis in forum ingreditur, eum interficere. In Thessalia uero is qui uxorem ducturus est, pro nuptijs sacrificans, Equum bellatorem inducit frenatum, & omnibus armis instructum : Deinde sacratione facta, Equum uxori habentis ducendum tradit. Iam porrò id quam significationem habet, Thessalis explicandum relinquo. Tenedij olim præstantissimam grauidam uaccam alunt, & cum peperit, tanquam sanè puerperæ inseruiunt : Pullum recentem natum coturnis induti immolant : qui eum securi percussisset, lapidatione facta appetitur, atque ad expiandam occisionem in mare fugit.

De inuidis bestijs.

CAP. LVI.

**T**Riste esse nomen inuidiæ, omniqꝫ dedecore infame, Euripedes inquit : quod etiam in nonnullis animalibus rationis expertibus habitat, penitusqꝫ inhæret. Stello enim, ut Theophrastus ait, simul atque senectutem membranā hybernā exuit, eam uorans consumit, ob inuidiam, ex qua laborat aduersus hominem, quòd suam tuniculam planè scit cōtra comitiales

tiales morbos plurimum ualere. Ceruus item non inscius dextrum suum cornu usui magno hominibus esse, hoc ipsum inuidia flagrans ne tanto bono homines fruantur, in terram occultat. Equa pariter non ignorat se unà cum pullo amoris ueneficia parere. Idcirco simulatq; editus pullus est, id agit, ut carunculam in pulli fronte innatam magnitudine caricæ, colore nigro, nuncupatam hippomanes, uoret. Hi autem qui per præstigias & captiones mulieribus illudere solent, uim aiunt quandam alliciendi ad libidinem, atque amatoriam flammam excitandi habere: eamq; ob rem Equa furens inuidia, non homini has præstigias permittit assequi. Vitulus marinus suum coagulum mortalibus inuidēs, ne eo comitiales morbi sanari possint, deuorat.

Quemadmodum bestie quædam sine morfu mortem inferunt.

CAP. LVII.

**M**Egasthenem audio dicentem, in mari Indico quendam pisciculum nasci, eumq; quoad uiuit, in profundo quidem natantem non apparere, mortuum uero ad summam aquam existere, & fluitare: qui eum contigerit, animi defectionibus primum tentari, deinde obire mortē. In libro de Theriaca Apollodorus ait, eum qui Chersydrum cõculcauerit, etiam si morsus non fuerit, mortem cum uita commutare: quod eius tactus quiddam omnino tabificum habere dicatur: tum ei qui curare & quoquo modo remedium afferre moriētī tentauerit, ex sola eius, qui con-

xx 3 culca

culcauit, tactione pustulas ipsi exoriri. Aristoxenus quodam loco dicit, uirum qui Serpentem quandam interfecisset, nullo morſu ab ea affectum, ex ſolo tactu uitam amiſiſſe: illiusq; ueſtē, quam eo tempore cum Serpentem interimebat, geſtaret, non ita multo poſt putruiſſe. Nicander Amphisbenæ pellem inquit, bacillo circuncictam omnes ſerpentes pellere,

Quædam beſtiæ poſtquam attigerunt uenenatum  
quippiam, acerbiores ſunt ad plagas.

CAP. LVIII.

**N**ON eam uim ad plagas & morſus ſemper habēt animalia, ſed ſæpe propter cauſas quaſdam morſus acerbitas intenditur. nam guſtata Serpente Veſpa, longe morſu infeſtior eſt. Muſca item, cum eius di quippiam attigerit, acrior morſus habet, & dolorem maiorem facit. Aſpidis morſus ſi Ranam comederit, inſanabilis omnino fit. Canis ſi incolumis morſu morderit, uulnus quidem infert & dolorem, non tamen peſtiferum inurit: ſi rabioſus plagam inflixerit, perniciem molitur. Primo enim aquę metū inijcit, deinde ingraueſcente rabie in dolorem exardescit, & latrat, denique moritur. Cum autem ueſtem quam rabidus Canis laceraret ſarcinatrix mordicus, ut eam ſarciret, tenuiſſet, in rabiem acta perit. Ieiuni hominis morſus acerbior eſt, atque ad ſanandum difficilior. Scythæ dicuntur ad toxicum, quo ſagittas obliniunt, humanum ſanguinem admilcere,

Quem

Quemadmodum apud Indos lac dulcescit,

CAP. LIX.

**I**N India, & maxime in Prasiarum regione, liquido melle pluit: quod in herbas, ac palustrium arundinum comas decidens, mirificas pastiones ouillo & bubulo pecori præstat: quod quidem ipsum à pastoribus eò, ubi dulcis plus roris de cælo delapsum est, agitur: & sic illis pastionibus tanquam epulis iucunde accipitur, pastoresq; uicissim prolixo epulo compensat: nam ex pecore suauissimū lac exprimit, neq; sicut Græci faciunt, mel miscere & temperare habent necesse.

Quenam animalia apud quosdam ueneratorem habent.

CAP. LX.

**L**Vpum Delphi colunt: Samij Ouem uenerantur: Lænam Ampraciotæ adorant. Causas autem quamobrem huiusmodi bestias diuini cultus honore prosequantur, non alienum est, explicare. Delphis aurum sacrum furto lectum, direptumq;, & in Parnasso defossū, sicut dicit Polæmon, inuestigauit Lupus Samijs: item aurum furto sublatum Ouis inuenit: Quare Mandrobulus Samius Iunoni Ouem consecrauit. Ampraciotæ Lænam, quòd tyrannum suum lacerasset, & distraxisset, idcirco ut suæ libertatis uindicem, summa religione colunt. Miltiades treis Equas Olympiæ occisas, sepulturæ honore in Seramico affecit. Euagoras Lacon, idemq; Olympionices Equos ad sepulturam magnifice dedit.

xx 4 Quæ

Quæ animalia quibus locis non sint. CAP. LXI.

**B**Oeotixæ terræ solum Talpis caret : iisdem Lebadia non foditur, ac si importentur aliunde, moriuntur : ad eius uicinam Orchomenem permultæ procreantur, & arua subruunt. In Africa nulli sunt neque Apri, neque Cerui. In Ponto neque mollia neque testacea, nisi raro & perpauca gignuntur. Vnicornes aues in Aethiopia, & Sues tricornes : itemq; ouilum pecus à lana quidem inops, ueruntamen pilis Camelorum hirsutum est.

Quemadmodum fœminis mares præstant.

CAP. LXII.

**I**Nrationis expertibus mari prærogatiuum honorem atque præstantiam quandam natura largita est : mas enim Serpens cristam habet : Gallus item formæ excellentia illustratur : Ceruus cornibus præstat : Iuba leo antecellit : Cicadarum mas uoce anteit.

De animalibus mutuo inter se odio flagrantibus.

CAP. LXIII.

**G**Allinaceum ac ignem Leo : Pardalim, Hyena : Stellionem, Scorpius hostiliter odit, Scorpioni Torpedo admota, eum comprimit, Draconem Elephantus perhorrescit, Omne iumentum Mustellam reformidat, Astacus Polypum extimescit. Attagenes & Gallinacci inter se inimici grauiter sunt. Inimicitia intercedunt Cornici cum Circo, Mutuo uterq; in alterum odio pelagius Accipiter & Coruus flagrant. Cum Turture Coruus & Circus insitas inimicitias gerunt



gerunt: & Turtur uicissim hostili odio ab utroque dissidet. Ciconia non modò magno Vespertilionis odio tenetur, sed hæc etiã illius. Pelecanes de Coturnicis exitio acerbe & crudeliter cogitat: rursus Coturnix ab ea uehementer dissentit. Inimica inter se Testudo & Perdix, Ciconia, crex. Harpa, Herodius, Galerita: cum Lygurino dissidet Turtur: cum Ignaria, Miluus & Coruus hostes sunt. Sirenes Apes dissident cum Circa. Itemq; Circa & Circus non solum genere, sed & natura inter se diuersi sunt.

De amicitia & inimicitia diuersorum animalium.

CAP. LXIIII.

**I**D summam mihi turpitudinem habere uidetur, quòd non inter se homines amant, cum expertia rationis animalia amicitiam inter se faciant, & redineãt: neq; modò ea quæ sunt eiusdem speciei, uerum etiam inter se nihil genere attingentiã. Cum enim Capris Oues amicitia coniunctæ sunt: Cum Turture amicitia Columbarum intercedit: Palumbes item & Perdices bene inter se sentiunt: Alcedo & Carulus mutuo inter se amore tenentur: Cornix & Ardeola mutuam inter se amicitiam colunt: Gavia cum Monedula amoris coniunctionem habet: Cum Harpa Miluus amicitiam seruat. Contrà, Cornices & Noctuæ inexpiabili bello dissident: hostes sunt Miluus & Coruus: itemq; Ignaria & Turtur: ac rursus Luteus cum Turture dissidet: Vultures & Aquilæ, Cygni & Dracones hostes inter se sunt.

Diuersorū animalū repugnantia, CAP. LXV.

**H**lenæ umbra Canes obmutescere facit. Odorū, & unguentorum suauitas Vulturibus mortem affert. Olori autem cicuta perniciem infert. Quātum uero Camelum Equus reformidet, Cyrum & Crcesum cognouisse aiunt. Theophrastum audio dicentem, Cretam Lupis & Serpentibus infestissimā esse, Macedonicum uero Olympum à Lupis non adiri solere, Capras item Cephalenidas sex mensibus non bibere, Abidenas autem Oues nullas uideri albas, sed nigras omnes ferunt.

Quæ gentes à minutis animalibus deletæ,

CAP. LXVI.

**M**Vicarum multitudo Megarenses sedibus pepulit. Phaselitas Vespæ fugarunt. Scolopendræ exegerunt Rhocienses. Antenor in tractatione Creticarum rerum in Rocciorum urbem ait diuino quodā impulsu Apium, quæ uocarentur Chalcocides, exasmen accessisse, & defixis aculeis molestiam eis exhibuisse: Illos earum impetum non sustinentes solum mutasse.

Quæ animalia sedibus homines expulerunt.

CAP. LXVII.

**D**E patrijs sedibus quosdam Italiæ populos incursio murium agrestium expulit, atq; in fugā compulit. Quod sanè sic segetes & plantas, tanquam summa siccitas, aut teterrimum frigus, aliæue tempestas uastarent, radices succidentes. Autoritates Indi

Ranis

Ranis inchoatis & imperfectis, de caelo lapsis, in aliū lacum demigrare coacti sunt, & quandam nationem Libycam Nomadum, cum alijs rebus felicem, tum lacte abundantem, maximorū Leonum magna multitudo de suis locis depulit.

Ex diversis animalibus serenitatis pronostica & tempestatum, CAP. LXVIII.

**G**Rues ex mari in mediterranea volantes, tempestatis atroces minas intelligenti significāt: eadem silentio & quiete volantes, serenitatem promittunt. Quòd si turbulentè clamant, acerbam tempestatem denunciant. Hoc idem sonans triste Ardea praesignificare existimatur: eademq; ad mare rectà proficiscens, pluuiam portendit. Si noctua pluuiò tempore sit garrula, serenitatem & laetissimos dies praenūciat. Contrà sereno canens tempestatem ostendit. Coruus excitato & uolubili sono crocicans, & alarum plausu se concutiens, tempestates praemonstrat. Rursus si Coruus, Cornix, Graeculus, crepusculo uespertino uocales sint, tempestatis aduentum praedicunt. Mos neduke volantes modò in sublime, modò deorsum uersus, frigus & pluuiam monstrāt. Cum autem aues albæ frequentes conueniunt, multam tempestatem demonstrant. Anates alarum gestu exultantes uehementem uentum praedicunt. Aues ex mari in mediterranea cum impetu volantes, pluuiam testantur. Rubecula auis stabula circumiens, & habitata loca  
yy z lustrans

lustrans, ex aduentu tempeſtatis ſe fugere declarat. Gallinacei, cæteraq; domeſticae aues, alarum percuffione concrepantes, geſtientes, exultantes, ſtrepentes, tempeſtatem nuntiant. Aues lauacione utentes, uenti procellas & turbines ſignificant. Quòd ſi cum eſt tempeſtas aliæ in alias uolent, & ultro citroq; inter ſe commeent, ſerenum tempus pollicentur. In ſtagna & fluuiorum ripas congregantes, tempeſtatem impendere non ignorant. Contrà marinæ & paluſtres in terram proficiſcētes, plurimam tempeſtatem prænuntiant. Terreſtres uero ſi modò ſilentes ſint, ad humidiora loca contendentes, ſerenitatem denunciant. Aegyptij dicunt Orygem caniculæ exortum cognoscere. Libyci confidenter & fortiter aſſerunt, ſuum caprinum pecus ſimiliter eiufdem ſtellæ exortū præſcire: itemq; pluuias præſentire. Nam ut extra caprile proceſſerūt, concitato curſu ad paſtionem accedunt; deinde pabulo expletum ſe in ſtabula domeſtica conuertit, coq; intuens paſcitur, paſtorem, ut ſe feſtinet cogere expectans. Hipparchus tempore Neronis in theatro ſedens, ex caprina pelle quam ferebat, quòd futuram tempeſtatem prænuntiaſſet, tantam Neronis admirationem mouit, ut ille Bithyniæ in cenſibus gratulatus fuerit, quòd Hipparchum ſuum ciuem haberent. Iam ſi proximum eſt ut pluuat, ad dextram Bos coxæ uertebram inclinatur: ſi ſerenum tempus propè futurum eſt, ad ſiniſtram incuruatur. Præterea ſi mugit, & terram olfacit, pluuiam im

uia impendet : si supra quàm confuevit pabulo com-  
pletur, tempestatem futuram ostendit. Oues fodien-  
tes terram pedibus, uidentur tempestatem significare,  
Capræ dormientes, frequētes eadem monstrāt. Mus-  
scæ in aromatis apparētes, pluuiā præsignificāt. Agni  
& Hædi lasciuētes, & inter se saltātes, lætos dies pro-  
mittūt. Muscellæ & Mures stridētes, uehementē præ-  
sagiūt tempestatē. A desertis locis ad habitata refugien-  
tes Lupi, tēpestatis acerbitatē se horrere ostēdūt. Leo-  
nis ad frugifera & fructuosa loca profectio siccitatem  
prænuntiat. Iumenta supra consuetudinem exultan-  
tia, humidiorē tempestatem præsciunt : hanc ean-  
dem si unguulis spargūt, denuntiant. Democritus ait,  
Sues iactatis manipulis insanientes uentum aut im-  
brem imminere significare.

Quenam sint quibusdam animalibus mortifera,

CAP. L X I X.

**V**T symphyto interimitur Aquila, sic Ibis felle  
Hienæ : alij semine, Sturnus : Charadrius, sulfu-  
re : Herinaccus, potamogitone. Iam Circus, Larus,  
Turtur, Merula, & Vulturū natio, & Scopes, mali-  
punci grano pereunt. Amerinæ flore Attricapilla:  
Coruus, erucæ semine : unguento Scarabeus occidi-  
tur : feræ Capræ adeps, Vpupam interficit : ac si  
Cornix incidit in comessæ à Lupo reliquias carnis,  
moritur : Alaudam, synapis semcn, & Gruem hau-  
sta uitis lachryma conficit.

Quæ bestię belli causâ fuerint,

CAP. L X X.

yy 3 Græcis

**G**Ræcis & Troianis belli causam Helena dedit. Da  
 grij uxor, quòd ancillas Atticas, & Ionicas habere  
 desideraret, Persis ad bellū Græcis inferēdū argumē  
 tū dedit, & Tabella causam attulit Græcis longissimī  
 belli gerēdi cū Megarēsis. Magnesios atq; Ephes  
 sios Locusta ad bellū excitauit, atq; inflāmauit. Colū  
 ba Carnos & Illyricos in bellum cōmisit. Thebani in  
 Aegypto de Cane cōtra Romanos pugnasse dicūtur.

De Libycis bestijs scientibus numerare,

CAP. LXXI.

**R**ationis expertia animalia numerorū rationē tes  
 nere Eudemus affirmat : quod quidem ipsum Li  
 bycorum animalium testimonio, quorum nomen nō  
 explicauit, comprobat. Quæ autem dicit hæc sunt,  
 quòd ceperint in undecim partes diuidere, & decem  
 quidem edere, undecimam autem relinquere : cur  
 eam tanquam decumam relinquunt, consideratione  
 dignum est, suo ingenio unum & duo & deinceps res  
 liquos numeros scire. Mirum igitur uideri debet bru  
 ta animalia sua sponte nullo docente numerandi sciēs  
 tiam percipere, hominem autem rationis participem,  
 nisi uehementi cura, assiduo studio, ac nonnunquam  
 ne multa quidem uerberatione numerorum uim, cog  
 nitionemq; comprehendere posse.

FINIS LIBRI XVI. ET VLTIMI  
 DE VI ET NATURA  
 ANIMALIUM.

L I T E R A R V M   A C   H V M A N I  
O F F I C I I   P E R I T I S S I M O

Domino Iacobo Colino Diui

Ambrosij Abbati P<sup>e</sup>s

trus Gyllius

S.



V M è tota Gallia atque Italia Malsi-  
liam concursus fieri intelligerem , ut  
consilia capiant in ea urbe , quæ sic  
olim optimatum consilijs regebatur,  
ut omnes eius instituta laudare faci-  
lius possent , quàm æmulari : Cumq; toto animo &  
studio omneis audirem magis in ornandos istius pa-  
rietes incumbere , quàm in eam curam & cogitatio-  
nem, ut nobilissimæ urbis inflauretur uetus discipli-  
na, quam non solum Græciæ , sed cunctis gentibus  
antiquorum elogia iure anteposuerunt. Tum profes-  
to arbitratus sum me recte facere , si (postea quàm  
historiam de Vi & natura animalium à me tuo hor-  
tatu susceptam , in lucem retulissim) hoc libello,  
quem confecissem, ex ijs quæ de nominibus piscium  
obseruassim, partim in Gallico littore , partim Ligu-  
stico, ubi tuum nomen non minus præclarum, quàm  
mihi aliquando periclitanti salutare inueni, ipsum te  
currentem incitarem , ut quemadmodum optimam  
principis mentem ad tuenda Parisiensis Gymnasij  
recta studia, sua sponte inclinantem, primo impulisti,

yy 4 deinde

deinde aluisti: Sic nunc longo interuallo desertæ Malsiliensium disciplinæ patrociniū susciperes, Regem ad optima quæq; natum admoneres, ut pro dignitate urbis ueterem sedem studiorum reponat, antiquum Musarum domicilium restituat. Quòd si fortè huic meo consilio magis studioso, quàm sapienti, iure respondere possis, iam istuc inter tot nauas, tot piscatores, quibus nihil à musis auersius, non modò literarum studiosos nullum curriculum, sed ne sedem quidem ullam habere posse: non deerit mihi rursus in quo preces apud te exhaustiam: nimirum mihi ut saltem uelis ad renouanda piscium Malsiliensium nomina adiumento esse: eris autem maxime, si interea cum istuc uersaris, unumquencq; ex meis piscibus otiose & considerate animaduertere, atque non solum trutina eorum qui de his scripserunt, quorum egregium conatum semper laudauī, uerum etiam tui grauissimi iudicij æquis ponderibus examinare non graueris, nunquid à piscium Latina germanitate interpretandi nomina aberrarim ut me incertæ cum huc reuerteris admonere possis. Quod quidē ipsum nisi à te acerrime expectarem, nisi metuerem priusquam hunc tibi redditum coram cum re præsentī conferre posses, non ipsum tantopere properassem ad te præcipitare, ac potius diutius compressissem, quoad Oceani Gallica littora, & Hispanica perscrutatus, huic & reliquæ tractationi de bestiarum nominibus terrenarum, & uolatilium, maturitatem quandam afferre



afferre possem ac nimirum iam ut & tecum & cum  
 alijs plerisque doctis, qui erunt in isto conuentu, hanc  
 totam rem conferrem, istuc reuertissem, si modo sus-  
 picari possem pisces tam pontificis studiosos, quàm  
 Gallos esse: eisdemque tanta frequentia istuc undique  
 concurrere. O si id usu eueniret me audum specta-  
 torem, qui nimirum possem tanto compendio intue-  
 ri Tritones, Nereidas, Echineidas, cæterosque  
 pisces, quos omnes ut uiderem, facile om-  
 nia littora obirem. At enim dubis  
 to suspitiosam piscium natio-  
 nem à tot obuallatis ho-  
 minum gulis pu-  
 blico confi-  
 lio in  
 altum bene  
 penitus recessu-  
 ram esse. Bene Vale.

# PETRI GYLLII

LIBER SVMMARIVS DE GAL  
LICIS ET LATINIS NOMI  
NIBVS PISCIVM MAS  
SILIENSIVM.

De Serris beluis, CAP. I.



**SERRAS**, beluas marinas, cute aspera tectas, uidi ex eo nomen trahentes, quòd serræ speciem similitudinèq; quandam gerant. Nam ex fronte os unum eminet, longum, planum, resctum tanquam ensis, in modum serræ dentatum.

De Cucumere pisce, CAP. II.

**CUCUMIS** piscis à Plinio dicitur, colore & odore Cucumeri similis. Sed is magis similis est ei, què uulgo Peponem uocamus: nisi arbitremur Plinium peruulgatū Melonem Cucumerem appellare: quod ipsum simile uero uidetur legenti ea quæ idem scribit de Cucumeribus.

De Equis beluis, CAP. III.

**N**AUTA rei piscatorię bene peritus, & cætera quàm bonus, & à mendacijs alienus, mihi religiose asseruit, se beluam uidisse marinã, cuius non modò caput, sicut Plinius ait, sed etiam pedes Equi speciem similitudinèq; gererent.

De Phytitere, CAP. IIII.  
Phyfi

**P**hyfiterem existimo esse, quem uulgo uocant Calderonē, quod hunc ex omnibus beluis maximā diluuiem aquarū eructare dicunt. Hunc quidem arbitrantur esse quem Malsilienses uocant Mulassum. Equidem ipse cum hunc Mulassum non uiderim, ius dicare non audeo Phyfiterem esse.

De Rota.

CAP. V.

**R**ota cetaceus piscis, à similitudine rotarum appellatus, quem Malsilienses Molam ex eo uocant, quòd Molæ similis sit. Neq; tamen, ut Plinius putat, quaternis distinguitur radijs.

De Balena.

CAP. VI.

**E**go Capitoleum arbitror Balenam ex eo potius quàm Orcā esse, quòd Græci etiam nunc uocant *καταδελφω*, quam uulgo appellamus Capitoleū; & quòd etiā in Capitoleo, & non in ea, quæ nunc alicubi Balena uocatur, fistula in fronte spectetur. Itaque cum Orca in nullis scriptis (quod iam mihi ueniat in mentem) tradatur habere fistulam in fronte, mihi tam diu apud nonnullas regiones Italix peruulgata Balena uidebitur, quoad totam rem melius inquisiero.

De Delphinis.

CAP. VII.

**C**um Delphini Simones appellātur, nomen agnoscunt, & sic appellari mirifice gaudent. Quod quidem ipsum non esse fabulam expertus sum, cum ad Antipolim urbem Prouinciæ Narbonensis nauis garem, & Delphinum uel longinquo interuallo con-

tenta uoce Simonem appellarem, confestim ad me propè accessit, ut manibus attingere potuiffem. Non parum miror Aristotelem, & Plinium, scribentes infra parte supina Delphinos ora habere. Equidē Delphinum cum in manibus haberem, sole clarius uidi non infra parte supina, sed in rostro Thunni modo scissa ora habere.

De Hippocampis.

CAP. VIII.

**H**ippocampus Ligures & Mafsilienses uocāt Casballos marinos, capite & collo equino & rostro oblongo sunt, & sic ab eorum fronte tanquam equorum coma propendet, & eo loco quo equi iubam habent pilis diffluunt, horum cauda draconis speciem similitudinemq̃ gerit.

De Phoca.

CAP. IX.

**P**hocam Latini Vitulum marinum, Mafsilienses uulgo Bouem marinum appellant.

De Attilo Padī.

CAP. X.

**A**tilum, qui Padum accolunt, uocant Attinā, siue Adenam, siue Ladamim. Plinius hunc ait ad octingentas & mille aliquando libras peruenire: is quem uidi ad sexcentas libras accedebat.

De Thriffa.

CAP. XI.

**N**ostræ ætatis Græci hanc uocitāt Phriffam, corruptè: Romani, Lacciam: Mafsilienses, Halaschiam: quidam ex eo Clupeam esse opinantur, quòd Veneti etiam nunc Chiepam appellant.

De Ma

De Marione pisce.

CAP. XII.

**I**N Danubio non modo extrahitur Mario, sed in  
 alijs plerisque fluuijs, quem nunc parua immutatio-  
 ne Moronem uulgò appellant.

De Thunnis &amp; Pelamidibus.

CAP. XIII.

**P**iscatores Ligures, & Mafsilienses, aperte mihi  
 ostenderunt, ex Pelamidibus nunquã fieri Thun-  
 nos, sicut Aristoteles, & Plinius opinantur. Quarum  
 rationes rejicio in aliud tempus, cum mihi maius  
 otium erit.

De Scombris.

CAP. XIII.

**S**combrum arbitror esse ex genere Lacertorum.  
 Ligures & Neapolitani uocant Lacertum; Mafsili-  
 enses Auriolum; Parisienses Macareum.

De Colia.

CAP. XV.

**C**olias, siue Parianus, siue Saxitanus ex Plinio La-  
 certorum minimus est: etiam hac ætate à Græcis  
 Colios corruptè uocatur: ab ijs qui Niceam incolunt,  
 Coguiol corruptè, quasi Colias appellatur.

De Pompilo.

CAP. XVI.

**M**afsilienses piscatores non hunc ignorantes cor-  
 rupte Pampalum uocant.

De Turdis &amp; Merulis.

CAP. XVII.

**T**urdum & Merulam Mafsilienses promiscuè Ro-  
 quaudos uocitant: Hispani & Sardi adhuc utris-  
 usque nomen latinum retinent.

De Sardinis.

CAP. XVIII.

ZZ 3 Sardinæ

**S**ardinæ, quas Trichidas arbitror à Græcis nuncupatas, à minutis ossiculis pili subtilitatem æquantibus, antiquum nomen retinent in Prouincia Narbonensi. Leonides dicit rei marinæ peritos betarum folijs facile capere, huiusmodi enim olere & mirifice delectantur, & facile comprehenduntur.

De Afilo.

C A P. XIX.

**A**Silus uexator piscium Scorpij speciem similitudinemque gerit, is quem uidi albus erat, & ad piscem Pagrum inhærescebat. Piscatores affirmant maximos pisceis cōficere posse. Ligures uocāt Prusam.

De Rubellione & Pagro.

C A P. XX.

**I**Nter Rubellionem & Pagrum tanta est similitudo, ut eadem magnitudine inter se collati, non ab imperitis internoscantur, ut Ligures Rubelliones etiam Pagros imperitè uocent: & tota prouincia Narbonensis atque Hispania Pagellos, quòd Pagri longe maiores euadunt. Sed à piscatoribus facile distinguuntur, nam Pagrus capite est rotondiori, Rubellio longior: tum hic tenuiori est habitu, & cauda longiore: ille crassiori & cauda breuiore. Huius extrema pars magis attenuatur, illius multum larga & crassa: Pagri pinnæ in imam uentris partem inflexæ, Rubellionis uero magis in dorsum eminent. Rubelliones Græci memoriæ nostræ uocant Lethrinos corruptè, quasi Erythrinos. Massilienses rectè Pagrū, & Græci Phagrum adhuc uulgò nominant.

De Chana.

C A P. XXI.

Chana

**C**Hana, Fuca, Perca similes sunt : Græci etiam hac Cætate, & Veneti uocant Chanen : piscis pelagius est, spinas in dorso robustas & acutas habet, eius labrum inferius & rubet & eminent, exiguus est dentibus & acutis, itemq; aculeatis branchijs. Ad stagnum uulgò Martegam nuncupatum, quosdam pisces etiã nunc Chanadelas nominari auditione accepi. Quod quidem ipsum commemoro, ut harum rerum studiosos admoneam, si quando iter illac faciant animaduertant, an ne recte uulgò appellentur.

De Chromi,

CAP. XXII,

**C**Hromis, Pagrus, Rubellio, Hepatus, Orphus, Anthias, Dentex, Synagris, similes sunt, is lapides in capite habet, Ligures, etsi corruptè, tamen non longe à nominis gentilitate Chro etiam nunc uocant, falsò Veneti Coruum.

De Coracino, siue Cornulo,

CAP. XXIII.

**C**Um piscem, quem Malsilienses uocant Castaneum, à colore castanæ, piscatori cui piam ostendissem, dixit in Corsica, unde ille ortus esset, uocari Cornulum. Cum Neapolitano etiam piscatori demonstrassem, statim respondit, Coracinum Neapoli uulgò nominari, à quorum probando tandiu iudicio me sustinebo, quoad uidero magis similem Coracinum, quem Speusippus, in libro Similium, Melanuri dicit similitudinem gerere.

De Melanuro,

CAP. XXIIII,

ZZ 4 Melan

**M**elanurum, qui etiam Ophtalmia appellatur, Mafsilienfes Olhadam, hoc est oculatam corruptè: Niceani corruptius Ibladam uocant; Siculi Ochiadam. Plinius unum eundemq; pifcem, tanquam diuerfos commemorat: fed hoc idem feptius facit, quòd infinitæ lectionis ftudiofior, quàm cupidior experiendarum rerum fuerit: ex quo factum eft, ut sæpe cõfulam nobis de pifcibus reliquerit hiftoriam.

De Umbra.

CAP. XXV.

**U**mbra nondum apud multas nationes nomen amisit, Græci etiam nunc Scion nuncupant.

De Orpho.

CAP. XXVI.

**O**rphum Theodorus aufus eft conuertere Cernuam, Siculos fecutus, Cernham uulgò appellantes. Mafsilienfes Ernham corruptè: Græci etiam nunc Orphum appellant.

De Congro.

CAP. XXVII

**C**ongrus nomen retinet: foli Mafsilienfes non Malsilice, fed planè barbarè Phialafum appellant.

De Perca.

CAP. XXVIII.

**P**erca & marina eft, & fluuiatilis: marina inter faxatiles numeratur: Latinum nomen etiam nunc retinet: eft branchijs quaternis, duplici ordine, ultima excepta.

De Aurata.

CAP. XXIX.

**A**urata fuo antiquo nomine adhuc appellatur, ac fi amiffet, facile tamen ex aureis fupercilijs recogno



recognosceretur, quam Græci Chryfophrin in hanc ætatem appellant.

De Mugilibus & Capitonibus. CAP. XXX.

**M**Vgiles etiam nunc à Gallis appellantur: Veneti omne Mugilum genus Cephalos uocant: Capitones Mafsilienfes Calugos: in finu Adriatico Capitellos, siue Capistellos à capitis magnitudine. Myzones, siue Myxones Mugilum genus etiam hac ætate Græci Myxones appellant: qui Niceam accersunt Maffonos nuncupant.

De Sphyrena. CAP. XXXI.

**S**phyrenam Pollux Ceftram, Plinius Sudem appellat: Theodorus audax in nouandis nominibus, rem ipsam magis quàm Latini sermonis consuetudinem secutus, Malleum conuertit. Hac etiam ætate Græci uocant Sphyrenam: Mafsilienfes idcirco piscem ludæum, quòd capitis tempora tanquam cornicula emineant, more ludæorum, qui sic olim Mafsiliæ induebantur.

De Trutta. CAP. XXXII.

**P**iscis quem uulgò Truttam appellamus, sine dubitatione is est, qui ab Ausonio in Mosella Salar his uersibus uocatur:

Purpureisq; Salar stellatus tergora guttis.

Et infra:

Qui necdum Salmo, nec iam Salar ambiguusq;

Truttarum duplex est genus, alterū guttis nigris, alterum purpureis maculosum. Truttæ quæ macu-

A a      lis pur

lis purpurefcunt, meliores exiftimantur. Iam porrò quas Aclianus & Ambroſius Truttas appellant, marinæ ſunt, & Amiæ ab alijs ſcriptoribus nuncupantur, ut ei planè liquebit, qui apud Aclianum purpnam Truttarum cum Delphino eandem eſſe ani maduertet, quam Oppianus Amiarum cum Delphino pulcherrime uerſibus explicat.

De Cyprino ſive Carpone. CAP. XXXIII.

CYprinus, etſi Plinius & Oppianus cum mariſnum facere uidentur, tamen Ariſtoteles, quem ſequor, fluuiatilem facit, quarto de hiſtoria, cum ait: Aquatilium tamen generi, quos piſces uocamus, data quidem eſt lingua, ſed imperfecta, incertaq;: oſſea enim, nec abſoluta: ſed palatum nonnullis carnoſum pro lingua eſt, ut inter fluuiatiles Cyprino, niſi diligenter inſpexeris, lingua id eſſe uideatur. Si- militer Dorion lacuſtrem & fluuiatilem facit, cum Cyprianum nominans: etiam Græci nonnulli hac ætate Cyprinum appellant: utraq; Gallia & Germania corruptè Carponem nuncupant.

De Accipenſere. CAP. XXXIII.

OVidius dicit Elopem eſſe Italicis littoribus incognitum, ex quo Plinio uidentur falli ij, qui eundem Accipenſerem exiſtimauerunt. Columella & Aclianus Elopen dicunt non niſi Pamphilio profundo capi. Theodorus ſecutus Appionem, & Plutarchum, Elopen conuertit Accipenſerem: quod ipſum ſi rectè

si recte fecit, miror Aristotelem (qui Elopen uidisse conijcitur ex secundo libro de historia, cum scribit, branchias quaternas utrinque eum simplices, atque etiam fel propinquum iecori habere) omisisse scribere, squammas huic ad os uersas, rem commemoratione dignam, inesse. Arhestratus autem inquit, non Elopen, sed Galeon à Græcis Accipenserem appellari.

De Lupo. CAP. XXXV.

**L**Vporum duo genera ex Collumella, alterum sine macula, alterum uarium: ex quo etiam hac ætate Veneti Vairolum quasi uarium corruptè appellant: littus Ligusticū & Gallicum uocat Lupum. Græci nondum cessant recte appellare Labraca.

De Asello. CAP. XXXVI.

**A**Sellus piscis etiam nunc ab Italis Asinus, à Galis Merlus appellatur: duos in capite lapillos molari figura, & cor in uentre habet. Varro ab Asinino colore sic nuncupari ait. Eius duplex est genus, alterum Callarias minor, quod & Gallarias, & Galeridas uocatur: alterum Bacchus maior, is non nisi in alto capitur. Dionon maiorem uocat Onon, & Gadum, minorem uero Oniskon, Græcus quispiā nauta Mafsilæ mihi dixit, etiam nunc Gallariam in Græcia appellari: sed mihi non potuit piscem, cum tamen summe ab eo contenderem, repræsentare,

De Melanderinis, CAP. XXXVII.  
A a 1 Pisces

**P**isces Sargis aut Melanuris similes, excepto rostro, quod acutius est, paruis dentibus non serratis, sed hominis similibus, optimi cibi, ex Istria Venetias afferuntur, Picij uulgò nuncupati: eos esse arbitror, quos Speusippus Melanderinos appellat, & Melanuro similes esse dicit.

De Mullo, CAP. XXXVIII.

**M**ullus à colore mulleorum calceorum, quibus purpurei coloris primo reges Albani, post Patricij usi sunt: is marinus piscis, cum ab alijs, tum maxime à Cicerone Barbatulus uocitatus, nobilitatem habet: Gemina enim barba eius inferius labrum ornatur. Græci etiam nunc recte, seruato nomine antiquo, Triglam: Ligures, & Malsilienses corruptè Trigam, quasi Triglam, corruptius: qui Niceam à Malsiliensibus conditam incolunt, Strilham appellant.

De Sargis, CAP. XXXIX.

**I**cetus Melanuro Sargum dicit esse similem, non idum suum nomen neque apud Græcos, neque Malsilienses amisit.

De Garo, CAP. XL.

**G**arum ex intestinis piscium, præcipuè Scombrorum, sale exesit fiebat: ex Garo pisce, ex quo primum conficiebatur, sic nuncupatū. Nostræ ætatis Græci pisciculos salfos uulgò Garos uocant.

De Oataricho, CAP. XLI.

Oataricha

**O**Ataricha ex ouis piscium falsis conficiuntur; Vulgò Itali Cauiaria uocant. Græci nostræ ætatis corruptè Botaricha nominant; quæ quidem ipsa inter lautissimos cibos numerantur.

De Fabro.

CAP. XLII.

**Z**eus, siue Faber figura orbiculata, quem Chalæca olim Græci uocabânt, nunc in templis suspendunt & Christopharon ideo arbitror appellant, quia olim Zeus Iuppiter nuncuparetur. Romani uocant piscem sancti Petri, siue Situlam, Dalmatæ etiam hac ætate Fabrum; qui, cum ex eis percunctarer, cur sic nominarent, mihi pulchre responderunt, se ideo ita nuncupare, quòd omnia instrumenta fabrilia in ipso reperiantur: quod quidè ipsum statim uerū esse periclitatus sum. Ligures Rotam, Malsilienses Truciam, hoc est porcā, quòd dum capitur eum grunnire testentur. Hispani nuncupant Gallum; & quem admodum olim inter lautissimos pisces, sic nūc apud eos numeratur. Quod autem quibusdam modo uideatur Chalæcis, modò Galeos, modò Columbus, modò Citharus & Situlus, possem amplissime confutare, nisi amarem eos, qui primi conati sunt huic parti lucem aliquam afferre.

De Salpa.

CAP. XLIII.

**S**Alpa ubiq; gentium nomen suum retinet, ad pedis magnitudinem accedit, luteis quibusdam lineis à capite ad caudam pertinentibus uariatur. Épicharmus dicit dentata parere.

A a 3 De

De Apro.

CAP. XLIII.

**A** Per pelle est aspera & dura : hunc piscem uidi Venetijs in foro diui Marci conditum in opificis cuiusdam officina pendere. Cum Thraci cuiquam ostendissem, Capriseum dixit à suis nuncupari solere: cumq; huius pictam effigiem Siculis piscatoribus ostendissem, porcum esse affirmarunt.

De Rhombo, &amp; Passere, &amp; Solea, &amp; Vittæ.

CAP.

LXV.

**P**asser & Rhombus corporum duntaxat situ differunt: Si enim Rhombum sic in latus componas ut oculi eorum suspiciant, & mentum deorsum uersus spectet, pars supina erit dextra: sed si similiter passerem constituas, supina pars erit leua. Rhombus igitur est Passeri similis, sed amplior. Massilienses, & Ligures Rhombum uocant, Galli superiores Turbo: nostræ ætatis Græci nondum antiquum nomen *ψαλλερα* commutarunt. In multis littoribus Italiæ Passer etiam nunc uulgò appellatur. In Gallia non distinguitur à Solea, quam Plautus & Varro Lingulacam nominant. Græci à bubulæ linguæ similitudine Buglossum appellant, quam hac ætate Romani Soleam uocant: Hispani Lingulacam. Iam porro affines sunt Psetta, Buglossus, Tenia. Ab auis gentis sue colore nomen duxit Passer: quemadmodum enim uolucris Passer, sic parte supina candidus, pro-na terreus est. Tenia quæ nunc ab Hispanis Azedia nuncupatur, Soleæ similis, sed minor ac strictior est.

De

De Myro &amp; Murena, CAP. XLVI.

**M**Yrus non idem est qui Murena, nam hæc quidem uaria & infirmior est: Myrus uero sine maculis, & robustus habetur, colore Laricis arboris. Sexu etiam differunt: hic mas, illa & femina est, & piseis longus, haud longe anguillæ dissimilis. Murenarum alia colore est subnigro, luteis maculis distincto: alia albo, nigris maculis distincto, oris rictu non aliter quàm Anseres largissimo: ijs foraminibus, quibus Lampetra prædita est, caret: nullasq; habet neque branchias, neque pinnas: integra flexuoso corporis impulsu natat: in arido similiter etiam atq; Serpentes serpit: dentibus maleficam non modò legi, sed etiam expertus sum, eum Malsiliæ illius naturam perferutans, temere lubricum rostrum expissem, non sine magno dolore uulnus accepi: ubiq; gentium in hunc diem Murena nuncupatur.

De Raia &amp; Leuiria &amp; Asteria. CAP. XLVII.

**R**AIAM piscem planum & cartilagineum, etiam nostræ ætatis Græci Batin, & Baton ex eo appellant, quòd huius cauda aculeis quibusdam rubi similibus horrescat. Leuiria à Græcis Liobatos nūcupata, à leui cute: maior est quàm Raia: piscatores uocant Bubosam, siue Mucosam, à luto & mucore, quo eius pellis sordida spectatur. Batis Asterias à maculis quas habet in dorso minor est quàm Raia, cute leui. Malsilienses à stellis, hoc est maculis, uocant Miralium, id est, Speculum paruum: eam uero quæ spi-

nas habet, Cauclatam duro nomine appellant.

De Pastinaca,

CAP. XLVIII.

**P**astinaca piscis planus cartilagineus, radium digiti, interdum semipedis longitudine, ad similitudinem ferræ dentatum, dentibus reflexis, in cauda habet: quo nihil usquam pestilentius mare generat. Ligures uocant Ferrasam: Mafsilienses Glorinum: Siculi Bastonacam corruptè, quasi Pastinacam, detracto radio in littore Ligustico ac Gallico comeditur.

De Squatina, & Squatraia,

CAP. XLIX.

**S**quatina piscis planus & cartilagineus, non tanta amplitudine quanta Raia dilatatur, sed & contractior est, & ut Ranæ palustri eius os ex rostro eminet; non autem infra parte supina, ut maxima pars cartilagineorum, habet: itemq; eiusdem fel in iecore situm est, perindeq; ut Ranam marinam pinnas in lateribus possidet: cute tantopere aspera & dura est, ut ea ligna & ebora poliantur: cauda item longa in mucronem procedit: simul & similiter ut Polypus colorem mutat: nostræ ætatis Græci & Rhinam & Rhinobaton uocant. Rhinam ut Latini utrumq; Squainam, siue Squadram, hoc est, Squatinam: Mafsilienses piscem Angelum appellant, quòd tanquam alas picti Angeli, sic hæc pinnas habet.

De Torpedine.

CAP. L.

**T**orpedinis piscis plani & cartilaginei torporem mex manus tactione periclitatus lum: sed haudquaquam mihi manus tantopere obtorpuit, quàm scriptores



scriptores decantant. Torpor non modò letalis non est, sed non ita multo post euanescit. Venetijs, Ianuæ, Mafsiliæ, ac ubique puto gentium comeditur. Mafsilienses Turpilliam corrupte uocant: Ligures, Tremorizam.

De Boue, CAP. LI.

**B**Os, quem Plinius inter planos & Cartilagineos commemorat, ad trecentas aliquando libras accedit. Dalmatæ etiam nostra ætate Bouem uocant. Alius Bos est, inter cetarios numeratus ab Aristotele, quem, etsi nullis est uiribus, tamen cum terroribus homines in periculum adducere, Aelianus, & Oppianus tradunt.

De Aquila. CAP. LII.

**A**quilam piscem planum & Cartilagineum Neapolitani etiam hac ætate uocant Aquilam, similesq; Pastinacæ esse dicunt, strictiori tamen corpore esse, & pinnis longioribus, & acutioribus: capite prominentiore, atq; ad trecentas sæpe libras accedere: sed nihil affirmo cum solam ex piscatore Neapolitano auditionem acceperim.

De Rana marina, CAP. LIII.

**R**Ana marina, piscis planus, & cartilagineus est: is, quem uidi ad portum Sabatorum, duos pilos in uertice habebat, longitudine duorum pedum: & hi quidem, tanquam frumentorum summi calami spicam, sic caudam gerebant: ex his pilis Propilatis id nomen duxit, ut Piscatrix appelletur: nam in lus

B b tum

tum abiecta, sicut lineam piscator, sic hos ante ora sua præterdit, eosdemq; cum pisceis comprehendere vult, sensim ad os adducit oris rictu tum immenso est, tum capite ingenti ut mediani corporis partem huius magnitudo occupet: os in rostro est, non infra in parte supina: inferius tamen labrum adeo eminent, & superius contrahitur, ut os in coelum spectare videatur. Neque modò dentium series solitis locis, verum in medio etiam palato permultas habet. Eius oculi similiter supra caput ut Squatarum siti sunt, magni & glauci: dorso est duro, & osseo, & nigro: & capite aspero, & durissimo: tota corporis facies Ranæ speciem similitudinemq; gerit: & item pinne duæ in ima parte, & in lateribus alia duæ: tum aliquot pili in dorso insunt, sed minores quàm ij qui eminent ex capite. Siculi uocant Lamiam; Massilienses Boudroyum, hoc est, Batrachum corruptè: Ligures, Piscem piscatorum; Neapolitani, Piscatricem.

## De Squalo.

CAP. LIIII.

Solus Plinius ex latinis Squalum commemorat: Squammolus est, & Barbi piscis speciem similitudinemq; gerit, exceptis pilis, quibus barbibus ornatur. Lacustris & fluuiatilis est: qui accolunt Adriaticum sinum, etiam hac ætate Squalum, Lugdunenses uero Munium uocant.

## De Mustellis spinacibus.

CAP. LV.

Anthiæ Mustelli à spinis, quibus duobus albis eorum dorsum inhorrescit, nuncupati: cor habent

habent pentagonum : squammis carent : aspera sunt cute : à Mafsiliensibus Agullati nuncupantur, quasi aculcati.

De Centrinis. CAP. LVI.

**C**Entrinæ Mustellorum spinacium speciem similitudinemq̃ gerētes, squāmis carent, & cute sunt aspera, aculeos habent nigros, alterum in capitis uertice, alterum ad caudam.

De Mustellis leuibus & stellatis. CAP. LVII.

**M**ustelli leues & stellares idcirco uocātur, quòd tanquam stellis quibusdam, sic maculis uariantur : à Mafsiliensibus Gatti algarij appellantur.

De Echeneide, siue Remora. CAP. LVIII.

**E**chneis, à Latinis Remora nuncupata, pisciculus semipedali longitudine, & quinque digitorum Crassitudine, anguillæ speciem similitudinemq̃ gerit : nigro colore, acuto ore : hunc non uidi, neq̃ ex quantumlibet infinitis percunctatus sim, quenquam piscatorem reperire potui, qui hunc ipsum hac ætate uiderit.

De Mæna, Smaride, & Boope. CAP. LIX.

**M**æna pisciculus, hyberno tempore candidus, Mæstiuo cærulea uarietate pictus. Ligures Mænulam, Mafsilienses Medolam uocant : neq̃ modo speciei uerum etiam generis nomē esse ex eo conijcio, quòd uarium & multiplex est earum genus : aliæ in utroque latere nigram maculam orbiculatam habent, quas ij qui Adriaticum sinum accolunt, uulgò

Mænas Sclanas appellant: aliæ Leucomenides, hoc est albæ Mænæ, à Græcis Smarides nūcupatæ, quas nostræ ætatis Siculi etiam Smaridas uocant: Mafsi-  
lienses, Gerres: Neapolitani Cerres, per c. quos Theodorus secutus Smarides Cerros uidetur con-  
uertisse, non Gerres: de quibus Martialis, ueluti ui-  
libus piscibus, ita ait: Fuisse Gerres, aut inutiles  
Mænas. Theodorus Mænidas, in Aristotele Mēnas  
& Aleces, & Mænidia, id est, Mænas paruulas Ale-  
culas appellat: ut Alecula nomen generis sit, hoc  
idem latine significans, quod Græcè: ut Hermolaus  
putat, Anthracides, hoc est, pisceis qui succensis car-  
bonibus cōmode coqui possint, cuiusmodi sunt Sma-  
rides & Mænæ. Equidem ipse generatim pisciculos  
ignobiles significari ex Columella arbitror, q̄ Alecu-  
las riuales pisciculos, ignobiles uocauit: atq̄ alios pis-  
ceis sale exesos, Areneos nuncupatos, Thrissis simi-  
les: itemq̄ sunt Mænæ Boopes appellatæ, quas  
Græci adhuc recte Boopas uocant, Ligures, & Maf-  
silienses Bogas corruptè nominant.

De Phycide, siue Fuca.

CAP. LX.

SOLUS Phycis ex marinis piscibus nidum construes-  
tre, atque in eo sub strato parere dicitur: colorem  
mutat, alio anni tempore candida est, uerno uari-  
atur: idcircoq̄ Phycis nuncupatur, quòd ex alga nis-  
dificat, quam Græci phycon uocāt. Diocles & Speu-  
sippus Percam, Chanam, Phycida, similes esse dicūt.  
Memoriæ nostrę Græci recte Phycida uocant. Falsò  
Veneti

Venci quendam piscem Phycum uocant: is enim squammis caret, & paruulæ Palamidis similitudinē gerit: Phycis squamosus est, & saxatilis, trientalis longitudinis. Iam uero Phycida Mafsiliensi piscatori, ex oppido Neapoli oriundo, cum demonstrarem, dixit Neapoli Leprem uocari: ab Hisychio Phycis dicitur etiam appellari Lelepris.

De Hirundine.

CAP. LXI.

**H**irundo, Coccix, similes sunt. Mafsilienses nomine Græci extremas syllabas adhuc ex antiquitate sua retinentes, Lendolas appellant, quasi Chelidonas. Quatuor cubitis extra summam aquam hunc eminentem in Gallico littore maris interni uidi ad iactum lapidis uolare.

De Coccyge, siue Cuculo.

CAP. LXII.

**C**occygem Numenius rubrum esse dicit: Mafsilienses eum Gallinam appellant: Neapolitani etiam nunc antiquitatis retinentes, Cocchum: Siculi Cochum corruptè quasi Coccygem. Hunc piscem cum à uoce, quam Coccygis uolucris similem mittit, nomen traxisse non ignorarem, ex piscatoribus percontatus sum, nunquānam uocem mitteret: Responderunt hunc cum se irretitum sentit, quiddam uocale strepere, nihil præterea se obseruasse. Quod quidem ipsum facile credidi. Quicquid enim habent aurium, in quæstum piscium conferentes, ad piscium uoces obsurduerunt.

De Lucerna.

CAP. LXIII.

E b 3 Miluus

**M**lluus, siue Lucerna piscis rufus, sine squammis, aspera cuticula, pinnis longis; & tam bene latis, ut multum accedant ad Hirundinis piscis pinna: & Græci hodie ob eam similitudinem falso Chelidonem uocent. Accolæ Adriatici sinus, etiam nostra ætate antiqui nominis retinentes, Lucernam appellant: Mafsilienses Belugam: Romani Caponem. Hunc Plinius Lucernam nuncupari ait, quòd huius lingua per os exerta tranquillis noctibus luceat: sed id omnes piscatores negant, & non uero proximum uidetur, ex Aristotelis libro secundo de partibus animalium, atque ex eiusdem Plinij libro nono, cum de Delphinis loquitur, itemq; ex undecimo, ubi ait, pisces linguam explanatam & mobilem non habere. Itaq; si immobilis sit, atque minus explanata, quomodo exerta esse poterit. Fortè potius lucerna appellata fuit, uel quod pinnæ uersicolores noctu fulgorem quædam mittunt, uel quia antiquæ lucernæ speciem similitudinemq; gerit.

De Cornuta.

CAP. LXIIII.

**P**iscatores Mafsilienses mihi narrarunt, se aliquando piscem cæpisse, cuius cauda accederet ad duorum cubitorum longitudinem, largo ore, & duobus cornibus cubiti longitudine fuisse, & ad ducentas libras accessisse, eiusq; nomen ignorasse: equidem ipse ex Plinio arbitrabar Cornutam esse: is enim hunc inter maiores pisces numerat, & cornua ait sesquipedia habere.

De

De Dracone, &amp; Serpente pisce. CAP. LXV.

**Q**UOD Plinius Draconi, Aristoteles Ophi, hoc est Serpenti marinæ attribuit, cum ait libro nono: Serpens marina coloris & corpore Congro proxima est, sed obscurior, atque acrior: hæc si capta dimittatur, foris in harenam rostro quàm primum adactò terebrat subitèq; tota: acutiore ore est, quàm terrestis. Plinius libro xxxij, Draconem à Dracunculo distinguit, huncq; dicit Graculo similem esse, atque in branchijs ad caudam spectantes aculeos habere, cuiusq; ictum uenenatum esse. Hunc Dracunculum Aristoteles & Oppianus uocant Draconem, & similiter Plinius ipse, cum inquit libro xxxij: Draco marinus ad spinæ suæ, qua scriit uenenum, impositus prodest. Ab Ephippo uocatur Dracænis: ipsum arbitror esse, quem Ligures, & Malsilienses, & Plinius ipse alio loco Araneum uocat. Hæc ætate Græci Dracænam: Siculi, & Neapolitani, Traginam appellant, corruptè, quasi Dracenam. Secundum Pastinacam nihil in mari uenenatius: acutissimos in dorso habet aculeos, quos piscatores ab hoc capto statim abscindunt. Magnam admirationem habet, quod multi piscatores mihi testati sunt, eo tempore cum piscium genus amore tenetur se uidisse in uulnere, quod huiusmodi piscis inflixisset, pisciculos illius similes generatos esse. Aculeos in branchijs habet ad caudam spectantes. Iam porrò cum qui ab Aristotele Araneus uocatur, nulli Græci auctores uenenatum esse tradunt:

B b 4 hunc

hunc uero omnes scriptores, atque ætatis nostræ piscatores cum à Pastinaca discesserunt, omnium maris norum uenenatissimum esse asseuerant. Serpentes marinas uidi, quarum color ad Congrum accederet, rostrum longum & tenue esset, Anterior corporis pars sexangula, à uentre ad caudam quadrangula pertineret: ab hac longe diuersus est marinus Draco, quem Aelianus alijs piscibus aut reliquo corpore alsimilem esse, eius caput, & oculorum magnitudinem terreni Draconis speciem similitudinemque gerere, magnos enim esse & uenustos: maxillas similitudinem etiam nonnullam cum terrestribus habere: pellem non procul à terrena tactu abesse: simul & uenenatis aculeis esse, quæ omnia pisci Araneo conuenire uidentur. Sed cum Græci incoluerint Italiam, fieri potuit, ut alicubi Plinij temporibus uocaretur Araneus, alicubi Draco.

De Lolligine, & Lollo, & Sepia. CAP. LXXVI.

**L**olliginem Ligures, atque plerique alij Itali ex eo Calamarij appellunt, uel quòd eius corpus calamarij, quo utimur ad scribendum, speciem similitudinemque gerit: uel quia atramentum habet. A Mafsiensibus etiam nunc antiquitatis suæ retinentibus Taute appellatur, quasi Græcè *ταυτε*, Lollium, qui maior est Lolligine, & pinnas propius accedentes ad extremam caudam habet, Mafsienses quasi Latine nuncupant Lollium: ad Sepiæ quidem similitudinem accedit, sed & longior & strictior est: octo pedibus, ijsque



ijſq; quàm Polypí minoribus nítitur. Sepia, Lolligini ſimilis, quemadmodum Polypus mutat colorem. Cum atramentum mittit, Maſſilienſes exiguæ cuiuſdam uetuftatis retinentes uulgò dicunt eam atramentare.

De Polypo & Ofnylo. CAP. LXVII.

**E**X mollíũ genere Polypus octo pedes habet, ſimplicibus ſingulos acetabulorum ordinibus plenos, quibus attrahit id ad quod adhæſerit, & tam firmiter retinet, ut comprehenſum hominem ad terram abijciat: à Lolligine & Sepia hoc differt, quòd eius alueus & paruus, & crura longa ſunt: ubiq; ferè gentium uulgo Polypus nominatur. Quis non miretur Polyporum uarietatem? nam horum aliũ terram odoris ſceditatẽ habet, aliũ nomine Ofnylus bene olet, & nihil muſcoſius ſenſi: quem hac ætate Græci Moſchitem appellant: Maſſilienſes Muſcum, ex ea odoris ſuauitate, quòd muſcum non leuiter non modò uiuus, uerum mortuus etiã oleat. Is qui eum uel occultiſſimum fert, circumſtantes ſuauiſſime permulceat: in arcis ad imbuendas grato odore ueſtes reponitur: gracilioribus eſt brachijs, quàm cæterorum genus Polyporum. Helidonam genus etiã Polypí noſtræ ætatis Græci Halidonã corruptè nominant.

De Barbo ſauiatili piſce. CAP. LXVIII.

**B**Arbus ex eo nomẽ duxit, quòd ſimiliter ut Mulorum natiõ barbarulus eſt: huius enim inferius  
Cc labrum

labrum geminis pilis utrinque ornatur. Is etsi piscis est  
 haudquaquam in uulgu ignotus, tamen in sermone  
 Latino ignotius esset nihil, nisi Aufonius suo carmine,  
 quod Mosellam inscripsit, illustrasset:

Tuque per obliqui fauces uexate Sarauī,  
 Qua bis terna fremunt scopulosis ostia pilis:  
 Cum defluxisti famæ maioris in amnem  
 Liberior, laxos exerceas Barbe natatus.  
 Tu melior peiore æuo : tibi contigit omni  
 Spirantum ex numero non illaudata senectus.

De Alburnis piscibus fluuiatilibus. CAP. LXIX.

**A**lburnos arbitror esse, quos uulgò Ablos nominamus. Hos ignobiles Aufonius suis uersibus de Mosella inscriptis nobilitauit, cum ait:

Quis non & uirides uolgi solatia Tincas  
 Norit: & Alburnos prædam puerilibus hamis.

De Orcyno. CAP. LXX.

**M**Alsilienses cetaceum quendam piscem uocant  
 Morganam, quem cum uiderim, iudicare non  
 audeo esse Orcynum. Nam Aelianus etiam Orcynum  
 dicit cetaceum esse. Hoc duntaxat dictum uelim,  
 ut diligentiores incitem ad exactiorem inquisitionem.

De Lucio pisce fluuiatili. CAP. LXXI.

**L**ucus stagna, paludes, fluuios incolit. Galli qui  
 Laccolunt Lygerim & Sequanam, Brochetum appellant:  
 prouincia Narbonensis Lucium: neque enim  
 sanè

sanè quampiam dubitationem debet afferre, quòd cum ex Aufonio olim nullo in precio esset, nunc inter lautos fluuiatiles censetur : non enim modo mores, uerum etiam palatum mutauimus. Cui nunc tam parum palatus sapit, ut princeipem locum inter aues Turdo adiudicet? Quis ex nostris non tantum lautus atq; urbanus, sed etiã agrestis, qui post Accipens ferem, ex omnibus piscibus præcipuam autoritatem Afellis, sicut Plinius, daret? Ego potius Pagris, alijsq; non paucis sapientius attribuerem. Quis modò octo millibus nummùm Mullum piscem emat? Equidem nisi insipiens palati insulsitas me fallit, huic non paucos longe anteponebam.

## De Locusta.

## CAP. LXXII.

**L**ocusta, Carabos Græcè appellata, Astæi speciei similitudinemq; gerit; ex pedibus quos utrinque quinque dentatos habet, postremi forcipibus armantur. Valde miror quosdam etiam doctos scripisse ex Aristotele Locustis forcipes deesse, cum non semel Aristoteles aliter doceat: eius dorsum quod ad caput pertinet, aculeis horret, quorum duo ferrea duritate tanquam cornua supra oculos eminent, nec minus duri: alij duo infra oculos ad horum tuitionem eriguntur: simul & inter aculeos, tanquam uuæ ex racemo longa radice nitentes, oculi foras eminent: os habet in parte supina, duobus dentibus buccam implentibus, munitum; in rostro bina flagella bene

longa prætendit, quorum rostro uicina pars spinis horrida est, cætera caret aculeis: huius cauda crusta, ceis obducitur uertebriis uiolaceis, supinæ partes molli pelle uestiuntur. Locustam memoria nostra nominant Mafsilienses, & Ligures. Plinius tradit Elephantum locustarum nigrum genus, pedibus quaternis, bifuleis, brachijs duobus, duplici articulo, & forcipibus dentatis. Neapolitani genus quoddam crustatorum etiam nunc Elephantum uulgò nominant: sed hunc ne, an alium appellent, iudicare non possum, cum piscem non uiderim.

De Astaco.

CAP. LXXIII.

**A**stacus brachia dentata forcipibus habet, nigris maculis distinguitur, dentes huic similiter ut Locustæ, cornua breuiora, tenuiora quàm Locustæ: Græci & qui accolunt Adriaticum sinum etiam hac ætate Astacum uocant. Theodorus in nouandis nominibus audax (secutus non paruam nationem, Cammarum adhuc uulgò nominantem) Cammarum conuertit: Mafsilienses & Leonem & Astacum, ex Plinio diuersos pisces uno eodemque nomine Ligombaudos nominant: forcipibus firmiter Astaci & Leones retinent, quicquid comprehenderunt. Cum enim Mafsilia permultas Boopes, Mænarum genus, & Leones, & Astacos cepissent, nauiculamque, ubi huiusmodi pisces captiui tenebantur, in littus expulsam reliquissent, & Vulpes in eam ipsam ad exedendas Boopes inuasisset, accidit ut hæc in horum forcipes pedem

pedem poneret, ex quo totam noctem retenta, mane à piscatoribus capta fuit.

De Leone marino.

CAP. LXXIIII.

**L**eonem marinum Aelianus scribit locustæ speciem similitudinemque gerere, sed corporis tenuitate, & gracilitate habitus maiori esse, brachiaque habere, tum maxima, tum Cancris similia: cæruleo colore esse, & subnigris maculis distingui. Plerique dum nationes nonnullas etiam nunc Leonem Astacum nominantes sequuntur, arbitratur Leonem esse Astacum, Plinius tamen separatim ab Astaco Leonem tractat: & Athenæus separatius utrunque ab altero distinguit, cum inquit, Astaco Leonem maiorem esse: Masienses Ligombaudum appellant. Oppianus inter marinas beluas Leonem quendam numerat.

De Cicadis marinis.

CAP. LXXV.

**E**st etiam Cicadarum, sicut Aelianus ait, genus marinum, quarum maxima Locustæ parvæ speciem similitudinemque gerit: veruntamen cornua non similiter atque illa magna, nec aculeos habet: huius pinnae terrenarum cicadarum alis similes sunt. Masienses tenuis suæ cuiusdam vetustatis retinentes etiam nunc Cicadas nominant.

De Maijs Cancris.

CAP. LXXVI.

**M**Aijs ex Cancrorum genere maximis cauda desest, atque ex utroque latere quinque pedes tenues ualde eminent, forcipibus carentes, exceptis duobus anterioribus ultimis, qui subtilibus forcipibus detati

C c 3 sunt

sunt : earundemq; os similiter duobus grandibus ut Locustarum dentibus impletur, & tanquam brachiolis quibusdam circummunitur, eiusq; color rubet : corporis figura posterior rotundior, anterior pyramidatior : extremæ partes aculeorum seriæ circumualantur, quorum duo ex fronte tanquam cornua eminent : crura quibusdam spinulis horrent. Malsilienses Squinadas nominant: ijdemq; quorum industria in piscatione versatur, mihi narrarunt, se pettaro piscari solere aliud Cancrorum genus, quorum corpus ut longe minus sit, quàm Maiarum, multo tamē longiores pedes existere : sint ne heraclocotici an equites Cancri, dijudicare non queo, cum solam rudem auditionem acceperim : quod ipsum idcirco adscripsi, ut alios, quibus maius otium est, ad horum inquisitionem incitarem.

## De Squillis.

CAP. LXXVII.

SQUILLAS, Caridas Græci nominant, & nisi forcipe scarerent, Locustarum speciem similitudinemq; gerunt. Harum triplex est genus, Gibbæ, Crangines, & parvæ, quæ ad maiorem magnitudinem nūquam accedunt. Veneti Squillas quasdam uocant paruis Gammaris similes : sed recte nec ne, alijs iudicandum relinquo. Easdem nostræ ætatis Græci etiam nūc Caridas uocant. Athenæus ait, Cammarum quoddam Caridum genus à Romanis nuncupari, idemq; Caridas inquit reliqua corporis parte maius caput habere, Libellus falsò quidem Apicio inscriptus, exiguæ  
tamen

tamen uetustatis retinens, Squillas & Cammaros testa obductos dicit: cum ex Aristotele sint crustacei generis: secutus Diphilum, & Athenæum, qui non tam religiose crustacea à testaceis distinguunt: quin, nisi mendum sit, aliquando Squillas, Astacos, Locustas, Cancros, Leones Ostracodermos uocent, id est, testa circumclusos: cum tamen ex Aristotele sint Malacostraci, hoc est, crusta obtekti. Plinius aliàs Herinaccorum tegmentum uocat crustam, aliàs testam: cum tamen Aristoteles religiose semper Herinaccos inter testaceos numeret.

De Paguris.

CAP. LXXVIII.

**E** Genere Cancrorum Pagurus leui dorso est, in utraque sede uiuit, & in aridum sæpe procedit: huius pedes breuiores quàm Maiarum: quicquid comprehendunt, strictissime constringunt, idemq; oculos modò recondit, modò profert, ut interdum tanquam cornua extra emineant, interdum intra in testam abditi recedant: neque modò in mari, sed in terram eiectus, uel captiuus contra facessentes sibi negotium pugnant: quod quidem ipsum usu percepi. Cum enim Lazarus Baysius, post præclarè obitam antemeridiano tempore legationem, aliquoties me ad littus Adriatici sinus duceret, ut piscium naturas explorarem, cum alia pleracq; periclitabamur, tum puerorum ludicram pugnam cum Paguris forte in sicco repentibus spectabamus: pueros quidem in eorum forcipes festucam inserere: hos uero magno ro-

bore animi hominum multitudinem , qua circumclusi debantur, præclare contemnentes , pertinaciter quicquid arripuissent, retinere: neque uel sæpissime uictos tandiu oblistendi finem facere , quoad omnibus uiribus defecti, tanquam homines pugillatione & lustratione certantes , sirenue decumbebant . Illic ibidem hos Cancros Porros uocant , quasi Paguros; Malsilienses Carabassos.

De Pinnotere, & Cancellis, & Squilla.

C A P. L X X I X.

**M**inorum Cancrorum duplex est genus, utrunque cognitum habemus: alterum rotundum, in Conchis quibusdam uiuus inuenitur, ut in pinnis Concharum maximis, id est Pinnother, siue Carcinion nuncupatur: alterum longum, quod etiam Carcinion, id est cancellus, aut Squilla uocatur, neque in Conchis uiuentibus stabulatur, sed principio ex terra ac limo nascitur: post uero Conchulas uacuas subit. Cancellus Aranei speciem similitudinemque gerit, nisi partem ad pectus subiectam Araneis ampliore habet, & cornicula duo rubra tenuia, sub hæc oculi subditi nunquam ut Cancrorum intro recedunt, sed semper eminent: eius os tanquam capillis quibusdam circummunitur: præterea in cubilibus Spongiarum Aranei similem bestiolam nasci scio, & degere in eodem cubili, modoque aperiendo, modo claudendo pisciculos comprehendere aperit, cum ingredi habet necesse: postea autem est ingressa, claudit & contrahit.

De



**E**chinus orbiculatus è genere testa obductorum est: undiq; aculeis armatur, quibus pro pedibus ad ingressionem utitur: purpureo colore, & cæruleo, aliq; colorum uarietate distinguitur, ut si colores durarent, nullam cum gemmis comparisonem haberent: at enim pisce extincto, colores euanescent: eius oua stellæ speciem similitudinemq; gerentia, etsi amaro, non ingrato tamen sapore sunt. Huius triplex genus est, aliud Spatagus, & Brissus appellatur aliud, quod esculentum est: tertium Echinometra quasi Echinorum matrix. Aristoteles dicit Echinometras cæteros magnitudine calicis superare. Plinius Echinometras spinis longissimis, & calcibus minimis descripsit, quod ipsum mihi uero similis uidetur, cum ab aculeis nomen omnes Echini traxerint, rectius nominantur Echinometræ, qui aculeorum proceritate præstant, quam ob magnitudinẽ calicis, ex hoc genere maximi ut uidimus, minimis aculeis sunt: hos Mafsienses uocant Rascaffos. Huiusmodi uidi, qui quoquouersus palmos dirigeres, plusquã duorum essent palmorum crassitudine: alium etiã inspexi calice exiguo, & aculeis digiti longitudinem superantibus, longitudine aculeorũ præstantes: à Siculis Masculi appellantur. Mafsienses uulgò omnes nominant Ericios, Aristoteles semper Herinaceorũ tegmentũ appellat testam. Plinius aliàs crustam, aliàs testam. Qui Aristotelicam disciplinam

profitentur, non modò Georgio Merulæ, qui inter crustacea Echinum numerauit errati ueniam non dabunt, sed qua sunt obseruandi Aristotelis summa religione, Plinium ipsum de negligentia damnabunt.

De Aquatilibus Cochleis. CAP. LXXXI.

**A**quatiles Cochleas Græci etiam Strōbos appellant. Theodorus ausus est alio nomine Turbinis nominare. Vidi cochleam marinam quæ ad eam magnitudinē accederet, ut tantū uini caperet, quantū piscator exficcare uno prandio posset: Limaces marinas uulgò Mafsilientes nuncupāt: itemq; Cochlon Aristoteles animal testaccum aliud à Limace tradit, quod Theodorus Umbilicum conuertit.

De Pectinibus. CAP. LXXXII.

**P**ectinum genus sanguinis expers, striatum, id est, pectinatim diuisum, à rugis illis, siue imbricaturis ita nuncupatū: huius generis quidam arbitrātur eas esse, quas uulgò appellant Conchas sancti Iacobi: sed aliæ oceani littoribus Gallicis cognitæ habent, Theodorus Ctenas in Aristotele cum nunc Pectines, nunc Pectunculos cōuertit, eosdem facere uidetur: ueruntamen Plinius à Pectūculis Pectines seiunxit, præparuuli Cancrī in Pectinibus nascuntur, quos piscatores simul cum eis, quorū testas incolūt, nasci assueuerant.

De Vnguibus, siue Digitis. CAP. LXXXIII.

**V**ngues seu Digi è genere testa obductorū, nostræ ætatis Græci, antiquo nomine seruato, etiā nunc Solenas appellant. Qui accolunt Adriaticum sinum,

sinum, Cappas longas nominant. Ex eo digiti appellan-  
 lantur, quòd speciem similitudinemq; humani digiti  
 gerant. Ungues item uocantur, quòd eorum testa un-  
 guibus similis sit. Hic piscis binis conclusa ualuulis  
 utroq; lateri connexis, manubrij, quod ex cornu ap-  
 ponitur gladijs, speciem & similitudinē habet. Apuli  
 ideo uulgò Imbrices appellat, quia quodāmodo im-  
 bricibus horum testæ similes uidentur. Græce etiam  
 Auli, & Donaces nominantur.

De Mytulis, & Musculis. CAP. LXXXVIII.

**M**YEs à Theodoro uertuntur Mytuli, sed quàm  
 rectè, iudicare nondum audeo. Plautus tamen  
 Myes in Rudēte Musculos uidetur appellare: & Cor-  
 nelius Celsus inter ea quæ aluū mouēt, salfamēta pos-  
 nit Ostrea, Pelorides, Echinos, Musculos, & omnes  
 ferè Conchulas. Equidē cum Græcis hominibus eos  
 quos uulgò Veneti uocant Musculos, & Cuniculos  
 ostenderem, dixerunt esse Mydia, hoc est, Musculos.  
 Athenæus tradit sua ætate Tellinas à Romanis My-  
 tulos nominatos fuisse.

De Nerite. CAP. LXXXV.

**A**ELIANUS dicit Cochleam marinam magnitudine  
 exigua, formæ pulchritudine eximia, eò maris  
 ubi sordium uacuitas sit, & tranquillitas uigeat, in sa-  
 xis ad imam maris sedem adhærescētibus, nasci, quæ  
 Nerite nominetur. Theodorus Natricem cōuertit,  
 Turbinati generis est, leui testa, ampla, & rotunda.  
 Qui accolunt sinum Adriaticum etiam nunc Neris

tem appellant. Hispani uocant Caragolum.

De Balanis.

CAP.

LXXXVI.

**G**enus Concharū est quod Græci nostræ ætatis, adhuc antiqui nominis retinentes, Balanos uulgò nomināt. Plautus & Columella etiā Balanos à glandiū similitudine, sunt enim leues, ut uidimus : in cauernis saxorū stabulātur. Veneti non rectè Dactylos appellant, Huiusmodi Conchā, cū piscatoribus Malsiliēsis nulla descriptione representare potuerim, ipsius nomen Malsilicum non potui adscribere.

De Tellinis.

CAP.

LXXXVII.

**A**thençus dicit Romanos sua ætate Tellinam nominasse Mytulum. Marcellus, Dioscoridis interpretēs, Tellinas opinatur conchulas esse, quas memoria nostra Tellinas Romani uocant, Sed Aristophanes grammaticus Tellinas dicit patellis similes esse, eisdemq; pueros pro cornibus uti solitos fuisse: à quibus longe diuersæ sole clarius uidentur eæ, quæ uulgò Tellinæ nuncupantur.

De Patellis.

CAP.

LXXXVIII.

**P**atellæ, quas Græci Lepadas, etiā hac ætate nominant, Ligures & Malsilienses Patellas uocāt: una Concha clauduntur, earumq; altera pars à testa inops, ad saxa sic adhærescit, ut alieno tegumento se circumcludentes, bivaluæ esse uideantur, aliæ ex alijs nexæ sæpe capiuntur, easq; permultas inter se nexas tanquam examen Apium uidi.

De Purpura,

CAP.

LXXXIX.

Purpu

**P**urpuram Græci hac ætate etiam Porphyram appellant: Concha est è genere Turbinatorū, clauiculatim intorta, aculeos certis ordinibus dispositos, corpus gradatim Cochleæ in modum ambientes habet. Purpuram diu multumq; consideravi, cum aliam Concham tandiu mordicus premeret, quoad suffocata hisceret. Conficiendi purpurei coloris rationem nostri homines ignorare putantur. Olim purpurarum testas confringebant, & carnes ad tincturam condiebant, & aqua dilutas, & sordibus expurgatas, succensis ignibus in lebetæ coquebāt, harum sanguis ab igne incallescens, fluebat, & efflorescebat, partimq; flauescebat, partim Cyaneo colore sicbat, partim in alium colorem conuertebatur, ac nimirum quicquid imponeretur, commutabatur in illius colorem. Purpuræ tinctura in sole uersari gaudet, à sole enim radiata illuminatur & magis enitescit. Malsilienses hæc, & Murices, & Buccinos uocant Bios.

De Murice, & Buccino.

C A P. X C.

**C**eryx à Plinio Latine Murex, & Buccinum appellatur: Concha est clauiculatim intorta, & turbinata, scabra, sine aculeis, magnitudine purpuris inferior, Buccino turbinato, quo sonus editur, similis, excepto ore rotundo in margine inciso. Ergo eadem erit Buccini descriptio: nam est è genere turbinatorum Concha, sine aculeis, Buccino Concharum generi quo sonus editur similis, nisi rotundo ore differret, in margine inciso; Buccinum enim quo sonus editur,

D d 3 non

non est incisum. Ligures Buccinos nunc uulgò Cor-  
netos nomināt : Mafsilienses Bios Cornetos : Græci  
quidam hac ætate Strophilidas : Speusippus dicit  
similes esse *καρύκας*, & *πυρφόρας* ἢ *σραδαλάς*, siue *ἀσροδαλάς* :  
Dercilus dicit commodos esse ad reddendū sonum.

De Pinna.

CAP. XC I.

**P**inna Conchæ genus, in limosis locis uiuit, excelsa  
sedem nunquam mutat, radice enim nititur, ac si  
ex eo loco quo nititur & erecta manet reuellatur, am-  
plius uiuere non potest : nostræ memoriæ Græci  
etiam nunc Pinnam nominant : Mafsilienses Nas-  
cram : Siculi Lanam Pinnulam : Neapolitani Per-  
nam appellant : Plinius Pinnis haud dissimiles Per-  
nas Concharum generis circa Pontias insulas frequē-  
tissime ait stare, uelut suillo crure longo in harena  
defixas hiantesq;. Cicero Pinnam lib. ij. de natura  
deorum nobilitauit, cum ait : Pinna duabus grandī-  
bus patula Conchis, cum parua Squilla quasi socie-  
tatem coit comparandi cibi : itaque quum pisciculi  
parui in Concham hiantem innatauerint, tum ad-  
monitu Squillæ Pinna morfu comprimit Conchas :  
sic dissimilimis bestiolis cōmuniter cibus quæritur.

De Scolopendra.

CAP. XC II.

**S**colopendra, quam Theodorus uertit Centipes  
dam à pedum multitudine, quos utrinq; permul-  
tos habet, terrenæ Scolopendræ speciem similitudis  
nemq; gerit : sed huius color magis rubet, pedes nus-  
merosiores habet, & graciliores, & magnitudine infer-  
rior

rior est,quàm terrestris : hæc quam uidi ad digiti longi-  
tudinem & crassitudinem accedebat , Græci Scolis  
petras corruptè nominant.

De Vrtica & Spongia. CAP. XCIII.

Plinius Vrticam & Spongiam numerat inter  
*ῥαισφύρα*, hoc est, si quid Theodoro dignum co-  
nari audes, Plantanimalia, quæ nec animalium, nec  
fruticum, sed temperatam ex utroq; naturam habent.  
Vrtica tota ex carne constat, nulla clauditur testa;  
cam Græci hac ætate uulgò uocant Colizanam, quòd  
pedunculis suis firmiter Polyporum more adhare-  
scit : ac similiter ut terrenæ urticæ eius tactio dolo-  
rem inurit. Ligures, & Malsilienses nondum cessant  
recte Vrticam appellare. Si Plinius Vrticam cogni-  
tam habuisset, eius pediculos potius Cirros, quàm  
frondes dixisset.

De Scyllio canicula. CAP. XCIIII.

Scyllion charitlaginicum è genere Galeorum, non  
in rostro os, sed infra in supina parte dentatum ha-  
bet. Scyllion ab Aristotele nominatur : iam nunc  
Græci Scylloparon nominant : Malsilienses, Palum;  
nonnullæ regiones, Caniculam.

De Ostreis. CAP. XCV.

Ostreum, penultima quidem breui, Concharum  
species: longa uero, genus omnium testaceorum  
est. De uiris non paucis spectatæ fidei accepti Byzanti-  
nos Ostrea ferere, & eorū quasi lac seminare, id ipsum  
enim in aquam abiectum, ad saxa ima adhærere, &

Ostrea fieri.

De Tuberibus, & Callis, CAP. XCVI.

**H**Olothuria, quæ & Tethia uocatur, Theodorus Huertit Tuberæ, & Callos, & Vertibula: & Tuberæ quidem, quòd sic nullis fibris, quemadmodum tubera terrena nitantur: ac Callos, quòd callosa materia tegantur. Iam nunc Græci non græco nomine, sed plusquam barbaro Spherdoclos nuncupant. Ineptius ij, qui accolunt Adriaticum sinum, ex eo Spongiæ nominant, quia cum premuntur, tanquam Spongiæ, sic aquam foraminibus reddunt. Hoc genus piscium Mafsiliæ in uulgus ignotum à paucis cognoscitur: quidam senes, cum huius descriptionem sub eorum oculos subieciffem, & multum inculcassem, nominarunt Vichonos: ueruntamen propter tempestates hos mihi ostendere non potuerunt.

De Pulmonibus marinis, CAP. XCVII.

**P**ulmones marini sua sponte nascuntur, cum nasant Cirros ex imo, more Polypi, emittunt: quòd autem speciem quandam mulieris uulvæ representât, tota idcirco Italia eos turpibus nominibus appellat, ut nulla ratione scriptis honestè mandari queant. Ligures nominant, Capellos marinos: Mafsilienses, Carneos pileos: cum iacent, omaso similes sunt: cum eriguntur, Pulmones uidentur: tanquam uitrum translucent: cum suspensi tenentur, quandam imaginem Polypi gerunt, nisi brachia breuissimæ & crassa habent: Cum autem eos secuiffem, nihil in ea parte quæ



quæ Polypi uentri respondet reperi : ubi uero membratim dissecuisssem , in ijs partibus unde pedes exoriantur, quosdam meatus harenarum plenos uidi. Adeo omnino lucidi, & tanquam uitrei sunt, ut sine sectione interiora omnia uidere possis: ac quanuis fluctibus in littus expulsi, nullo negotio capiuntur, tamen cum non sint esculenti, à prætercuntibus præclare contemnuntur.

## De Stellis marinis. CAP. XCVIII.

**M**arina Stella, non quod similiter ut Stellatus galeos maculis quibusdam tanquam stellis uarietur : sed stellæ pictæ quia speciem similitudinemque gerat, ex eo nomen duxit : ut enim stellam pictores radiatam pingunt , sic hæc quinque pedes, tanquam radios habet. Huius durum callum cum gladij mucrone experiri studerem, uix tandem multa uilioris mediam superficiem potui perfringere : nam radiorum anguli ad silicum duriciem accedunt, & non minus ab ictibus inuictos, quàm ferrum ipsum se præstant. Malsilienses etiam nunc Stellam nominant. Græcia quemadmodum totius linguæ suæ negligens est, sic piscium nominum antiquorum nihil obseruans hunc Scauron appellat.

## De Garcharia pisce. CAP. XCIX.

**C**archariam marinum piscem omnium canicularum robustissimum & maleficientissimum uidi

E c Nicæ

Niceæ, & Mafsiliæ: os in roftro non parte fupina habet, multis dentium ordinibus dentatum. Mafsilienfes fuæ antiquitatis retinentes, propriè Lamiam uulgò nominant. Nam Nicander Colophonius, in *Linguis*, fcribit, Carchariam etiam Lamiam appellari. Magnam admirationem habet id quod mihi Nicenfes teftati funt, fe cum huiufcemodi pifcem ad quatuor millia librarum accedentem cæpiffent, in eiuſdem uentre ſolidum hominem reperiffè. Simile quiddam Mafsilienfes mihi narrarunt, fe aliquando Lamiam comprehendiffè, in eademq; loricatum hominem inueniffè. Huius dentes ab aliorum canum dentibus diuerfi funt: nam aliorum incurui in partem oris internam ſpectant, & teretes funt: Lamiaè uero lati & pyramidati, mucronem enſium, quibus hac ætate utimur, referunt: pretioſi exiſtimantur, & in argento includuntur. Cum unum ad huius naturam diligentius conſiderandam licitarer, alius quiſpiam ad delicias hunc maiore propoſito præmio mihi præripuit.

De Myllo.

CAP. C.

Nicea non procul à Varo amne in Liguftico littore ſita, pifcem uocat Figon, quem noſtræ ætatis Græci Myllocopion appellât, Oppianus, & Plinius inter pifces numerant Myllon, quem Oppiani commentaria eum interpretantur, quem uulgò nominant Græci Myllocopion. Hunc Mafsiliæ uiderere

dere non potui, an sit Iecorinus, an Myllus, an alius, certi nihil habeo. Hoc duntaxat dixi, ut ex mea incertitia alios exacuam ad diligentiolem inquisitionem.

De Mormylo. CAP. CI.

**M**ormylus marinus piscis in dorso peracutos habet aculeos. Oppianus *αἰόλαρ* esse scribit: interpres Pictum ore non satis explicatè conuertit. Ouidius rectè Pictum appellauit: non enim in ore, sed per eius utrunq; latus lineæ nigræ transuersæ à dorso ad uentrem decurrunt: Massilienses, & Ligures Mormurum: alij non modò literati, sed etiam rudes appellant Mormylum.

De Sphondylis. CAP. CII.

**S**phondylos inter Concharum genera Columella annumerat. Apuli & Siculi uocant Spondylos. Græci Gaidarupoda, hoc est, pedem asini, quòd asini pedis speciem similitudinemq; gerat. Huius extimæ partes scabræ sunt, intimæ uero leues & candidæ. Duabus Conchis constat, atque ex posteriori parte uertebri quibusdam continetur, unde nomen traxisse opinor, Massilienses Hostia appellant.

De Testudinibus. CAP. CIII.

**T**estudinum genus est multiplex, aliud marinum, aliud Lutarium, quod etiam Mus aquatilis appellatur, in dulci aqua uersantes: Aristoteles *Ομυς*  
E c 2 das,

das, siue Emidas appellat marinæ testudines Conchulas petunt, os enim omnium robustissimum habent: oris robore nullum non frâgere siue lapidem, siue quiduis aliud possunt.

De Mustella.

CAP. CIIII.

**M**ustellam aliam ab ea esse quam Perotus prius Lampetram existimauit, Aelianus describit, cum inquit, Mustellâ breuis piscis, nullam cum Mustello communitatē habet: nam hic quidem cartilagineus est, & pelagijs, & magnitudine præstans, simul & Canis speciē similitudinemq; gerit: Mustellam uero diceret esse Iecorinum. Pupillæ oculorum ad cæruleum colorem accedunt, illius quasi mentū quàm Iecorini maius est, & minus quàm Chrcmytis: Algas depascitur, & saxatilis est. Mafsilienses & Ligures Mustellam appellant piscem marinum non è genere longorum, qui sane pinnam in dorso ex pelle molli habet, ad caudam pertinentem: atque alteram in ima corporis parte, similiter cuticula perpetua ad caudam usque constantem. Vidi fluuiatilem piscem, huic omnino similem, quem Lugdunenses uulgò uocant Lotam. Huiusmodi uterq; piscis iuxta brâchias utrinq; pinnas habet cuteas, & in labro inferiori unicum solum: uterq; etiam in guttore pinnas quasdam habet, similiter & in utroq; opimus uenter est, & terræ Mustellæ ambo similitudinem quandam habent. In utriusq; capite lapillos inueni. Plinius cum inquit, Proxima est his mensa generis duntaxat Mustellarum

stellarum quas mirum dictu inter alpes lacusq; Rhetiae Brigantinus æmulas marinis generat, hoc est, cum sint marinæ, & fluuiatiles, & palustres Mustellæ: solæ illius generis quas lacus Brigantinus gerat, dignitatem habent: nam fluuiatilis lauti cibi est: marinam uero nõ boni cibi esse percepi. Mustella quam Aufonius describit huic magis quàm lampetræ similis est, cum ait:

Quæq; per Illyricum per stagna binominis Istri,  
Spumarum indicijs caperis Mustella natantum:  
In nostrum subuecta fretum: ne lata Mosellæ,  
Flumina tam celebri defraudarentur alumno.

Quis te naturæ pinxit color? atra superne  
Puncta notant tergum, qua lutea circuit iris,  
Lubrica cæruleus perducit tergora fucus.  
Corporis ad medium fartim pinguescis: at illinc  
Vsq; sub extremam squallet cutis arida caudam.

Hæc quam dixi Lotam squammis caret, & corporis  
ad medium fartim pinguescit, lutea iris huius corpus  
distinguit, atra puncta superne notant tergum,

De Sargis.

CAP. CV.

SArgus Canthari piscis speciem similitudinemq;  
Sgerit, neque modò Malsilienses, & Ligures, sed  
omnes quas obiui regiones, Sargū uulgò nomināt.

De Sparo.

CAP. CVI.

SParus pisciculus marinus Auratæ parvæ speciem  
Similitudinemq; gerit, aurea supercilia excipio:  
Malsilienses corruptè Sparum appellant.

Ee 3 De

De Cantharo.

CAP. CVII.

**C**antharus piscis marinus Sargo similis : Malsis  
 Clenses etiam nunc Cantharum uulgò , Ligures  
 Tamidum, Græci corruptè Scatarum nominant.

De Aci.

CAP. CVIII.

**B**elona, siue sicut Dorion ait, Raphis, quam Latini  
 Bacum conuertunt, longus piscis, & tenuis: rostro  
 longo, & acuto: dorso cæruleo, & uiridi: uentre ar-  
 genteo, ubiq; gentium nomen retinet.

De Aphyæ.

CAP. CIX.

**A**phyæ multiplex est genus, alia Encraulos genes  
 rat. Cum Græco cuiusdam eas, quas Anchoias,  
 siue Amploias littus Ligusticum & Gallicum nomi-  
 nat, ostendissem: summa asseueratione appellabat  
 Lycostomos. Aelianus eisdem esse ait Encraulos &  
 Lycostomos. Aliud genus Aphyæ est, quod ex Mæ-  
 nis, & Mugilibus procreatur. Phalerica Membras-  
 das gignit. Item alia species quã Aristoteles Aphron,  
 Athenæus & Oppianus Aphritin, quod ex spuma  
 maris, non semine nascatur: Nam Aphyæ ortus spu-  
 ma appellata ex terra sabulosa cõstat: quod quidem  
 genus nullam accretionem habet, nec quicquam gi-  
 gnit. Aphyam Plinius Apuam, Theodorus Apluam  
 uertit, adeo pusilla est, ut ij, qui Niceam incolunt,  
 Nonnatam appellent, quasi nõdum natam, id quod  
 Græcum nomen significat. Ligures testantur piscicu-  
 los perparuulos, quos lanquetos nominant, effici  
 Sardinæ.

De

## De Atherina,

CAP. CX.

**A**therina congregabilis pisciculus. Nullus fuit ex Græcis quotquot ostendi (in finitibus enim lanuæ & Malsiliæ ostendi) quin statim Atherinam appellaret. Malsilienses Sanctetos uocant : Theodorus Aristam conuertit. Est aliud Atherinæ genus quod trās uersum in uentre habet aculeum, unde arbitror Atherinæ nomen traxisse.

## De Dentice.

CAP. CXI.

**S**ynodontes, & Synagrides, Latine Dentices dicuntur : tam similes sunt, ut Ligures, & Malsilienses utrosq; Dentices, contra Græci, eisdem utrosq; Synagrides nominent. Hiccecius dicit Pagrum, Chromin, Anthiam, Synodontem, & Synagridentem similes esse.

## De Thymo pisce.

CAP. CXII.

**A**elianus piscem Thymum, sic nuncupatum, scribit in Ticino flumine Galliæ transalpinæ procreari, eumq; ad cubiti magnitudinem accedere, & Lupi, & Mugilis communem & mediam speciem similitudinemq; gerere, eiusdemq; capti odorem magnam admirationem habere : Non enim ut cæteros pisces pisculentum quendam odorem mittere, imo uero, sicut idem ait, existimares te gentilem herbam recentem ex terra lectam manibus tenere. Equidem ipse huiusmodi uerbis Aeliani admonitus, cum ad Ticinum peruenissem, ab accolis diligenter etiam atque etiam inquisiui, num quempiam pis-

Ec 4 scem

scem haberent, quem Thymum nominarent. Responderunt, in hoc fluuio sæpe capi solere piscem, quem uulgò Temerum, siue Temelum, hoc est, Latine Thymum nuncuparent: cuius adipem auribus salutare multi piscatores conditum seruarent, quem suaue quiddam olore testabantur. Ego cum piscatorem ad hunc ipsum capiendū misissem, diemq; unum expectassem, isq; ad uesperam, quoniam ad piscandum tempestas idonea non esset, nihil attulisset, postridie discessi.

De Gladio.

C A P. C X I I I.

**G**Ladius à nostræ ætatis Græcis etiam recte Xiphias appellatur: Malsilienses piscem imperatorem nominant, quod gladium ueluti imperatores pisci gerant. Idemq; alium piscem Spatam ex eo appellant, quòd eius cauda gladij speciem similitudinemq; gerat. Itaq; cum audies in prouincia Narbonensi nominare Spatam, non existimes esse, quem Itali Spatam piscem appellant, sed alium hunc, quem modò dixi: eius rostrum leuiter in ensẽm procedit, non minus durus hic quàm ferrum existit: Dentibus & squammis caret, aspero corio ut natio canum obducitur: quadruplicibus est branchijs: pinnam, ex membrana constantem, in dorso habet: adeo hebetibus aculeis, ut ossicula diceres intertexta. Hunc piscem Galeotem Strabo appellat, quem etiam & Casnem marinum, & Thurionem, & Tomum thuriarum quidam opinantur.

De



## De Cinædo, CAP. CXIII.

**P**linius dicit Cinædū solum piscem luteum esse. Is quem Massilienses Cenudum appellant, quiddā luteum habet, sed & alij pisces, quare nihil iudico.

## De Aulopio, CAP. CXV.

**C**um suprā in eo opere, quod uerti ex Aeliano, Nicandro, Oppiano, & alijs Græcis nondū conuersis, satis dilucide docuerim, quis sit Aulopios, non hic ibidē rursus repetā. Græci etiam nunc Aulopion uocant. A Neapolitanis de piscatore probouiro accipi piscem quendam uocari Aulopenā: sed cum hunc non uiderim, neque ille mihi quantislibet propositis præmijs uno toto mense piscem capere potuerit, certi nihil tibi repræsentare possum: hoc tantum adscripsi, ut qui Neapoli uersantur docti, aduertant num recte Aulopenam uulgò nominent.

## De Siluro, &amp; Glanio diuersis piscibus.

## CAP. CXVI.

**A**elianus scribit, in Bubasto Aegyptia stagnū esse, ubi cicures permulti Siluri alantur, & exultātes alij in alios saliant, & obiecto ad se nutriēdos pane pascantur: eosdemq; ait etiam in fluminibus procreari, ut in Cydno Ciliciæ fluuio: sed eos quidem minutos prouenire, quòd eius cōfluens nitidus & frigidus sit, quo ipsi non delectātur, sed turbido potius, ac planè limoso gaudent, & pinguescūt: & Pyramus quidem,

Ff atq;

atq; Sarus Cilices fluuij eos longe pleniores ferunt: tum Orontes Syrorum amnis: itemq; Ptolemæus fluuius, & Apamiense stagnū maximos generant. Idemq; Aelianus cum docet quemadmodū Istrianus Silurus capitur, uidetur dentatum significare, cum ait, Hamū aslo tauri pulmone instructum ad illiciendū Silurum deiecit, & linea ad quam alligatus est hamus, quantū satis est, plumbi ad moderandum tractum appendit, ubi Silurus bubulæ escæ sensum percepit, statim escā appetens, hamum incaute deuorat: quo transfixus, ex eo euadere cupiens, omnibus uiribus funem bene robustum exagitat, & uexat, & omni uirium contentione in altitudinem deprimit. Aelianus non eosdem esse dicit Silurum & Glanum, cum inquit, Glanis piscis incola Meandri, & Lyci Asiorum fluminum, & Europæi Strimonis, speciem Siluri similitudinēq; gerit: ex piscibus suorum scetuum amantissimus est, nam simul ac scemina peperit, cura quidem illa de partu suo liberatur, ac nimirum cubitans suorum tuitione exoluitur. At uero mas se assiduū præstans custodem, ad conseruationem eorum quæ procreauerit aduigilat, & eos ex omnibus insidijs prohibet: atque, sicut Aristoteles inquit, hamum exedere & conficere potest. Itemq; Pausanias non hos esse eosdem designare uidetur, cum dicit, Feras in perniciem hominum non ferunt Græcorum amnes, quemadmodum Indus, & Nilus: præterea Rhænus, & Istrus, Euphrates, & Phasis. Hi enim feras, similes Glanij, hominum

hominum deuoratoribus, in Hermo, & Meandro uersantibus, procreant: excepto colore nigriore, & robore; nam his Glanij inferiores sunt, Athenæus inter pisces Nili Porcos, & Siluros numerat. Non igitur solus Theodorus errat, dum semper Glanium conuertit Silurum: uerum etiam Plinius, cum ait, Silurum marem solum omnium piscium edita custos dire oua, sæpe quinquagenis diebus ne absumantur, aperte Siluro attribuit, quæ Aristoteles Glanio propria esse dicit. Cum tamen Plinius sæpe aliàs in commemoracione medicinarum Glanis & Siluri, tanquã diuersos ponat: atque etiam uno eodemq; capite primo medicinas Siluri, deinde Glanis commemorat. Idemq; libro nono dicit, Glanium auersum mordentem hamum non deuorare, sed esca spoliare: Aristoteles contra hunc deuorare. Quamobrem cum in hoc pisce non satis sibi constare Plinium uideam, malo sequi Pausaniam, & Aelianum. Jam si Plinius uerum dicit, cum Silurum hominum & eorum deuorantem facit, aperte liquet Sturionem neque Glanium, neq; Silurum esse, cum horum uterq; dentatus & hamifragus; Sturio uero dentibus careat.

## De Chalcide,

## CAP. CXVII.

Chalcidis, quam Ericam mihi uideri Theodorum non recte conuertisse ostenderem, si uel iam mihi otium esset, uel multũ ad rei notionem interesset. Ari-

Ff 2 stoteles

stoteles quidem inter fluuiatiles mentionē facit : Op-  
 pianus uero marinā facere uidetur: Athenæus Chal-  
 cides & Thrissas & Sardinias similes esse dicit: Oppia-  
 nus semper in Thrissæ commemoratione etiā Chalcid-  
 dis meminit : & similiter Columella, cum inquit , pis-  
 cibus in piscinis præberi cōuenit, Tabentes, Halecu-  
 las, & salibus exesam Chalcidē putremq; Sardinam.  
 Ego nō audeo eas appellare neq; Anchoas, neq; Mes-  
 letas, neq; aliā ex ijs quas uulgò uocamus Sardinias:  
 sed tandiu meum iudiciū sustinebo , quoad rem mes-  
 lius inquisero : neq; ob aliam causam Chalcidis no-  
 tionem meā implicatam hic ibidē profiteor , nisi ut si  
 mihi maior facultas inquirēdi non permittatur, harū  
 rerum studiosos ex mea ignorance admoneā , & ins-  
 citem ad exploratoriē nouitiā. Cum ex Græculis pis-  
 scatoribus percunctarer , quasnam putarent Chalcid-  
 das, & tandem quispiā dixisset , à suis ciuibus accolis  
 Acheloi fluuij hac ætate Nungrias nuncupari, etiam  
 atq; etiā diligenter rogauī, ut mecum ad piscariā profi-  
 cisceretur: sed cū ibi nullas inuenissemus, in aliū dicm  
 rem distulimus: hic interea paucis post diebus, me  
 nihil tale cogitante , cum in Græciam reuertisset, in  
 pristinam dubitationem reuolutus sum. Veruntas  
 men cum sit Thrissis, & Sardinis similis, non esse pos-  
 test, ut falso Merula putat, è genere Rhomborum.

De Scorpione, & Scorpena,

C A P. C X V I I I.

Cum

**C**VM Scorpio, & Scorpena eiusdem generis sint, multū tamen & colore & bonitate differūt. Nam Scorpio rufus & pelagius est, Scorpena nigra & littoralis, & cibi suauitate longè Scorpione inferior: quod ipsum non modò ex antiquorū conscriptione accepi, sed certa palati sapientia expertus sum. Iam porrò nonnullæ regiones Italiæ utrumq; Scorpenā appellant: & Græci à uero nomine aberrarūt: nam utrūq; Scorpionem appellāt: Malsilienses ut nondum cessant recte Scorpenam appellare, ita parū Malsilicè Scorpionem uulgò Rascallam nominant. Secundum Pasticinam & Draconem nihil in mari uenenatius: etenim in dorso & branchijs bene acutos & robustos habet aculeos, quos si Syrontinus uidisset, nō à similitudine terrestriū nomē duxisse scripisset, sed ex eo potius quòd quemadmodum terrenorum aculei, sic horum perniciosi sint, nuncupatos esse.

## De Gobionibus.

CAP. C XIX.

**G**obiorum multiplex est genus, alij palustres, alij saxatiles, uulgò Goatæ uocati, quos Cothonas, sicut Nicander inquit, Siculi appellant: quosdam alios Gobioni saxatili propemodum similes: Aristoteles Cottos nominat, quos adhuc nonnulli Coranos nuncupant.

## De Citharo,

CAP. C XX.

Ff 3 Malsi

**M**Assilienses cuiusdam piscis , quem unum aut  
 alterum in omni uita tantum cæpissent, cuiusq̃  
 nomen ignorarent , mihi formam adumbrate desig  
 gnarunt, qualem ex Aeliano supra Cithari pis  
 cis descripsimus : eundemq̃ similiter  
 Rhombo similem testati sunt, ut  
 Galenus dicit, & Aelianus  
 etiam addit Lingu  
 lace similitu  
 dinem ge  
 rere.

F I N I S.

Privilegij tenor,

Cavit regia Maiestas, ne quis in hoc amplissimo Francorum regno hanc de animalium vi & natura historiam intra triennium ab hac ædicatione, præter nos, imprimat, siue alibi impressas uenundet, sub pœna confiscationis omnium librorum contra hoc editum & mandatum impressorum, & in super arbitraria: in cuius rei iustificacionem datum est nobis diploma authenticum, sigillo regio munitum, sicq; subsignatum,

Barrillon.





INDEX ANIMALIVM,  
quorum historia in hoc opere  
describitur.

T E R R E S T R I A.

<b>A</b> gnus	pagina 170	Chelydrus	160
Amphisbena	pag. 162	Ciconia	145
Aper	148	Cochlea	216
Aranei	223	Coluber	262
Araneus mus	225	Crocuta	143
Aries	165	Cuniculus	202
Asinus	119	Cynocephalus.	172
Aspis	145, 247	Dipsas	260
Basiliscus	247	Dorcas	161
Bifon taurus	115	Dryina	260
Bos, Taurus, Vacca	102	Elephantus, pagina 1.	439
Bubalus	158	Equus	88
Bufo	223	Felis	188, 203
Camelus	138	Formica	217
Camelopardalis	139	Hæmorrhous	261
Campe uermiculus.	223	Halce	180
Canis	63	Herina cci	212
Capra	162	Hinnulus	157
Capræ feræ	158	Histrix	172
Catoblepon	175	Hydra	263
Catazonus	177	Hyena	142, 263
Cemas	161	laculus serpens	263
Cenchryne	257	Ichneumo	184
Cepus	182	Lacertus	267
Cerastes	257	Lco	40
Cercopithecus	190	Lepus	196
Cervus	150	Lupus, ac lupos; genera.	119
Chalcida serpens.	265	Manticora	175
Chameleon	178	Monoctros	177

Gg

I N D E X

Monops	180, 181	Tharandrus	179
Mulus	135	Tigris	137
Mures	205	Typhlops, siue Typhlena	263
Mustella	211	Vacca, Taurus, Bos	102
Natrix	262	Vespa	191
Onager	132	Vipera	214, 252, 355, 356
Onocentaurus	134	Vpupa	145
Oryx	129, 170	Vrus	179
Oues	166	Vulpes	191
Pardalis	56	Vulpanfer	145
Parias serpens	265	Vrlus	125
Phalangium	215		
Poephagi	181	A Q V A T I L I A.	
Porphyrus serpens	266		
Præster serpens	264	<b>P</b> iscium diuifio	402
Rhinoceros	141	Pisces Nili	403
Rubeta rana	215	Pisces hieropolitani	404
Salamandra	268	Piscium coitus	404
Satyri	174	Piscium partus	405
Scarabeus	217	Pisces nō omnes muti	405
Scarabeus pilularius	216	Piscium sedes diuerse	406
Sciurus	212	Pisces aqua dulci in mari	
Scorpius	226	aluntur	407
Scythale	264	Pisces fossiles, ac uaria pisciū	
Sepedon serpens	264	genera	407
Seps serpens	265	Piscium uaria natatio	410
Serpentes	229	Pisces quomodo in summa	
Simia	187	hyeme se tepesciāt	410
Simiulpa	191	Pisces in feruenti aqua uiuē	
Sphinx	184	uentes	412
Subus	182, 183	Pisces Armeniae	415
Suillum pecus	145	Pisces Taprobanae	416
Talpa	203	Accipiter marinus	374
Taurus, Vacca, Bos	102	Acus piscis	319
Testudo	214	Adonis piscis	319

Aetneus

I N D E X

Actinets piscis	320	Echius piscis	358
Anguillæ	322	Ellopis	317
Antæcorum natura	418	Engraulis, siue Engraulichos	
Amia piscis	320, 321	lis	330
Apua	324	Epathus	359
Aries marinus	281	Equi fluitatiles	331
Armenia piscis	415	Exocoetius	319
Afellus marinus	324	Fiber	400
Aspargus	325	Glanis	332
Affacus	381	Glucus	333
Athia piscis	323	Grus marinus	333
Aulopius	318	Hamerocita	334
Aurata	325	Hieropolitani pisces	404
Balena	270	Hippocampus	336
Callionymus	326, 334	Hirundo marina	374
Cancer cursor	384	Hyena piscis	336
Cancer	385	Hygrophenix piscis	335
Cancelli pisces	385	lulides pisces	338
Canicula marina	310	Leo marinus	383
Canicula fluitatilis	310	Lepus marinus	338
Cantharus marinus	377	Locusta marina	382, 343
Capito	326	Lolligo	340
Castor	400	Luna piscis	348
Ceti maximæ	270	Lupus marinus	349
Chamae	387	Melanurus	350
Charax	335	Merula marina	352
Cochleæ ponticæ	388	Mugiles pisces	355
Cicada marina	328	Mullus	354
Citharus	329	Muraena	355, 356
Conchæ maris rubri	389	Mus marinus	357
Conchæ margaritifera	390	Mustellus piscis	374
Crocodylus	297, 419	Myrion	358
Delphinus	283, 320	Nauta, siue Nautilus	311
Dentiscus	329	scis	389
Draco marinus	330	Nerite	386

I N D E X

Nili pisces	403	Simia marina	367
Orcynus	358	Spongia piscis	399
Orphus	358	Squatina	382
Ostrea	392	Squilla	379
Ouis marina	359	Stella marina	399
Oxyrynchus	359	Taprobanæ pisces	416
Pagrus	361	Testudo	395
Pagurus	386	Thymus	368
Pardalis piscis	361	Thynnus	304
Pastinaca	379	Triffa	368
Patellæ	392	Torpedo	336, 368
Pelamis	361	Trachurus	336
Periscus marinus piscis	363	Tritones	277
Phyfa	363	Trocta	370
Phyllalus	363	Turbo piscis	385
Physeteres	274	Vermis Indicus	401
Pinna	393	Vitulus marinus	371
Polypus	341, 382, 383	Vrtica piscis	312
Pompylus	364	Vulpes marina	374
Purpura piscis	393	Xiphia	375
Raja	379		
Rana piscatrix	378	V O L V C R E S,	
Rana marina	378		
Ranæ Seriphicæ	413	<b>A</b> Accipiter	434
Ranarum coitus	414	Alcedo auis	474
Rana Aegyptia	414	Anas	495
Remora	365	Anser	443
Rotæ cete	281	Apes	512
Sagittarius piscis	335	Aquila	423
Sargus	315	Asteria	470
Scarus	313	Asylus	511
Scolopendra	312	Attagenes	445
Scombrus	366	Autum pugna	505
Septa	340, 347	Aues musicæ	525
Silurus	307	Aues caspij maris	504
		Aues	

I N D E X

Aues magnitudine ceruorum	504	Horion auis	501
Auis uenatrix	489	Ibis	475
Caprimulgus	470	Locustia	521
Carulus auis	474	Luscinia	477
Catreus auis	506	Lutea	478
Cela	507	Meleagrides aues	508
Cercion	507	Memnonis aues	509
Charadrius	479	Merops auis	500
Cicada	513	Miluus	493
Ciconia	463	Monedula	493
Cincedula	478	Motacilla	479, 507
Cinclus	479	Musca	521
Cinamomus auis	480	Noctua	483, 493
Cyanus auis	479	Otis auis	497
Cygnus	442	Otus uolucris	498
Columbae	480	Palumbes	483
Cornix	483	Parnopes aues	510
Coruus	485	Passer	487
Coturnix	462	Passer marinus	439
Cuculus	466	Pauo	450
Dacnades aues	480	Pelicanes	488
Diomedea auis	499	Perdix	453
Fucus	520	Phattage auis	510
Galgulus	479	Pica	492
Gallus	447	Picus martius	491
Galinaecus	446	Platea	488
Gallinaeae Indici	447	Pyrausta	525
Gallina	449	Porphyrio	452
Graculus	447	Psittacus	502
Gryphs	431	Scopes aues	500
Grues	467	Syroperdix	462
Halciones	474	Spinus auis	491
Harpa	493	Stryphalides aues	510
Hirundo	471	Struthiocamelus	441
		Struthio	439

Tabanus	521	Volucris Caspia	506
Tarda auis	497	Vulpanfer	490
Tetrax auis	511	Vpupa	498
Turtur	488	Vultur	432
Vespa	522		

R E P O N E N D A I N H I S T O R I A  
animalium, quæ typographos  
fecellerant.

In epistola ad regem Francorum pagina 4. uersu 7. lege, ad nouam commentationem, In eadem epistola pagina 5. uersu 14. lege, quam tantam sen. Item pagina 8. uer. 26. lege, eruditis collocutionibus mensarum, In ipso opere pag. 13. uer. 18. lege, sua stirps, Pagina 91. uer. 22. lege, carent pilis in palpebris infer. Pag. ea. uersu 14. Quia pili equi in gena. Pag. 33. uersu 17. lege, afferre studebat. Pagina 36. uersu 15. lege, ille tamen, Pag. ea. uersu 16. lege, sua remittens, Pag. 38. uersu 1. lege, pals meta. Pag. ea. uersu penult. lege, eque deformarit. Pag. 56. uersu 10. lege, modo appropinquat. Pag. 60. uersu 5. partim, Pag. ea. uer. 6. partim. Pag. 64. uersu 4. capite leui. Pag. 81. uersu 2. salutem dicentes, lingua huic med. Pag. 108. uer. 13. Herodotus atq; Aristagoras. Pag. 126. uersu 18. paulatim in cõformationem. Pag. 134. uersu 13. lege, non enim eis quæ procr. Pagina 153. uer. 8. priusquàm obducantur. Pag. 158. uer. 22. lege, oculis ravis. Pag. 177. uersu 15. absõnam uocem. Pag. 182. uersu 15. Maius ui Neadum. Pag. 198. uer. 3. æstate uero alioris sedis. Pag. 218. uer. 15. ait se non auditione accepisse. Pag. 226. uer. penult. suis flagellis. Pag. 233. uer. 13. pro rata longitudinis. Pagina 239. uer. 23. corpus circumplicans. Pag. 248. uersu 5. Libycã aspiderunt sua &c. Pag. 253. uersu 14. Heus mi Tragedi. Pag. 259. uersu 11. adhuc tolerabiliter dolentem. Pag. 270. uersu 11. nõ branchijs, sed fistulis. Pag. 279. uer. 16. procluius. Pagina 291. uer. 9. defaltaret. Pag. 294. uer. 7. uxorum natationem, Pag.

E R R A T A.

Pag. 303. uersu 4. præda aberrarit. Pag. 305. uersu 19. simul ut  
 ex specula. Pag. ead. uersu ult. quod speculam. Pag. 314. uersu  
 6. De procreatione Apuaru. Pag. 375. uer. 26. Antacei, per, n.  
 Pag. 400. uer. 4. homo accedit. Pag. 409. uersu 25. subito ma-  
 rinos fluctus in sublime. Pag. 452. uersu 11. treis annos natus.  
 Pag. 457. uer. 8. cupide alijs uescuntur. Pag. 458. uer. 16. pul-  
 uerem infuderunt. Pag. 468. uer. 24. natu grandiores, ut uero,  
 Pag. 480. uer. 14. morficando. Pag. 488. uer. 20. De pele cane.  
 Pag. 495. uersu 5. aquam persequitur. Et uersu 16. eruditæ, &  
 sapienter. Pag. 504. uer. 3. surculum alligant. Pag. 512. uersu 18,  
 Apium quispiam ætatem. Pag. 513. uer. 1. circum apiaria uo-  
 lantes. Pag. 520. uer. 11. domicilia reuolant. Pag. 519. uer. 21. sed  
 teporis deliderio. Pag. 521. uer. 25. Ad Acridophagos. Pagina  
 524. uer. 26. apud Hypanin. Pag. 526. uer. 23. excrementa ege-  
 rere. Pag. 540. uersu 23. Bithyniæ incensibus. Pag. 548. uer. 30.  
 lege, siue Ladanum. Pag. 560. uer. 1. lege, Clauelatâ duro no.  
 Pag. ea. uersu 7. lege, Glorium. Pag. 563. uersu 24. lege, Men-  
 dolam. Pag. 564. uer. 1. lege, Sclaus. Pag. ea. uer. 17. lege, Arẽ-  
 cos. Pag. 569. uersu 19. lege, ut is qui cum uel &c. Pag.  
 572. uersu 24. lege, Malsilienses permultas. Pag.  
 585. uer. 23. lege, Scauron appellat. Pagis  
 na 591. uersu 4. lege, Tanu s  
 dum, Græci  
 &c.







